



1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

HORATII
TVRSELLINI
ROMANI

BT

ESOCIETATE IESV
AVRETANÆ
HISTORIAE, LIBRI
QVINQVE.

AD ILLVSTRISS. D.
ETRVMAALDOBRAN-
DINVM S. R. E. CARD.



BOSTON COLLEGE
374.57

DOMESTIC
LIBRARY

HIGH SCHOOL

MOGVNTIÆ,
pud Balthasarum Lippium, um-
ptibus Arnoldi Mylij.

Cum Privilegio Sac. Casarea Maiestatis.

ANNO, CL. I. 16.

4597

I have the honor
to acknowledge the
receipt of your letter
of the 10th inst.

and in reply to inform
you that the same
has been forwarded
to the proper
authorities for their
consideration.

I am, Sir, very
respectfully,
Yours,
J. H. [Signature]




I am, Sir, very
respectfully,
Yours,
J. H. [Signature]

ILL.^{mo} AC REVER.^{mo} D.

PETRO ALDO-
BRANDINO S. R.

E. CARDIN.

Horatius Tursellinus foelicitatem.

 Vm plurimis maximisque in rebus diuina prouidentia elucet, Card. Ampliss. tum vero precipue in eo, quod parentem suam Deus hominum patronam parentemque constituit. Nam cum humanam imbecillitatem innuerabilibus expositam casibus cerneret, talem ei custodem ac praesidem iam inde ab initio destinauit, quae salutem undique cinctam periculis expedire, vitam veris utilitatibusque bonis cumulare una ex omnibus maxime & vellet, & posset. Matrem quippe suam praepotens ille Deus diuinae maiestatis, potestatisque sociam, quatenus licuit, adsciuit. Huic olim caelestium, mortaliumque principatum detulit: ad huius arbitrium (quod ad hominum tutelam postulat) terras, maria, caelum, n. Juramque moderatur: hac annuente, & per hanc diuina thesauros mortalibus, & caelestia dona largitur. Vt omnes intelligant, quicquid ab aeterno illo, augustoque bonorum

(:.) 2 rum

EPISTOLA

rum fonte in terras profluat, fluere per **MARIAM**
 Ergo, quæ regio? quæ gens? quæ natio est? ubi non illu-
 stratum miraculis, consecratum ædibus, titulis insigni-
 tum **B. MARIÆ** patrocinium existat? Verum inte-
 omnes **B. Virgini** sacras ades in omni genere una em-
 net Lauretana: quæ & fama nominis sui orbem omnium
 terrarum implevit; & per tot iam sæcula in dies ma-
 gis omnium gentium ac nationum concursu, frequen-
 tiaque celebratur: ut cætera **B. MARIÆ** templa sin-
 gularum ferme ciuitatum ac regionum, hæc vero omnium
 gentium ac populorum commune perfugium esse v-
 deatur. Huius igitur siue Aedis, siue Domus historia
 tibi, **PETRE ALDOBRANDINE** potissimum
 dedico, tum communi Societatis nostræ, quam singulæ
 beneuolentia complexus es, nomine; tum meo, qui ean-
 dem ob causam, plus quam pro virili parte egregiæ hu-
 manitati tuæ debere me fateor. Nec vero quisquam
 mirari debet, hanc à nobis historiam Latinis litteris es-
 mandatam. Errant enim (nonnullorum pace dixerim)
 & rem patriæ linguæ studio magis, quam veritate ipsi
 metiuntur, si qui existimant, maiorem historiæ fru-
 ctum ex nostratibus hisce litteris recentibus atque E-
 truscis peripiti, quam ex veteribus illis ac Latinis. Ete-
 nim Etrusca lingua Italiæ fere terminis circūscribitur
 quibus ipsis deinde interpres huius historiæ satisfaciet
 at Latina per omnes propemodum gentes ac natione
 longa

D E D I C A T O R I A.

longe lateq; vagatur: ut Romanus ille sermo etiam am-
 lioribus, quam Romanum olim imperium, finibus ter-
 minetur. Quod si Lauretana Virginis tutela orbis ter-
 ræ regionibus definitur; certe optare debemus, ut eius
 gloria ac fama perueniat, quocumque Christiana religio
 cultusq; penetrauit. Quare Card. Ampliss. eadem beni-
 gnitate, qua nostros homines soles, hoc qualecunque no-
 stri Ordinis munus accipies: & clarissimum PETRI
 ALDOBRANDINI nomen simulcum Lauretana
 historia disiunctissimas quoque terras, ac regiones pera-
 grare patieris: ut idem sit singularis tuæ erga Laureta-
 nam Virginem religionis monumentum, & pi-
 gnus nostræ erga tuum nomen gratæ
 ac propensæ volunta-
 tis, Vale.



C L E M E N S

P A P A V I I I .

Ad futuram rei memoriam.



VM sicut accepimus dilectus filius Horatius Turfellinus Religiosus Societatis IESV, Historiam sacrae Domus Lauretanæ, magno studio & diligentia conscripserit, & in lucem proferre ad piorum fidelium spiritualem consolationem intendat, dubitetque, ne si omnibus huiusmodi Historiam imprimere liceat, illa mendis & erroribus repleatur. Propterea nobis humiliter supplicari fecit, ut in præmissis opportunè providere, de benignitate Apostolica dignemur. Nos igitur eundem Horatium specialibus fauoribus, & gratiis prosequi volentes, & à quibusvis excommunicationis, suspensionis & interdicti, aliisque Ecclesiasticis sententiis, censuris & pœnis à iure, vel ab homine quauis occasione vel causa latis, si quibus quomodolibet innodatus existit, ad effectum præsentium dantaxat consequendum, harum serie absoluentes, & absolutum fore censentes, huiusmodi supplicationibus inclinati eidem Horatio, ut ad decennium proximū, à primæua dictæ Historiæ impressione computādum, nemo tam in vrbe, quam alibi, in toto statu nostro Ecclesiastico nobis, & S.R.E. mediatè, vel immediatè subiecto, Historiam prædictam, tam Latino, quam vulgari Italico idiomate, ac tam in paruo, quam
in ma-

in magno folio imprimere , aut impressam vendere, seu venalem habere, sine speciali dicti Horatij, aut ab eo causam habētium licentia, possit, authoritate Apostolica, tenore præsentium concedimus, & indulgemus. Ac propterea vniuersis, & singulis vtriusque sexus Christifidelibus præsertim librorum Impressoribus, & Bibliopolis, ne dicto decennio durante, in Vrbe, aut alibi, in dicto Ecclesiastico statu, mediatè, vel immediatè subiecto, Historiam prædictam in quocunque idiōmate, sine speciali dicti Horatij, aut ab eo causam habentiū licentia imprimere, aut impressam vendere, seu venalem habere, vel proponere audeant, seu præsumant, sub quingentorum ducatorum auri de Camera, pro vna Cameræ Apostolicæ, ac pro alia dicto Horatio, seu ab eo causam habentibus, ac pro reliqua tertiis partibus accusatori, & Iudici exsequenti; nec non amissionis, & librorū & Typorum omnium prædicto Horatio, seu suis præfatis pariter applicandorum pœnis, eo ipso incurrendis inhihemus; ac dilectis filiis nostris S.R.E. Camerario, ac Sedis Apostolicæ Legatis, Vicelegatis, Gubernatoribus, & aliis Iustitiæ ministris, cæterisque, ad quos spectat, vt eidem Horatio, & causam ab eo habentibus supra scriptis in præmissis efficacis defensionis præsidio assistendum, pœnas prædictas contra quoscunq; contradictores irremissibiliter exequantur, mandamus. Non obstantibus quibusuis Constitutionibus, & ordinationibus Apostolicis, statutis quoque, & consuetudinibus, etiam iuramento, confirmatione Apostolica, vel quauis firmitate alia roboratis, ac priuilegiis, indultis, & litteris Apostolicis

in contrarium præmissorum, quomodolibet concessis, confirmatis, & approbatis. Quibus omnibus & singulis eorum tenores præsentibus pro expressis habentes, hac vice dumtaxat specialiter, & expressè derogamus; cæterisque contrariis quibuscunque. Volumus autem, ut præsentium transumptis, etiam in ipsa Historia impressis, manu alicuius Notarij publici subscriptis, & sigillo alicuius personæ in dignitate Ecclesiastica constitutæ munitis, eadem fides, quæ præsentibus ipsis adhiberetur, adhiberi debeat. Datum Romæ apud Sanctum Petrum sub annulo Piscatoris, die V. Ianuarij, M. D. XCVIII.

Pontificatus Nostri Anno Sexto.

M. Vestrius Barbianus.



INDEX

INDEX CAPITVM

HISTORIÆ LAVRETANÆ

LIBRI PRIMI.

- B**eatæ Mariæ Domus ingenti Picentibus adoptatur. Ca. 14.
 honore in Galilæa colitur, S. Domus cælestibus flammis ce-
 Cap. 1. lebrior redditur. Cap. 15.
 Amisso cultu, diuinitus asportata. Parietes S. Domui profulcimen-
 tur in Dalmatiam. Cap. 2. to adiecti recedunt. Cap. 16.
 Despara monitu agnoscitur, & Cælestia lumina natalem B Vir-
 miraculo illustratur. Cap. 3. ginis diem celebratorem in na-
 Certis hominibus in Galilæam tali eius domo faciunt. Ca. 17.
 missis miraculum exploratur. Recinetenses templum S. Domui
 Cap. 4. circumdant. Cap. 18.
 Demigrat ex Illyrico ingenticum S. Domus à Benedicte XII. Pont.
 luctu Dalmatarum. Cap. 5. Maxim. Indulgentis orna-
 In Picenum aduecta Recineten- tur. Cap. 19.
 sem insidet sylvam. Cap. 6. Aedis Lauretana status Roma-
 E sylvæ transfertur in collem du- nis Pontificibus Auentione se-
 orum fratrum. Cap. 7. dentibus. Cap. 20.
 Ex fratrum colle ob eorum discor- Schismatis diuturnitas S. Do-
 diam demigrat. Cap. 8. mus obfuit. Cap. 21.
 Vestigia locorum, quæ sancta Do- Martinus V. S. Domum Indul-
 mus occupauit. Cap. 9. gentis, & Nundinis ornat.
 Præcipuus locus, situsque admi- Cap. 22.
 rabilis Aedis Lauretana. Ca- Lauretani templi opulentia Eu-
 put 10. genio IV. Pont. Max. Cap. 23.
 Dalmatarum indicio Picentes Lauretana Domus à Nicolao V.
 eam agnoscunt. Cap. 11. Indulgentis augetur. Ca. 24.
 Heremita Picentes ad rem explo- A Callisto III. aduersus Turcas
 randam impellit. Cap. 12. communita S. Domus Barba-
 Sexdecim Siris in Dalmatiam, ros alio vertit ingentis clade
 & Galilæam missis, res explo- percussos. Cap. 25.
 ratur. Cap. 13. Sanitate Pio II. reddita, longo
 B. Virgo Lauretana Patrona à celebrior, clariorque esse cæ-
 (..) 5 pte.

INDEX CAPITVM.

- pit. Cap. 26. S. Domum donis colit. Cap. 12.
 Ab Episcopo Recinetensi lucu- Septennis puella a Beata Vir-
 lenis pradis donatur. Ca. 27. gine ipsa Lauretum adduci-
 Lauretana historia summa à tur. Cap. 13.
 Prapósito Teremiano in ade Circa Vestibulum templi Laure-
 proponitur. Cap. 28. tani ades Pontificia a Iul. II.
 LIBRI SECVNDI. inchoantur. Cap. 14.
Paulus II. pestilentia exem- Aedes Lauretana a Reginis Ne-
 ptus Lauretanā Aedem de- apolitanis aditur. Cap. 15.
 cretis ornatam nouo templo A Leone X. amplissimis decretis
 decorare molitur. Cap. 1. ornatur. Cap. 16.
 Iacobus Franciscanus ab insana- Egregiis ornamentis donisq; de-
 bili morbo, & Damonum op- coratur. Cap. 17.
 pugnatione liberatur. Cap. 2. Sacerdos Dalmata Lauretum
 A Xysto IV. Pont. Vetera decreta Venit sua exta praferens ma-
 cumulantur nouis. Cap. 3. nu. Cap. 18.
 Ingens Turcarum manus Lau- Turcarum incursiones diuinitus
 retana opulencia imminens arcentur. Cap. 19.
 diuinitus fugatur. Cap. 4. Christiani exercitus auaritia e-
 Ab Innocentio VIII. donis coli- luditur. Cap. 20.
 tur. Carmelitanis committi- Lauretum a Leone X. mœnibus
 tur. Cap. 5. cingitur: eximium calatura
 Baptista Mantuani de S. Domo opus orgetur. Cap. 21.
 testimonium. Cap. 6. Clemens VII. decretis, alijsq; re-
 Nobilis mulier e Gallia à septem bus S. Domum ornat. Cap. 22.
 diabolis obfessa liberatur. Architectus sacros parietes per-
 Cap. 7. fodere ausus examinatur.
 Recinetensis ciuitatis donum ob Cap. 23.
 depulsam pestilentiam. Ca. 8. Clemens Lauretana Virgin. ope
 Iulij II. decreta, nouique templi adiutus eam impensius exor-
 molitio: & nobilium dona. nat. Cap. 24.
 Cap. 9. Lauretum excisis nemoribus sa-
 Paralytica mulier nobilis sana- lubrius redditur. Cap. 25.
 tur. Cap. 10. Clemens tribus cubiculariis in
 Iulius II. Lauretanum templum Dalmatiā & Galileam mis-
 absoluit, munitque. Cap. 11. sis, Lauretana Domus migra-
 Iulius à bomborda scitu proscctus tionem explorat. Cap. 26.
 Tres

INDEX CAPITVM.

<i>Tres Viri illustres ex moritu fau-</i>	<i>Duo Caputius fl. Etibus maris</i>
<i>cibus eripsuntur. Cap. 27.</i>	<i>eximuntur. Cap. 5.</i>
<i>F. Leandri de Lauretana Aede</i>	<i>Adolescens ex fluminis Gortice-</i>
<i>testimonium. Cap. 28.</i>	<i>bus eripitur Cap. 16.</i>
<i>Lauretana Aedes plurimis col-</i>	<i>Puella Lauretana e puteo, cuius</i>
<i>tur donis. Cap. 29.</i>	<i>Caietanus e carcere libera-</i>
LIBRI TERTII.	<i>tur. Cap. 17.</i>
A <i>Paulo III. beneficis, decretis</i>	<i>Bassa Turcarum a Lauretana</i>
<i>quo decoratur. Cap. 1.</i>	<i>Virgine sanatus eam donis</i>
<i>Lauretum Recineiensium fidei</i>	<i>colit. Cap. 18.</i>
<i>committitur. Cap. 2.</i>	<i>Aedes Lauretana Illustrum ho-</i>
<i>Contubernium puerorum insti-</i>	<i>minum muneribus augetur.</i>
<i>tuitur, qui Virgini laudes ca-</i>	<i>Cap. 19.</i>
<i>nant. Cap. 3.</i>	<i>Marcellus Ceruinus Card. Lau-</i>
<i>Nosocomium, & Xenodochium</i>	<i>retana Virg. monitu se Ponti-</i>
<i>peregrinis aperiuntur. Cap. 4.</i>	<i>ficem futurum cognoscit C. 20.</i>
<i>Reliquia Aedis Lauretana eius</i>	<i>Aucto Iesuitarum Collegio, Lau-</i>
<i>religionem propagant. Ca-</i>	<i>retana celebritas adaugetur.</i>
<i>p. 5.</i>	<i>Cap. 21.</i>
<i>Calati operis, quo sacra ades cõ-</i>	<i>Lauretana Aedes donis cumu-</i>
<i>uestitur, descriptio. Cap. 6.</i>	<i>latur. Cap. 22.</i>
<i>Templi tholus ruinas agens fir-</i>	<i>A Gallico exercitu cum multo-</i>
<i>matur. Cap. 7.</i>	<i>rum salute celebratur Ca. 23.</i>
<i>Novis Lauretana Aedes donis</i>	<i>Vinensis ciuitas a pestilentia</i>
<i>augetur. Cap. 8.</i>	<i>prohibetur. Cap. 24.</i>
<i>Turma equitum Praefectus cui-</i>	<i>Cacis duobus lumen restituitur.</i>
<i>denti fluminis periculo eripi-</i>	<i>Cap. 25.</i>
<i>tur. Cap. 9.</i>	<i>Nauarchus Genuensis duplici</i>
<i>Paulus III. Lauretanam Aedem</i>	<i>naufragio eximitur. Cap. 26.</i>
<i>bis inuisit. Cap. 10.</i>	<i>Iuuenis innocens carcere, alter</i>
<i>Aedes Lauretana sacellis & cæ-</i>	<i>bis suspensus supplicio libera-</i>
<i>lestibus prodigiis decoratur.</i>	<i>tur. Cap. 27.</i>
<i>Cap. 11.</i>	<i>Sicula mulier ingulata sanatur.</i>
<i>Iulius II. Collegium Societatis</i>	<i>Cap. 28.</i>
<i>Iesu Laureti instituit. Ca. 12.</i>	<i>Genuensis de Lauretana Aede</i>
<i>Cælestes flamma in ipso templo</i>	<i>dubitans malo doctus resipi-</i>
<i>Laureano visa. Cap. 14.</i>	<i>scit. Cap. 29.</i>

INDEX CAPITVM.

<i>S. Domus Violatores diuinitus puniuntur.</i>	<i>Cap. 30. Principua dona Pio IV. Pont. Lau-</i>	<i>Cap. 12.</i>
<i>Expilatores diuinitus comprehensi afficiuntur supplicio.</i>	<i>retumulata, missaue.</i>	<i>Cap. 13.</i>
<i>Cap. 31</i>	<i>Pij V. de Aede Lauretana testimoni-</i>	<i>monsum.</i>
<i>Duo adolescētes Daemonum ser-</i>	<i>Domus Lauretana hospitalitas,</i>	<i>Cap. 14.</i>
<i>uitio eximuntur,</i>	<i>Cap. 32. eleemosynae.</i>	<i>Cap. 15.</i>
<i>Iuuenis in seruitutem assertus a</i>	<i>Pij V. & aliorum Principum do-</i>	
<i>Damone, liberatur.</i>	<i>Cap. 33. na.</i>	<i>Cap. 16.</i>
LIBRI QVARTI.	<i>Alij ab inundatione fluminis, alij</i>	
P <i>II IV. & Card. Vrbinatis stu-</i>	<i>diūm Lauretana Domus</i>	<i>at tempestate maris, ac prado-</i>
<i>ornanda.</i>	<i>Cap. 1. Complures Turcarū seruitio exi-</i>	<i>Cap. 17.</i>
<i>Picentium cura, & B. Virg. tute-</i>	<i>muntur.</i>	<i>Cap. 18.</i>
<i>la Lauretana Domus.</i>	<i>Cap. 2. Laqueo suspensus morti eripitur.</i>	
<i>Conimbricensis Episcopus malo</i>	<i>Cap. 19.</i>	
<i>doctus S. Aedis lapidem resti-</i>	<i>Duo ab ultimo supplicio liberan-</i>	<i>Cap. 20.</i>
<i>tuit.</i>	<i>Cap. 3. tur.</i>	
<i>Relatus lapis magno apparatu, Lauretana Virg auxilium in na-</i>	<i>Cap. 4. uali de Turcis victoria.</i>	<i>Ca. 21.</i>
<i>concursumq; celebratur.</i>	<i>Plures precipitiis ruina periculo</i>	<i>A Gregorio XIII. Indulgentiis &</i>
<i>liberantur.</i>	<i>Cap. 5. suis adornatur.</i>	<i>Cap. 22.</i>
<i>Nauta nauis amissa, B. Virginis Celebritas Lauretana sub annū</i>	<i>Cap. 6. Iubilai.</i>	<i>Cap. 23.</i>
<i>ope seruatur.</i>	<i>Duo viri fulminibus liberantur.</i>	<i>Ioannis Austriaci pietas in Lau-</i>
<i>Dua femina steriles facun-</i>	<i>ret. Aede visenda.</i>	<i>Cap. 24.</i>
<i>dantur.</i>	<i>Cap. 7. Pietas & munificentia Ioanne</i>	
<i>Multis desperata sanitas resti-</i>	<i>Austr. Magn. Duc. Hetruria.</i>	
<i>tuitur.</i>	<i>Cap. 8. Cap. 25.</i>	
<i>Duo energumēni a Vexatoribus</i>	<i>Ducis Lotharingi Vxor paralyti-</i>	
<i>Diabolis liberantur.</i>	<i>Cap. 9. ca Laureti sanatur.</i>	<i>Cap. 26.</i>
<i>Cecis duobus videndi facultas</i>	<i>Duo precipitati ex equo a morte</i>	
<i>redditur.</i>	<i>Cap. 10. reuocantur.</i>	<i>Cap. 27.</i>
<i>Mutis duobus subuenitur, eorū-</i>	<i>Quidam mortiferis plagis acce-</i>	
<i>que alteri lingua restituitur.</i>	<i>ptis sanatur.</i>	<i>Cap. 28.</i>
<i>Cap. 11.</i>	<i>Mater & filia a morte, alij ab a-</i>	
<i>ludis vinculis exemptus bapti-</i>	<i>litis morbis liberantur.</i>	<i>Cap. 29.</i>

LIBRI

INDEX CAPITVM.

LIBRI QVINTI.

<i>Cardin. Vrbinatis, & aliorum Principum dona.</i>	Cap. 1.	<i>restituunt.</i>	Cap. 15.
<i>Lauretani templi cultus augetur.</i>	Cap. 2.	<i>Duobus B. Maria eadem specie, qua Laureti colitur, apparet.</i>	Cap. 16.
<i>Collegium Illyricum Laureti instituitur.</i>	Cap. 3.	<i>Eques Belga insigni miraculo ab hostibus liberatur.</i>	Cap. 17.
<i>Ducis Gioiosa, & Regis Francia munificentia.</i>	Cap. 4.	<i>Surdus aurium & sum recuperat.</i>	Cap. 18.
<i>Alia Francorum Dynastarum dona.</i>	Cap. 5.	<i>Munera Gregorio XIV. Pontif. Virginis missa, aut lata.</i>	C. 19.
<i>Bona Bauaria Ducis, & aliorum Principum Germania.</i>	Cap. 6.	<i>Clementis VIII. Pontif. Max. Indulgentia, & Virorum illustrium dona.</i>	Cap. 20.
<i>Italia Principum dona.</i>	Cap. 7.	<i>Illustrium feminarum munera.</i>	Cap. 21.
<i>S. Domus Violatores diuinitus puniuntur.</i>	Cap. 8.	<i>Dona Christina Magn. Duc. He-truria.</i>	Cap. 22.
<i>Epidauria navis e manibus piratarum eripitur.</i>	Cap. 9.	<i>Sacerdotis Hispani donum miraculo insigne.</i>	Cap. 23.
<i>Lauretum ciuitatis iure, & Episcopalis sede donatur.</i>	Cap. 10.	<i>Armilla B. Virgini oblata sua sponte Christi manibus inseruntur.</i>	Cap. 24.
<i>Card. Gioiosa suum Francia patrocinium B. Virgini commendat.</i>	Cap. 11.	<i>Duo ex mortis faucibus erepti.</i>	Cap. 25.
<i>Cardin. Galli egregia studia erga B. Virg.</i>	Cap. 12.	<i>Homo facinorosus S. Domus aditu diuinitus prohibetur.</i>	C. 26.
<i>Dona Xysto Pont. Lauretum lata, missaue.</i>	Cap. 13.	<i>Quidam a cadis consilio renouatur.</i>	Cap. 27.
<i>Episcopus Hybernus bis Hereticorum manus euadit.</i>	Cap. 14.	<i>Celebritas & maiestas Aedis Lauretana.</i>	Cap. 28.

Finis Indicis Capitum.

AVTHO.

AVTHORES QUI IN HAC HISTO- RIA CITANTVR.

F Albertus Leander.	Codices Lauretani Donorum.
◀ Ambrosius Nouidius.	Chronica S. Francisci.
Annales Flūmenſes, apud Hic- ronymum Angelitam.	Diarium Iulij II.
Annales Retinetenſes apud eundem.	Franciscus Vicciardinus.
Annales Lauretani Raphaelis Kieræ manuſcripti.	Gulielmus Tyrius.
S. Antoninus Archiep. Flor.	S. Hieronymus.
Baptiſta Mantuanus.	Hieronymus Angelita.
V. Beda.	
S. Bernardus Abbas Clar.	Iacobus Vietriacus.
Bernardinus Cyrillus.	Ioannes Villanus.
Blondus.	Iodocus Clitouçus.
Benedicti XII.	
Bonifacij IX.	Nicephorus Calliſtus.
Martini V.	
Nicolai V.	Onuphrius Panuinus.
Xyſti IV.	
Pauli II.	Paulus Æmilius.
Bullæ Iulij II.	Platina.
Leonis X.	Præpoſitus Teremanus.
Clementis VII.	
Pauli III.	Sabellicus.
Iulij III.	
Gregorij XIII.	Victorius Brigantius.
Clementis VIII.	

NO s Ant. Maria, miseratione diuina tit. S. Agnetis in Agone S. R. E. Presb. Card. Gallus nuncupatus, Dei & Apostolicæ Sedis gratia Episcopus Auximanus, Almæ Domus & Ciuitatis Lauretanæ Protector & Guber. perpetuus.

Vidimus & probauimus Historiam Lauretanam R. P. Horatij Tursellini è Societate IESV, in quinque libros distinctam: consentit enim in omnibus cum antiquis traditionibus & scripturis Almæ Domus Lauretanæ. In cuius rei fidem hoc ei testimonium dedimus. Auximi in nostris ædibus Episcopalibus, Die XIV. Maij, Anno M. D. XCVII.

Ant. Mar. Card. Gallus. Lauret. Prot.
& Guber. perp.

EGO Claudius Aquaiua Societatis IESV. Præpositus Generalis, Lauretanæ Historiæ libros quinque à P. Horatio Tursellino compositos, per tres alios Theologos nostræ Societatis, recognosci mandauì: quos cum illi approbauerint, probo etiam, vt possint imprimi, si ita placuerit Reuerendiss. D. Viceregenti, ac Reuerendissimo Patri Magistro Sacri Palatij. Datum Romæ die VIII. Octobris, Anno Domini M. D. XCVII.

Claudius Aquaiua.

Imprimatur.

Alex. Prouicesg.

Imprimatur.

F. Paulus Picus Reuerendiss. Mag.
Sac. Palatij socius.



Ecce Tabernaculum Dei cum hominibus
Jo. Schreyer sculp.

I
HORATII TVR-
SELLINI E SO-
CIETATE IESV

LAURETANÆ
HISTORIAE, LIBER
PRIMVS.

P R Æ F A T I O.

AEDIS Lauretanæ historiam, rem
à multis inchoatam magis, quam
perfectam, à plerisq; auidè expe-
titam, iam diu molior ad nostram
ætatem à primordio euoluere. Vtinam, vt
spissum opus, & operosum fuit, ita operæ-
pretium fecerim. Quippe omnia ferme, quæ
siue Laureti, siue Recineti, seu Romæ, alibi-
ue exstant eius rei monumenta magno la-
bore conquisita oportuit. Ex his quæcunq;
ad rem pertinere videbantur, ita decerpsi,
digessiq; vt iustum corpus efficerent. Et su-
scepti operis curam grauiorem fecit cura
successus. Namq; rem aggredienti nec par-
uæ, nec paucae dictu res occurrebant, quæ
animum sollicitarent, & à proposito deter-
rerent meum. Primum augustissimi huius
facelli origines adeo mirabiles, inusitateque
sunt; vt penè incredibiles videri possint, si
A huma-

humanis rationibus consilia diuina pensetur. Deinde maiorum nostrorum in talibus rebus memoriæ prodendis incuriâ bona subtrahebat materiæ partem. Arrogant porro esse videbatur, in re à pluribus non contemnendis scriptoribus parum felicitè tentata, euentum sperare meliorem. Postremo meę tenuitatis conscius verebar, ne tanti operis molem maiore animo, quam consilio suscepisse existimarer. Præsertim cum ea narrare aggrederer, quæ quia fidè propè modum excederent, differendo fierent minora vero. Itaque timendum videbatur, ne summæ sanctissimi templi famæ detraherem aliquid potius, quam adderem, & superuacaneo labore nihil aliud, nisi reprehensionem prudentium quærerem. Cæterum, ut me collegi; creuerunt animi, difficultatesque cesserunt. Res enim quamui admirabilis, & antea inaudita; usque eo tamen certa iam, explorataque habetur; ut de ea ambigere, ac dubitare sit nefas. Quippe summa cum fide à maioribus, velut per manus accepta deinceps traditur posteris: Ne Illyricis, Recinetensibusque monumentis solum; sed historicorum quoque Romanorumque Pontificum autoritate nixa est. Ad hæc vetustam fidem constans tot ætatum consensus, concursusque omnium gentium adfirmavit. Porro loci religionem incredibilis

bilis tum votorum copia, tum donorum
opulentia insignem facit. Nec vetera magis,
quam noua quotidie illustant miracula.
Vt de tam testata, explorataque re addubi-
tare non possit, nisi qui, aut de diuina vi, ac
prouidentia dubitare velit; aut eximere ex
hominum genere humanam fidem. Enim-
vero si templi Deiparæ incunabulis, Dei-
que conceptu inclyti primordia longe au-
gustiora cæteris enarremus; haud minus
propenso animo cunctæ gentes præcipuum
eius decus probare debent, quàm præci-
puum auxilium probant. Etsi autem maio-
rum indiligentia multarum nobis rerum
adimit copiam; non tamen summæ rerum
adimit facultatem. Namque illi minorum
incuriosi sedulos se in maioribus præbuere.
Itaque si meum hoc qualecunq; munus B.
Mariæ cordi fuerit, vt spero; haud sane diffi-
do, cætera mihi in procliui, atque in expe-
dito fore. Maria fauente, nihil non prospere
cedit. Quod si forte, aut rei magnitudini
pene incredibili; aut expectationi docto-
rum hominum noster hic minus responde-
rit labor; me certè iuuabit memoriæ tam in-
signis miraculi, Deiparæ Virginis gloriæ,
humani generis tutelæ, denique accensis
piorum studiis consultū pro mea virili par-
te voluisse. Cæterum nisi me suscepti operis
amor fallit, non facile alia historia est, aut

miraculis clarius, aut exemplis ditior, aut
vfu frequentior, aut iucundior fructu: Hic
quippe varium, ac multiplex Virginis Lau-
retanæ præsidium: hic præsentem eius in
periculis cuiusq; generis opem: hic omni-
um ferme exemplorum documenta in illu-
stri monumēto proposita intueri licet. Vn-
de tibi, familiæ, ciuitati tuæ, pro varietate
temporum, quod ex vfu futurum sit, petas.
Ac mihi quidem ingens diuinæ beneuolen-
tiæ pignus habere videtur Italia, cui tale,
tantumq; donum inde vsque à Galilæa di-
uinitus est transmissum: vt dubiis in rebus
confidat, nunquam sibi eius tutelam defu-
turam, cuius prædem, vademque à Deo ha-
beat natalem domum. Super hæc tantam
Deus mortalium animis inspirauit huius
loci religionem; vt quicumque ad Laureta-
nam Ædem accedunt, non tam ad ædem
Virginis, quam ad ipsam Virginem adire si-
bi videantur. Et sane hîc Deus Deique ma-
ter miro quodam modo præsentiam suam
declarant. Hinc diuinus ille omnium pe-
ctoribus incutitur horror ad sacrosanctæ
Domus ingressum: hinc illud abeuntibus
iniicitur eius reuiscendæ desiderium: hinc
nobilis illa perditarum profligatarumque
mentium in diuerso mutatio. Quæ quidem
perpetua Ædis Lauretanæ miracula ita eui-
dencia sunt; vt etiamsi deessent alia, quibus
abun-

abundat, cuius facerent diuinæ præsentia
idem. Adeo nemo est, quamuis sceleratus,
ac perditus, qui si Lauretum adeat, non
Deum cum Matre in materno domicilio
præsentem adesse sentiat. Est autem hoc
præcipuum, ac proprium templi Laureta-
ni, ut eius religio, ac sanctitas quotidie ma-
gis efflorescat. Id adeo vel ex celeberrima-
rum ædium B. Virginis, aliorumque Diuo-
rum comparatione facile apparet. Namque
illarum celebritatem cultumque, cum ali-
quamdiu viguerit, paulatim deflorescere
videmus: huius vero maiestatem, quod al-
tissimis sit defixa radicibus, cernimus per
tot iam sæcula, auctiorem in dies fieri, augu-
stiolemque. Sed iam aspirante Deo, Deipa-
raque, quorum totum hoc opus est, quo-
rumque ope maximè nitimur, rem ipsam
ordiamur. Quam quidem eisdem illis fa-
uentibus, non tam scribenti grauem, quam
salubrem legenti, ac frugiferam spero futu-
ram. Verum, & si Lauretanæ historiæ origo
haud ferme supra trecentesium annum
repetatur; altius tamen arcessenda
necessario est; quo tota res à ca-
pite, ac fonte liqui-
dius fluat.

B. Mariæ Domus ingenti honore in Galilæa colitur, dum Christi fides in Palestina viget. CAP. I.

Natalem B. Virginis domum Galilæa Syriæ regio olim habuit. Ibi in oppido Nazaretho illa genita, & educata est. Inibi ab ipsa æternus Deus Angelo prænunciantem conceptus: & salutaria mortalibus Dei, ac Deiparæ vestigia impressa. Nec loci sanctitas, aut ignota piis hominibus, aut neglecta vnquam fuit. Omnium primum satis constat, eam magnum semper nomen, veneratio nēque apud Christianos habuisse: et eius venerationis authores ipsos fuisse Apostolos: ab his quippe Virginalem domum, seu prodendæ posteris memoriæ, seu Christianæ religionis augendæ studio, rite consecratam. Ex eo igitur tempore, & ipsi Apostoli ingenti eam honore coluerunt, & ab aliis pari religione cultam voluerunt. Apostolorum inde authoritas apud posteros valuit. Cæteræque deinceps ætates certatim cœlestis reginæ incunabula, Deique concepti vestigia celebrarunt, qua dignum erat religione cultuque. Itaque anno Post Christum natum circiter C C C. (quo tempore Christiana res, longa pace cuncta refouente sub tutela Magni Constan. florere cœpit.) D. Helena Augusta domicilium Virginis pereleganti ede decorauit. Nam Palestinam per-

*B. Virginis
Domus ab
Apost. con-
secrata.*

*Anna. Flu-
min. apud
Angel.*

*A S. Helena
templo de-
coratur.*

peragrans (vt Nicephorus tradit) cum loca diuinis rebus nobilitata sacris ædibus adornaret, peruenit Nazareth, & salutationis Angelicæ domo reperta, peramanum inibi condidit templum. Ex eo, non solum ab Asianis, Afrisque, sed etiam ab Europæis sacra illa loca solito magis celebrari cœpta: & natale B. Mariæ tectum cœlesti nuncio, diuinæq; sobolis conceptu inclytum à piis hominibus impensius cultum. Argumento est, quod S. Hieronymus Romanæ Ecclesiæ columnen, & B. Paula mulier è prima nobilitate Romana sanctam illam terram lustrantes Nazareth nutriculam Domini (vt Hieronymus appellat) adiere. Tenuit hæc religio multa sæcula. Namque etiam anno à Virginis partu circiter D. CC. cum Hierosolyma Saracenis capta teneretur armis, sacra Syriæ loca, & templum vbi domus erat, in qua Angelus Beatam Virginem salutauit, à peregrinis Europæis visebatur. Huius rei author est Beda ab illa ætate recens. Neque enim adeo iniqua Hierosolymæ, & in Palæstina Christianorum conditio sub Saracenis erat, vt deinde sub Turcis fuit. Hi quippe anno circiter M. L. Syria, ac Hierosolymis potiti Christianū nomen indignis modis vexare cœperunt. Cuius rei fama Vrbanum II. Pont. Max. ad indicendum nouo instituto sacrum bellum accendit. Quo bello

Niceph. lib.
8. cap. 30.

A S. Hieronymo & B. Paula visitatur.

Hiero. epist. 27. ad Eustoch.

Guliel. Tyr. lib. 1. bel. sac.

Beda de locis sanctis.

Guliel. Tyr. lib. 1.

Idem lib. 3.

Paul. Aem. lib. 4. Europæorum, ac præcipue Francorû Principum arma Gothofredi Ducis Lotharingi ductu Hierosolymam, Palæstinamque recepere, anno ferme M. C. Inde quamdiu Hierosolymitanum stetit regnum, viguit *Hierosolyma recepta.* vt cum maxime Sanctorum religio locorum. Inter quæ non postremum locum obtinebant Deiparæ Virginis incunabula. Ergo Tancredus genere Normanus, is cuius egregia virtus sacro bello enituerat, Galilææ præpositus Nazarenam Ecclesiam ingentibus donis coluit. Et eam deinde non magis opulentia, quam loci sanctitas Metropolim fecit. Harum rerum authorem habeo Gulielmum Tyri Archiepiscopum, qui suppar fuit temporum illorum. Quin etiam huius fere æqualis Iacobus Viëtriacus Patriarcha Hierosolymitanus tradit, crebro se Nazarethum religionis ergò perrexisse, ac sæpe in æde, vbi ab Angelo salutata est B. Maria, rem diuinam fecisse, ipso anniuersario Angelicæ salutationis die. Per eadem tempora duo nobilissimi sacrorum militum Ordines nati, Templariorum, & S. Ioannis, vterque destinatus excipiendis tutandisque præcipue peregrinis sacra illa loca visentibus. *Gulie. Tyr. lib. 12. & 13.* *Paul. Aem. lib. 5.* Tantumque valuit huius præsidij fama, vt etiam à transmarinis, transalpinisque gentibus perinde Natalis B. Mariæ domus celebraretur Nazarethi, vt Hierosolymæ sepulchrum,

chrum, Bethlemi cunabula Saluatoris. Sed hæc quies parum diuturna. Saladinus Rex Ægypti Balduinum huius nominis Quintum Regem Hierosolymitanum acie victum cepit. Protinus bellum circumferens Hierosolymam, aliasque circa vrbes, & oppida in ditionem suam redegit; anno ferme XC. quam in Christianorum potestatem venerant. Transmiserunt exinde in Syriam, vel ad Hierosolymam recipiendam, vel ad Palæstinæ possessionem retinendam Conradus Cæsar Philippus II. Franciæ, & Ricardus Angliæ reges cum ingentibus copiis. Cæterum siue hostium insidiis, seu fraude locorum, siue ipsorum discordia circumuenti fractique, irritò incepto domos redierunt. Secutus deinde Federicus II. Cæsar idemque Siciliæ rex, & Hierosolymitani regni titulo nitens. Hic Gregorij IX. hortatu, impulsuque tandem in Syriam transmisit exercitum. Sed amicitia, ac societate cum Ægypti rege inita, Hierosolymam aliasque finitima oppida auro, non armis recepit anno circiter M. CC. XXV. maiore utique fama, quam gloria. Nec diuturna magis fuit, quam gloriosa possessio. Paucis interiectis annis Parthi ab Scythis, seu Tartaris pulsi suis sedibus, inuaserunt Syriam. Hierosolymam nuper à Federico Cæsare resectam solo æquarunt. Igitur Ludouicus

*Paul. Aem.
lib. 4.*

*Paul. Aem.
lib. 6.*

*Paul. Aem.
lib. 7.*

Paul. Aem. IX. Rex Franciæ anno eius sæculi XLV. copias in Syriam traiecit Christianæ rei iam labenti opem laturus. Sed omnis conatus tandem ad irritum cecidit. Pius Rex potius claustris Ægypti (Pelusium olim, tunc Damiatam vocabant) primò multa secunda prælia cum Ægyptio rege fecit: deinde premente lue, cogitur, reddita Damiatam pacem redimere ab hoste. Ad Vltimum cum minus prospero euentu res gereretur in Syria, deportat exercitum. Cæterum ante discessum, ne gratuita foret Syriaca expeditio; aliquem inde si non belli, at pietatis fructum referre statuit. Ergo sacra illa Palestinæ loca perlustrans (vt nonnulli authores sunt) ex Tabori monte Nazarethum inter intendit. Vt primum B. Marię conspexit ædem, strenue equo defilit, procumbit in genua: & venerabundus natalem Virginis domum, ipsamque salutatur Virginem. Inde ad templum progressus pedibus, Dei filium inibi pro hominibus hominem factum, & simul sanctissimam eius parentem enixius veneratur colitq;. Et aderat Grabrielis Archangeli nuncio, Deoque à Virgine concepto facer, ac solemnis dies. Itaque pius Rex (vt eum loci sanctitas, ac sua pietas admonebat) pridie pane dumtaxat, & frigida ieiunat, cilicio quidem ad carnem indutus. Festo autem die rem diuinam solemniter

S. Ludovic.
Domū Vir-
ginis vene-
ratur.
Iodoc. Clis-
son. Ser. de
S. Ludou.

mni cęrimonia, regioq̃ue apparatu celebra-
 ri iubet. Sub sacrificium in augustissima
 Deiparę cella sacrosanctam Eucharistiam
 fumit, magna lacrymarum vi, ingentiq̃; re-
 ligione perfusus. Rarum vtique Christianę
 pietatis in Rege p̃sertim, ad posteros do-
 cumentum. Ex quo coniectari licet, quan-
 to in honore, vel illa tempestate fuerit san-
 ctissima Virginis Domus. Nec verò discessu
 Ludouici Regis extinctum est Christianũ
 nomen, Sanctorumq̃ue locorum cultus in
 Syria. Templarij enim adhuc in fide, & offi-
 cio manebant: & transmarinis subinde au-
 xiliis fulti summa ope tutabantur sacrę ter-
 rę reliquias. Verum enim vero simul gli-
 scentibus in Italia ciuilibus bellis, ex fune-
 stis Velforum Gibellinorumq̃ue factioni-
 bus; simul Anglię, Francię, Aragonię regi-
 bus ad arma ruentibus, destituta ab Euro-
 pęis, concussa à barbaris Christiana res in
 Syria ad vltimum concidit. Ægypti quippe
 Rex Christianorũ Principum dissensionē,
 suam occasionem ratus Tripolim vi cepit,
 diruitq̃; Inde Ptolemaidem celeberrimam,
 frequentissimamq̃ue Phœnicis vrbem, quę
 sola iam in Palęstina pro Christianis stabat,
 obsedit: tandemq̃ue expugnatam ferro,
 flammaq̃; deleuit. Et extitit in barbaris in-
 signe Christiani nominis odium. Ciues ad
 vnum cęsi: muri, ac tecta solo æquata: ad hęc
 ipsa

S Antonin.
par. 3.
Paul. Aem.
lib. 8.
Ioan. Villa.
lib. 7.

ipsa quoque mœnium fundamenta eruta, vt ne vestigium quidem Christianæ rei extaret in Syria. Ita demum amissa Ptolemaidē, pulsi in perpetuum (vt videmur) Palæstinæ possessione sumus, anno à Virginis partu M. CC. XCI. Ex quo indigenæ Christiani partim dilapsi è Syria, partim, vt fit, in dominorum mores prolapsi. Exteri porro, ac peregrini terrore Turcici furoris (nisi auro via aperiatur) exclusi. Ac suprema illa clades veterem sacrosancti sepulchri, quod primas religionis tenebat, cultum haud penitus aboleuit. Inuitat peregrinos opportunitas Hierosolymę vrbis olim regię, nunc præcipuę : cuius propinquitas Christi cunabulorum quoque celebritati fauet. At natalem Deiparę domum in Galilæa sitam interualla locorum, ac deuia itinera, telis Barbarorum infesta haudquaquam aduenarum religioni opportunam faciebant. Quæ causa admirandi, & post hominum memoriam ad eum diem inauditi miraculi fuit.

Amisso cultu in Galilæa, diuinitus asportatur in Dalmatiam. CAP. II.

NAm cum neque ab indigenis, neque ab exteris populis debitus sacrosanctę cellę honos haberetur, non diu passus est Deus sua, Matrisque suę vestigia neglecta inter
Barba-

Barbaros iacere. Eodem quippe anno, quod fuit suprema Palæstinæ clade insignis, Dec dilecta domus è Syria pariter cum religione discessit. Author est Ioannes Villanus historicus eius ætatis sane nobilis, Aprili mense circiter medio anni M. CC. XCI. Ptolemaidem captam. Mense igitur in sequenti eiusdem anni, hoc est VII. Idus Maias, Nicolao IV. Pontif. Max. (vt Illyrici annales perhibent) Deiparæ Domus asportatur in Europam, cladem Orientis tanto Occidentis bono compensans. Sunt qui facultates Ioachimi Patris B. Mariæ spectantes, non tam domum eius, quam cubiculum putent à cætera seiunctum domo. Me quidem haud pœnitet eorum sententiæ esse, quibus simul cubiculum fuisse, & domum Virginis, id est, tecti paterni partem præcipuam, placet. Argumento est (vt de fictilium armario taceam, quod inibi visitur) ianua longè maior, quam pro modo cubiculi à cæteris ædibus separati. Nec Ioachimi fortunæ mouere nos debent. Nicephorus quippe Callistus tradit, Deiparæ Virginis parentes, propter bellicos Iudææ tumultus, ex oppido Bethlemo auita sede, in Galilæam commigrasse: & Nazarethi domicilium collocasse. Vt intelligamus hanc non auitam, sed paternam Virginis fuisse domum, parum fortasse dignam paternis opibus; cæterum, vt tempo-

*Ioan. Villa.
lib. 7.*

*Ann. Flum.
apud Hiero.
Angel.*

*Niceph. lib.
1. cap. 10.*

temporis causa paratam, haud sane incommodam, nec ab antiquæ illius simplicitatis studio abhorrentem. Omnino talis est, ut eximium illum B. Mariæ amorem paupertatis spirare videatur. Sed siue illud cubiculum, siue domicilium Deiparæ fuit; certè ab Apostolis dedicatum (ut suprà diximus) & in templi formam redactum Christiani deinceps excoluerant, ornauerantque. Hæc igitur ædes eius vi, ac potestate, qui ad preces Diui Gregorij Taumathurgi, montem olim sede sua molitus alio transtulit, in gratiam cœlitum Reginæ, à fundamentis auulsa est: atque haud dubio Angelorum ministerio, inde usque à Galilæa (mirum dictu, audituque) per ingentes terrarum, marisque tractus in Dalmatiam translata. Quippe id spatium patet amplius vices centena passuum millia. Tersactum inter, & Flumen, (oppida sunt Dalmatiæ) leniter acclius mons eminèt: quo in summo æquata agri planities sedem efficit peramænâ, Adriatico imminentem mari. Quod olim crebris sædisque tempestatibus infame, ex eo tempore satis mitigatum ferunt: credas Virginem insanos freti illius æstus cellæ suæ obiectu cohibere voluisse; ut vel hinc coniiceremus, quid ipsa effectura esset in mortalium vita, quæ variis quotidie casibus, & quasi procellis agitur. Hic igitur Naza-
rena

rena domus, velut præcipua tutela periclitantium à cœlestibus ministris; Deiparæ iussu, sita est secunda circiter noctis vigilia. Vt primum diuinæ liberalitatis donum accolis lux ostendit; enimuero animos rei nouitate attonitos non admiratio tantum, sed etiam religio incescit. Ergo qui propius aberant, vt quisq; primus rem notauerat, certatim visendi studio accurrunt. Ædiculam conspiciunt fastigiato tecto, & simul camini culmine, simul sublimi tintinnabulo insignem: at nulla re magis, quam vetustate visendam. Protinus limen ingressi prostertere humi corpora: Deum venerari sacro quodam horrore pariter, gaudioq; perfusi. Inde orato Christo, Christi que parente, quorum simulacra cernebant, cuncta otiose contemplari, & perlustrare oculis cœperunt. Sacellum animaduertunt figuræ quadrangulæ oblongæ, è vulgari structum lapide. Tectum perbelle laquearibus concameratum: quod modicis distinctum quadratis, cæruleoq; colore obductum inauratæ stellæ, velut in cœlo quodam intermicantes honestabant. Sub tecto laqueato eminebant vndiq; è parietibus modica specie semicirculi se mutuo contingentes: quos medios pictæ adornabant capedines. Parietes cubitali ferme crassitudine, non ad perpendicularum, neq; ad regulam exacti, loricati tamen opere

*Descriptio
adiu Laure:
qualis intus
erat.*

opere tectorio. Huic superinducta antiquitus pictura ædis ipsius mysteria referebat: quæ superne multis locis hodie manet, infernetēporis vetustate defluxit. Ædis longitudo pedum amplius XL. latitudo minus XX. altitudo circiter XXV. In medio ferme pariete, qui olim, vt reor, faciem obtinebat domus, ianua satis ampla, sed à vulgari vsu haud sane abhorrens. Pro superliminari trabs rudis superiecta est. Ad læuam armariolum miræ simplicitatis asseruandis fictilibus aptum. Ad dexteram in proximo pariete fenestra non magna: è regione fenestræ caminus humilis, tenuisque opere, vt cætera, vulgari. Inibi sublime loculamentum columellis in orbem striatis latera cingentibus conspicuum: arcuque eiusdem operis, quinq; iunctas pariter lunas imitante fastigiatum. In loculamento B. Mariæ stantis, ac puerum IESVM sinistra manu medium amplexantis, dextera sustinentis effigies cedrina ferè bicubitalis. Cuius facies electro argentum referente oblita, sed luminum infuscata fumo. Cæterum illa ipsa infuscatio antiquitatis ac religionis index, impense auget Virginalis oris maiestatem. Gemmata corona sublimē distinguit verticem. Discriminati crines Nazarenorum ritu per nuda colli, & humeros fluunt. Simulacrum stola aurea tegit, latiore zona,
gentis

*Simulacrū
Virg. Laur.*

gentis more, succincta demissaque ad pedes. Palla cærulea stolæ superinducta pendet ex humero: vtraque in eodem trunco cælata picta; Insiſtit maternę dextræ puer IESVS mortali ſpecie auguſtior, diuinæ cuiusdam maiestatis indolem vultu præferens. Priores dextræ digitos, benedicentis in morem tollit. Sinistra aureum tenet globum. Et ipſe diſcriminato capillo, tunica talari, zonaq; Nazarenum habitum refert. Ante Deiparæ effigiem, ara ſolido è ſaxo quadrato viſitur ſpirans ſanctitatem. Dalmatæ igitur cuncta per otium contemplati, & ſi quid tandem rei eſſet ignari; comuni tamen conſenſu ita ſtatuunt, quicquid ſit; proſecto donum id eſſe diuinum. Neq; enim Ædem illam repente humo excitatam, ſed aliunde, Dei nutu ac voluntate vtiq; aduectam. Igitur inde digreſſi, vt quiſque obuius ſit, ab ſe viſa commemorant. Nec mora, mortalium plerique, atque in his ægrorum nonnulli ad nouum tantæ rei ſpectaculum confluere: aliquid inde opis expectare. Nec ſua eos ſpes fefellit. Loci religio ſanis corporibus mentis ferè ſanitatẽ, egris etiam morborum curationem impertiebat.

*Deipara & admonitu, eius Domus agnoscitur,
& evidenti miraculo illustratur.*

CAP. III.

*Ann. Flum.
Hier. Ange.*

*Alexander
Tersactensis
Antistes.*

Celeriter Tersactum, ac Flumen prodigiosi facelli fama perlata valentes ad visendi cupidinem, ægros ad spem valetudinis accendit. Alexander erat sacrorum Antistes in æde S. Georgij Tersactensis, vir antiqua probitate, æquè Deo, & hominibus charus. Is longinquo, grauique implicitus morbo iacebat: iamque exigua in spe trahabat animam, cum peropportune à familiaribus de diuina illa æde fit certior. Ex templo ingens animum eius cupiditas cepit hauriendi oculis tanti miraculi voluptatem. Cæterum vrgente morbo, deferri eò sine certo vitæ periculo nequibat. Igitur hoc ægrius febris estum patiebatur, quod affecta membra impetum animi haudquaquam sequebantur. Nec tamen deseruit se. Deipara effigiem simul cum diuina illa ædícula delatam acceperat. Itaque B. Mariæ facellum haud falso esse ratus, impense eius implorat opem: votum nuncupat non magis salutis recuperandæ auidus, quam cœlestis illius doni diuinitus cognoscendi. Intempesta nocte, somnum inter, & vigiliam, Dei parens repente cœlo delapsa, cœlestibus latera tegentibus, se illi obtulit: cubiculumque omne clarissima luce compleuit. Mox

beni-

*B. Maria
Alexandro
apparet.*

benigno vultu, Bono animo, inquit, esto fili. En vocata adsum præsentem tibi opem, optatæque rei notitiam ferens. Sic igitur habeto, sacram ædem vestris nuper illatam finibus, illam ipsam esse domum, vbi ego olim genita, vbi ferme educata sim. Hic ego Archangeli Gabrielis nuncio, Spiritus sancti opera, diuinam concepi sobolem. Hic *Verbum caro factum est*. Ergo post nostrum excessum, domum talibus mysteriis insignem Apostoli consecrarunt, celebraruntque certatim rem diuinam inibi facitantes. Ara pariter cum æde allata ea ipsa est, quam Apostolus Petrus sacris initiauit. Christi crucifixi imago, quæ cernitur, olim ab Apostolis inibi posita. Simulacrum porro cedrinum effigies nostra est Lucæ Euangelistæ manu, qui pro familiaritate, quæ illi nobiscum intercesserat, nostram similitudinem coloribus, quantû mortali fas erat, expressit. Hæc igitur dilecta cœlo domus per tot ætates in Galilæa maximis honoribus culta, nunc demum deficiente cum fide cultu, ex oppido Nazaretho ad vestras migravit oras. Nec dubia fides. Deus facti author, apud quem *impossibile non est omne verbum*. Ceterum vt horû tu ipse sis testis idem, præcoque; sanus esto. Tua ex lōginquo morbo subita valetudo fidem miraculi faciet. Hæc effata sublimis abit in cœlû, cœlesti quodâ

*Alexander
sanatur.*

odore in tectis relicto. Id verò non ludibrium sopitæ, aut ægræ mentis, sed veram fuisse speciem, rei ostendit euentus. Protinus Antistes mista pauori lætitia euigilans, totus sudore fluere cœpit: depulsaque repente febris, valens, ac vegetus surgit è lectulo. Mox non magis valetudine, quam Nazarenæ domus indicio lætus submittit genua; & oculos pariter, manusque in cœlum tollens Deo, ac Deiparæ Virgini pro duplici beneficio multiplices grates agit: tantum donum sibi, patriæ, gentique suæ gratulatur. Inde simul illuxit, præ gaudio gestiens in publicum prodit: & decori oblitus, homo id ætatis, authoritatique lymphato similis per vicos, per plateas, per compita cursare cœpit, nocturnum visum (vt quisque obuius erat, seu notus, siue ignotus) exponere: Dei, ac Deiparæ donum, vel proprium, vel commune passim prædicare. Et erat ea vox, & vultus; is ardor animi ex oculis eminebat, qui facile dictis faceret fidem. Accedebat haud dubium argumētum, subita corporis sanitas, roburque in eo, quem graui diutinaque conflictatum febris hesternæ die vehemēter laborasse constabat. Quæ posteaquam ad oppidanorū oplerosq; pertulit rumor; confestim magni ad Antistitem concursus fieri: & cœleste donum gratiis Deo, Dei que parenti agendis, certatim

vno omnium ore celebrari. Princeps inter gratulantes, lætantesque gaudio exsultans ibat Antistes: & addebat ad gradum natalem Virginis domum videre festinās. Quo, vt venit, venerabundus votum, cuius se damnatum profitebatur, enixius exsoluit. Maior secundum hæc religio mortalium incessit animis. Neque enim vanus author, aut dubia fides ferebatur. Itaque ædes miraculis inclyta maioribus in dies accolarum studiis celebrari, colique cœpta. Manare hæc primo ad finitimos fama; inde etiam ad remotos. Iamque omnibus circà populis templum illud sanctum erat omnes ardebant cupiditate tam insolitæ tam celebratæ rei aliquando visendæ.

Certis hominibus in Galileam missis miraculum exploratur. CAP. IV.

PEroportune illa tempestate Nicolaus *Ann. Flum.* Frangipanius è prima nobilitate Ro- *apud Ange.* mana, Croatia, Dalmatiæ, Istriæ Prætor (Magnus Ban ab incolis vocabatur) regionem illam administrabat, vir pietate iuxta, ac virtute inclytus. Idemque Dominus erat Fluminis, Tersactique. Is igitur simul rei miraculo, quod in suo fundo euenerat, simul Alexâdri Antistitis sermone, ac repentina sanitate motus obstupuit primo: inde lætus cœleste munus in suo potissimū agro

confedisse, & ipse strenuè in montem accurrit: sanctissimamq; eadem haud secus, quam dignum erat, donis colere, atq; ornare instituit. Ceterum quia rei nouitas hominum memoriam, magnitudo superabat fidem; tam insolitum, inauditumq; miraculum diligentius explorandum existimauit. Verebatur quippe, ne ipsorū credulitas suspecta ceteris foret: neue tanta res plus admirationis, quam fidei esset ad posteros habitura. Itaque re cum Antistite communicata, placuit certos homines in Galileam mittere totam rem intentius inspecturos. Ex omni numero lecti quatuor expertæ fidei, ac probitatis viri, in quibus Alexander ipse Antistes fuit. Hi Nazarethum missi, omniaque explorata referre iussi. Igitur impigre conscensa naui, transmissoq; Adriatico, Siculo, Cretico, Cyprio mari Palæstinam secundo cursu tenere. Nec mora; barbarorum animis auro delinitis, Hierosolymæ sacrosanctum Christi sepulchrum venerantur. Inde fide publica, firmoq; armatorum præsidio septi Nazarethum Galileæ urbem, quod nauigationis caput erat, protinus pergunt. Ibi impensius inquirētes compertiunt ex incolis non tam re, quam verbo Christianis, domū natalem B. Virginis inde paulo ante sublatam: deducunt ad templum ab Helena Augusta olim sacræ domui circum-

circundatū: cernunt templi diuinitus per-
rupti ruinas: cernunt eisdem monstranti-
bus aream, vbi sacrosancta domus steterat:
cernunt fundamenta, recētia sanctę domus
auulsę vestigia. Dimensi longitudinē, ac la-
titudinē areę, fundamentorumq; crassitiē,
reperiunt omnia cum translata in Dalma-
tiam ædis, parietumque mensuris, quas ad
id secū attulerant, prorsus congruere: tem-
pus quoq; augusti sacelli illinc ablati, aue-
ctique in Illyricum conuenire. Ergo effu-
sa cum lætitia, & gratulatione domum re-
uecti Frangipanio Prætori explorata re-
nuntiant. Ille enim uero tali nuncio admo-
dum lætus manantibus gaudio lacrymis,
Deo, Dei que parenti grates ingentes agit:
quod se non solum viuente, sed propemo-
dum vidente, tantum miraculum extitisset,
tam euidentibus prodigiis, talium virorum
authoritate firmatum. Extemplo igitur ad
ædem Virginis solemnis, ac celebris indi-
cta est supplicatio: maximoq; peracta con-
cursu virorum mulierumque. Ibi Alexan-
der Antistes pro concione ad populum rem
ordine exponit: ac Deum, Deiparam, mor-
tales omnes, immortalesque contestans
propalam confirmat, nihil se compertis
affingere. Si secus sit non recusare, quo
minus cœlestis ira meritas ex ipso, expe-
tat pœnas. Nimirum hoc ipsos Dei matri

gratiores esse oportere, quo res pene incredibilis exploratior afferatur. Quas velut missas è cœlo voces cum circumfusa audiret concio, repente ingenti gaudio efferri, nec temperare, quin gratulationibus lacrymisque ipsum confunderent dicentem. Perorationem Antistitis exceptæ preces auditorum, Deo, Deique matri grates, quibus signis, quibus vocibus poterant, agentium. Mirum quanta illi viro hæc nuncianti, affirmantique fides fuerit, non apud incolas solum, sed etiam apud externos: quantumq; talium virorum testimonio, frequentia religionisq; sacrosanctæ accesserit Cellæ. Nec deerant crebra, illustriaque miracula, cum vndique ægri membris capti, energumeni adessent. Defuit tamen, qui ea sigillatim rite consignata litteris proderet. Crescebat cum populorum miraculorumq; frequentia, religio loci, crescebat & cultus. Augustissimæ quippe Ædis insidens accolarum animis cura (cum interesse supplicantium precibus Virgo ipsa videretur) tanta religione omnium pectora imbuerat, vt eum locum à Deipara incolî, non solum diligere existimarent. Itaq; natalem Virginis domû, ipsamq; Virginem quibuscunq; rebus sciebant, poterantque certatim colere, & ornare cœperunt. Cæterum benignæ voluntati facultatum tenuitas obstabat. Proinde
ab

ab eis pie magis, quam munifice est ornata. Mox etiam longinquorum populorum concursibus celebrari, honestariq; cœpta. Gliscebatur in dies rumor fortunatæ domus natale B. Mariæ tectum diuinitus ad Terræ factum è Galilæa deportatum: missos Nazarethum spectatæ fidei, virtutisque viros rem perspectam, ac testatam attulisse. Exciuit ea fama non Illyricos solum remotiores; sed Istros, Croatas, Bosnios, Seruios, Epidaurios cæterosque eius tractus longe, ac late patentis populos, ad tantum miraculum, donumque visendum. Multis quoque eorum præsens Virginis auxilium in dubiis, aduersisque rebus oblatum augebat in dies celebritatem loci. Enimuero Illyrici sacra Domus accolæ gaudere concursu populorum: gestire suam regionem apud exterarum gentes, ac nationes ingenti gloria esse: credere se diuino iudicio cæteris gentibus esse prælatos humanæ arrogantie vitio, cælestia dona meritis hominum magis, quam Dei benignitate æstimantis.

Demigrat ex Illyrico ingenti cū luctu Dalmatarum. CAP. V.

CÆterum haudquaquam diuturnum gaudium, ac donum Illyricis fuit. Quadriennio non toto (deerant quippe menses quinque (interiecto, sacrosancta Ædes

Ann. Flum.

Hier. Ang.

ex ipforum finibus cessit: causa in incerto est; alij aliam tradunt. Ergo siue quod ab accolis minus impense, quam dignum erat, coleretur; seu quod ab initio ad breue illius gentis solatium Beata Maria diuersorium ibi potius, quam domicilium collocasset; siue vt Italiam Christianæ religionis arcem bellis, cladibusque afflictam præsentis refoueret ope; repente Dalmatis nil tale opinantibus, cœleste munus aufertur: deferturque in Italiam, haud maiore Italico-
rum bono gaudioque, quam Dalmatarum damno atque luctu. Namque vbi diuinum illud pignus, augustissimamque Deiparæ cellam alio auectam famâ vulgauit; enimvero Tersactenses, finitimosque circa populos tam inopinatæ rei admiratio ingenti stupore defixit. Inde sanctissimæ domus desiderio stimulante, lymphati discurrere: concessum ademptumque à Deo munus, quacunq; eorum patebat regio, oculis diu, ac voce quæritare. Posteaquam id nusquam apparebat, nec quo tandem migrasset, constare poterat; promiscua virorum, mulierumque multitudo orbitatis dolore iccta mœstum paulisper silentium tenuit. Tum verò emerso ab stupore animo, effusi simul omnes in lacrymas, querelasque ingens suæ gentis vulnus prodere infinita lamentatione cœperūt. Nimirum illud cœleste donum
ipsis

ipsis ostensum, aliis traditum. Illud Dalmatiae perfugium, illud ægrorum auxilium, illud miserorum solatium, illud decus, ac præsidium nationis sibi ereptum: talem patronam Dalmatis, talem tutelam ademptam finitimis gentibus. Vtique ipsos indignos tali pignore fuisse: minore id ab se religione, minore studio, quam par foret, cultum; sed quam tandem ubiuis gentium religionem, quod studium, quem cultum cœlesti illi; præcellentissimoque dono parem esse posse? hæc si causa mutandæ sedis fuerit, ubicunque confederit, subinde sedem mutandam fore. Hæc, & alia pro se quisque memorant, quæ præsens damni sensus, dolorque subiicit haudquaquam relatu facilia scribenti. Ad vltimum lamentandi defatigatione magis, quàm satietate victi, ad Frangipanium frequentes cocunt; integratoque fletu, auxilium ab eo, & consilium petunt. Ille, & si communi vulnere ictus, mœstusque plusquam pro virili parte, egebat ipse solatio; vicit tamen animum, & mœrore dissimulato, populi luctum sua auctoritate, sapientiaque absterfit. Graue utique damnum acceptum esse, & quo vix maius vllum accipi potuerit ab irato Deo: ut nullæ lacrymæ, nulli gemitus, eiulatusve exhaurire animi dolorem queant. Cæterum immerito ipsos tantopere queri. Cœlestis doni vsuram
à Deo

à Deo datam nulla præstituta die. Proinde non esse, cur quererentur repetitam, cum voluisset is, qui dedisset. Quin potius grates agerent Numini de concessio aliquot annis vsu tanti, ac tam frugiferi pignoris; & præsens incommodum præteritorum commodorum memoria compensarent. Porro daturum se operam, vt ademptum diuini muneris fructum aliqua ratione reuocet, tantique boni desiderium leniat. Quippe in ipsis sanctissimi sacelli vestigiis consimilem *Ædem* B. Virgini excitaturum: quæ simul posteris tantæ rei monumentum foret, simul ipsis tam grauis damni solatium. Considerè vtique se, etsi absit natalis Domus B. Mariæ, eius opem non defuturam. Nec Prætoris dicta magnificētiora factis fuere. Paucis annis, ipsius ære sumptuque noua *Ædes* Deiparæ dicata in iisdē stetit vestigiis. Templum insuper *Ædi* circumdatum est opere, cultuque magnifico. Quod hodie exstat haud clarius Frangipaniorum munificentia, quam tanti miraculi monumentum. Nec verò conditoris vocem B. Virgo irritam esse passa: crebra inibi deinceps edita miracula, & illam sedem Deiparæ cordi esse, nec eius Illyricis deesse præsidium satis ostendunt. Id templum hodie Franciscanis, qui ab Obseruantia nomen accepere, commissum est, celebritate ac fama illis locis clarum.

clarum. Cæterum eares Dalmatis Nazarenæ domus desiderium, non tam expleuit, quam accendit. Namq; ab eius discessu annus iam agitur trecentessimus. Et tamen illi adhuc tanti erepti boni memoria, haud secus, ac recenti vulnere, ingemiscunt. Argumento est, quod cateruatim quotânis transmissio Adriatico mari, Lauretum ventitant, non magis B. Mariæ incunabula venerantes, quam orbitatem lamentantes suam. Quorum solemnes illæ voces, REVERTE-RE, AD NOS MARIA, REVERTE RE, haud parum ostendunt, eorum desiderium æternum fore, cum trecentorum annorum spatio nulla sit lenitum ex parte. Eædem porro voces testes haud dubiæ sunt Nazarenæ domus ex Illyricò in Italiam asportatæ.

Dalmatarum desiderium Sacrosanctæ Domus.

In Picenum aduecta Recinetensem insidet syluam. CAP. VI.

Coeleste autem hoc donum mira opportunitate transmissum Italiæ est anno M. CC. XCIV. qua tempestate funestis Velforum, Gibellinorumque factionibus diuisa, odiis bellisque plusquam ciuilibus tota flagrabat. Igitur ipso interregno, quo Bonifacius VIII. Pontif. Max. creatus est. Quarto Id. Decembris, insigni ac sempiternæ memoriæ commendando die, Virgo Deipara pacem, salutemque Italiæ ferens in Piceno

Præp. Ter. Hier. Aug.

Piceno suæ domui sedem optauit. Picenum regio Italiæ est haud ignobilis, & satis opulenta, è regione Dalmatię sita, interiecto Adriatico mari, quod etiam superum appellatur. Ergo sacrosancta domus è Dalmatia trans Adriaticum sinum (qua traiectus patet millia passuum ferme C.) in Picenum delata; confedit in Recinetensis agri sylua, mille circiter passus à mari. Ea sylua matronæ cuiusdam Recinetensis erat diuitis iuxta, piæque; Lauretæ nomen fuit. Cuius deinde nomine Lauretana ædes appellata immortalē vicissim reddidit celebritatem ei, vnde nomen acceperat. Tenet fama (nec vana est fides) venienti Deiparę domicilio arbores obuias, velut venerabundas inclinasse se: ac deinde pronas perstitisse, quoad æuo, ventis, ferro procumberent. Proinde dum staret nemus (quod hodie excisum est) inclinatæ ad ædis aduentum, longo ordine arbores monstrari solitas peregrinis, tanti miraculi testes. Recens est adhuc memoria. Narravit mihi haud dubia fide vir, ab se complures illarum arborum non ferè amplius viginti ab hinc annis, nec semel, nec sine admiratione conspectas: toto videlicet trunco pronas eas fuisse, ac proclinas versus mare, qua sacrosancta Domus in destinatam syluæ sedem sublimis inuecta transierat. Easdem porro arbores,

exci-

*Arbores ad
S. ædis ad-
uentum in-
clinantur.*

exciso etiam saltu superstitēs diu fuisse, religione tutante. Demum annis ab hinc circiter XX. rusticorum accolarum inscitia cæsas, ne impedimento arationi forent. Intempesta nox erat, cum Virginis domus vacuum sylvæ spatium infedit. Custodiebant tum armenta Recinetensium in proximo saltu pastores, diuisis inter se de more vigiliis; cum subito lux sacræ circumfusa domui excubantium oculos ad repente conuertit. Mirum eis videri, nouum in solitudine illa tectum, & quidem lucē cōspicuum subito extitisse. Et fuit inter eos, qui eam conspexisse se diceret, cum sublimis supra mare ferretur. Igitur sociis ad spectaculum excitatis, primò multa inter se (vt est admirantium mos) sciscitari: inde mutuis se vocibus ad rem explorandam accendere: omnesque pariter id quod erat, coniectare cœperunt, ibi aliquid esse diuini. Accedunt, tectum subeunt. Limen ingressi cohorrescere primum animos, mox inusitata quadam dulcedine perfundi sentiunt. Itaque venerabundi precibus reliquam exegere noctem, quæcumque sub tecto erant, intentius contemplantēs. Prima inde luce, ex iis nonnulli Recinetum (aberat ab eo loco millia passuū ferme quatuor) iter intendunt: quæ viderint, dominis nunciant. Tota res primo ob authorum simplicitatem, cum ipsis authori-

thoribus spreta: vana scilicet ab eis afferri putabant, & fortasse obiectam in somnis imaginem. Pastoribus deinde omni asseueratione affirmantibus, enimvero oculos facturos fidem, si vellent; domini magis velle credere, quàm audere. Ad vltimum, ne aut creditum temere tam insolitum miraculum rusticorum hominum testimonio, aut pro vano prætermisum, quod verum esset, ipsorum incuria videretur; illis comites addunt se, quid tandem rei foret, exploraturi. Vbi ventum est in demonstratum nemoris locum, & pistorum fides extitit; vix satis oculis, vix sibi quisque credebat. Certe illam Ædem ibi nunquã antea visam: nec recens conditam, quod eius vetustas satis ostendat: diuinitus vtique aliunde aduectam, aut cœlo delapsam. Talia admirabundi inter se mussitantes propius accedunt: tectum cernunt non tam specie, quam antiquitate insigne: mirantur adeo vetustum edificium stare nullis innixum fundamentis, nullis suffultum adminiculis. Mox suspensis animis limen intrant. B. Virginem IESVM puerum manibus complexam supplices venerantur. Nec pietatis defuit fructus: tantus repente eos lætitiæ mistus horror incescit, vt nusquã in omni vita præsentius Dei numen sensisse se dicerent. Confestim igitur in urbem citato recurrunt gradu, diuinum munus

munus inter se sibi, & patriæ gratulantes. Præcipuum Lauretæ matronæ gaudium fuit, cuius saltum diuina illa ædes infederat. Vt primum urbem tanti miraculi fama peruasit; velut signo dato, mirus hominum cuiusque ordinis, ac generis insolito spectaculo oculos implere cupientiū concursus fieri in Syluam. Non pueri, nō puellæ, nō senes, non debiles domi cōtinere se posse. Ægri quoque relictis grabatis, adrepere, visendi cupiditate, vt fit, vires subministrante. Plerique impetu quodam ardoris ruentes certatim ante alios prouolabant, vt tale spectaculum oculis capefferent primi. Quo propius perueniendi spes admouebatur, hoc magis concurrentium multitudo, visendi que cupido crescebat. Vbi verò sacrosancta sedes, cuius conspectum rami arborum interseperant, in apertiores saltum ingressis subito apparuit; confestim omnes in vnum conuolare cœperunt: tantique vndique ex syluæ semitis repente concursus facti, adire, contingere, osculari sanctos parietes cupientium, vt se mutuo prementes pene alij super alios corruerent. In augustæ sedis ingressu, dum venerabundi salutant Virginē, ingenti religione perfusi lacrymarū vim profundunt: consilia incunt melioris vitæ: ab eo loco diuelli nequeunt. Inter hæc ingentes vndique ægrorum præcipuè, ac debilium clamores

Recinetensium cōcursum.

C

exau-

exaudiri, confusis vocibus patronam, matrem, cœli reginam, Dei parentem appellantium: valetudinemque ac sanitatem crebris exposcentium precibus. Nec voces vanę, nec preces irritę cadebant. Protinus depulsis morbis, restitutisque viribus multorum, diuina vis extitit. Tum vero ingeminari clamor cœptus agentium Deo ac Virgini grates, & cœlestem vim, opemque prædicantium in se ipsis expertam. Ergo, vt Recinetensibus diuinæ lux liberalitatis affulsit; certatim sanctissimę Virginis cella coli ab eis, celebrarique cœpta est. Sed priuata inter publicos honores, Lauretæ studia eminebant: ex quo Ædi Lauretanæ deinde nomen factum. Fama interim (qua nihil talibus in rebus est celerius) ad finitimos populos discurrit, Lauretanam ædem miraculis inclytam ferens. Ex templo igitur, prout sua quemque religio, aut necessitas stimulabat, ad nemus accurrere, adducere, aut deferre ægros necessitudine aliqua iunctos, opem poscere, vota facere cœperunt. Voti eos compotes fuisse, & ipsorum Deo, ac Deiparæ grates agentium voces, & votiux deinde tabellæ de parietibus vulgo suspensæ docebant. Facilis quippe, ac potens patrona Dei mater apud Deum erat: quę & viam impetraturis ostenderet, & vltro opem salutemque supplicibus impetraret. Porro confluentium

*Laureta
glua domi-
na Laure-
tana adi
nomen de-
dit.*

tium populorum religionem commendabat loci solitudo. Nulla tum erat in sylua domus, nullum hospitium, nullum saltem receptaculum, præter arbores, quæ nudatæ per hyemem frondibus, tectum peregrinis parum hospitale præbebant. Videres homines, etiam opulentos domi suæ, ac delicatos pernoctare sub dio, quamuis infesta imbris, frigoribus, niuibus, tempestate: populos per contubernia diuisos circa sanctissimam eodem super herbam inter arbores vesci: humiq; cubantes, quâ somnum, aut quietem capere, quâ psalmos, hymnosq; modulari sine vilo prorsus, aut ferarum, aut latronum metu: adeo incensas pietas omnia incommoda periculaque vincebat.

E sylua transfertur in Collem duorum fratrum. CAP. VII.

AT sempiternus humani generis hostis *Præp. Tera!*
 tanto cœlestis Reginæ cultu, tantoque *Hier. Ang.*
 Christianorum bono, haudquaquam lætus effusam Picentium lætitiâ, religionemq; omni ope disturbare decreuit. Igitur ne conualesceret pietas populorum, priusquam tantum loco religionis esset, quantum futurum apparebat, occupat aduenis, ac peregrinis inferre bellum. Erat B. Mariæ sacellum in loco deuio, ac mari proximo, & frequenti sylua, procerisq; arboribus septo.

Adibatur semitis densa inter virgulta, arboreſque. Et plerique inermes ibant, ſatis ſibi preſidij in Virgine loci præſide reponentes. Ergo facinoroſi quidam proiecťæque audacię homines, non magis prædandi opportunitate illecti, quam ab infernis, vt creditum eſt, furiis inſtincti, ſemitas, quę ad Ædem ferebant, obſidere, & circa denſis obſita virgultis loca, in obſcuris ſubſidere inſidiis cœperunt. Inde ſubito exorti venientes peregrinos excipere, adoriri incautos; pecunia veſtibufque, & ſi armis obſiſterent, vita quoque ſpoliare. Itaque breui totus ille ſaltus latrociniis, cædibufque infeſtus, atque infamis, abſterritis aduenis, ad ſolitudinem eſt reductus. Iamque obſoleſcente in dies cultu, ſacroſancta Ædes euaneſcebat; cum Deus indignum ratus paratum ab ſe mortalibus perfugium ſalutis, inferni hoſtis ſcelere in perniciem verſum; tutiorem opportunioremque aduenis ſedem ſuo matrisque ſuę domicilio delegit. Collis erat leniter acclivis mille fere paſſus ab eo loco, proprius Recinetum, non longe à via militari. Huc igitur ſacra domus octauo circiter menſe, quam lucum inſederat, ſublimis auferitur ab Angelis, & in collis ſiſtitur vertice. Poſſidebant eum collem communiter fratres germani duo Recinetenſes concordibus animis, qui cœleſti dono mirę læti ſanctiſſi-

mam

nam ædem coniunctis studiis colere cœperunt. Auxit loci mutatio, nouique miraculi fama, vt admirationem, sic religionem accolarum æque aduenarumque. Quippe, vt Lauretanam Ædem locum mutasse, & relicto obnoxio grassatoribus saltu, tutum à latoribus, opportunum peregrinis occubasse collem distulit rumor; extemplo finitimis populis eius reuisendæ cupidinem accendit. Proinde siue intermissam latrociniorum metu tanti boni vsuram sarcire, siue nouam migrationem, quam auribus acceperant, oculis subiicere cupientes, eò summis vndiq; studiis conuolant. Horum ceterique eandem ædem nuper in sylua coluerant, quam nunc in collis vertice extra syluam colunt. Quo maior omnes admiratio, & stupor defixos tenebat. Ergo sacellum, & veteribus prodigiis, & mutatę denuo sedis miraculo venerabile, certatim accolę votis, precibusq; celebrabant. Grates inde, & Deo & Dei parenti pro se quisque agebant, quod religiosissimam sedem latrociniiis violatam non abstulissent alio, sed in tuto colle statuissent, opportuno aduenis loco. Porro crescente in dies peregrinorum multitudine, cœpit augeri quotidie celebritas Ædis: parietes votiuis tabellis, cæreis imaginibus, preciosis vestibus contegi: ara congestis vndique donis, pecuniaq; compleri. Sed aucta

facelli opulentia imminuit religionem eorum, quorum studia maximè augere debuerat. Itaq; avaritia breuiorem etiam, quàm in sylua fecerat, augustissimi facelli stationem in colle fecit.

Ex fratrum colle ob eorum avaritiã, discordiamq; demigrat. CAP. VIII.

*Prap. Tere.
Hier. Angé.*

ERat is collis (vt suprà demonstrauimus) communis duorum fratrum, qui primo sanctissimum domicilium, haud secus quàm par erat, sanctè, ac piè colebant. Felices si diuino munere ad cultum vti, quam abuti ad quæstum maluissent. Cæterū opulentioribus in dies donis religiosissimam ædem cumulari cum viderent; cupido angustos animos vicit, & religionem pietatemque penitus extinxit. Namque hæreditatem sibi vterque venisse rati, sacro auro, argentoque inhiare primo: inde stimulante avaritia, odio plusquam fraterno inter se diffidere cœperunt. Ad vltimum, dum vterque ad se emolumentum trahit, cum altercatione congressi, ab irarum certamine ad arma venere. Iamq; haud procul erat, quin germani fratres se, augustissimamque Deiparæ cellam (adeo nihil sanctum avaritię est) fraterno cruore respergerent; cum Deus tantum facinus, sublata facinoris causa, præuertit. Ergo non minus fraternæ discordiæ, quam

quam syluestri latrocinio infensus, mater-
nam domum ad iactum ferme sagittæ ab eo
loco in proximum collem, versus mare sub-
mouit: atq; in ipsa via militari, quæ ducit ad
portum Recinetensem, locauit, à mari mil-
lia passuum circiter duo. Ita, & discordiarū,
& latrociniorum materies adempta; ac sta-
bilis aliquando, ac certa sedes capta. Stetit
sacra Domus in colle fratrum paucos scili-
cet menses: constat quippe nōdum verten-
te anno, post eius in Italiam aduentum, in
eo colle, vbi nunc visitur, consedisse. Ita in
agro Recinetensi ter intra anni vnus spa-
tium, siue accolarum vicio, seu potius diui-
no consilio, sedem mutauit. Intra quin-
quennium verò post eius è Galilæa disces-
sum, quatuor loca suis vestigiis nobilitauit.
Nec tamen mutatis locis religionem muta-
uit, sed magis, magisq; auxit.

*Vestigia locorum, quæ sancta Domus occu-
pauit. C A P. IX.*

ETextant his omnibus locis hodie haud *Hier. Ang.*
dubia rei argumenta. Nicolaus quippe
Frangipanius (vt suprà ostendimus) no-
uam ædem Nazarenæ parem, ac geminam
in iisdem vestigiis, vbi illa steterat, ab se ex-
structam magnifico circumdedit templo.
Id templum S. Mariæ à Tersacto vocatur,
vel veteri sanctissimi sacelli memoria, vel

C 4

nouis

ncuis miraculis nobile. Et in eo templo ad
ianuam assimulatæ Nazarenę Domus egre-
gium Nicolai Frangipanij monumentum
hodie visitur; qui templi conditor pro sua
erga natalem Virginis domum eximia reli-
gione, proximū illius vestigiis sepulchrum
elegit sibi, posterisq;. Quin etiam marmo-
rea inibi tabula exstat per antiqua tanti mi-
raculi ad posteros testis. In qua incisum:
HIC EST LOCUS, IN QVO OLIM FUIT
SANCTISSIMA DOMVS B. VIRGINIS
DE LAVRETO, QUÆ NVNC IN RECI-
NETI PARTIBVS COLITVR. Harum e-
gorum authores habeo haud dubiæ fidei
viros complures, qui mihi se vidisse narra-
runt. Eo autem loco, vbi primum in Pice-
num delata confedit, quamdiu sylua stetit
(stetit autem vsque ad annum sæculi huius
ferme LXXV.) haud obscura exiterunt æ-
dis ablatae, miraculiq; indicia. Quippe
area, quam sacra occupauerat Domus, nite-
bat semper vernantibus herbis floribusq;,
cum omnia circa densis obsita virgultis, ac
sentibus horrent. Nec dubia res: author
est Hieronymus Angelita in Virginis Lau-
retanæ historia, quam Clementi VII. Pont.
Max. dicauit eo ipso tempore, cum hoc vi-
sentibus miraculo erat. Visebantur pariter
cum area sanctorum parietum solo impres-
sa vestigia, sanctitatem & quasi diuinum
quid-

quiddam spirantia. Id adeo ipsemet accepi à Raphaele Riera spectatissimæ fidei, ac religionis viro, qui Ædis vestigia, atque aræ nitorem sæpius magna cum voluptate se spectasse memorabat. Cæterum exciso nuper nemore, ac solo arationi destinato, eximia illa amœnitas ab imperito rerum agricola, & fossione, & satu olerum violata defecit. Itaq; ad retinendam loci religionem, ab eodem illo Riera in ipsis vestigiis quoquo versus parietes paulum à terra sunt excitati, siue monumentum ad posteros, ibi olim Lauretanam stetisse Domum; siue aduersus pecudum, & rusticorum iniurias munimentum. Vidi ego ipse, & inspexi locum cum hæc ipsa litteris proderem: animaduerti parietibus illis aream includi, & longitudine, & latitudine Ædi Lauretanæ vsquequaque partem. Aræ porro solum cætero circa solo simile, amissa insigni illa amœnitate, quã habuerat prius, quàm sanctitatem loci rustica temeritas violaret. Verum enim vero ita amisit amœnitatem, vt retineat religionem. Hodie religionis ergo à multis visitur, à pluribus etiam viseretur, nisi vulgo ignotus esset locus. Olim quidem, cum esset siue ob insignẽ illam amœnitatem, siue ob commoditatem viarum notior, adeo coli à peregrinis solebat; vt nemo ferè Lauretanę Virginis cellam se adiisse

crederet, qui non illa quoq; prima eiusdem cellæ vestigiâ coluisset. Deuius omnino est locus, atque auius: neque enim certis semitis additur; & perito itineris duce opus est. Distat ab oppido Laureto mille ferme passus, tantundem etiam à mari, non tam recta regione, quam per anfractus semitarum. Situs est inter montem Vrsu, & Musionem fluuium, pari fere interuallo, atq; inter Lauretum, & mare. Vulgo Banderola dicitur, fortassis ex vexillo, quod olim ex arbore quapiam eminebat pariter omnibus conspicuum, vt sacrosancti sacelli in nemore latentis sedem peregrinis venientibus, & nautis præter eam oram nauigantibus significaret. Certe paruum vexillum Itali Banderolam appellant. Propter sacram aream, quàm dixi, puteus est ingens, qui perennes, & haurienti faciles subministrat aquas. Insolitam illam putei amplitudinem ad ingentis alicuius multitudinis, id est, ad populorum illuc confluentium vsum conditam sentias. In colle porro duorum fratrum obscuriora argumenta cernuntur. Namque is collis ad ædificiorum commoditatem, oppletis conuallibus, æquatus, coëdificatusque est, cum Lauretum oppidum conderetur. Locus tamen, aut loci potius vestigium monstratur. Extra priuatarum ædium parietem extat rudis quædam, metæ instar, turbi-

turbinata particula excisi collis, tecto modico insignis. Id vnum superest capte inibi, desertæq; à B. Maria sedis indicium. Domus cui vestigium hoc adhæsit, non procul Pontificiarum ædium ianua, ad dexteram ingredienti sita, Laureti oppidi velut vmbilicus est. Ac procedens inchoatâ Pontificiorum tectorum pars totam ferme illam regionem occupabit. Sed tum quoque (vt reor) aliquod relinquetur monumētum rei, lociq;: ne tam memorandę rei vestigium intereat.

Præcipuus locus, situsque admirabilis Aedis Lauretanæ. C A P. X.

CÆterum in illis locis sedem sibi Deipara Virgo delegerat ad diuersandum magis, quàm ad habitandum, minimè scilicet diuturnam. Quippe cum eo demum loco, vbi nunc est, ab initio sedem animo destinaisset stabilem, & (nisi incolarum, accolarumue aliquod delictum obstet) vt speramus æternam. Neque enim ambigi fas est, quin Dei mater, & Dalmatarum in Illyrico indiligentiam, & immanitatem latronum in sylua, & in communi duorū fratrum colle fraterna odia, vt prouidere à principio, sic vitare potuerit. Nimirum illa istarum rerum satis gnara, ex quo primum tempore Nazaretho Domus excessit, relicto natali solo, hunc sibi locum elegit, vbi stabilem, ac
per-

*Causa mul-
tiplicis mi-
grationis.*

perpetuam figeret sedem. Verum enim ve-
ro opus fuit ad fidem tam insolito, inaudi-
toque antea miraculo affirmandam, eiuf-
dem miraculi frequentatio: vt rem per se
incredibilem crebra intra paucos annos lo-
ci mutatio credibilem faceret. Qui enim
ambigerent deinde mortales, an domus illa
è Galilæa esset aduecta, cum eandem illi ipsi
audissent suo æuo, ex Illyrico in Picenum
migrasse, qui vidissent in ipso Piceno intra
spatium vix mille passuum, anno nondum
circumacto, ter mutasse sedem, locumque?

*Prap. Tere.
Hier. Ang.*

Incidit quippe tertia hæc, & postrema mi-
gratio in annum à Christo natuo M. CC.
XCV. qui aduentum sacræ Domus in Ita-
liam est consecutus. Operæ autem pretium
est de admirabili eius situ cognoscere. Situs
enim ipse sacrosanctam illam sedem non
humana, sed diuina prorsus arte, manuque
locatam facile declarat. Sita igitur est, si qua
vsquam, ad quatuor cœli mundi que regio-
nes, ex Mathematicorum disciplina. Neque
id solum, sed ex veteri etiam Sanctorum Pa-
trum instituto, qui aras sacrarum ædium ad
solis spectare ortum iubebant. Namq; an-
terior paries, vt fenestra visitur Angeli in-
gressu (vt ferunt) nobilis, ad occidentem
solem vergit: posterior, vbi ara est ante B.
Mariæ simulacrum posita, vnum ferme
orientem spectat, adeo quidem directo, vt
per

per vtrumque æquinoctium, decem circiter dierum spatio, sol oriens posteriorem, occidens anteriorem aspiciat partem. Itaq; sub occasum sol per eam, quam dixi, fenestram ingressus ad B. Virginem velut vespertinus saluator accedit, quando matutinus esse nequit obiectu parietis exclusus. Id adeo etiam post sacram Domum templo inclusam obseruatum ferunt, priusquam obuersa templo facies Pontificiæ Domus obiceretur ab occasu. Cæterum non dubito quin eius ianua (perfecto deinde opere) patefacta, illud idem solis Deiparam à templi aditu, per sacelli fenestram quodam modo saluantis, sit præbitura spectaculum. Sinister porro sanctissimi sacelli paries ad septentriones vergit, dexter ad meridiem. Ac proinde Pontificalium tectorum porticus sane magnifica, ad meridiem versa (B. enim Virgo suæ cellæ situ situm Pōtificiarum ædium velut præscripsit architecto) quotidie cum aduersum recta excipit solem, meridiem haud dubium indicat. Hunc autem tum admirabilem sanctissimi sacelli situm non casu occupatum, sed diuino quæsitum consilio, ¶el illud argumento est, quod in ipsa quoque sylua, eundem plane situm à B. Virgine optatum (vt egomet intentius obseruauit) vestigia, quæ exstare diximus, satis ostendunt. Idem fortasse in colle fratrum acci-

Sol per æquinoctium Lauretana Virg. quodam modo saluat.

accidit : nam ex obscuris vestigiis iudicari non potest. Fortassis idem quoque in Dalmatica sede vsu venit : nihil enim comperti habemus. Sane res ipsa consentanea est. Sacrosanctam quippe domum duo præcipua mysteria, ortus B. Virginis, & æterni Verbi conceptus insignem fecere: quorum ille ferre in autumnale, hic in vernū incidit æquinoctium. Igitur haud immerito eam sol per vtrumque æquinoctium lustrat, sic prorsus vt vel illorum mysteriorum memor, & sub ortum & ante occasum Deiparem Virginē pene ambitiosè adire, & quodammodo salutare videatur.

Dalmatarum indicio Picentes natalem B. Virg. Domum penes se esse cognoscunt. CAP. XI.

SEd vt ad rerum ordinem, vnde egregij situs admiratio auertit cursum historiæ, redeamus; mira primo Recinetensibus noua Ædis migratio videri; deinde etiam grata, iucundaque esse. Namque multiplicato trīna migratione miraculo, vt creuit fama, & admiratio loci; sic Deus Parentis suæ venerationem apud accolae pariter, & externos auxit. Vtique cum sub id tempus nunciata Nazarena, Dalmaticaq; eiusdem Domus migratio Picentium animis ingentem incussisset metū, ne sacra Ædes ipsos, quoq;

præ-

*Præp. Tere.
Hic. Ang.*

præfertim duobus iam locis violata, aliquãdo defereret. Iamdudum per mercatores, *Ædes Lauretanæ* rerumque admirabilium fama in *Illyricum* perlata, *Dalmatas* nonnihil suspicantes ad inclytam miraculis *Ædē* visendam, *Picentium*que pietatem æmulandam accenderat. *Dalmatarum* ergo nōnulli *Lauretanum* contemplati sacellum (vt erat recens *Illyricæ* migrationis memoria) haud ægrè scilicet agnouerunt. Itaque obortis lacrymis, venerationis munere perfunguntur. Mox velut refricato vulnere, ac desiderio ex amissi boni conspectu ingemiscences, suum detrimentum effusè deplo-
rare cœperunt. *Ædem* illam, quæ tum in *Piceno* tanto mortalium concursu celebraretur, partibus fermè populorum studiis nuper in *Dalmatia* celebratam. Natale illud *Virginis* tectum *Illyricis* primum è *Galilæa* diuinitus missum, quo tum *Picentes* transmissio è *Dalmatia* fruerentur. Id & cœlesti indicio enunciatum *Dalmatis*, & destinatis in *Galilæam* certis hominibus exploratum. Agnoscerent proinde, & impensius colerent *Picentes* cœleste donum; ne quod aliis euenisse audiant, ipsis eueniat: & cuiusmodi tandē illud munus sit, carendo magis sentiant, quam fruendo. Se quidē nequaquam desperare (si optatis vota respondeant) illam ipsam *Virginis* Domū in *Illyricum*,

cum, vnde paucis ante annis abierit, redituram. Hæ & aliæ tales Illyricorū voces, quòd nouæ ad Picentium aures acciderent, (non dum enim quicquam de Nazarena, & Dalmatica migratione fando audierant) à ple-
risque pro vanis habitæ, irriseque. Cæterum breui noua res diuinitus oblata eas esse ve-
ras ostendit.

*Heremita B. Mariæ monitu Picentes ad rem
explorandam impellit. CAP. XII.*

*Frap. Ter.
Hier. Ang.*

COLLIS est nemori, ac sedi, quam in Pice-
no primam Virgo Deipara elegerat, fa-
tis propinquus. Montem Vrsū incolæ ap-
pellant. Huc receperat se paucis ante annis
homo solitarius egregia sanctitate, sacro-
sanctæ cellæ propinquitatem secutus: no-
men non proditur. Illum ipsum fuisse Pau-
lum à Sylua, cuius deinceps mentionem fa-
cturi sumus, vt credam, inclinat animus. Is
igitur, vt erat B. Mariæ vnice deditus: ad
Lauretanam eius sedem ventitabat quoti-
die: pluresq; inibi precibus extrahebat ho-
ras. Intererat auidè miraculis, quæ Virginis
ope patrabantur, aut patrata narrabantur
ab aduenis. Multa etiam subinde audiebat,
quæ à Dalmatis ferrentur haud dubiis vul-
gata sermonibus: non nunquam ipsos au-
diebat Dalmatas suam vicem lamentantes,
deflentesque nationis suæ orbitatem, crepta
natali

natali B. Virgnis domo, præsentique tantæ patronæ præsidio amisso. Pius heremita cæteris B. Mariæ laudibus lætus, vbi natalem illam Virginis domum esse accepit, obstupuit. Enimuero illi res pene incredibilis, sed tamen digna visa, quæ summa exploraretur ope: vtpote cum tanta res explorata, atque comperta Ædi Lauretanæ, cui ipse mire fauebat, ingens nomen, ac decus esset additura. Ergo hominem veri sciendi, religionisque erga B. Virginem augendæ auidum cupido ingens cepit; verum, vanum ne id esset diuinitus cognoscendi. Nec mora: inedia, cilicio, verberibus corpus afflictare, mentem in preces effundere, nihil eorum omittere, quibus speraret Deum placari, conciliariq; posse: præcipuè orare, atq; obtestari Deiparam Virginem, vt quid tandem facelli illud esset, aut vnde esset, certo aliquo indicio declararet: Nec incensæ eius pietati, votoq; Virgo defuit. Alter agebatur annus à sacra Æde in Italiam aduecta cum per somnium ei Beatæ Mariæ species offerretur, quæ bono illum animo esse iussum docet, se domicilio, quod in terris olim habuerit, in Italia sedem, elegisse. Id quippe, quod negligentius coleretur è Galilæa in Dalmatiam, inde in Picenum, Dei nutu, cælestium ministerio deportatum: ibi semet genitam, ibi diuinam concepisse prolem. Id-

D

circo

*S. Domus B.
Maria in-
dicio agnos-
citur.*

circo illam ædem Deo semper, sibi que cor-
di fuisse, ac fore. Addit cætera, quæ Alexan-
dro Tersactensi Antistiti (vt antea dictum
est) exposuerat in quiete. Ad extremum ad-
iungit, id donum superum concessu, ac mu-
nere singulari, Picentibus atque Italis da-
tum, utique in tantis calamitatum procel-
lis, malorum solatium, veniæ pignus, pacif-
que: in cæteris deinceps mortalium pericu-
lis, & ærumnis perfugium omnium gen-
tium, præsidiumque certissimum. Proinde
abiret, & hæc Recinetensibus finitimisque
populis nunciaret. Ille somno excitus, &
cœlesti indicio mire lætus extemplo B. Ma-
riæ mandata exsequitur. Ac primo Recine-
tum profectus Primoribus ciuitatis visum
enerrat, cætera exponit: Mariam ipsam sui
sermonis authorem nominat. Recinetensi-
bus stupore defixis, alios deinceps populos
strenuè percurrit, eadem ingenti animi ar-
dore denunciens. Id Picentibus vanum pri-
mo somnium visum: & author à multis pro
somniautore habitus. Deinde verò, quo-
niam de dato ademptoque diuinitus Dal-
matix sacello, Dalmatarumque Ædem Lau-
retanam agnoscentium testimonio, obscu-
ra quædam per eos dies fama emanarat; col-
legere sese, ac tantam rem minimè negli-
gendam existimarunt. Et recens eos admi-
ratio stimulabat, quod eandem ædem ter

vno anno sedem in agro Piceno mutasse meminerant. Ergo internuncij vltro, citroque missi: ac demum Recinetensibus auctoribus, communi Picentium consilio decretum, vt ære contributo, certi homines in Illyricum, inde in Galilæam mitterentur rem oculis, certisq; indiciis exploraturi.

Sexdecim viri in Dalmatiam, & Galileam missi adfirmant miraculi fidem.

CAP. XIII.

IGitur sexdecim viri fide, religione, auctoritate præstantes ex omni Piceno lecti. His datum negotium, vt Dalmatiam primum, inde Galilæam explorantes, rem omnem intentius inuestigarent: & de natali B. Mariæ domo, quæ illis locis fuisse diceretur, comperta omnia domum referrent. Confestim illi, transmissio Adriatico sinu, Tersactum delati accolis aduentus causam aperiant sui. Ardebant dolore ex recenti adhuc vulnere Dalmatæ omnes. Talis ergo boni amissi recordatione ingemiscentes summum eius desiderium vocibus, ac lacrymis testabantur. Legatis amice rogitantibus aream monstrant, quam B. Virginis Domus insederat: atque inibi geminam illi, ac similem ædem, rei monumentum, exstructam. Et simul integrato fletu, queruntur, ea sola Illyricis cœlestis doni reliqua esse vestigia.

Præp. Tere.

Hier. Ang.

Aliis tam diuini muneris concessam gloriam, sibi tantum famam relictam. Itaq; Picentium legati Ædis Lauretanæ mensura, quam secum ad hunc usum attulerant, quauersus ducta, quod vacuū erat spatij, id Lauretanæ Ædi prorsus congruereprehendunt. Scitati inde tempus amissi sacrosancti sacelli comperiunt, id eodem planè tempore Illyricis ereptum, & Picentibus datum. Resatis explorata, cum vtriq; commemorassent præcipua vtrobiq; edita miracula, manantibus certatim lacrymis diuelluntur, alteri desiderio mœsti, alteri lætitia gestientes. Legati igitur è vestigio vela faciunt, transmissio mari sup̄ero, ac Siculo, & Corcyram, Cretam, Cyprum celeriter præteruecti in Palæstinam secunda tempestate perueniunt. Cæterum cum iter tutum non esset, vagantibus passim per totam Syriam Turcicis armis; pecunia præsidium emunt, quo in Galilæam perducantur, ac deinde reducantur ad nauim. Ergo augustissimum Christi sepulchrum Hierosolymæ venerati in Galilæam ire pergunt. Nazarethū vt venerē, natalem B. Mariæ inquirunt domum. De Christianis, qui qualescunque supererant in medio nationis prauæ, sedulo sciscitantur. Ab his edocti, quæ vigente adhuc Christiana re in Syria, partim ipsi à maioribus acceperāt, partim suis ipsimet oculis

lis viderant, ad optatum ducuntur locum. Reperiunt aream cum fundamentis auulsæ domus in solo relictis, quæ intentiore cura dimensi, omnia omnino cum Illyricis vestigiis, Ædisque Lauretanæ forma, ac parietibus conuenire comperiunt. Re vtroque gesta ex sententia, admodum læti conscendunt nauim: ac remenso mari, Anconam, vnde soluerant, reuehuntur incolumes. Protinus domos repetunt, Magistratibusque, ac Primoribus ciuitatum, vnde missi erant, comperta referentes, suam illis lætitiâ impertiunt. Et Recinetenses successu læti legationis, cuius authores fuerant, munusculum exstare voluerunt. Rem omnem *Hier. Ang.* in publicas tabulas referre placuit, additis sexdecim Legatorum nominibus, testimoniisque, quo res testatior ad posteros foret. Earum litterarum exempla in priuatorum ædibus asseruata ad nostram vsque ætatem *Præp. Tere.* peruenerunt. Hæc autem per Legatos cognita sunt anno à Virg. Partu M. CC. XCVI.

B. Virgo Lauretana Patrona à Picentibus adoptatur. CAP. XIV.

EXtemplo fama, vt solet, strenuè finitimas vrbes pagosque discurrit, sexdecim Legatos ex Illyrico, & Galilæa reuectos renunciaſſe, manifestis compertum indiciis, Lauretanam Ædem eſſe eam ipsam domû,

vbi Dei parens genita sit, & ab Angelo salutata: nimirum eandem primum ex Galileâ in Illyricum, deinde ex Illyrico in Picenum diuinitus transportatam. Et per idem ferme tempus tertiam in agro Recinetsi migrationem eadem fama vulgauerat. Ergo plerisque mortales, velut nouo ex noua fama animorum ardore concepto, ingens cupiditas cepit cœlestis doni ad se inde usque ab Oriente transmissi in noua sede visendi, colendiq̃ue. Omnes quippe ita rem vulgo interpretabantur, Deiparam Picentibus suam ostentasse tutelam. Proinde reliquum esse, vt ipsi in eius clientelam, fidemq̃ue committerent se. Confestim igitur ex omnibus prope oppidis incolæ plenis effusi portis, viisque ad Lauretanam Ædem contendere cœperunt. Nec firmi tantum, ac valentes procurrere, sed etiam ægri & imbecilli, neglecto medentium imperio, proripere ipsi si possent, sin minus, ab aliis, vt cumque se iubere deferri. Cæterum ex plerisque Piceni vrbibus, oppidisq̃ue paulo opulentioribus, populi linteati pluribus agminibus, tanquam cohortes sub signis, incedebant insignibus coloribusq̃ue distincti. Qui certatim Deo, Deique parenti carmina canentes, symphoniarum, tympanorum, tibiârû cuncta circum loca festo complebât sonus. Hos deinceps misti mulieribus, pueris,

*Picentium
concursum.*

pueri, puellæque vno velut agmine sequabantur. Ad sacellum Virginis, vt ventum est (quoniam loci angustia tantam hominum multitudinem excludebant) in ipso conspectu sanctissimæ Domus, submissis genibus tanti muneris largitorem vniuersi pariter adorant. Exinde ad agendas Deo Deiparæque grates versi, in tanta malorum, partim instatium, partim vrgentium mole, pacem ac veniam precibus exposcunt. Ipsamq; Dei parentem enixius orant, vt quoniam Piceno cladibus afflictæ voluntariam se Patronam obtulerit; Picentes in suam fidem, tutelamque recipiat; & volens, ac propitia suam semper sospitet gentem. Necinane tutelle, clientelæ nomen fuit. Ex eo tempore, & B. Maria certissimam se Picentibus Patronam, & illi vicissim se deuotos B. Maria clientes perpetuo præbuere, Lauretana eius Æde non solum ornanda, sed etiam tuenda.

*Sacra Domus cœlestibus illustrata flammis
in dies magis celebratur. CAP. XV.*

NAm quotidianis in salute humanis corporibus reddenda miraculis, interdum accedebant prodigia cœlestia haud dubiè significantia Beatam Virginem Picentibus adesse. Visa non semel est per noctem subita de cœlo effundi flamma, quæ primo velut pluribus sparsa locis coruscabat, deinde

Hier. Ang.

vno quasi facto agmine, ad Deiparæ cellam tendens omnia circum cœlesti luce complebat. Visum etiam sæpe crebris luminibus collucere tectum summa cum admiratione, lætitiâque intuentium. Angelorum manum ad cœlestis reginæ domum excubantium videre te crederes. Ergo Recinetensis Antistes, in cuius diœcesi is locus erat, ad religionem id pertinere ratus, pro officij sui ratione Bonifacium VIII. Pont. Max. tota de re certiolem facit. Impetrata ab eo Lauretani sacelli procuratione, optimum factu existimavit, laxare spatium aduenis. Ex templo igitur solum, quod circa Ædem erat, Recinetensium dono consecrat Virgini. Cum areæ spatio etiam loci celebritas aucta. Excipiēdis quippe hospitio peregrinis (qui ante id tempus conferti sub dio cubitabant in via) casæ primum, ac tuguria, inde tecta exstrui cœpta. Et quoniam dorsum inæquale vtriusque collis (interiacente præsertim conualle) haud sane commodam præbebat ædificiis sedem; duorum fratrum collis plus æquo eminens æquatus: conuallis expleta: dorsum dilatatum, vt excitandis circa viam tectis æqui spatij satis foret. Ita breui haud infrequens, quâ syluestribus tectis, quâ domibus extitit pagus in dorso collis vtriusque porrectus. Pago Lauretum nomē inditum: vt ab eadem illa Laureta, quæ Beatæ Virgini vnice

*Lauretum
pagus con-
ditur.*

vnicè dedita fuerat, appellaretur ædes, pagusque. Hospitiorum opportunitas loci religioni iuncta mire hospitem, aduenarumque frequentiam auxit. Cui quidem noua subinde res celebritatis adiecit vel plurimum. Per id tempus Bonifacius VIII. Pont. Max. (cuius Pontificatum sacræ Domus in Italiam aduentus insignem fecerat) ingentibus terræ motibus, cladibusque partim illatis, partim impendētib; Italię commotus, ad auertendam cœlestem iram curas omnes intendit. Salubri ergo consilio secularem annum (Iubilæum vocamus) vel instituit, vel instaurauit, Apostolorum Petri & Pauli limina ritè adeuntibus delictorum omnium indulgentiam largiens. Itaque ipso anno post Christum natum M. CCC. qui primus Iubilæi celebritate insignis fuit noui Pontificalis beneficij fama in omnes orbis Christiani regiones perlata incredibilem omnium gentium, totiusque occidentis exiuit sedibus suis molem. Quippe tanti vndique cunctarum nationum concursus ad Urbem facti aduenarum vt multitudinem Vrbs quamuis ampla vix caperet. Nullus pene dies abibat, quin Vrbs ducenta peregrinorum millia hospitio exciperet, præter innumerabilem multitudinem, quæ erat in via. Horum igitur plurimi præsertim quibus Recinetum minimè deuium erat,

S. Anton.

par. 3.

Platt. Bo.

nisf.

Ioan. Villa.

lib. 1.

miraculorum fama excitati ad Ædem Laurentanam utique diuerterunt, testes ac nuncij suis quisq; popularibus futuri eorum, quæ de tam inusitato, inauditoq; miraculo, non tam aliorum sermonibus acceperant, quam suis ipsimet oculis haussissent.

Parietes sanctæ Domui pro fulcimento adiecti recedunt : his tamen amplæ porticus applicantur. CAP. XVI.

Hier. Ange.

Bapt. Mans.

INter hæc Recinetenses tantis populorum concursibus accensi sacrosanctum sacellum impensius colere, tutariq; instituerunt. Videbant parietes, & tenues, & perantiquos tot iam sæcula stare sine ullo penitus fundamento. Ingens ergo eos incessit cura veritos, ne paulatim temporum iniuria, procumbentibus parietibus, angustissima orbis terræ sedes Virginis pessum iret, rueretq; . Itaq; optimum factu rati, ædem specie ruinofam (quoad humana arte atque industria valerent) vndique communire, iactis, quantum res ferebat, fundamentis, lateritio eam pariete circumdant. Fama est haud dubiis vulgata authoribus, nullo modo potuisse nouam substructionem sacris parietibus adhærere : diceres sacram Domum diuina vi subnixam aspernari humanam opem. Quin etiã procedente tempore, noui illi parietes veteribus pro fulcimento adie-

Tradit.

Lauret.

Bapt. Mans.

adiecti paulatim recesserunt adeo, vt inter vtrosque parietes, quoties opus foret, puer cum accensa face discurreret, quo disiunctorum parietum fidem explorantibus faceret. Nec vetus est eius rei memoria. Viuebant paucis abhinc annis viri probi, piique complures, qui discurrentem inter parietes puerum sæpius se vidisse narrarunt Raphaëli Rieræ homini spectatæ virtutis, ac fidei (cuius suprà fecimus mentionem, & deinceps facturi sum⁹) vnde ipse cognoui. Huic eidem Rieræ Rainerius Nerucius Architectus egregius, ædificationi Lauretanæ præpositus pro familiaritate commemorauit, se Clementis VII. Pont. Max. iussu, demolendis lateritiis illis parietibus præfuisse, cum marmoream crustam, quæ hodie cum omnium admiratione visitur, substituere moliretur: ac tum admirabundum reperisse parietes illos contra omnem architecturæ rationem, à sacro cubiculo dimotos, neque tam vetustate, quàm arcano quodam consilio ruinosos: vt satis appareret, Dei parentē ad sustentandam suam domum excludere hominum industriam voluisse, quò diuina vis insignior foret, si tectum longe antiquissimum sine fundamentis, vlloue humano auxilio per tot sæcula staret. Fama etiam tenet, antiquissimam Christi crucifixi imaginem simul cum domo aduectā, multiplici per

*Tradit.
Laurea.*

*Christi cru-
cis fixi effi-
gies in S.
Aedem re-
migrat.*

per eadem tempora miraculo insignem ex-
titisse. Nam cum eam efferri, & in sacello ad
id exornato, vt maiore honore coleretur,
reponi Recinetensibus, & Episcopo placu-
isset; translata subinde in sacram remi-
grasse Domum, & in suam sedem recepisse
se. Itaque illos, re ne quicquam sepe tentata,
irrito demum incepto destitisse. Exin alio
Recinetensium curæ versæ. Nondum exci-
piendæ aduenarum multitudini satis, siue
tectorum, siue tuguriorum erat. Nec iam
supererat in sacra æde locus votiuis simula-
cris, donisque. Itaque ne peregrini, quorum
pleriq; tectis exclusi, quasi in statione per-
noctabant, sub dio esse cogerentur: neue
votiuæ dona iniuriis temporum exposita
interirent; circa sacellum satis amplas por-
ticus exstruunt, vel aduenarum, vel dono-
rum receptacula. Ara quoq; sacello extrin-
secus adstructa: vt aduenæ sacelli angustias
exclusi operantem inibi sacris sacerdotem
prospectare possent. His adiecta ferunt te-
cta, vbi sacerdotes, custodes, ministri sacro-
sanctæ cellæ habitarent. In parietibus por-
ro, quibus porticus applicatæ erant, præci-
pua sacre Domus mysteria, ac multiplex
eiusdem migratio coloribus expressa
egregij illa tempestate pi-
etoris manu.

Hier. Ang.

Cælestia

*Cœlestia lumina natalem B. Virginis diem
celebriorem in natali eius domo fa-
ciunt. CAP. XVII.*

INterim mira dictu, visuque res diuinitus *Bapt. Mant.*
oblata mortalibus ostendit, quo potissi- *Hier. Ange.*
mum tempore cordi foret Deiparę Virgini,
natalem domum suam eximio cultu cele-
brari. Paulus erat quidam homo solitarius, *Paulus a*
abstinentiæ & sanctimoniæ miraculo vene- *Sylua.*
rabilis: cui à sylua vbi, inde vsque à primo
sacrę Domus in Italiam aduentu habitabat,
cognomen fuit. Is igitur post sanctę Do-
mus è sylua migrationem, sibi quoque mi-
grandum ratus, in proximo nemore, op-
portuno loco struxerat casam: vnde sacro-
sancta Ædes, & conspiceretur facile, & adi-
retur. Eam quippe veteri instituto adibat
quotidie adoraturus Deum cum eis matre,
in loco, vbi steterant pedes eius. Paulus ergo in-
tra tugurium, in sacrosancti sacelli, velut in
B. Marię conspectu, precibus cœlestiumq;
rerum meditationi de more insistens, nota-
uit sapius, cœlestem flammam longe, late- *Flāma cœ-*
que diffusam, instar ingentis cometæ, quæ *lestu S. Do-*
B. Virginis cellæ incumberet. Rem ac tem- *mi incu-*
pus intentius obseruans comperit, VI. Idus *bat.*
Septembris, hoc est, ipso natali B. Virginis
die, quotannis quarta ferme vigilia, pluri-
mum labi de cœlo ignē, & æquabili tectum
ædis

ædis splendore operire : nec ita multo post
sublimem vnde venerat, recipere sese. Stupere Paulus ad tam præclarum spectaculum
ingenti voluptate perfusus. Atque, vt erat
homo antiqua simplicitate, existimabat B.
Virginem ipsam in suam natalem domum
flammæ specie delabi cœlo, ad sua incuna-
bula celebranda. Itaque tantæ rei propius
spectandæ auidus cœpit opportunitatem
temporis captare. Nihil illi longius eo die
videri. Demum vertente anno, simul ac cœ-
lestis flamma se ostendit; impigre accurrit;
cœlestem scilicet Reginam superûm comi-
tatu septam conspecturus oculis, vt crede-
bat, & impense salutatarus. Cæterû appropin-
quanti, quo propius spes admovebatur,
hoc magis res, ac flamma primû extenuari,
ad vltimum euanescere, elabique ex oculis,
credulo spectatore spei irrito relicto. Eius
itaq; animus, quasi illum in se totum trans-
fudisset ignem, ardentiore desiderio, cura-
que estuabat, ignarus, quid tandem cœlestis
illa flamma portenderet. Et iam decennium
abierat, cum quotannis eodem semper die
cœlestis ille ignis sacro tecto incubans, vi-
sentisq; spem fallens pium accenderat pe-
ctus. Ad vltimum cœlesti numine precibus
exorato, fit compos voti. In quiete per no-
ctem cœlesti indicio discit, natali Deiparæ
Virginis die, domum eius natalem anniuersaria

Maria insigniri flamma : propterea quod ei
 cordi esset, eum inibi diem insigni cæremo-
 nia agitari colique. Igitur Paulus, qui admi-
 rabile illud spectaculum obfirmato ad eam
 diem silentio texerat, siue religione tactus,
 siue, vt creditum est, B. Virginis per quie-
 tem subactus imperio, Recinetum strenuè
 tendit : sacrorum Antistiti Primoribusque
 ciuitatis rem omnem enuntiat. Erat Pau-
 lus ab opinione sanctitatis eximiæ, grauis
 quamuis magnæ rei author. Antistes ergo
 simul authoritate viri, simul rei ac temporis
 congruentia motus, cœlestia signa haud
 vana credidit. Extemplo res in vulgus edi-
 ta Recinetenses perpulit, vt augustissimam
 Virginis cellam ipso natali eius die præci-
 puo celebrarent cultu, rituque. Quo fa-
 ctum est, vt finitimi deinceps, ac longin-
 qui etiam populi, siue Recinetensium ex-
 emplū, siue miraculi famam secuti, Septem-
 bri potissimum mense Lauretum accensis
 studiis confluant, ad agitandum natalem B.
 Mariæ diem. Et inflammavit deinde studia
 populorum noua Pontificum largitas, qui
 illud maximè tempus (vt suo loco demon-
 straturi sumus) Indulgētiis amplissimis cu-
 mularunt. Talia porro cœlestium ignium
 spectacula complures non annos modo, sed
 ætates tenuere. Vigestim⁹ circiter annus est,
 cum Recinetensium plures nō minus pro-
 bita-

*Natali B.
 Virg. die S.
 Domus præ-
 cipue cele-
 bratur.*

*Cœlestis
 flāma pro-
 digium re-
 cens.*

bitate, quam ætate conspicui Raphaeli Rieræ, vnde ipse accepi, ita narrarunt. Sub natalem Virginis Deiparæ diē, nocturnos ignes de cœlo super Lauretanum tectum labi vi-
 sos sua memoria, inspectante Recinetensi ciuitate vniuersa: nec semel ab ipsismet cum incredibili animi lætitia esse conspectos. Simul addebant, Pridie eius diēi sub noctem intendentibus se tenebris, Recinetēses vulgo cōcurrere solitos ad tam gratum, iucundumque spectāculum; vt ex mœnibus tectisque, vnde modo Lauretana sedes conspici posset, admirabili illa cœlestis flammæ specie oculos, atque animos pascerent. Tene-
 ret fama anniuersarium hoc spectāculum ad Pauli III. Pontif. Max. tempora durasse. Nec fermè ex Lauretanis rebus res est alia nobilior. Itaque id non tantum historici memoriæ prodidere, sed etiam Nouidius Poëta minimè obscurus in egregio carmine, quod dicauit Paulo III. Pont. Max. mandauit versibus, quos huic historiæ intexere pretium operæ duximus. Is igitur B. Virginiem laudibus efferens ita canit:

*Euenerē igitur, tot stant tibi templa, quot astra,
 Quotq; sibi gentes maximus orbis habet.
 Stent licet, illa placent, quibus est hæc orta, iuuatq;
 Dicere in hoc ingens est Dea nata loco.
 Scilicet illius, visu mirabile, in auras
 Parthum exosa domus vulsa recessit humo.*

Cumq;

*Riera in
 Anal.
 Lauret.
 Ambrosius
 Noui. Fast.
 lib. 9.*

Sumq; locis diuersa foret, titulosque referret,

Vltima Piceni nomina gentis habet.

Seu sequens et as mendacia credat, Olympi

Hac in nocte illam lambit ab axe iubar.

*Laureto pago legibus temperato, Recineten-
ses templum sacra Domui circum
dant. CAP. XVIII.*

COelestibus hisce prodigiis acti Recine- Bapt. Mant.
Hser. Ange.
tenses ad Lauretanam Ædem summa
ope tuendam, ornaudamque omnes inten-
lere curas. Iam Lauretanus pagus, multis
indiq; eo, seu Virginis, seu commercij stu-
lio commigrantibus, magis ac magis fre-
quentabatur in dies. Igitur commodissi-
num rati, incolas vnum in locum congre-
gatos legum institutorumque societate ad-
tringere, iura pariter eis, & Præsidentem dant Lauretanis
Praeses da-
tur.
qui praesit iuri dicundo. Rebus intra pagum
compositis, foras versae sunt curae. Egentes
ac facinorosi homines, siue praedandi occa-
sione, seu praedae dulcedine illecti peregri-
nos in saltibus circumiectisque militari viae
haemoribus, palantes, ac vagos adorti spoli-
abant. Ea res ad Recinetensium dignitatem
existimationemque pertinere visa. Itaque
Prætori ciuitatis negotium datum, vt aucto
satellitum numero, itinera, quæ ad Laureta-
nam Ædem ferrent, à latrociniis tuta præ-
staret. Consilium vt pium, ita felix fuit. Præ-

E

tor

tor abstrusissimas sylvarum latebras solertissimè rimatus, grassatoribus extremo supplicio affectis, breui summa cum laude omnem repurgauit regionem. Et Prætoris laus in ciuitatem, à qua constitutus Prætor fuerat, redundauit. Ex eo Recinetensi ciuitati Iustissimæ cognomen inditum. Noua subinde illorum temporum calamitas, sacrorumq; incuria pietatem Recinetensium fecit illustrem. Interim dum hæc in Piceno aguntur, Clemens V. Pont. Max. tertius à Bonifacio (Benedictus enim XI. Bonifacij successor paucorum mensium Pontifex fuit.)

*Pontificia
sedes transfertur in
Galliam.*

*S. Anto. p. 3.
Platin.*

Clem. V.

Pontificiam sedem anno eius sæculi quinto transtulerat in Galliam, ingenti cum detrimento Italiæ, Christianæque Reipublicæ pene vniuersæ. Id adeo fortuitum Lateranensis basilicæ incendium per id tempus portendere Vrbi visum. Nam Clemente Rom. Pont. Lugduni nouam statuente sedem, Romæ Lateranensis basilica, antiqua sedes Romanorum Pontificum (incertum fraude hominum, an casu) deflagrauit. Nec multo melior Italiæ conditio fuit, aut Ioanne XXII. qui Clementi subrogatus Pontificiam Auenione constituit sedem; aut Benedicto XII. cæterisq; Romanis Pontificibus, qui Ioannis exēplo deinceps Auenione sederunt. At Recinetensium in nouo templo condendo religio enituit, iniquissimo vel

Chri-

Christianæ Reipublicæ, vel suo tempore.
 Super quippe, hoc est anno M. CCC. XXII. *Ioan. Vill.*
 Recinetum iussu Ioannis XXII. quod à Pon- *lib 9.*
 tifice descuiisset, excisum fuerat; ciuesque
 iussu cōmigrare iussi. Rebus ergo cum Pon-
 tifice compositis, oppidoque in noua sede,
 ubi nunc est, condito, vel ob direptionem
 Urbis, vel ob nouarum ædium ædificatio-
 nem, omnibus fermè erant rebus exhausti.
 Tamen B. Mariæ Patronæ suæ religione sti-
 mulante, templum Lauretano sacello cir-
 cumdare moliebantur. Namque crescente
 dies aduenarum, donorumque copia, cum
 peregrinos votiuaque eorum imagines, ac
 tabellas adiunctæ porticus haudquaquam
 aperirent; Episcopus Maceratensis, in cuius
 iocæsi Recinetum erat, summa Recine-
 nsiensium approbatione ædificando circa sa-
 cellum templo adiecerat animum. Igitur
 magnum circumiacentis agri spatium ad
 hanc rem facile impetratum: disturbatisque
 porticibus, templum ære publico à funda-
 mentis exstructum est; humile illud qui-
 dem pro magnitudine; sed tamen satis am-
 plum, capaxque. Adiectæ templo amplio-
 res ædes Sacerdotum, ministrorumque ha-
 bitationi, & nobilium aduenarum hospitio
 destinatæ. Quibus deinde diuersorium
 pauperum peregrinorum
 accessit.

*S. Domus
 templum
 circumda-
 tur.*

*Nova Aedes Lauretana à Benedicto XII.
Indulgentiis ornata impensius cele-
bratur. CAP. XIX.*

Hier. Ang.

*Benedicti
XII. Indul.*

Condito ornatoq; templo ornamentum
deinde maius adiectum. Postulatum est
à Benedicto XII. Pont. Max. vt certam de-
lictorum Indulgentiam Lauretanum tem-
plum rite visentibus largiretur. Haud ægre
impetratum. Ex cō tempore tantus Reci-
netensium pectoribus ardor iniectus, vt
plerique eorum nullis fere negotiis impedi-
rentur, quominus Lauretanam Ædem à
tertio milliario (tantum quippe distat ab
oppido) reuiscerent quotidie. Quin etiam
parui eorum filij à parentibus, ac nutricibus
assuefieri cœpti, vt quotidie mane è cuna-
bulis prodeuntes ad natalem ædem Virgi-
nis versi, Lauretanam matrem agnoscerent,
salutarentq; venerabundi. Ceterum senes
ac valetudinarij senio morbóue tardante,
cum de more ad Lauretanum templum ita-
re non possent, B. Mariæ Lauretanæ effigi-
em coloribus exprimendam curarunt in fo-
ro: ibique sacello, araque excitata, ab eo-
dem Benedicto Pontifice aureis exaratum
litteris diploma impetrarunt, quo diplo-
mate ad aram illam orantibus peccatorum
venia impertiebatur. Id ipsum diploma ca-
rie, ac vetustate confectum Hieronymus
Ange-

Angelita, vnus è Primoribus Recinetensis ciuitatis, qui circiter LXX. ab hinc annis oruit, ab se visum esse confirmat. Macerataensis porrò Episcopus (qui idem illa tempestate & Recinetensis erat) prodendam posteris Ædis Lauretanæ memoriam ratus, libellum edendum curauit, qui admirabilem sacrosanctæ Domus in Italiam aduentum, triplicemque eius in Recinetensi agro migrationem; præcipua insuper B. Mariæ Lauretanæ prodigia, ac miracula contineret. Et quo altius in teneræ ætatis animos Virginis Lauretanæ religio descenderet, Recinetensis ciuitatis decreto sancitum est, vt Ludimagistri omnes in tradendis primis litterarum elementis, omnium primum tabulis narrationibus imbuerent puêriles aures, animosque; libelli que illius lectioni paulatim rudem assuefaceret ætatem. Hinc eximia illa Recinetensium animis insita religio, pietasque aduersus Lauretanæ Virginis Domum.

Ædis Lauretanæ status, Romanis Pontificibus Auenione sedentibus.

C A P. XX.

QVam porro altas in Picentium pectoribus radices egerit per id tempus Ædis Lauretanæ religio, vel illud indicio est, quod nullo fermè Romanorum Pontifi-

cum adminiculo erecta, suis ipsa propemodum viribus innixa stabat. Quippe per eadem tempora, ut diximus, transierat Romana sedes in Galliam. Et quia aberat ab Vrbe atque Italia Pontifex, multa ab Æde Lauretana, & decora & subsidia aberant, quæ nunc sunt, ac tum fuissent, nisi augustissima Ædes tot, tantisque miraculis, ac prodigiis clara, tam procul abfuisset à Pontificum oculis auribusque. Ceterum ne sic quidem Pontificiis ornamentis omnino caruit. Quanquam Pontificiæ sedis longinquitas fecit, ut à Romanis Pontificibus, quamdiu sederunt in Gallia, non tam ornata, quam non neglecta videretur. Erat iam Lauretana Ædes à Benedicto XII. Indulgentiæ munere insignita, cum Clemens VI. eius successor seculari Iubelæi celebritatem ad quinquagesimum annum reuocatam absens ab Vrbe (sedem quippe Auenione habebat) indixit egitque. Et vndique concurrentium Romanam populorum multitudo fuit pene incredibilis. Ex qua complures, Flaminia scilicet, Æmiliaque incolas ad Lauretanam Ædē fama iam celebrem, ex itinere deflexisse oportet. Atrox inde pestilentia ab ipsa Vrbe orbis terræ capite orsa totam ferme funeribus exhausit Italiam. Triennium omnino tenuit: quo tempore Italiæ vrbes vix centesimo quoque superstite, pene ad solitudinem

*S. Anto. p. 3.
Plat. Clem.
VI.*

iem ac vastitatem redactæ. Quæ prope infinita clades multos profecto perpulit Italorum, vt implorata Beatæ Mariæ Lauretanæ ope, in tam horribili tempestate, ac procella, cœlestis auxiliij vmbra tegerentur. Vigesimo fere anno interiecto, Clementi successit Vrbanus V. qui Romam aliquândo reuisit, non quidem ea mente, vt Pontificiam sedem eo reuocaret, sed vt res vrbanas, & Italię turbas componeret. Cæterum sub reuersionem ab vrbe in Galliam, cessit è vita. Gregorius inde XI. Pontificatum occepit. Is simul Italiæ incommodis, simul Catharinæ Senensis, Virginis mirificæ sanctitatis insignibus inelytæ precibus motus, Pontificalem sedem aliquando retulit Romam, anno LXX. quam translata erat in Galliam.

*Schismatis diuturnitas Lauretanâ Aedem
multis Pontificum fraudat benefi-
ciis. C A P. XXI.*

Gregorio breui rebus humanis exempto, Pontifex creatur Vrbanus, huius nominis sextus. Huic à factione Gallicana Clemens VII. pseudopontifex obiectus, qui Romanæ sedi sedem suam Auenionensem, quam Romanam dici volebat, opposuit. Ex quo turbata, diuisa q; duas in partes Ecclesia. Cæterum Romani Pontificis absentia,

S. Anto p. 3.

Platin. Urb.

VI.

sentia, quantum Ædis Lauretanæ ornamētis, commodisq̃ue obstitisset, vel illa ipsa tēpestas, ex eius præsentia intellectum est.

*Vrbani VI.
beneficia.*

Quippe Vrbanus quamuis Schismate, & schismaticorum Principum armis, atque insidiis exercitus agitatufq̃; tamen in tanta curarum & negociorum mole, ad Laure-

Ex Bul. Bonifacij IX.

tanam Virginem ornandam curæ aliquid deriuauit. Nam de cœlestibus flammis VI. Idus Septembris supra Ædem Lauretanam spectari solitis certior factus, cœlesti Reginę honestandæ animum adiecit. Natalemq̃ue Virginis lucem cœlestibus à Deo prodigiis decoratam Pontificiis à Dei Vicario muneribus decorandam existimauit. Lauretanam igitur Domum ipso natali Virginis die visentibus cumulatissimam delictorū omnium Indulgentiam impertiuit, anno eius sæculi XC. mira omnino opportunitate. Vrbano enim subrogatus Bonifacius IX. nō modo Vrbani exemplo, nouis Indulgentiis Lauretanam cumulauit Ædem, sed Iubilei celebritatem egit, quæ Bonifacij VIII. instituto in annum M. CCCC. incidit. Itaq; vt sedes Pontificalis Romam aliquando reuocata, cupidoq̃ue visendi Pontificis mortales innumerabiles vndiq̃ue in Vrbem ad Basilicas Apostolorum exiuit; ita cœlestium ignium, Pontificiarumq̃; Indulgentiarum fama complures eorum ad Lauretanam cellam

Iam Septembri potissimum mense visendam, natalemque Virginis diem inibi agendum accendit. Per ea tempora Recinenses viam, quæ ducit Lauretum (vt etiam per hyemem sacra *Ædes* commodè adiri posset) laterculo sternendam, marginandamque locauerunt. Sacella etiam propter viam, iusta per interualla excitarunt, siue pietatis incitamenta, siue in sæua tempestate, suffugia. Recinetisium exemplum alios Picentium populos ad par pietatis decus excitauit. Igitur ex finitimis oppidis vrbibusque viæ, quæ Lauretum ferrent, sterni cœptæ: & ab Ancona, Auximo, Monte sancto, Firmo, Lauretum vsq; perductæ. Amnes etiam agrum Picenum interfluentes pontibus iuncti, vt tutum peregrinis, expeditumque iter darent. Cæterum Lauretanæ Domus ornamentis haud multo minus continuata rei Christianæ distractio obstitit, quàm Romani Pontificis commoratio Gallicana obstitit. Schisma quippe multiplex, ac variū, quale nunquam antea, plures Pontificum exercuit per annos circiter XL. Quoad Martinus V. summo omniū consensu Pontifex Max. in Constantiensi Consilio creatus pacem aliquando orbi Christiano, & concordiam peperit. Verum enim uero illa tam fæda discordiarum tempestas, sicut Ecclesiam, ac Pontifices ingenti malorum

*Hier. Ang.**S. Anto. p. 3.*

mole oppressit, ita Lauretanam Ædem
haud paruo fraudavit cumulo bonorum.
Id adeo quæ consecuta sunt, tempora decla-
rarunt.

*Martinus V. Indulgentiis, & Nundinis
Lauretanam ornat celebritatem.*

CAP. XXII.

QUæ ab translata Æde B. Mariæ ex Gali-
læa, ad eandem Laureti constitutam,
celebrariq̃ue cœptam in multiplici Chri-
stianæ rei varietate, motuq̃ue gesta sunt, ad-
huc exposui, res cum vetustate, ac rerum
perturbatione subobscuras; tum raris per ea
tempora litteris illustratas. Ad hæc, si quæ
in Recinetensium commentariis, aliisque
publicis, priuatisq̃ue erant monumentis,
incenso (vt supra diximus) cum vrbe tabu-
lario, pleraque interiire. Cæterum suble-
uauit Recinetensem cladem Dalmatarum
Hier. Ange. industria. Flumenses Tersactensibus fini-
timi, Leone X. Pontifice Maximo, Laureta-
næ historiæ origines ac primordia haud me-
diocriter illustrarunt. Nam de prima san-
ctissimæ huius domus in Dalmatiam mi-
gratione, exploratione, cultu, ac miraculis
consignata litteris Recinetensi populo mi-
serunt ea, quæ in vetustis maiorum suorum
annalibus reppererāt. Et Recinetenses Leo-
nem Pont. de hisce rebus certiorē fecerunt.
Autho-

Authorem habeo Hieronymum Angelitam, qui illo ipso tempore Recinetensi ciuitati erat à secretis: & subinde Lauretanam historiam, vbi hæc memoriæ prodidit, Clementi VII. Leonis patrueli, & participi secretorum dicauit. Nos igitur Angelitam haud dubiæ fidei authorē secuti ex Illyricorum annalibus primam huius historiæ partem texuimus, iis quæ in propriis Recinetensium monumentis calamitas vrbis reliqua fecerat, adiectis. Clariora deinceps, & vberiora tradentur, quæ paulo diligentius, vel memoriæ prodita, vel litteris custodita ad nostram ætatem, nostrasque manus peruenere. Martinus ergo pace, & otio Ecclesiæ parto, antiquissimum habuit Lauretanam Ædem miraculis, ac prodigiis nobilem suo aliquo munere insignem relinquere. Itaque multis magnisque Indulgentiarum propositionis præmiis, mortales omnes ad Lauretanum sacellum Septembri potissimum mense visendum, colendumque inuitauit. Porro anno eius sæculi ferme XX. hoc beneficium nouo beneficio cumulauit. Solemnem Recineti Nundinas *ad laudem, & gloriam, & honorem Lauretanæ Virginis*, (vt ipse in litteris Apostolicis ait) instituit, ratus fore, id quod euenit, vt ob locorum propinquitatem, Recinetensis emporij celebritas celebritatē augetet Lauretanæ Domus: quippe cum finitimos

*Martini V.
beneficia.*

*Ex Bull.
Iul. II.*

timos populos mercium illecebra, mercatores Indulgentia delictorum ad Lauretanam Ædem celebrandam alliceret. Lauretanas porrò Indulgētias trimestres esse voluit, & Recinetensi mercatui pares: nimirum, vt Septembri, Octobri, Nouembri mensibus, quibus Recinetensis mercatus celebraretur, indulgentiæ Laureti percipi ab adeuntibus rite B. Virginem, possent. Martini exemplum plures deinceps Pontificum secuti, Iulius II. Xystus IV. & Leo X. (vt suis deinde locis dicturi sumus) Recinetensem mercatum sua authoritate firmarunt: & Lauretanum templum Pontificalibus beneficiis adauxerunt. Cæterum Martino V. Pont. Lauretani templi non celebritas modo, sed etiam cultus maximè auctus. Affluentibus Sacerdotibus voluntariis Ædis Lauretanæ ministris, ædes egregiæ (Canonicam vocant) ad meridiem excitata. Prætorium quoque exstructum, & hospitium, quæ nobilibus, quæ pauperibus aduenis destinatum.

Lauretani templi opulentia Eugenio IV.

Pont. CAP. XXIII.

EVgenius IV. Martino sublectus simul vrbani turbis, simul nefariis Basilæensis Concilij iam corrupti decretis exagitatus, insuper Fælicis V. Pseudopontificis Schisma-

Schifmate, & Ilorentino Concilio ab se indicto implicitus, spatium fere nullum habuit de Lauretanæ Domus ornamentis cogitandi. Verum Flavius Blondus, qui Eugenio ab epistolis fuit, historicus illis temporibus haud ignobilis, veluti Pontificis vicem implens Lauretanam Virginis cellam amplissimis verbis ornauit. *Recanetum inter, & Adriaticum mare (inquit) paululum à Mufione fluuio recedit celeberrimum totius Italia, vt in aperto, immunitoq; vico sacellum gloriofa Virginis Mariæ in Laureto appellatum: quo in loco preces supplicantium à Deo, genitricis suæ intercessione exaudiri, illud maximum certissimumq; est argumentum, quod eorum, qui votis emissis exauditi fuerunt, ex auro, argento, cera, pannis, veste linea, laneaque appensa donaria magno luenda precio, Basilicamque omnem pene complentia, Episcopus in Dei Virginisque gloriam intacta conseruat. Ex quo satis apparet, quæ fama, quæ religio, quæ celebritas Lauretanæ Domus, quæ varietas, & copia donorum fuerit, Eugenio Pontifice, hoc est, anno post Christum natum circiter M. CCCC. L. Qui annus Iubilæo celebrer Lauretanam de more auxit celebritatem, opulentiamque. Sub id tempus Franciscus Sfortia, Philippi Vicecomitis Mediolanensium Ducis impulsu, bellum aduersus Pontificem gessit. Et Piceno, qua vi, qua dolo in suam ditionem redacto, victor B. Maria*

*Fla. Blondi
testimonium.*

*Blon. lib. 5.
Dec 3.
Sabel lib. 2.
En. 10.*

*Joan. Vitel.
ſeſcus Epifc.
Recinet.*

riæ Lauretanæ templum fama celeberrimum viſere ſtatuit. Præerat Piceno cum ſumma potestate Ioannes Vitelleſcus Recinetenſis Antifteſ, vir conſilio, manuque promptus. Is ergo veritus, nequid detrimenti ſacellum donis opulentum caperet ab inſolenti victoria milite; materiam avaritiæ ſubtrahere occupat: & præcipua Lauretani templi ornamenta clam in nauim ad id paratam impoſita ſecum propere Venetias primum, inde Rauennam aſportat: ita, & ſacrilegij materies ſubducta, & ſacra dona in tutum recepta; ac deinde, ſedata illa tempeſtate, reportata. Nec dubium Deiparæ præſidium per ea tempora in Æde Lauretana tuenda apparuit. Nam cum diuturno, grauique bello tot exercitus Sfortiæ, Pontificis, Alphonſi Regis Neapolitani toto Piceno impune volitarent, tot copiarum Duces Lauretum accederent; tamen in direptione tot oppidorum, atque vrbium, vicus immunitus, templi opulentia, vt tum res erant, inclytus, ſemper intactus, inuiolatusque permanſit: tanta ſeu loci ſanctitas apud homines, ſeu Virginis tutela rerum ſuarum fuit.

Lauretana Domus à Nicolao V. Indulgentiis augetur, contra vim Turcarum munitur. CAP. XXIV.

Nicolaus inde V. Eugenio mortuo, Pontificatum excepit, qui ne à Martino in Beata Mariæ cultu vinceretur, Lauretanam eius cellam Pontificiis muneribus auxit. Videbat diem B. Virgini ab Angelo salutæ sacrum maximè insignem illi Domui, ac memorabilem esse; quippe cum Deus eo ipso die inibi naturam humanam induisset. Lætissimā ergo illam lucem, qua iacta sunt fundamenta salutis humanæ, anniuersaria Indulgentia decorauit. Ex quo templum Lauretanum, vt tanti mysterij memoria dignum erat, quotannis illo die eximie celebrari est cœptum. Porro Nicolaus Lauretana Æde Indulgentiis cohonestata, opulentia quoque ædis consulendum putauit. Igitur magnopere cauit, ne Lauretana dona auerterentur, neue diuenderentur, arcens ingressu Ecclesiæ Antistitem Recinensensem, si quid eorum in posterum distrahere, aliòsue in vsus conuertere ausus foret, sin autem vendita iam, ac distracta intra vnius mensis spatium, non recuperaret, Episcopatu deiiciens. Ciuitati in super Recinensi eodem diplomate negotium datū, vel recuperandi Lauretana dona, vel tuendi.

Nicolai V. beneficia.

Hier. Ang.

Nec

S. Anto. p. 3.

*Constanti-
nopolis a
Turcis ca-
pta.*

Nec pace solum, sed bellico etiam tumultu, insignis Nicolai Pontificis pietas in Lauretanam sedem enituit. Sub id tempus Mahometes Turcarum Rex Constantino Palæologo Orientis Imperatore cæso, Constantinopoli vi capta, fædeque direpta, Turcici sedem Imperij transtulit in Europam, anno post Christum natum M. CCCC. LII. Ergo, ut Constantinopolim Christiani Imperij arcem à Barbaris captam, Imperatorem ipsum cum nobilitate cæsum, Turcarum Regem tanta victoria inflatum ex propinquo insultare Græciæ, minitari exitium Italiæ fama tulit; enimvero tantus Christianis viribus terror incescit, ut tota Italia trepidatum sit. Itaque Nicolaus satis memor Ædis Lauretanæ, eam aduersum Barbarorum excursiones satis firmo præsidio munit: & simul in hostem omnibus viribus consurgere parat eius rabiem compressurus.

*A Callisto III. aduersus Turcas communita
Domus, Barbaros alio vertit ingenti
clade perculos. CAP. XXV.*

*S. Anto. p. 3.
Flav. Cal-
list. III.*

CÆterum Nicolao in ipso apparatu, ac meditatione Turcici belli ex mœrore, ut ferunt, extincto successit Callistus III. Is, quia fama erat, Turcas victoria vsos magna Peloponnesi, Epirique parte in suam ditionem redacta, in Dalmatiam, atque in ipsam Italiam

Italiam furore ac rabie instinctos rapi; nihil *Callisti III. beneficia.*
 habuit antiquius; quam vt Lauretanam
 Domum tutaretur, haud dubius quin illa
 salua, Deiparæ præsidio cætera in Italia sal-
 ua essent futura. Igitur Rodericum Borgi-
 am fratris, & L. Ioannem Milianum sororis
 filios cum Legatorum Pontificiorum mu-
 nere, ac nomine, copiis præficit. Horum al-
 terum in picenum, Lauretana Domo præ-
 cipue eius curæ demandata, alterum Bono-
 niam è vestigio destinat. Veniunt ambo Le-
 gati cum suo vterque exercitu Lauretum:
 ibi pacem, veniamque à Deo, Deique pa-
 rente comprecati sacram Ædem à muris, &
 propugnaculis nudam tumultuario opere
 aggeribus cingunt. Cæterum B. Virgo, ta-
 metsi Pontificis, Pontificiorumque Ducum
 erga se voluntatem minimè aspernata; suã
 ipsamet cœlesti ope prôtexit domum, Tur-
 carum rabie alio auersa, domitaque. Quip-
 pe per id tempus Pontificia classis non ma-
 gna, duce Patriarcha Aquileiensi, Asiæ oras *S. Anto. p. 3.*
 felici ausu, euentuque populata, effusum Bar- *Sabel. Aen.*
 bariæ impetum fregit. Turcica classis acie *10. lib. 6.*
 victa; pleræque triremium captæ. Vsum-
 cassanus insuper Persarum Rex, Callisti in-
 stinctu, Turcarum fines infesto agmine in-
 gressus, egregias reportauit de superbissimo
 hoste victorias, non tam humana vi (vt
 ipsemet litteris ad Pontificem datis profes-
 sus

fus est) quam ope diuina. Ioannes quoque Hunniates Præfectus Vngariæ per eadem ferme tempora Turcas Belgradum Vngariæ oppidum nobile, maximis copiis ac viribus obsidentes adortus, non magna militum manu ingentem eis intulit cladem. Haud humanæ opis res visa. Ioanne Capistrano viro sancto ex Franciscana familia Christi crucifixi signum inferente, Barbari fusi, cæsi que. Mahometes ipse Turcarum Imper. vulneratus. Nec obscurum Dei auxilium fuit; tam insignem victoriam ipsi belli Duces diuino numini acceptam retulere. Itaque tot, tantæq; de præpotenti hoste victoriæ omnium consensu diuinitus partæ, ad bene de Rep. sperandum Christianorum animos erexerunt. Haud parua deinde dictu res, & spem piorum auxit, & S. Mariæ Lauretanæ nomen toto pene Christiano orbe propagauit.

Sanitate Pio II. reddita, longè celebrior, clariorq; esse cæpit. CAP. XXVI.

*Platina. in
Pio II.*

Pius II. Pontifex Max. Callisto sublectus est, vir ingenio & virtute clarus. Is Christianis Regibus, ac Principibus non modo per litteras, Legatosque, sed etiam per se in Concilio Mantuano sua præsentia, ac voce ad Turcicum bellum incitatis, ex itinerum laboribus in longinquum, periculosumque inci-

incidit morbum, alienissimo Christianæ Reipub. tempore. Quippe magna sacrorum militum pars, qui cruce insignes sacræ militiæ dederant nomen, Anconam Pij Pontif. iussu conuenerant: iamque Pontificis ipsius ex composito præstolabantur aduentum. Cæterum senile, laboribusque fractum Pij corpus, alienissimo tempore ardens febris, molestissimaque tussis adeo afflixerant, ut non dicam ire, sed aspirare Anconam, uti constituerat, haudquaquam valeret. Da- *Tradit.*
 mnata igitur spe, atque ope medicorum, B. *Laures.*
 Mariæ Lauretanæ, cuius egregiam vim in *Bern. Cyril.*
 morbis diuinitus curandis, fama acceperat, implorat opem, non tam vrgentis morbi, quam Anconitani itineris remedium quærens. Nec dubius auditas preces, extemplo *Pij II. Pont.*
 calicem aureum opere, ac pōdere insignem *donum,*
 B. Virgini donat, dicatque. Addita votiuo calici ab ipso Pontifice in voto nuncupando dictata inscriptio, Pontificij voti doniq; monumentum.

PIA DEI GENITRIX,

QVAMVIS TVA POTESTAS NVLLIS
 COARCTETVR FINIBVS, AC TOTVM
 IMPLEAT ORBEM MIRACVLIS; QVIA
 TAMEN PRO VOLVNTATE SÆPIVS
 VNO LOCO MAGIS, QVAM ALIO DE-
 LECTARIS: ET LAVRETI TIBI PLA-
 CITAM SEDEM PER SINGVLOS DIES

INNVMERIS SIGNIS ET MIRACVLIS
EXORNAS; EGO INFOELIX PECCA-
TOR, MENTE, ET ANIMO, AD TE RE-
CVRRO SVPPLEX ORANS, VT MIHI
ARDENTEM FEBRIM, MOLESTISSI-
MAMQVE TVSSIM AVFERAS: LÆSIS-
QVE MEMBRIS SANITATEM RE-
STITVAS. REIP. VT CREDI-
MVS, SALVTAREM.

INTERIM HOC MVNVS ACCIPITO
MEÆ SERVITVTIS SIGNVM.

PIVS PAPA II. ANN. HVM. SAL.
M. CCCC. LXIV.

Et donum Virgini cordi fuit, nec sua spes
Pium Pontificem vlla fefellit ex parte. Mi-
rum dictu: voto nuncupato, extemplo fe-
bris ardor refrigescere cœpit, tussis remitte-
re, redire vires affectis ac pene consumptis,
morbo pariter & ætate, membris. Pius ergo
moræ impatiens, nondum satis confirmata
valetudine, committit se viæ, Anconam itu-
rus; & Lauretanæ Virgini ex itinere votum
exsoluturus. Lætica delatum complures
Cardinalium Romanorumque Procerum
prosecuti, quos partim Pōtificis charitas, ac
reuerentia, partim miraculi fama, partim e-
tiam sacri exercitus visendi cupido ab Vrbe
exciuerat. In itinere Pontifex quo propius
Lauretanam Ædem accedebat, hoc melius
habe-

Pius II.
Laur. Virg.
adit.

habebat: vt facile appareret inde vires augeri. Itaq; ad B. Mariæ patronæ suę conspectum valens, ac vegetus peruenit: & præsentis opis in Vrbe, atque in via expertæ memor vota persoluit. Nunquam aliàs ante maior Lauretanæ maiestatis species visa. Vno tempore Cardinalium, primorumque Romanæ ciuitatis plurimos Pium profecutos, satis etiam multos egregios bello Duces ex Ancona Pontifici obuiam progressos ipsumque Pontificem Max. ante Lauretanam Virginem supplices, ac venerabundos videres. Pius ergo voti religione exsolutus, iisdem comitantibus pergit Anconam. Ceterum quo minus voti, cuius compos à Lauretana Virgine factus erat, fructum perciperet, impedimento fuit sociorum sacri belli mora. Nam dum grauior iam ætate, ac viribus Pontifex per æstiuos calores Anconæ sedet, Venetę classis Ducem, aliosque belli socios expectans, siue moræ tadio, siue senio affectum corpusculum vrgente, languere cœpit. Inde in lentam, ac pertinacem incidit febrim, cuius demum tabe consumptus ad suorum laborum, egregiique illius conatus præmia migravit in cœlum, anno eius sæculi LXVI. Pontifex omnino cum cæteris egregiis animi dotibus; tum vero pietate, ac religione memorabilis. Nec in postremis Pij laudibus illa est numeranda,

quod reddita tali viro, Lauretanæ Virginis ope salus, ac tot Principum, gentiumq; sermonibus celebrata, Ædi Lauretanæ plurimum nominis ac religionis adiecit. Quippe ad id vsq; temporis (per annos fere centum sexaginta, ex quo demigrarat in Italiam) Lauretanæ Domus fama Piceni finibus se ferme tenuerat: in finitimas ac longinquas regiones vix tenuis quidā, & obscurus manauerat rumor, vt mirum cuipiam esse non debeat, sacrosanctæ Domus inde vsq; à Galilæa in Italiam translatae famam, neq; ad S. Vincentium Ferrerium in Hispaniam Auenionensi Schismate implicatam, occupatamque insuper religione Montis Serrati, neq; ad S. Antoninum, aliosq; Etruscos superiorum temporū scriptores, in Etruriam ciuilibus ardentem bellis, inter strepitum fragoremque armorum penetrasse. Quæ profecto causa fuit, cur S. Vincentius veterem famam secutus in quodam sermone, B. Virginis Domum in Galilæa tum esse dixerit: D. verò Antoninus, & cæteri illo antiquiores historici Etrusci nullam omnino de Lauretana Domo fecerint mentionem: memorandæ videlicet eius in Italiam translationis ignari. At Blondus illorum fere æqualis historicus, vt assecla Pontificis, qui rei esset satis gnarus, illustre (vt supra demonstrauim⁹) Lauretano templo testimonium

nium dedit. De transportata autem diuinitus Lauretana Domo, idcirco fortasse nullo verbum paulo antiquiores historici fecere, ne vana & incredibilia afferre viderentur. Quippe cum tam inusitatum & à condito æuo inauditum miraculum nondum Pontificia autoritate firmatum esse constaret. At valetudo Pio Pontifici Romano pene moribundo in Vrbis, ac prope dicam orbis totius Christiani oculis, euidenti miraculo restituta Lauretanę Virginis ope, immensum illi addidit nomē. Ex eo namq; Ædes Lauretana omnes etiam remotissimas terras impleuit fama nominis sui: & vel ex vltimis orbis terrę angulis Lauretum peregrinos exciuit, quibus peropportunum paucis ante annis Laureti subsidium diuina prouidentia præpararat.

*Ab Episcopo Recinetensi luculentis prædiis
donatur subsidio pauperum peregrinorum.* CAP. XXVII.

Nicolaus Astius Episcopus Recinetensis *Hier. Ange.*
vir sanctimonia pariter, ac doctrina inclytus fuit: hic, vt erat Lauretanę Virginis *Ex Bull. Iulij II. Pont.*
eximiè deditus, eius cultum omni ope fouere, atque augere statuit. Ingens quotidie peregrinorū pauperum multitudo, seu vota reddendi gratia, siue Indulgentias consequendi studio, cōfluebant Lauretū: quibus

arca Lauretana benigne satis pro facultatibus subueniebat, largā singulis stipem impertiens. Hunc igitur benignitatis fontem, ne quando deficeret, certis prædiorum fructibus Recinetensis Antistes augendum existimavit. Complura is habebat luculenta fane, ac frugifera prædia ædi Lauretanæ propinqua. Ea Deiparæ Virgini donavit, diciturque anno eius sæculi LVIII. Cuius donationis caput visum est hoc loco interponere, ut appareat simul, quam eximia Nicolai Episcopi erga Lauretanam Virginem pietas extiterit; simul quantum pecuniæ, vel illis temporibus, cum nihil omnino possideret Lauretana Domus pauperibus aduenis erogarit. Id est eiusmodi: *Cum Nicolaus Episcopus Recinetensis, & Maceratensis, qui Ecclesiam B. Mariæ de Laureto Recinetensis Diœcesis ex dispensatione sedis Apostolicæ obtinebat, considerans deuotionem continuam, & dilectionem synceram, quam sedulo habebat ad prædictam Ecclesiam B. Mariæ, ac peregrinorum, & aliarum personarum, quæ tam ex votis, quam propter Indulgentiam consequendam, & aliorum debiliū, ac pauperum hominum numerum copiosum in dies ad ipsam Ecclesiam B. Mariæ, vltra diem festum dictæ gloriosissimæ Virginis Mariæ, confluentium, & ELEEMOSYNAS IMMENSAS, QVAS CHRISTI PAUPERES EX DOMIBVS PRÆFATÆ ECCLESIAE RECIPIEBANT,*

*Liberalitas
S. Domus in
pauperes.*

ET NECESSARIO RECIPERE HABEBANT, & quæ sequuntur. Quæ res hoc exploratior esse debet, quod memoriæ prodita est ab eo, cui pro suo officio, ac munere Lauretanæ res exploratissimas esse oportuit. His igitur facultatibus aucta domus Lauretana benignitatem in aduenas auxit suam. Et huius largitatis fama religioni iuncta longe, lateque iucundissimum Ædis Lauretanæ nomen diuulgauit, omnes Lauretum inuitans. Quippe remotissimarum nationum egentes peregrini, qui opportuni illius subsidij participes fuerant, domos suas regressi, non magis religionem, quam benignitatem prædicabant Lauretanæ Virginis. Ea res alios deinceps ad experienda, quæ audierant, accendit. Mira verò opportunitate huius famæ per Vrbes, atque exteras etiam nationes strenuè discurrenti parua dictures magnas per idem tempus addidit vires.

Lauretana historia summa à Præposito Teremano in æde proponitur. C A P.

XXVIII.

Petrus Georgius Præpositus Teremanus eximia integritate, ac prudētia vir complures iam annos Lauretanæ Domus Gubernator erat: Nicolao autem Astio vita functo, etiam Administrator Recinetensis

flier. Ang.

est factus. Hic igitur Pio Secundo Pontifice, anno eius sæculi circiter LX. Lauretanæ historiæ summam (depromptam scilicet ex ea, quæ olim, vt suprâ ostendimus, Recineti edita fuerat) in Lauretana Æde proposuit in gratiam peregrinorum: vt eius cognoscendæ potestas omnibus foret. Et scripta est stylo rudi, ac simplici, atque ad vulgi intelligentiam accommodato: gratum aduenis non illitteratis pabulum, nec leue Lauretanæ Domus monumentum. Porro hoc Teremani institutum adeo probatum est posteris, vt scriptum illud, quoties vetustate obsoletum videretur, toties deinceps instaurari placuerit. Sane & historia ipsa à prima Recinetensium memoria repetita est; & eius authoritati religio, ac diligentia Teremani, vel plurimum adiecit. Is quippe

Præp. Tere. interrogatis, qui adhuc supererant, testibus, tantam rem quoad eius fieri posset, voluit esse testatam. Testes igitur satis locupletes ab illo citantur duo, Paulus Rinalducus, & Franciscus cognomento Prior, ambo ciues Recinetenses, viri boni, spectatæque fidei. Rinalducus quippe sæpe Præposito Teremano (vt ipsemet refert) testificatus est, ab se auum suum sæpenumero auditum esse narrantem, semet Beatæ Virginis Domum conspexisse, cum sublimis ab Angelis supra mare ferretur, & in Recinetensi sylua

sylua collocaretur. Quin etiam se sacrosanctam Ædem in nemore sitam cum ciuibus aliis compluribus sæpius accessisse. Franciscus autem Prior, auum suum, C. XX. annos natum, integrisq; adhuc vtentem sensibus non semel audierat (vt ipse pro testimonio dixit) cum referret, ab se frequenter ad sacram Ædem in syluam cum aliis itum; eamque sua memoria in Collem duorum fratrum esse translatam. Porro Hieronymus Angelita perpetuus Recinetensis ciuitatis Secretarius, in Historia Virginis Lauretanæ author est, Paulum Rinalducium, & Franciscum Priorem à Lauretanæ Ecclesiæ Rectore, eodemq; Antistite Recinetensi, Præposito Teremano, etiam sacramêto adactos illa, quæ Teremanus ipse commemorat, pro testimonio dixisse. Ex quo satis apparet Præpositum Teremanum, cum testes huiusce tanti miraculi, rite deinde interrogaret, Administratorem Recinetensem, nō solum Gubernatorem Domus Lauretanæ fuisse. Ac ne cuiquā Præpositi Teremani fides in dubiū venire posset, Nicolaus Astius Recinetensis Episcopus in tabulis donationis (cuius ante meminimus) haud obscurū egregiæ eius fidei, ac religioni testimonium tribuit his verbis: *Considerans grata deuotionis, sinceraq; fidelitatis obsequia, & diligentiam valde grandem, quæ viri venerabiles, & circumspecti D.*

Petrus

Petrus Georgij Præpositus Ecclesiæ S. Sinidei de Teramo Gubernator almæ domus, nec non D. Antonius, &c. Presbyteri residentes in alma Domo tam longo tempore ipsi Ecclesiæ in spiritualibus, & in rebus, ac negociis ipsius Ecclesiæ, & almæ Domus temporalibus impenderunt, & adhuc cura vigili, & diligenti, ac solertibus studiis, & sollicitudinibus impendere, & impertire non desinunt, & quæ sequuntur. Igitur talis viri spectata religio & authoritas magnam adiecit historiæ fidem. Ex eo autem tempore, siue reddita Pontifici sanitas, siue fama benignitatis in pauperes aduenas, siue etiam Lauretanę historię promulgatio Beatam Mariam Lauretanam apud omnes gentes claram, ac nobilem fecit.

FINIS LIBRI PRIMI.




HORA-

HORATII TVR-
SELLINIE SO-
CIETATE IESV

LAURETANÆ
HISTORIAE, LIBER
SECUNDVS.

*Paulus II. pestilentia exemptus Laureta-
nam Aedem decretis ornatam nouo
templo decorare molitur.*

CAP. I.

ELEBRIS, inclytæque iam hinc
toto fermè orbe Christiano Ædis
Lauretanæ miracula, atque orna-
menta exsequar, quorum fama o-
mnium iam aures animosque compleuit.
Post Pij Pontificis decessum. Cardinales
Pium Anconam profecuti, Romam ad co-
mitia Pontificia iter intendunt. Atrox per
id tempus ex tanta hominum colluione, vt
fieri solet, Anconæ orta pestilentia erat, quæ
intolerabili æstu per autumnum humana
corpora mouente, per vulgaria primum ca-
pita vagari cœpit. Inde nobilitatem quoq;
Primoresque corripuit. Ergo præsentis pe-
riculi terror profectionem Patrum, aut fu-
gam

Hier. Ang.

*Cardin. S.
Marci pe-
stilentia li-
beratur in
Aede Lau-
ret.*

gam potius maturavit, & si quendam eorum, ne fuga quidem eripuit morbo, Lauretanæ gloriæ materiam futurum. Petrus erat Barbus Cardinalis S. Marci, ætate, prudentia, ac rerum usu inter cæteros eminens: hic pestilentia tactus, æstulare animo cœpit, cum fæda impendentis mortis facies oculis obuersaretur. Sed Pius II. Pontifex Lauretanæ opis recens erat documentum. Itaque valetudinis Pio diuinitus redditæ memor deferri se confestim ad templum Latretanum iubet. Quò ut ventum est, eiectis arbitris, in Deiparæ cellam infertur, ibi venerabundus procumbere humi, omnē in B. Virgine secundum Deum, suæ curationis spem reponere: vrgentis morbi, mortisque impendentis remedium exposcere: Rempublicam Pōtifice orbam Deo, ac B. Virgini impensius commendare. Nec frustra: precibus insistenti lenis quidam, ac dulcis somnus obrepfit. Fama est illi in quiete Deiparam Virginem celesti quadam specie oblatam, quæ bonum habere animum iussu, auditas eius preces nunciaret: mox discussum iri morbum: insuper ipsum propediem Dei nutu Pōtificem Maximum futurum. Haud vanum fuisse visum docuit euentus. Ex templo cum somno morbus abiit: ipse voti compos, animi, corporisque vigorem omnium spe maturius recuperavit. Igitur admodum

modum latus multiplex Dei, Deiparæque beneficium agnoscit: & gratiis vtrique impense actis, sospes ac vegetus exit è sacro-sancto facello, cunctis, qui eius morbi conscij erant, attonitis, & ingenti admiratione defixis. At ille B. Mariæ promisso ad summi sacerdotij spem erectus, & simul accepti beneficij satis memor, Lauretanæ Ædis Præsidentem protinus accersi iubet. Huic propalam enunciat, sibi esse in animo magnificentissimum S. Mariæ Lauretanæ templum concedere. Proinde primo quoque tempore calcis, cémentorum, materiæ, quod satis sit, comparet suo nomine, sumptuq; Inde Romam ad comitia profectus, Pontifex creatur. Pauli Secundi inditum nomen. Vix dum Pontificatu inito, haud immemor cuius opes, & valetudinem, & summum illud fastigium adeptus esset, Lauretanum templum moliri instituit. Ac præfagiente iam animo futuram olim amplitudinem eius loci, veteri templo disturbato, ingentem circa aream insanis occupat fundamentis. Inde opus cœptum strenue ædificare pergit. Bonam templi Lauretani partem à Paulo Secundo exstructam esse, fidem facit Baptista Mantuanus. Apud quem in Agelariorum carmine, Antonium Principem virum præter Piceni oram nauigantem, sic Gubernator naus affatur:

*Pauli I. P.
templum
Ædi Laur.
circumdat.*

*Bapt. Mant.
lib. 6.*

Quod

*Quod cernu Picentiis iuxta
Littora, delubrum est illud venerabile Magnæ
Matris, ab Assyriis, quod Dii super æquora quondam
Huc manibus vexere suis:*

Et paulo post :

*Laureta delubra vocant ; neu crede superbam
Hanc Ædem venisse fretis ; superaddidit ista
Templa sacerdotum Princeps ingentia Paulus.*

Ex quo profectò cōiectari licet, Laureta-
num templum ab eo pene ad fastigium esse
perductum. Inter hæc, dum templum sum-
ma ope exstruitur, Pontifex non ædificiis
solum, sed litteris quoque, ac muneribus
Pontificiis Deiparæ Domum adornavit.
Nam visentibus Ædem Lauretanam diebus
omnibus B. Marię sacris, ac præterea Domi-
nicis diebus, peccatorum omnium veniam
indulfit. Pretium operæ visum est caput lit-
terarum inferere, vt extet egregium summi
Pontificis de eximia Lauretanæ Domus
sanctitate testimonium ; idemque recupe-
ratę ab eo diuinitus valetudinis monumen-
tum. Pauca igitur, veteri Rom. Pontificum
more præfatus, ita scribit : *Quamvis pro ma-
gnitudine gratiarum, quas diuina maiestas ad in-
tercessionem gloriosę Virginis Marię filij eius geni-
tricis, fidelibus ad eam pia vota dirigentibus quoti-
die facit : sanctęque Ecclesię in honorem nominis
sui dedicatę sint summa deuotione venerandę ; id
tamen erga illas propensius est agendum, in quibus*

Altiſi-

*Pauli II.
Indulg.*

*Pauli II. 16.
Testimonium.*

Altissimus ad intercessionem eiusdem Virginis, ma-
 iora, & euidentiora miracula frequentius opera-
 tur. Manifestat autem rei experientia ad Eccle-
 siam S. Mariæ de Laureto Recanatensis Diocesis,
 ubi est imago B. Virginis Mariæ, ob magna, stupen-
 da, & infinita miracula, quæ ibidem eiusdem Almæ
 Virginis opera apparent, ET NOS IN PER- *Pauli II.*
 SONA NOSTRA EXPERTI SVMVS, ex di- *beneficia.*
 uersis mundi partibus confluere, & quæ sequun-
 tur. Indulgentiis porrò singulares immuni-
 tates adiecit. Quippe Lauretanam Ædem
 vna cum ministris, cæterisque rebus ad eam
 pertinentibus ab Recinetensis Episcopi iu- *Aedes Lau-*
 risdictione exemptam in suam, sedisq; Apo- *reta. exem-*
 stolicæ, & Apostolorum Petri & Pauli tute- *pta.*
 lam recipit: Sacerdotibus Lauretanis absol-
 uendi peregrinos à sceleribus ac flagitiis E-
 piscopo, Sediq; Apostolicæ reservatis satis
 amplam dedit facultatem. Posterioris quo-
 que huius decreti præmium, in quo per-
 honorifica fit mentio Lauretanæ Domus, *Pauli II. et*
 libet apponere, id est tale: Cum ad Ecclesiam *Simon. al-*
 B. Mariæ de Laureto extra muros Recanatensis ci- *terum.*
 uitatis fundatam, in qua sicut fide dignorum habet
 assertio, ipsius Virginis gloriose Domus, & Imago
 Angelico comitatu, & cœtu mira Dei clementia
 collocata existit, & ad quam propter crebra, ac stu-
 penda miracula, quæ eiusdem gloriose Virginis me-
 ritis, & intercessionem pro singulis ad eam recurren-
 tibus, & eius auxilium implorantibus cum humili-
 G *tate,*

tate, Altissimus operatur, in dies, & in diuersis mundi partibus etiam remotissimis eiusdem Virginis gloriosa liberati presidii populi confluat multitudo: & cætera, quæ sequuntur.

*Iacobus Franciscanus ab insanabili morbo,
& Daemonum oppugnatione libera-
tur. CAP. II.*

*Chro. Franc.
lib. 6. cap. 3.
& 4.*

P Roduntur autem quædam huius temporis non omittenda miracula. Iacobus Picens vir sanctus è Franciscana disciplina, pariter pietate, ac doctrina clarus Euangelij præco fuit anno eius sæculi circiter LXX. Hunc insanabilis morbus inuaserat, & animum ægritudo corporis vrgebat: quippe ea mali vis erat, vt nomen iuuandi sacris concionibus homines spem præcideret. Ergo humani remedij inops ad Deum Deiparamq; animum, ac vota vertit. Mox quamuis afflicta valetudine, Lauretum peregrinatorum ritu venit. Virginis cellam ingressus inter sacrificandum, cœli Reginam enixe obortis lacrymis orat, vt IESU filio propitiato, impetrèt sibi corporis sanitatem; quæ sanctum eius Euangelium prædicando, multis fortasse populis saluti foret. Nec mora: oblata illi protinus est Deiparæ species iubentis eum alia ab se petere. Nam quod peteret, esse iam datum: & Iacobus illico salutem sibi redditam sentit. Itaque gratiis

gratiis B. Virgini actis, non tam suam, quam eorum, quorum saluti studebat vicem lætus, remeat domum. Nec vna hac in re B. Mariæ Lauretanæ is expertus est opem. Interiectis aliquot annis, ab importunis diabolis diu, multumque vexatus Lauretum certissimum malorum leuamentum, accurrit. Antearam Virginis non sine animi angore, sacris operatus, expertum eius auxilium exposcit: finemque tandem orat tam molesto periculosoque certamini. Auditæ preces. Impensius oranti B. Maria se rursus ostendit. Et bono animo esto fili, inquit, ac summo rerum parenti grates agito. Adest pugnæ finis, & te cœlestis corona victorem manet. Prædictionem comprobauit euentus. Haud ita multo post fractæ infestorum hostium vires: Læta repente secuta pax: ipse deinde cœlesti præmio donandus euocatus in cœlum.

A Xysto Quarto Pont. vetera decreta cumulantur nouis. CAP. III.

NEc Paulo II. Xystus Quartus Pauli successor studio ornandæ Lauretanæ Virginis cessit. Nam & veteribus Indulgentiis addidit nouas, & Pauli immunitates sua auctoritate firmatas, adiecta immunitate decumarum, auctisque Lauretanis sacerdotibus facultate dispensandi vota, cumulauit.

*Hier. Ange.
Bern. Cyrill.*

Donationem insuper Nicolai Aftij Episcopi Recinetensis (de qua ante diximus) auctoritate Apostolica sanxit anno eius sæculi circiter LXXV. qui Iubilæi celebritate insignis fuit. Egregium porrò suum erga B. Virginem Lauretanam studium, pietatemque in cuiusdam diplomatis sui procæmio testatum reliquit his verbis: *Cupientes, vt ipsa Ecclesia Lauretana, ad quam specialem gerimus deuotionis affectum, congruis honoribus frequentetur: & vt fideles populi libentius, eo deuotionis causa confugiant, confirmamus: & quæ sequuntur.* Nec nihil vel ad Xysti laudem, vel ad Lauretanę Domus auctoritatem facit, quod idē Pontifex, cum Carmelitani certissimis argumentis fidem ei fecissent, sacra omnia Palestinæ loca (atque in his ipsum domicilium Virginis) priusquam Saracenorum armis occuparentur, Carmelitanæ familiæ credita & commissa fuisse; hoc ipsum litteris Apostolicis in eorum gratiam scriptis testatus est. Quæ causa fuit, cur deinde Carmelitanis sacrosanctę Domus sit procuratio reddita, vt dicturi sumus in loco. Ad hæc Xystus Hieronymo Roboreo sororis filio Cardinali cum Episcopatu Recinetensi tutelam permisit Ædis Lauretanę, haud paruo ipsius Ædis bono. Quippe & auunculi instinctu, & sua voluntate templum à Paulo inchoatum exædificauit: eiusque cultum
sacra

Hieron. Robur. Card. patronus Lau. Ædis.

sacra supellectili, lectissimis Sacerdotibus, Cantoribusque adauxit.

Ingens Turcarum manus Lauretanæ opulentia imminens diuinitus fugatur.

CAP. IV.

SVbidem tempus ingens procella exorta, & opulentiam & religionem Lauretanæ Ædis ostendit. Mahometes Turcarum Imperator Rhodo Insula nequicquam oppugnata, vnum è suis Ducibus cum classe in Italiam destinauit. Is igitur anno eius sæculi circiter LXX. ex improuiso Hydruntum oppidum nobile in Salentinis, velut claustra Italiæ occupauit. Ex infinitima circum loca populatus, cæteræ oræ maritimæ Adriatici sinus imminebat. Ergo Recinentes, & si impendentis periculi fama conterriti; tamen immemores patriæ Lauretanam Domum summis opibus propugnare statuerunt. Valido igitur præsidio imposito, excubias agitabant dies noctesq;. Ac ne Barbaros opulentæ prædæ spes ad Lauretanam Ædem oppugnandam alliceret; Lauretana dona præcipua in tutum recipi placuit. Mox deprompta, ac de more relata in tabulas, à certis hominibus Recinetum deferuntur, & in arce conduntur. Satis constat ea dona tum sex ferme aureorum millibus æstimata. Inter cætera Laurentij Medicei (is

Hier. Ang.

Petri filius, Magni Cosmi nepos fuit) statua argentea, quę nixa genibus altitudinem excedebat cubitalem. Compendiaria fortasse simulacri eius inscriptio (in qua erat Laurentius P. F. Medices) Angelitam decepit, ut Laurentium Perfranciscum interpretaretur, quod significabat Petri filium. Credo equidem Laurentium cum Xysti Pontificis, sociorumque armis premeretur adeo, ut ad ipsum Ferdinandum Neapolitanum Regem, acerbissimum hostem suum confugere cogeretur, donum eiusmodi vouisse: bello deinde periculoque defunctum Lauretanę Virgini, vel tulisse, vel misisse. Cæterum sapiens Recinetensium cōsiliū, subductumq; periculo sacrum aurum, argentumque haudquaquam Barbaros à conando scelere auertit. Turcæ populabundi ad Castrum Portus Recinetensis classe delati, omīssa minorum prædarum cura, ad Lauretanam prædā, quam opulentissimam sciebant esse, asportatam alio nesciebant, iter intendunt. Tuebātur Lauretanam Ædem, ut diximus, Recinetenses, leue aduersus Barbarorum exercitum insolentem victoria præsidium, nisi ipsa loci Præses suę domui præsidio foret. Itaque ad sacrę Domus conspectum, ingens repente terror totam Turcarum peruasit aciem cunctosque è vestigio inuitissimis animis referre cœgit pedem,

dem, stupore attonitos, & Deum profecto pro illa Æde stare memorantes. Nec tamen illis sacrilegus conatus impune fuit. Superbissimus Tyrānus haud ita multo post, subita morte extinctus: Hydruntum à Christianis receptum: Turcæ Italia pulsi. Cæterum id ipsum periculū Cardinalem Robureum Laureti Patronum admonuit, vt Lauretanum templum destinatis propugnaculis primo quoq; tempore communiret. Ex eo templum ipsum in arcis modum impense muniri cœptum aduersus repentinos hostium incursus.

Ab Innocentio VIII. donis colitur. Carmelitanorum cura committitur. CAP. V.

Xysto sublectus Innocentius VIII. cuius Pontificatus, quā vrbanis, ac domesticis turbis exercitus, quā Neapolitano implicitus bello, nullam pene facultatem, opportunitatemue habuit bene de Lauretano templo merendi. Attamen huius laudis non penitus expers fuit. Innocentius quippe eximia pulchritudine auream bullam cum gentilitiis insignibus donū misit Lauretanæ Virgini suspendendam è collo, velut sue erga illam religionis indicium. Pontificale insuper amiculum (pluuiale appellant) ex holoserico villosa, auroque magnificis sane ac præclaris floribus pictum, & opere Phrygio

Cod. Lat.

G 4 præ-

prætexto, margaritisque conspicuum. Ad hæc peripetasmata contexta ex auro, sericoque. Eodem Pontifice Cardin. Robureus, *Bapt. Mant.* Lauretanæ Domus pariter, & Carmelitanæ familiæ Patronus, haud parum memor Carmelitanos patres nuper certis argumentis probasse Xysto IV. auunculo suo, sacram Domum, priusquam è Galilæa discederet, Carmelitanorum commissam fuisse curæ; eosdem ex autoritate Pontificis Lauretano præposuit templo. Hi iam pridem à Barbaris ex Asia pulsi Europam non magis cœnobiis, quam optimis exemplis impleuerant: cæterum laxatam paulatim disciplinam nuper in Italia nouis adstrinxerant legibus. Lecti XXX. ex eorum numero maximè ad eam rem idonei. Horum ex numero Baptista Mantuanus fuit Congregationis Mantuanæ Vicarius Generalis, qui Lauretanæ Domus scripsit historiam, & Robureo Cardinali dicauit eo ipso anno, quo Lauretum venit, hoc est M. CCCC. Vnde nonagesimo.

Baptista Mantuani testimonium.

C A P. VI.

*Bapt. Mant.
testimoniū.*

BAptista igitur Mantuanus Theologus idem, ac Poeta egregius initio suæ historiæ, egregium Ædi Lauretanæ tribuit testimonium, quod ab re non erit nostræ historiæ

riæ intexere. Cum nuper, inquit, venissem ad sacratissimæ Virginis Mariæ sanctum domicilium, vidissemque qualia, & quanta Deus ostendit in eo loco miracula, & suæ virtutis, atque clementiæ signa manifestissima; me subito horror inuasit, & visus sum audire vocem Domini loquentis ad Moysen: Non appropinques huc, solue calciamentum de pedibus tuis, locus enim, in quo stas, terra sancta est. Inde præfatus legisse se in templo Lauretano tabulam parieti affixam, situ & carie corrosam, in qua vnde, & quonam pacto locus ille tantam sibi vendicasset authoritatem, conscripta erat historia, hæc, inquam, præfatus adiecit. Historia igitur in tabella continebatur eiusmodi; Templum B. Dei Genitricis Lauretana quondam ipsius Virginis cubiculum fuit, in quo nata, nutrita, ab Angelo Gabriele salutata, & Spiritu sancto fuit obumbrata. Cætera inde persequitur, quæ à Præposito Teremano memoriæ prodita, & in Lauretana Æde proposita diximus: vt ex Teremani tabula esse deprompta satis appareat. Ad extremum augustissimæ huius Domus laudationem ingressus, eam non modo terrestri paradyso, vbi Eva ex Adæ latere efficta est: Monti Sinæo, vbi lex data: templo Salomonis præcipua luminis præsentia inclyto; Bethleemio antro, quæ cunabula fuerunt Saluatoris: Tabori Monti, vbi Christus clarissima luce circumfusus apparuit cum Mose, & Helia collo-

quens : Monte Oliuarum , vnde Christus triumphans ascēdit in cœlum; verum etiam augustissimo Christi sepulchro, quo nihil in terris sanctius habetur , longē multumque antepōnit : præcipuè quod hic Deus humanitate indutus fundamēta iecerit salutis humanæ. Cuius laudationis illa est insignis fanes, ac frugifera clausula, *Sed quid plura de Domus huius ineffabili dignitate commemorare pergo? libet mihi Iacob Patriarchæ sermone concludere. Terribilis est locus iste, non est hic aliud, nisi domus Dei, & porta cœli.* Ergo à Mantuano viro celeberrimo prodita litteris est Lauretana historia, quæ ad eum diem sermonibus tantum vsurpabatur. Ex eo tempore vulgari cœpta, magno, vel Lauretanæ religionis incremento, vel mortalium bono. Namq; ea, quā dico, historia breui volumine circumlata, cum auidè ac passim lectitaretur; plurimorum animos ad Lauretanam Ædem visendam colendamq; pellexit. Cæterum annus ille nō magis Mantuani historia, quam egregio nobilissimi Principis dono insignis fuit. Quippe eodem ipso anno M. CCC. LXXXIX. Stephanus Bathorius Transylvaniæ Princeps (Vaiuodam ipsi appellant) argenteum B. Mariæ simulacrum ferè sesquicubitale, egregiè factum, pulchreque auro interlitū Lauretanæ Virgini donum misit. Ad Virginis pedes Vaiuodæ ipsius armati effi-

Vaiuoda
Transyl. D.

effigies, item ex argēto supplex visitur. Votiuū esse donū causa basi inscripta declarat.

MAGNIF. D. COMES STEPHANVS DE BATHOR VAIVODA TRANSYLVANVS, ET SICVLORVM COMES, NECNON IVDEX CVRIÆ SERENISSIMI PRINCIPIS D. MATTHIÆ DEI GRATIA REGIS VNGAR. BOEM. &c.

IN HONOREM DEI,

ET EIVS GENITRICIS MARIÆ, OB EAM CAVSAM, QVOD IPSE PER INTERCESSIONEM EIVSDEM VIRG. GLORIOSÆ, A QVODAM MAXIMO PERICVLO LIBERATVS FVIT, AN. M.

CCCC.LXXXIX. DICAVIT.

Nobilis mulier è Gallia à septem diabolis obsessa liberatur. CAP. VII.

Idem porrò annus insigni miraculo memorabilis perhibetur. Petrus cognomēto Bapt. Mant.
Hier. Ango. Orgentorix ciuis Grationopolitanus fuit genere, atq; opibus clarus. Huius vxor Antonia nomine pari nobilitate mulier à septem teterrimis diabolis obsessa tenebatur. Petrus igitur liberandæ coniugi intentus, cum nihil in Gallia inexpertum reliquisset, eam adduxit in Italiam. Ac primo in agro Nouariensi ad S. Iulij, inde Mutinæ ad S. Geminiani, denique Romæ ad sacram columnam solemnes exorcismi, nequicquam adhi-

adhibiti, Deo liberatæ mulieris decus Lau-
retanæ Virgini referuante. Iamque Orgen-
torix consilij auxiliique inops in patriam,
desperata re, cogitabat; cum in Rhodium
equitem incidit sibi notum, & Lauretanæ
Virginis satis gnarum. Huius suasu, fiducia
plenus venit cum vxore Lauretum anno
eius sæculi LXXXIX. Quo vt ventum est,
mulier summa vi obluctans à decem robu-
stis viris alleuatur, & in sanctissimam cellam
delata ante B. Mariæ effigiem sistitur. Ste-
phanus Francigena Canonicus Auxima-
nus, erat tum custos sacrosancti sacelli, vir
probitatis ac virtutis expertæ, qui vexato-
res diabolos exorcismis de more vrgere cœ-
pit. Illi iubente Stephano nomina sua pro-
fessi, exire obstinate recusabant. Sed vicit
demonum obstinationem constantia sacer-
dotis, & scilicet diuina vis. Itaque eorum
quatuor Dei numine, & Deiparæ nomine,
alius post alium exacti, ingentibus ædem
clamoribus impleuere. Tres erant reliqui
pertinaciores cæteris. Hos igitur Stephanus
maiore vi adortus, & Mariæ nomen incla-
mans premere institit. Haud ita multo post
quintus (Heroth nomen erat) malis fessus
excessit, signo dato. Stephanumque com-
pellans ait: Maria nos eiicit, non tu. Inde
sextus (cui nomen Horribilis) erumpens
vociferatur queribundus. Maria, Maria ni-
mium

*Energume-
na libera-
tur.*

mium in nos sãuis. Cæteris eiectis, postremus nomine Arcto ante omnes alios pertinax lamentari magno gemitu, eiulatuque cœpit. Nimis potens es Maria, utiq; in hoc loco, vbi nos ex nostra possessione exigis inuitissimos. Illata cum honore eius loci mentio sciscitandi cupidinem Stephano iniecit. Ergo mendaci ad verum extorquendum, sedulo instandum ratus, percontari, quis tandem ille esset locus: in eoque persistans Dei, ac Deiparæ nomine imperare, vt verum eloqueretur. Nec frustra. Arctus exorcismorum vi subactus tandem profiteatur, illud esse Deiparæ cubiculũ, vbi Deum Gabrielis nuncio conceperit: & simul adiungit, se diuinitus subigi, verum in præsentia edicere. Tum vero Stephanum cupido incessit cognoscendi, vbi Angelus stetisset salutans Virginem; vbi Virgo cum salutaretur, oraret. Igitur, vt ex mendacij patre verum exsculperet, solemnibus exorcismis subigere institit, vtrumq; vt locum demonstraret sedulo. Ille demum diuina vi coactus enunciauit, Virginem quidem in cellę angulo vltra cornu Euangelij ad dextram sacrosancti camini (vbi nunc est scabellum aptum genibus flectendis) Deo supplicantem à Gabriele salutatam: ipsum vero Angelum ex diametro in aduerso angulo ad fenestram dextram substitisse; vt facile appareat

ab Angelo, Virginis reuerentia, quam remotissimum locum intra cellæ parietes esse quæsitum. Arctus ergo hisce rebus enunciatis, tandem ex corpore obsessæ mulieris excussus, eam reliquit exanimem. At illa haud multo post ex pauimento, vbi prostrata iacuerat, redeunte animo surgit: simul cum viro ingentes Lauretanæ Virgini grates agit; vota persoluit. Haud facile res alia huius generis nobilior; testatiorque. Interfuerunt plerique Primorum Recinetensis ciuitatis, in quibus Ioannes Franciscus Angelita pater eius; qui Lauretanæ Virginis historiã texuit. Interfuit Antonius Bonfinis Asculanus, is qui Vngariæ Regni Decadas scripsit. Itemque Ioannis Baptista Mantuanus, vt ipsemet in Lauretana historia profitetur. Qui ad ea, quæ diximus, hoc addit: Arctum illum rite exorcismis subactum; hoc quoque inter cætera indicasse, sacram Virginis cellam; antequam Nazaretho excederet, Carmelitanorum curæ commissam fuisse. Quæ quamuis mendacis Diaboli indicio enunciata, tamen quia veracis, ac præpotentis Dei vi ac nomine sunt extorta; haud pro vanis habenda: præsertim cum veri similia sint,
& Christianæ religionis augeant cultum.

*Recinetensis ciuitatis donum ob depulsam
pestilentiam. Carmelitanorumq; dis-
cessus. CAP. VIII.*

Alexander inde VI. Innocentio VIII.
successit, cuius Pontificatus flagrante
intestinis, exterisq; bellis Italia, haud pa-
cator quàm Innocentij, quanquam Iubilæi
celebritate, quæ in annum millesimum,
quingentesimum incidit, insignior fuit. Ea
tempestate atrox Recineti grassabatur lues,
quæ contagione vulgata ciuium pluribus
absumptis, grauiorem in dies minitabatur
ciuitati cladem. Igitur à Magistratibus de
Primorum consilio, indicitur ad Laureta-
nam Ædem supplicatio: votum publicè
nuncupatur. Nec spes precesue in irritum
cecidere. Extemplo votiua supplicatione,
veluti diuina manu pestilentia absterfa: Ci-
uitas periculo exempta. Ergo Recineten-
ses voti rei pro domesticis quisque copiis,
magnam pecuniæ vim in votium con-
ferunt munus. Decretaque supplicatione,
coronam auream gemmis distinctam cla-
rissimis Lauretanæ Virgini donum ferunt,
anno eius sæculi XCVI. Corona B. Virgini
imposita, & simul à Roboreo Cardinali
impetratum est, vt ea nunquam remouere-
tur: Cardinalisq; beneficium Iulij Secundi,
& aliorum deinde Pontificum autoritate
firma-

*Ciuitatis
Recinet. do-
num.*

firmatum. Et valuit apud finitimos populos
 gratæ pietatis exemplum. Hinc ille mos in-
 crebuit, qui hodieq; viget, vt Piceni vrbes
 & oppida quotannis insigni supplicatione
 ac pompa coronam Lauretanæ afferant Vir-
 gini. Haud ita multo post Hieronymus Ro-
 boreus Cardinalis sanctissimæ cellæ pau-
 mentum, qua supplicantium genibus attri-
 tum, qua auellentium manibus effossum
 (quippe auulsa inde saxa, sericoque inuolu-
 ta pro reliquiis auferiebantur) quadrato
 marmore discolori pulcherrimè strauit.
 Opus scutulatū est egregium, & vel in tan-
 ta, quanta nunc Lauretanum sacellum est,
 magnificentia visendum. Porro circa vesti-
 bulum templi magnificentissimas ædes
 Bramante architecto illa tempestate incly-
 to descriptas Robureus moliri cœpit, an-
 nuente Pontifice. Cisternam quoque in-
 genti amplitudine in medio templi atric
 exstruxit ornauitque, ne quando oppidani
 aduenisue deesset aqua. Cæterum incola-
 rum, & peregrinorum commodis confu-
 lenti veteres Lauretani templi curatores in-
 staurandi fuerunt. Cœli grauitas, quæ tur-
 erat Laureti ex circumiectis nemoribus la-
 cunisque, Carmelitanorum Patrum com-
 plures absumpserat. Itaque Petri Taruisin
 Vicarij Generalis iussu, relicta Lauretana
 basilicæ procuratione, nono anno, quam
 vene-

venerant, ad salubriora migrarūt loca. Horum in locum pij aliquot Sacerdotes, sed mercenarij à Cardinali Patrono substituti, qui ad Leonis Decimi Pontificatum durarunt, qua tempestate res tãdem ad Canonicos venit.

Iulij II. decreta, nouique templi molitio, & nobilium hominum dona. CAP. IX.

EXempto rebus humanis Alexandro VI. Pius III. sublectus Pontifex bonus, sed brevis adeo, vt vix tertiam hebdomadam excefferit. Pio Iulius II. subrogatus, religione erga Lauretanam Virginem nulli Pontificum secūdus. Is quippe anno quarto Pontificatus sui, siue Xysti IV. patruī exemplo, siue quod in Pontificia ditione armis recipienda, imploratam Lauretanæ Virginis sensisset opem, Lauretanam Ædem summa ope ornare cœpit. Omnium primum, rem ad augendam loci religionē efficacissimam, veterem Ædis famam Pontificia authoritate altius in mortalium pectoribus defigendam ratus est. Itaque in primi diplomatis *Iul. II. Bulla, & testimonium.* sui procœmio, Urbani VI. Bonifacij IX. Martini V. Maximorū Pontificum decreta Ædi Lauretanæ perhonorifica perstringit. Hinc Lauretanæ Domus primordia exsequens cubiculum esse ait (vt piē creditur, & fama est) B. Mariæ, vbi illa concepta, vbi educata,

H vbi

vbi ab Angelo salutata Christum conceperit alueritque. Hanc deinde ædem ab Apostolis consecratam, ac diuinitus primum in Nazaretho, exinde è sylua latrociniis infesta in collem duorum fratrum; hinc ob fraternas rixas in eum, vbi nunc sita est, collem demigrasse. Deinceps præfatus, se non minore studio teneri Lauretanæ Domus ornandæ, quam Paulum Secundum, aut Xystum IV: quorum præclara in eam extarent beneficia; confirmat illorum munera, immunitatesq; Lauretanâ in super Ædem, de nouo in tutelam Pontificis receptam Pontificium sacellum appellat, sacra inibi officia solemni ritu similiter, vt Romæ in sacello Pontificis, peragi iubens. Porro Lauretani templi ministris omnibus indulgit, vt Pontificij familiares, & conuictores essent eei iure, quo qui optimo. Ad hæc Prætorem Laureto præsidere iussit à Pontifice diligendum, cui etiam mistum dedit imperium. Ex quo tempore oppidum Lauretum Recinensium ditioni exemptum sui iuris esse cœpit. Annonam quoque & alia venalia Lauretum deferentes omni portorio, ac vectigali immunes esse voluit. Interdixit etiã ne quisquam dona, seu pecunias B. Mariæ Lauretanæ oblatas auerteret, cum excommunicationis latæ sententiæ minis. Per id quippe tempus plurimis non pecuniis solum

*Iulij II.
beneficia.*

*Lauretum
exemptum.*

lūm, sed etiam muneribus sacram Ædem
 auctam reperio. Georgius Monachus Pata- *Georgij*
 uinus B. Virgnis Lauretanæ effigiem ex ar- *Monachs*
 gento expressam, pondo librarum quinqs, *D.*
 donum attulit. Cardinalis Tranensis alte- *Card. Tra-*
 ram eiusdem formę ac materię effigiem, sed *nenfis D.*
 ponderis duplo maioris: alij alia, quæ exse-
 qui operepretium non est.

Paralytica nobilis mulier sanatur.

C A P. X.

FVit hoc ipsum tempus etiam miraculis
 insigne: illud autem præcipuum, quod
 incidit in annū M. D. VIII. Longus quidam *Bern. Cyrik*
 Neapoli fuit vnus è Cōsiliariis Regiis clarus
 haud in paucis. Huius coniux fœmina pri-
 maria (ex viri cognomine Lōga dicebatur)
 omnibus capta membris, acerbissimis in-
 super discrucata doloribus miserrimā tra-
 hebat vitam, morti quam vitæ similiorem.
 Itaque ad vltimum damnata ope medico-
 rum, exorat virum, vt Lauretū deferri ipsam
 iubeat. Quò, vt peruentum est, generum
 suum itineris comitem rogat, certum vt sa-
 crum in augustissima Virginis cella facien-
 dum curet suis rationibus accommodatum:
 nimirum cuius initium est: *Repleatur os meum*
laude, in quo sanati à Christo Paralytici E-
 uangelium recitatur. Id sacrum sextæ feriæ
 à Pentecoste assignatum, vtique alienum ab

eo tempore erat, cum iam pridem is abiisset dies; sed Longa votium id sacrum expetebat. Vix hoc planè genero mandauerat, cum ipsa eodem genero prosequente, in sacrosanctam defertur Ædem, ac B. Virgini sistitur, haud dubia spe Deiparæ preces salubres sibi futuras. Ecce tibi prius quam gener socrus suæ mandata exsequi posset, ad aram accedit sacerdos ignotus: qui rem diuinam ab illo ipso introitu: *Repleatur os meum laude*, orsus, Longam ingenti admiratione perculit. Igitur stupore attonita paulisper hæsit. Inde versa ad generum, qui nondum ab ea, sacri curandi causa, discesserat, sed iam discedere parabat; Mane, inquit, nihil attinet te ire: hoc ipsum est sacrum, quod requirebam. Porro vt ad illum Euangelij locum ventum est, *ait Paralytico: Tibi dico, surge*: mira res dictu, visuque: paralytica mulier repente diuina quadam vi, simul membra consolidari, simul mentem insolita dulcedine perfundi sentit. Extemplo igitur gratulabunda exsurgit è sella, cæteris rei nouitate, ac stupore attonitis: manantibusque gaudio lacrymis, nullum facit agendi grates B. Virgini modum. Ad vltimum re diuina peracta, suis ipsa pedibus ad hospitium tendit, cunctis vtique eius familiaribus tantæ rei miraculo stupentibus. Aderat tum forte Laureti Dux Termalensis cum delecta

Et equitum manu, qui à Iulio II. in Galliam Cifalpinam ad bellum euocabatur. Hic igitur (vt qui Longam, eiusque insanabilem morbum familiariter norat) vbi suis ingredientem pedibus eam vidit; hæsit scilicet rei nouitate obstupefactus; euidēti deinde miraculo motus, diuinas cum illa laudes miscuit. Noua exinde res auxit miraculi fidem. Sacerdos ille, qui Longæ rem diuinam fecerat, diu multumq; requisitus nusquā comparuit; diuinitus missum crederes, vt diuini operis minister foret. At Longa voti compos Neapolim regressa, valetudinem diuinitus receptam Deo consecrandam existimauit. Proinde sacrarum Virginum cœnobium Neapoli instituit: ipsa ægrorum insanabilium ministerio sese deuouit, Raimundo Cardona Prorege Neapolitano.

Iulius II. Lauretanum templum absoluit, munitq. CAP. XI.

Ilius porrò alia multa beneficia, quæ longo explicata diplomate operæ pretium non est referre, superioribus adiecit. Augusta hisce immunitatibus Æde Lauretana, ad eius munimentum cura Pontificis versa. Igitur haud minore animo pacis opera aggressus, quam quanta mole gerebat bella, Lauretanum templum à Paulo II. inchoatum, cuius absolutio variis casibus turbata

H 3 fuerat,

fuerat, non exstruere solum, sed etiam per-
munire parat. Videbat quippe ædem non
minus sanctimonix, quam opulentix fama
inclytam in vico immunito expositam, seu
militum, seu barbarorum auaritię fore. Bra-
mantis ergo nobilis architecti consilio atq;
opera vsus, per Hieronymum Robureum
Laureti Patronum rem vrgere cœpit. Et
Hieronymus Lauretanam Ædem omni o-
pe ornare, munus ac decus Roburæ fami-
lię ratus, basilicam in arcis modum exstru-
xit muniuitque. Quippe sacella ipsa propu-
gnaculorum instar assurgunt: additæ vndi-
que in summis muris pinnae, aditusque sub
tecto, vt ad propugnandum quoquo versus
tuto discurrere miles possit. Omnino emi-
nus intuenti arcis potius, quam ædis speci-
em præbet. Et adiuuat templi munitionem
collis, cuius in vertice sita eminet, præfer-
tim, quā vergit ad mare. Basilicæ corpus ex
pilis ingentibus columnarum instar, duo-
decim constat, quarum vtrinque senę conca-
meratum tectum sustinent. Huic corpori
duæ velut alæ, hinc atque hinc adiectæ, cum
senis sacellis minoribus, quę intercolumni-
is vtrinque respondent. Alia porrò maiora
circa templi caput sacella disposita numero
septem: his interiecta sacraria quatuor, qui-
bus fere Lauretana conduntur dona. Sub
tholo, quod est velut Basilicę caput, sacro-
sancta

sancta B. Virginis cella, præcipuam obtinet
 ædem, & vnde quaque aspectabilem; multis
 circa, vt diximus, sacellis maioribus, admi-
 rabili artificio excitatis.

*Iulius II. à bombarde ictu protectus Laure-
 tanam Aedem donis colit. CAP. XII.*

Inter hæc euidenti miraculo nouus Pon-
 tifici iniectus est ardor Lauretanæ Virgi-
 nis honestandæ. Bononiam pergens ad cō-
 primendos Bentiuolorum motus, Laure-
 tanum venit: & ipso natali B. Virginis die in
 natali eius cella sacrum fecit: sub sacrum so-
 lemni pompa in suggestum ad id fabrica-
 tum ascendit. Hinc populo, qui ad Pontifi-
 cis aduentum maior solito confluxerat, be-
 ne precatus, amplissimam delictorum In-
 dulgentiam largitur omnibus Lauretanam
 Aedem eo die ritè visentibus. Sunt, qui scri-
 bant, Iulium eo tempore vota B. Virgini
 nuncupasse, pio iustoque bello Tyrannos
 persequi molientem. Certe id, & belli euen-
 tus, & Pontificis ob partam victoriam dona
 testatur. Iulius igitur Bononiam profectus,
 expulsis Bentiuolis, urbē pacauit. Inde Fa-
 uentia, Foroliuio, Rauenna, aliisq; Pontifi-
 ciæ ditionis urbibus, oppidisq; vi receptis,
 cum Mirandulæ obsidio Ducū incuria tra-
 heretur; ipsemet Pōtifex nouo exēplo per-
 git in castra, Duces militesq; sua præsentia

*Diarium
 Iulij II.*

*Vicciar. l. 9.
 Onufr. in
 Iul. II.*

Vieciar. lib. excitaturus. Ibi dum belli cōsilia cum Car-
9. dinalibus agit at sub tentorio; manifestum
Tradi. Lau. periculum diuina vtique euasit ope. Quip-
 pe globus ferreus instar humani capitis, re-
 pente ab hostibus æneo tormento prægran-
 di excussus, deiecto Prætorio, nihil omnino
 Pontificem ipsum, aut quemquam eorum,
 qui Pontifici in consilio aderant, læsit. Id
 enim uero Pontifex B. Mariæ Lauretanę de-
 bere se professus est; siue quod ad bellum
 iturus, ei vota fecerat, seu quod ad primum
 bombardæ fragorem Lauretanam Virgi-
 nem inclamarat. Ergo Mirandulæ expu-
 gnatione, aliisq; victoriis clarus Lauretum
 pergīt ad vota reddenda. Gratiis Deo Dei-
 paræque impense actis, globum illum in sa-
 cro sancto sacello suspendi iubet, monumē-
 tum posteris, quanta pestis esset ab suo ca-
 pite, Lauretanæ Virginis præsidio depulsa.
 Suspensus est globus è pariete ab latere sini-
 stro aræ, quod vulgo cornu Epistolæ voca-
 tur: vbi nunc quoque monstratur visiturq;.
 Inde Pontifex, vt gratus non tantum pius in
 Virginem foret, Lauretanam basilicam de-
Julij II. D. corare impensius cœpit. Namq; aram ma-
 ximam sacra supellectili augendam ratus,
Hier. Ange. egregium aræ amiculum ex veste Attalica
Bern. Cyril. crispante, argenteam crucem pondo libra-
Cod. Lau. rum quadraginta illusam auro, & antiquo
 opere cælatam: Bina item sesquicubitalia
 cande-

candelabra eiufdem materiæ atque operis, pondo XXVI. ab vrbe mifit. Et exftat in turbinata crucis bafi titulus, haud obfcure indicium partæ à Pontifice, Deiparæ Virginis ope, victoriæ:

IVLIVS II. PONT. MAX.

DEIP. VIRGINI LAVRETANÆ DICA-
VIT, ANNO M. D. X.

IN HOC SIGNO VINCES.

Neque his contentus Iulius binos infuper aræ ornatus, (frontalia vocamus) ex holferico villofo cæruleo, infignes auro, margaritis, & opere Phrygio addidit. Altarium ornatui ornatum miniftrorum adiecit, mitram egregio opere, aliaque Pontificalia ornamenta, quibus videlicet, vel Pontifices, vel Epifcopi facris operantes vterentur. Super hæc conchyliata periftromata exornandis templi parietibus, aliaque complura dona Lauretanæ Virgini dedit dicauitque.

Septennis puella à B. Virgine ipfa Lauretum adducitur. CAP. XIII.

Eodem fere tempore B. Virgo Lauretana, & Pontificem in bello textit, & inopem puellam in pace inufitato miraculo fibi adiunxit. Sabino cuidam, ex pago haud ignobili agri Piceni (Rocham Contradam vocant) filia erat feptennis nomine Alexandra, quæ haud longe à pago paternum pa-

Ann. Laur.

Raph. Rier.

ſcebat gregem: hæc dum oues paſcerentur, ſub arboribus venerabunda cœleſti numini ſupplicare conſuêrat: itaque diuinitus nondum ſeptênium egreſſa dicauit ſe Deo. Quo magiſtro, dum precibus inſtitit, Dei-
param enixè colens; repente obtulit ſe illi cœleſti ſpecie Virgo (haud dubiè Dei mater fuit) quæ puellam manu prehenſam ſe ſequi iubet. Mira res dictu: triginta millia paſſuum ab eo loco, ipſamet cœlitum Regina paruam puellam ad Lauretanam deducit Ædem: & ingenti perfuſam gaudio ex ſuæ imaginis ac domus aſpectu, reducit ad paſcua. Ibi Alexandram, etiam ſi quæ tandem illa ædes, quæ Virgo eſſet, ignoraret; tamen ingens eius loci, & ſpectaculi deſiderium tenebat. Ergo, vt guſtata ſemel Lauretanæ Domus dulcedo ſubibat animum, flens precibus vrgere ac fatigare Sabinum patrem non deſinebat, vt ad ædem illam tot luminibus illuſtrem (neque enim aliter deſignare nouerat locum) ſe duceret, vbi pulcherrima illa Virgo habitaret. Eludebat filiæ poſtulatam pater, ſiue pueriliter delirare eam ratus, ſiue quem tandem locum illa deſcriberet, ignarus. Cæterum haud multo intermiſſo tẽpore, euenit, vt Sabinus cum vniuerſa familia Lauretum pergeret. Tum verò Alexandra locum agnoſcens, geſtire, & exultare gaudio; ac verſa ad parentem,

tem; En pater, inquit, hæc illa est Domus, quo me pulcherrima illa Virgo candida veste amicta deduxerat: huc ego redire, hoc spectaculo iterum frui expetebam. Obstupuit ad hæc pater, & eximiam puellæ erga Deiparam religionem animo reputans, sensit eam B. Virgini esse cordi, utiq; cum Dei mater illam ad se à primis annis inusitata quadam ratione pelliceret. Igitur pietatem filiæ fouere non destitit. Remque omnem, nec ipse tacuit, & Alexandra ubi adoleuit, piis hominibus sæpe narrauit, qui deinde aliis, ac mihi ipsi retulerunt. Incidit hoc miraculum in annum sæculi huius VII. Nec frustra hæc fuerunt. Alexandra deinde hoc Tyrocinio imbuta virginitatem perpetuo coluit: vitamque sanctissimè egit ad annum nonagesimum, Lauretanâ Virginem quotannis reuifens. Tanta porrò fuit sanctimonix fama, ut in oppido Montalbodo Virginum cœnobio Antistita data sit, ubi miraculis etiam, non tantum virtutibus floruit.

Circa vestibulum Templi Lauretani ades Pontificiæ à Iulio II. inchoantur, & sacrosancti sacelli celatura destinatur. CAP. XIV.

CÆterum intētus perficiundo, exornandoq; templo Lauretano, augebatur ad impensas Pontificis animus. Itaque sacrosancto

sancto sacello muris basilicæ communito, munimētum Lauretano vico aduersus hostium impetus, incursionesque addendum ratus est. Dudum Hieronymus Robureus Laureti Patronus, vel maxime memorabilis, qui id operis susceperat, excesserat vita, vix apertis primis ædificij fundamētis. Proinde Iulius Pontifex præclara cœpta exsequens, eodem Bramante (cuius ante mentionem fecimus) authore, Pontificias circa templum ædes sanè ingentes, ac magnificas inchoauit, Principum hospitio præcipuè destinatas. Quarum forma talis. Ædium sinus (vbi est aditus impluuij) basilicæ obuersus eam duobus lateribus quasi brachiis cingit. In quatuor angulis totidem prominent propugnacula. Tota moles quadrati castelli speciem refert, templum habet pro arce. Eius hodie pars vix dimidia assiduo multorum annorum labore sumptuq; absoluta. Nec verò dum Pontificias ædes extrueret Iulius, templum adornare destitit. Ad eius cultum cantorum chorus institutus: organa musica egregia, magnifico opere, auroque conspicua: campanæ duæ eximie magnitudine, ac specie fuscæ: turris campanariæ fundamenta iacta Iulij II. opera sunt. Ita ornato templo, augustissimæ Virginis cellæ extrinsecus ornandæ, satis pretiosi marmoris comparat. Quod vtiq; opus fuisset

Hier. Ang.
Bern. Cyrol.

fuiſſet operum eius maximum, niſi iam ma-
tura æuo mors cœptis eius interueniſſet,
Deo tam inſignem laudem alteri referuan-
te. Illud autem non poſtremo habendum
loco, quod huius generis vltimum morta-
lium eius operum fuit. Petrus Antonius Pe- *Antonij Pe-*
rottus Sylueſtrinatorum Præpoſitus Genera- *rotti D.*
lis, D. Mariæ Lauretanæ ſtudio accenſus
Abbatiam S. Laurentij Laureto proximam
(ea eſt in agro Caſtri Ficardi) cum vniuer-
ſis villis, ædibus, pratis, agris, oliuetis, ſyluis
ad eam pertinentibus, Pontifice approban-
te, Lauretano cōceſſerat templo, anno hu-
ius ſæculi XII. Iulius ergo paucis ante mor-
tem diebus, Abbatiam illam Pontificali di-
plomate Lauretanæ attribuit Domui. Pe-
rottum ipſum Laureti Gubernatorē con-
ſtituit, ratus (id quod erat) cui cordi fuiſſet
Lauretanæ fortunæ augere, eidem conſer-
uare ac tueri auctas, cordi futurum.

*Aedes Lauretana à Reginis Neapolitanis
aditur. CAP. XV.*

LEo Decimus haud Pontificatu magis,
quam inſtituto ſucceſſor Iulij, nihil po-
tius habuit, quam vt in Lauretana Æde am-
plificanda nemini cederet. Et huiusce ſtudij
ſui declarandi præclaram illi Deus materi-
am, inter primum Pontificatus rudimen-
tum dedit. Per ea quippe tempora Laureta-
næ Re-

næ Religionis, ac celebritatis fama Neapolim perlata duas Ioannes Aragonias, seniores, & iuniorem (Reginas Neapolitanas, quia regia stirpe genitæ erant, vulgus appellabat) ad templum miraculis maximè inclytum visendum accendit. Itaque magnifico sane comitatu Neapolitani Regni interiora penetrantes, per Samnites in Picenum transeunt, ingenti populorum, quacumque transibant, gratulatione cultuque exceptæ. Quo tempore Leonis præcipuè magnificentia enituit. In omnibus Pontificiæ ditionis oppidis, quæ erant in via, Reginas regio apparatu excipi iussit, non tam illarum cultui, quam Lauretanæ Virginis celebritati fauens. Cumulatissimam insuper delictorum veniam, & ipsis Reginis, & cæteris Lauretum ad illarum aduentum occurrentibus, eodemque die Lauretanam Ædem rite venerantibus impertiuit. Annus huius sæculi quartusdecimus Reginarum aduentu insignis perhibetur. Et exstat in Piceno celebre eius rei monumentum. Fama est per eam occasionem in agro Montis Sancti (oppidum, id est, Lauretum inter, & Firmum) viam illam pulcherrimam esse stratum, quæ hodieque via Reginarum vocatur, ab his videlicet Reginis olim appellata, in quarum gratiam sterneretur.

A Leone X. amplissimis decretis ornatur.

CAP. XVI.

EXin Leo cunctas Iulij Secundi, superiorumque Pontificum Indulgentias, immunitates, beneficia Lauretanę Domui tributa luculento diplomate rata esse iussit: ac deinceps aliis super alia diplomatis impense cumulauit. Lauretanam quippe Ecclesiam Collegiatam instituit: sigillo, cæterisque collegialibus insignibus ei attributis. Duodenos inibi Canonicos (ex quorum numero Archipresbyter, & almę Domus Custos forent) totidemque Sacerdotes assidue, quos Mansionarios vocant: senos præterea Clericos chori adiutores esse voluit. Sui, cuique annui redditus pro rata portione assignati. Omnes porro Indulgentias, quibus in templorum stationibus Roma perfruitur, Lauretanę concessit Ædi, vt iisdem temporibus Laureti percipere aduenæ possent in vna æde, quæ Romæ perciperetur in pluribus. Pretium operæ visum est; honorarium diplomatis procemium inferre. *Cum nos memoria repetimus grandia, ac ferè innumerabilia continua miracula, quæ apud Ecclesiã de Laureto multis Christi fidelibus pro variis infortuniis, & necessitatibus vbicunq; oppressis, qui ad Ecclesiam ipsam de Laureto sola animi moderatione confugiunt, intercessione dictæ gloriosissimæ Virginis,*

*Leonis X.
beneficia.*

*Leonis X.
testimoniũ.*

Virginis, illius vnigenitus operatur Altissimus; dignum ducimus, atque debitum, eandem Ecclesiam de Laureto non solum in antiquis cōcessionum gratiis fouere, & conseruare illasam; verum nouis in dies prærogatiuarum muneribus, largitionibus, compendiisque decorare. Inde Anconitano, Pis Laurenfi, aliisque autumnalibus finitimorum oppidorum mercatibus abrogatis, Recineti duntaxat Septembri mense (ornando scilicet diei natali B. Mariæ) celebrari emporium iussit. Ad hæc Recinetensis emporij, immunitatumque nunciis ad barbaras quoque nationes, non tantum ad Christianos populos circummissis, euocauit vndique mercium institores. Ergo gentium, generumque omnium mercatores hac fama exciti, Recinetum ad indictum mercatum cōfluunt, Itali, Dalmatæ, Germani, Flandri, Græci, Armenij, Iudæi denique Hispania nuper expulsi, Turcæque. Institorum ergo complures cuiusque generis, seu religione, seu miraculo loci (& vicinitas inuitabat) ad Lauretanam Ædem venisse constat: nec quenquam aditu prohibitum, præter obstinatos in auita superstitione, Turcas, Iudæosque, ne videlicet *proiicerentur margaritæ ante porcos*. Græcos verò, & Armenios (tametsi plerique eorum Schismatici essent) religione erga B. Virginem cum Latinis certasse accepimus: plures eorum detractis in ipso

pso templi aditu sibi calceis, manibus & oculis sublati in cœlum, ad sacrosanctam accessisse Domum: quo ubi ventum esset; ad imen procubuisse venerabundos: ibique prostratis humi corporibus, Deum Deique parentem adorasse, demum ad conspectum Virginis, aramque adrepisse genibus, IESV Mariæque nomina enixe inuocantes. Hæc porrò Recinetensis mercatus à Leone instituta celebritas plurimos deinceps durauit annos, ingenti cum Lauretanæ celebritatis incremento. At Leo, ne quam Lauretani cultus amplificandi omitteret viam, ad vltimum sanxit, ne vota adeundę S. Marię Lauretanæ vlllo modo possent cum aliis pietatis operibus commutari. Proinde votum hoc quinque illis vulgo excipi solitis aggregauit. Et est diploma honorario præmio insigniter ornatum: quod quia est ad Lauretanæ Virginis laudem insigne, attexere placuit. *Gloriosissimæ Virginis Matris Dei Mariæ, à cuius laudibus, sicut neminem cessare fas est, ita ad illas explendas neminem sufficere arbitramur. Cum si quidem nullum promptius miseris, aut efficacius peccatoribus refugium apud Deum inueniatur, merito totius animi, mentisque affectibus recolentes illam in cœlis primum adorandam, deinde vbiq; in terris venerandam, & loca eius nomini dicata omni studio ornanda esse censemus, & illa maxime, quæ ipsa B. Virgo sibi Angelicis comitata cœti-*

*Leonis X.
testimoniū
alterum.*

bus elegit, & assidue in eis ad Christi fidelium auxilium, & subleuationem miracula fere innumera operatur. Inter quæ omnium consensu, testimonio ac deuotione locus ille Lauretanus fama celebris, ac deuotorum frequentia cultissimus meritò habetur primus Cum enim Beatissima Virgo (vt fide dignorum comprobatum est testimonio) è Nazaret imaginem, & cubiculū suum diuino nutu transferens, postquam apud Flumen Dalmaciæ oppidum primo, & deinde in agro Recanatensi in loco nemoroso, ac rursus quodam in colle eiusdem agri particularibus personis addicto posuit. Demum in via publica, vbi modo consistit, illud angelicis manibus collocādo sibi delegit & in eo assidue miracula innumera illius meritis operatur Altissimus. Ob quod complures Romani Pontifices prædecessores nostri, & præcipue fæl. Recor. Paul. II. Syxtus IV. & Iulius II. Sacratissimæ Virginis merito deuotissimi, quo populum Christianum omnipotenti Deo, & Virgini Matri redderent acceptabilem, Ecclesiam Lauretanam, qua tanto miraculo creuerat, & augetur in dies, variis, ac præcipue spiritualibus decorarunt muneribus. Et cætera, quæ sequuntur.

Egregiis ornamentis, donisque decoratur.

CAP. XVII.

*Leonis X.
ornamenta.*

NEC Apostolis litteris magis Lauretanam Ædem Leo Pontifex, quam Pontificiis opibus auctam voluit. Interim ab eo templi, Domusque Lauretanæ ædificia stre-

strenue adiuta. Bina templi sacraria circum-
 datis segmentato opere armariis adornata.
 Inde ad ipsam sacrosanctam cellam hone-
 standam conuertit animum. Ac sacros qui-
 dem parietes intrinsecus ornandos ratus
 non est, ne quid in eis ornati esset, præter ip-
 sos, quos Christi ac B. Virginis habitatio,
 contactusq; satis superq; adornarant. Cete-
 rum intentus sacello extrinsecus magnifice
 exornando (& materies ad id nuper ab Iulio
 præparata stimulabat) eam ornatus ampli-
 tudinem concepit animo, quæ digna Dei-
 para Virgine, digna Romano Pontifice
 Christi Vicario, digna ipsius loci maiestate
 religioneq;, quoad paterentur humanæ o-
 pes, foret. Ergo Sansouino architecto si-
 mul ac statuario illis temporibus nobilissi-
 mo, formæ describendæ negotium dat mo-
 nito, quid sui consilij sit. Sibi utiq; esse in a-
 nimo tale moliri opus, quod in parua mole,
 omnem illius sæculi magnificentiam vince-
 ret. Nec defuit regio Pontificis animo sapi-
 entissimi architecti solertia. Formam quip-
 pe talem descripsit, quæ Leonis responde-
 ret optatis. Nec Pontifici minus animi in
 opere perficiundo fuit, quam studij in for-
 ma optanda probandaque fuerat. Preciosi
 narmoris haudquaquam satis erat: & de-
 scripta forma requirebat ingētes marmoris
 glebas. Igitur eas inde vsq; à Carraria (quæ

candidi marmoris lapidicina in Liguribus est inprimis nobilis) peti iussit. Nullaque habita sumptus ratione Ligustica marmora nauigiis imposita longissimo circuitu (quippe infero superoque mari, Italię oram pene, quam longa est, circumuehi necesse erat) subuehenda curauit. Quę ad Anconam, siue ad Recinetensem portum demum exposita Lauretum aduehebantur plaustris: ibi ab eximiis fabris illius ætatis maxima mercede conductis, antiqua illa Græcorum, Romanorumque arte perpoliebantur. Inter hæc auxit loci maiestatem, religionemque haud exiguum Lauretanæ Basilicę additum decus. Leo, vt augustiorem sedis Lauretanæ speciem faceret, Petrum Antonium Perottum Præsidem sacris operantem cum cætero habitu, tum verò Episcopalibus insignibus venerabilem fecit: eidemque concessit, vt sacris operatus populo bene precaretur Episcopali ritu. Nec Leonis cura Lauretanum Antistitem magis, quam aram Pontificiis muneribus honestauit. Candelabra argentea quatuor sesquicubitalia auro interlita, & præclaro opere cælata pondo fere quinquaginta: umbella insuper quadrata egregia Leonis dona sunt. Per eadem tempora Lauretana Ædes aliis quoque nobilissimorum hominum muneribus culta. Antonius Leiuæ Dux Hispaniensis exercitus

*Leonis X.
Dona.*

Cod. Laur.

*Antonij
Leiuæ D.*

us sacerdotalem ornatū dono misit ex ve-
 te Damascena, auro crispo magnifice in-
 ertexta. Regina Vngariæ effigiem suam ex *Regina Vn-*
 argento supplicem pondo XXX. Marchio- *garia D.*
 nissa Mantuana sacerdotis, ac ministrorum *Marchion.*
 ōlemni cæremonia sacrificantiū vestimen- *Mantuana*
 ta, argento auroq; contexta. Alij porrò alia, *D.*
 qui etsi nobiles ipsi erant; tamē sua nomina
 n suis donis ignota esse voluerunt. Quibus
 ex donis illa eminet maxime. Statua argen- *Dona ab*
 tea B. Virginis cum effigie pueri IESV glo- *Ignotis.*
 bosum orbem tenentis manu, pondo libra-
 rum octo. Huic altera adiecta argentea item
 statua, & pondere par, & specie similis: hoc
 vno differt quod Christus puer matris gre-
 nio insidet, dextra prætendens pyrum. Alia
 rursus ex argento expressa B. Mariæ effigies
 librarum XI. Itemq; alia, pari fere pondere,
 cum Cæsareæ Aquilæ insignibus, vt vnde ea
 sit, haud ægre appareat.

Sacerdos Dalmata Lauretum venit, exem-
pta sibi exta præferens manu.

CAP. XVIII.

Eodem fere tempore permira res, & ma- *Tradi. Lau.*
 gis propter infinitā Dei vim, quā pro- *Ann. Laur.*
 pter facti nouitatem credibilis, Lauretanam *Riera.*
 Ædem longe insigniorē fecit toto orbe ter-
 rarum. Sacerdos erat Dalmata vir antiqua
 simplicitate, idemq; Lauretanę Virgini vni-

ce deditus. Hic forte captus à Turcis, cum ad deferēdam religionē omni artificio pelliceretur; nefarias voces, nō dicā animo, sed auribus admittere nullo modo sustinebat. Itaq; importunos illos hortatores auersat⁹, vt eis ægre faceret, vltro Christum, ac Mariā identidem inuocabat. Stomachātibus illis, sciscitantibusq; , cur tandem illa nomina v-
surparet, quia hærent mihi (inquit) in præcordiis. Ibi Turcæ minitari, se præcordia ipsa extracturos, nisi extemplo Christum Mariamque exsecratur. Erratis (inquit ille) præcordia mihi auferre potestis, Christum & Mariam nō potestis. Tum verò illi furentes ira sacerdotē ferro pariter inuadunt. Hic Dalmata Lauretanam inclamans Virginem vouet, si vita suppetat, primo quoq; tempore se ad eam iturum. Ea vox iratos magis accendit. Igitur hominem circumfistunt, & discisso apertoque pectore, intestina à summo recisa extrahunt: eaque semineci, iam iamque, vt rebantur, casuro tradunt, simul per ludibrium increpantes. Abi iam prope-
ra, & præcordia, in quibus herere ais Mariam Lauretanam, ad eam perfer, vti vouisti. Excedit fidem, non tamen diuinam vim, quod deinde memoratur. Moribundus sacerdos, Deo mortem morante, viresq; suggerente, porro ire pergit: multorumq; dierum itinere celeriter emenso, Lauretum peruenit sua

exta præferens manu. Quacumque incedit;
 cōcursus ad eum fieri, seu visendi studio, seu
 rei cognoscendæ. Et ille Lauretani præcipue
 templi ministris apertū, vacuumq; pectus,
 & prætenta manu viscera ostentans, totam
 rem breuiter enarrat, cunctis stupore atque
 admiratione attonitis. Ad vltimum gratiis
 Virgini enixe actis, & solemnibus Confes-
 sionis, Eucharistięq; præsidiiis communitus,
 in Deiparæ conspectu, complexuq; (vt cre-
 dere par est) efflauit animam. Extā ipsa è re-
 gione sacrosanctæ cellæ suspensa diu adue-
 nis spectaculo fuerunt. Quibus tabe ab-
 sumptis, exta è ligno assimulata, atque ibi-
 dem affixa multos annos monumentum ei
 fuere miraculo. Ceterum quia rusticani ho-
 mines Lauretanum templum ingressi, ani-
 mis tali spectaculo occupatis, Deiparam se-
 gniorē colebant cura; tandem ea tolli pla-
 cuit. Itaq; Paulo III. Pont. per occasionem
 firmandi pilas, quibus tholus incumbit, ti-
 gillum vnde illa pendebant, deiectum est:
 ad conseruandam tanti miraculi memori-
 am, sacerdos præcordia prætendens in ta-
 bella depictus, addita breui totius rei narra-
 tione, & in publico propositus, qui hodie-
 que visitur. Miraculum quidem ipsum ad-
 eo testatum est, vt nefas sit de eo dubitare.
 Multi adhuc viuunt, qui testantur exta è li-
 gno expressa ab se visa, pluresq; accolarum

auditos, cum dicerent, exta ipsa adhuc recentia ab se conspecta esse Dalmatæ sacerdotis.

Turcarum incursiones ab Aede Lauretana diuinitus arcentur. CAP. XIX.

*Ann. Laur.
Riser.*

PER idem tempus Beata Virgo, quam sibi Lauretana Domus cordi esset, haud dubiis argumentis ostendit. Selimus Turcarum Imper. Mahometis nepos, intactis æuo Lauretanæ cellæ thesauris imminens, nihilo fœliciore exitu tantum facinus tentauit, quam Mahometes eius auus tanto ante tentauerat. Iam Selimus suis, Maiorumq; suorum victoriis erectus, omnia pene maria classibus habebat infesta, totâ subinde Europam, vltimique Occidentis oras imperio suo destinans. Igitur illo authore, ingens piratarum manus in Italiam appulit: & Dalmatarum, Appulorumque littoribus depulatis, Lauretanæ prædæ spe inuitante, in Picenum vela fecerunt. Descensione inde facta, Castro Portus Recinetensis potiuntur: tecta cædibus & incendio fædant. Iam nemine contra arma ferente, Lauretum inflammatis studiis contendebant; cum desertam à mortalib⁹ propugnatoribus ædem à cœlestibus defendi, propugnarique senserunt. Quippe ipsemet Lauretanæ Ædis cōspectus tantū eis terrorem incussit; vt è vestigio

stigio trepidi re infecta, repeterent classem,
 haud dubij, quin dilecta illa cœlo domus
 cœlesti præsidio tegeretur. Selim⁹ porro co-
 nâdi sceleris author paulo post haud dubia
 diuini numinis ira periit cancro, fœdissimo
 iuxta, atrocissimoq; morbo misere absum-
 ptus. Nec tamẽ exitialis Selimi exitus aliorũ
 compressit audaciam. Cognitum est deinde
 ex Turcarum captiuis, qui fuga elapsi, Lau-
 retum ad vota B. Virgini reddenda vene-
 runt, Archipiratas, in quorum ipsi fuerant
 potestate, sæpius Lauretani templi prædan-
 di, spoliandique studio Lauretum instructa
 classe petiisse. Ceterum vt in sacrosanctę cõ-
 spectum Ædis ventum esset, repente pauore
 ingenti diuinitus iniecto, regredi coactos,
 latens vtique numen inibi esse confidentes.
 Ita audacia in venerationem vertit. Nam
 cum hæc fama inter Barbaros increbuisse,
 ex eo tempore piratici myoparones oram
 Piceni legentes in conspectu Ædis Laureta-
 nę vix ausi sunt quicquã hostile conari, ne-
 dum ad Ædem ipsam diripiendam accede-
 re. Semel dumtaxat biremes Turcicę duę ex
 agro Lauretano prædas agere ausę: quę mox
 Deiparam Virginem expertæ sunt vindi-
 cem rerum suarum. Eodem ipso die à Ca-
 naletto Venetæ classis Duce captæ: præda-
 tores suspensi: præda omnis recepta. Laure-
 tana res Barbarorum clade sancita.

Christiani exercitus auaritiam eludit.

CAP. XX

*Ann. Laur.
Riera.*

NEc à Barbarorum vi magis, quam ab auaritia Christianorum militum Lauretana Domus per idem tempus cœlesti vtique præsidio intacta mansit. Franciscus Maria Urbini Dux ditione à Leone Decimo exutus fuerat. Qua deinde armis recepta, vltro ipse Picenum agrum infesta populatione percurrit, Pontificis, vt ipse dictitabat, iniuriam vlturus. Exercitum habebat ex multarum gentium colluuiione mistum, quibus nec mos, nec lingua communis, & præda potior religione erat. Proinde neque Ducis imperio satis regi poterat, neque vlla ratione à rapinâ prohiberi. Et Præfectorum, Centurionumque plerique iam pridem Lauretanis thesauris inhiabant. Iamque per internuncios de his diripiendis clandestina inter se consilia agitarant. Ergo ex composito ad Montem Filatranum non procul Laureto sub vesperam subsistunt ea mente, vt postero die illucescente, Lauretanam Ædem defensore vacuam direptum eant. Haud fefellit pium iuxta prudentemque Ducem impius conatus exercitus sui. Itaque per interpretes deterrere ab impio consilio perditos barbarorum Duces, per Italicas copias nefarium facinus impedire institit: omnia agere

agere, omnia moliri, vt quolibet potius auerteretur incensa prædæ cupido. Cæterum surdæ erant omnium aures, obstrepente avaritia. Ita maior pars, vt plerumq; fit, vicit meliorem. Luce nondum certa, præmissis exploratoribus, agi cœptum est agmen. Dissuadere iterum Dux ac minas precibus miscens deprecari sacrilegam profectiōē. Posteaquam nihil proficiebat, orat, si stetisset animo Lauretum pergere, vt mutata in diuersum voluntate, pietatis ergo, vt cæteri mortales, ad sacrosanctam Deiparæ Virginis cellam accederent: si secus fecerint, non suam modo, sed cœlestem quoque intentat iram, recentia Turcarum exempla proponens. At illi animis vāsanīa avaritiæque occupatis, nullius salubris consilij patientes ad deuoratam spe, & opinione prædam incensis studiis tendunt. Sequitur exercitum Dux, quem regere nequibat, sacrilegium, quod impedire non poterat, temperaturus. Sed non defuit sacrosanctæ cellæ præsidium Virginis. Præmissi exploratores haud procul Laureto aberant: omniaq; tuta esse cernentes lætitia gestiebāt; cum subito acrium grex luporum (vt ferinam hominum rabiem feræ comprimerent) è saltu proximo erumpunt, ac velut facto agmine in præcursores impetum faciunt: illorum plerosque repentino terrore amentes iugulant lani-

ant-

antque: cæteros in fugam vertunt, salutis iam magis, quam prædæ memores. Qui vt ad primum agmen metu, cursu, lassitudine exanimati peruenere; receptis demum à pauore tanto animis, effusæ fugæ, terrorisque causam sociis tanti sceleris aperiunt: movent etiam atque etiam, viderent quid agerent: Ædi Lauretanæ Deum custodem, ac vindicem adesse: tantam vim luporum, tam immania corpora belluarum non è nemore illo egressam, sed diuinitus in prædatores emissam: nec ipsis tam cum belluarum exercitu, quam cum Deo, cœlestibusque esse pugnandum. At vāsani exercitus Duces exploratorum terrorem tanquam vanum, militari deridiculo eludentes, nihilominus properabant ad prædam. Verumenimvero vt sacra Ædes in conspectum se dedit; repente ingens exercitum pavor inuasit: cunctiq; lymphatis similes trepidare cœperunt, diuinitus incussa formidine omnium pectora percurrente. Tum vero excussa vāsania, ad se redeunt sceleris Duces: & siue diuini ira numinis, siue templi religione contriti, cuncti pariter præmeditato latrocinio desistunt. Cæterum ne subinde militares animi ad ingenium redirent, consternatis nouum miraculum addit. Iam multū diei processerat, cum repente nebulam de cœlo lapsam ferunt, quæ paulatim circa templum densata

densata eius cōspectum ademit, cum tamen cætera circū loca sole essent illustria. Ea species oculis obiecta militum animos quoque immobiles tenuit. Ex inde ingenti horrore perfusi procumbunt in genua; versaq; in religionem audacia, ad placādam Dei ac Deiparæ iram, Lauretum ire pergunt. Quo ut ventum est, cuncti, ac præcipuè cohortium Duces, Lauretanam Ædem intrant venerabundi: ac positis humi genibus cogitati sceleris veniam exposcunt. Vltro etiam Virginem, quam diripere destinauerant, muneribus colunt, ita susceptum ab infano principio iter exitu saniore conclusum. Urbinitium Dux insperato exitu facinoris mire letus, Deo ac B. Virgini auersum sacrilegium gratulatur: mox detracta sibi arma in primo augustissimæ cellæ aditu suspendit tanti miraculi monumentum: simul se ex agro Piceno exercitum abducturum vouet. Nec votum sefellit. Extemplo formidabiles copiæ abductæ, eademque opera, & Lauretana Ædes, & Picena regio direptionis metu diuinitus liberata.

*Lauretum à Leone X. mænibus cingitur,
eximium calaturæ opus vrgetur.*

CAP. XXI.

MUltiplicis periculi Lauretani, diuiniq; præsidij rumor Leonem Pontificem perpulit,

perpulit, vt humana etiam ope talia pericula arceret in posterum. Apparebat Pontificiarum ædium molem Ædis munimento destinatam esse tantam, quantam vix assiduus plurimorum annorum absolvere posset labor. Ergo tam fera spe damnata, aduersus subitas hostium populationes, Lauretum fossis, aggeribus, mœnibus, propugnaculis cingit, huius sæculi anno ferme XX. Satis etiam tormentorum æneorum adiicit ad propugnandum, & procul arcendum hostem. Ex quo Lauretum templum oppidi-que munitionibus septum, adiuuante collis situ, muniti castelli etiam eminus haud vanam speciem gerit. Huius rei fama finitimos ad incolendum, non tantum peregrinos ad visendum exciuit. Barbaros verò, ac cæteros à conando in posterum scelere retardauit. Inter quæ Cardinali Robureo Laureti Patrono vita functo Bernardus Card. Bibiennensis, huic Iulian^o Rodulphus Prior Capuanus à Pötifice suffectus est: qui Leonis iussu, quoniam iam paratum erat Dynastis hospitium; domum hospitem pauperibus peregrinis denuo exstruxit. At Pontifex perfectis Laureti munimentis, campanam raræ magnitudinis fundendam curauit XX. millium pondo, eamque Lauretam oppidi nomine appellauit. Exinde haud parum memor egregij monumēti, quod circa
sacro-

*Card. Bibi-
en. Patron.
Laur.*

sacroſanctum ſacellum relinquere molie-
batur, Sanſouinum cæteroſq; artifices litte-
ris, præmiis, promiſſis impenſius vrgere in-
ſtitit, vt ſe viuo, tam eximium opus abſolue-
rent. Exſtant Leonis ſuper ea re ad Sanſoui-
num litteræ, quarū initium, quia plurimum
valet ad Lauretanæ Domus commendatio-
nem, viſum eſt hoc loco referre. Id tale eſt:
*Cum pro immenſis & infinitis in humanum genus,
ac præcipue in nos ipſos ab immaculata ſummi Dei
Redemptoris noſtri genitrice collatis beneficiis, ſa-
croſanctam, totoque terrarum orbe venerandam
Lauretanā Eccleſiam, quam eiufdem Virginis car-
nis ſarcinam ferentis cellulam extitiſſe, & Angelicæ
ſalutationis, atq; diuini partus, quem editura eſſet,
nunciū fuiſſe deuotè, ac piè credimus, & in qua ſc
Virgo ipſa vberiore in dies ſingulos exhibet gra-
tiarum largitricem fidelium cunctorum votis præ-
ſto ſuccurrens, & cætera, quæ ſequuntur, quo-
rum ſumma eſt. Sacroſanctam Virginis cel-
lam dignam vtique eſſe, cui præcipuus qui-
dam honos habeatur. Proinde ei ſumma
ope, omnibuſq; viribus connitendum,
vt quam maturrimè ornamentum eiſ ab-
ſoluat. Verumtamen haud potuit Leone vi-
uo, ſuprema illi operi imponi manus. Et ſa-
nè genus cælaturæ, ac pulcherrimarum ſta-
tuarum multitudo non vnum requirebant
Pontificatum. Leoni ſublectus Adrianus
VI. vir alioqui pius doctusq; verum ſeu*
pertur-

*Leonis X.
teſtimoniū
tertium.*

perturbatio temporum , seu Pontificatus breuitas (quippe vix annuus fuit) fecit , vt nullum pene relinqueret suæ erga Lauretanam Ædem religionis indicium , vtiq; cum Flandris , ex qua gente ipse erat , templum elegans Romæ summa ope ædificaret S. Mariæ sacrum , cui ab Anima cognomen est factum. Cæterum quàm propensa eius voluntas erga Lauretanam Ædem futura esset , si vita ei suppeditaret , facile ostendunt litteræ ab eo ad Lauretanum Præsidem datæ , & superiorum Pontificum beneficia , immunitates , indulgentiæ confirmatæ. Pauca quoque huius temporis Lauretana dona reperio , propterea quod ea tempestate notabantur negligentius. Certum habeo non defuisse. Exstat donorum memoria tacitis nominibus donantium. Credo , quod ipsi taceri vellent , quo dona forent Deo ac Deiparæ gratiora. Nonnullorum tamen monumenta reperio : Ioannemque Baptistam Carafam Neapolitanum ; Ioannem Capouaccam Patauinum : Philippum Barbarum Venetum : Laurentium Vngarum Ducem Viciaci ; & Vrsinum Vrsinium Romanum ; suam quemque argenteam imaginem B. Mariæ Lauretanæ dicasse : Marchionissam autem Mantuæ egregios sacerdotis ministrorumque solemnem pompam litantium amictus tulisse , & auro argentoque contexta.

Clemens

*Clemens VII. Lauretano templo decretis
ornato, sacrosanctam cellam exornare
pergit. CAP. XXII.*

CReatus inde Pontifex Leonis X. patruelis Clemens Septimus, cuius Pontificatum domesticis iuxta, externisque bellis exercitum non magis vrbis Romæ direptio, quam religio Lauretanæ Domus insignem fecit. Is quippe Pontificatu inito, nihil ferme prius habuit, quam vt Lauretanam Ædem Pontificiis diplomatis honestaret, quibus & vetera firmaret beneficia, & adiiceret noua. Omittere hoc loco non possum caput cuiusdam eius diplomatis, Lauretanæ Virgini perhonorificum; Id est eiusmodi: Cum nonnulli Romani Pontifices, præsertim, scilicet. Leo Papa X. prædecessor, & secundum carnem frater patruelis noster, respicientes multa & magna miracula, quæ in Ecclesia nostra S. Mariæ de Laureto quotidie operatur Altissimus, ac moniti singulari deuotione & religione, Ecclesiæ ipsi, & illius Domus Capitulo, Canonicis, & aliis personis quam plurima priuilegia, immunitates, gratias, diuersis temporibus concesserint; Nos qui erga B. Virginem, sub cuius inuocatione dicta Ecclesia constructa est, singularem deuotionem semper habuimus, volentes quacumque sunt in fauorem dictæ Ecclesiæ conseruari, & quæ sequuntur. Inter beneficia Clementis fuit, quod Recinētēsibus ius omne,

si quod reliquum esset in Lauretum, ademit. Nec paruum eiusdem beneficium, quod Ioannem Matthæum Gibertum Veronæ Antistitem Laureto præposuit, virum doctrina pariter, & virtute clarum. Ab eo Lauretana Ædes supellectili sacra, optimis Canonicis, solemnibus cæremoniis instructa cultaque. Pontificiarum ædium porticus fornicatæ: cisterna quam à Card. Robureo ædificatam diximus, tectorio inducto concinnata, magno, vel peregrinorum, vel incolarum bono. Cæterum illa maximè cura intentum Clementis habebat animum, ut nobile illud à Leone inchoatum augustissimi sacelli ornamentum pari magnificentia absolueret. Accendebatur domestica vel pietate, vel gloria, ut cuius familiæ decus inchoata Ædis Lauretanæ cælatura esset, eiusdem absoluta foret. Itaque Antonium Sangallum, Raphaelem Baccium, Nicolaum Tribulum, aliosque statuarios illa tempestate celeberrimos ingenti precio condudit. Raynerium Nerucium Pisanum Lauretanæ ædificationi, præcipuè vero egregio illi operi pro dignitate perficiundo præesse iubet. Iam preciosa marmora erant maxima ex parte cælata ac perpolita. Nerucius ergo, dum cætera elaborantur, disturbat lateritios muros, qui sacre cellæ pro fulcimento adstructi, ab eademque diuinitus repulsi,

sub-

submotique (vt antea diximus) spectaculo
erant. Inde, pari interiecto spatio, quod ve-
teris miraculi monumentum foret, nouos
circundari parietes placuit, qui cælato mar-
more conuestiti extrinsecus adornarent fa-
cellum: superstruendumq̃ne fornicem no-
uum, deiecto lacunari tectoque veteri, su-
stinerent. Ædem quippe lapide concamera-
ri Pontifici placuerat, verito, ne peruetustū
tectum laqueatum, tot luminibus perpetuo
ardentibus obnoxium, igne concepto, ex-
itium sanctissimæ cellæ pareret. Proinde ars
postulabat, vt altiora fundamenta iaceren-
tur, quæ satis firmis substructionibus tam
insigne, preciosumq̃; opus à terræ motibus
tutum vsquequaque præstarent. Igitur ape-
riendis nouorum parietum fundamentis,
sacra Domus; (nè subducto solo, quid de-
trimenti caperet) stragulis, vt fit, funibus-
que constricta, ac validis suspensa rudenti-
bus tamdiu sublimis pependit è machinis,
quoad expletis fossis, noua fundamenta ex-
tare cœperunt. Quo tempore satis constat *Hier. Ang.*
(plurimorum enim oculis res comperta *Tradi. Lan.*
est) sub imis parietibus, dum circa eos ad
fundamenta humus effoderetur, pulueru-
entum tritumque solum, & proximi ruris
sepem oppressam, aliaque militaris viæ,
quam sacra Ædes occuparat, indicia inuen-
ta esse, noua veteris miraculi monumenta.

Hæc autem à plurimis tum notata, atque animaduersa ipsemet Hieronymus Angelita sub idem tempus memoriæ prodidit in historia Virginis Lauretanæ.

Architectus sacros parietes perfodere ausus, diuinitus exanimatur. CAP. XXIII.

CÆterum aucta per idem tempus loci celebritate, sanctissimam Ædem ianuis augeri oportuit. Vna tum erat ianua (vt supra demonstraui) in medio fere pariete, qui vergit ad Septentriones: hac ingredientibus omnibus & egredientibus aditus erat pariter, exitusq; . Itaque in tanta aduenarum multitudine concursuq; , aliis vt fit, alios prementibus, nonnulli (quia recessum primis vltimi non dabant) coarctati, oppressique exanimabantur. Proinde (quod iam pridem, & à multis optatum, & à Leone Decimo in forma exterioris ornamenti destinatum fuerat) peruiam fieri cellam placuit, binis ad angulos duorum parietum ianuis patefactis. Vt primum Architecti consilium distulit rumor; enimvero nefas videri, non magis accolis, quam peregrinis eos parietes ferro temerari, quos per tot aetates diuina prouidentia saluos, intactosq; seruasset. Multi palam fremere, quisquis iauderet, haud impune scilicet ausurum. Igitur cœlestis iræ metus fabros à conando absterruit

Trad.

Laur. Ann

Laur. Riser.

sterruit. Haud vanum fuisse docuit euentus. Quippe Nerucio ipsi architecto rem aggredienti quiddam accidit visu dictuque mirabile. Fabris tale ministerium detrectantibus, ipsemet sacrum parietem perfodere aggressus est, maiore artis fiducia, quã reuerentia loci. Ergo vt malleum in sacrum parietem adegit, repente manu obtorpescente, insolitus horror reliquum corpus nuasit: pallor deinde suffusus ori ingentis mali nuntius: mox linquente animo, qui circa erant, collabentem excipiunt, donumq; inter manus deferunt exspiranti similem, & sensus omnis expertem. Exanimatus iacuit horas ferme octo, quoad scilicet eius coniux mulier pia, & B. Mariæ Lauretanæ dedita in paucis Deum Deiparamq; precibus, votisq; placauit viro. Tandem igitur vitalis calor, qui totum propemodum corpus reliquerat, artubus reddi, & spiritus liberior meare cœpit. Iamque alleuans Nerucius oculos, redeunte sensim animo, circumstantes noscitare. Demum iam componentis audaciam incusare suam: veniam omnemq; à B. Maria exposcere. Nec frustra. Animus religione exsolutus pariter corpus egritudine leuauit, vt morbi causam ipsa net curatio aperiret. Postquam conualuit, Pontificem tota de re admonitum, quid facto opus sit, consulit. Ille haud ignarus id

nimia Architecti confidentia magis, quam indignatione B. Virginis euenisse; miscens monitis imperia vrget Neruciū, vt Dei Vicario authore non dubitanter exsequatur incēptum: & simul impense monet, vt sacros parietes perfodiat non tam malleo & audacia, quam ieiunio & veneratione Virginis armatus: sic demum rem ex sententia successuram. Neque enim timendum esse, ne Deipara Virgo suam domum peruiam fieri nollet, quæ eam peregrinis vellet cum salute, non modo sine perniciē patere. At Nerucium recenti malo ex audacia timidiorem iam factum, ne Pontificis quidem authoritas percellere potuit, vt iterū ipsemet experiretur, quod tanto suo periculo paulo ante tentarat. Ad vltimum, quia Pontificis imperium vrgebat, & mora patefaciendi ianuas ædificationem morabatur operis; inuentus est adolescens minime timidus, qui authoritate Pontificis fretus & plenus amicorum vocibus rem auderet. Clericus is erat Basilicæ Lauretanæ. Venturam Perinum vocabant: hic triduo munitus ieiunio ad sacrum parietem cum malleo venerabundus accedit. Circa Perinum erat & aduenarum turba, & Clericorum, hæc sollicita ex adolescentis fiducia, illa rei expectatione suspensa. At Perinus supplex ita præfatus dicitur. Sacra Virginis Domus, igno-

ſce innocentia; non ego te hoc malleo, ſed Clemens Dei Vicarius ornamenti tui auidus fodit: ille te ornatam, ille te peruiam cupit. Placeat Dei parenti, quod Dei Vicario placet. Talia precatus designatum parietis locum percuffit impune. Eum deinde iſtus tuto iterantem fabri pari ieiunio, ac reuerentia ſecuti, ianuas aperiunt tres, quarum duæ liberum populo ingreſſum, egreſſumque præberent, tertia ſacerdotibus aditum daret ad ſanctiorem ſacelli partem, ubi eſt Virginis ſimulacrum. Eodem tempore parua fenestra, quæ vna in anteriore pariete erat ferme è regione ſimulacri, amplior ad accipiendum lumen facta, & clathris æreis inauratis pulcherrime communita. Cæmentis inde erutis, vetus ianua, quæ ſatis ampla in medio pariete patebat, obſtructa. Exin nouus paries duci, & inſigni cælati operis cruſta operiri, conueſtiriq; cœptus.

Clemens Lauretanæ Virginis ope adiutus eam impenſius exornat. CAP.

XXIV.

S Vb id tempus Clemens Ædi Lauretanæ adornandæ intentus, ingens periculum Deiparæ Virginis præſidio euasit. Fraude, doloque hoſtium capta vrbe Roma, ipſe in arcem molis Adrianæ receperat ſe. Ibi à Cæſarianis obſeſſus, poſteaquam hoſtium

vim sustinere non poterat, non votis modo,
 sed etiam litteris Lauretanæ Virginis im-
 plorat auxilium. Nec missæ incassum pre-
 ces. Pontifex haud ita multo post inter ho-
Bern. Cyril. stium tela elapsus in tutum est. Ad hoc ex
 auro argentoq; Lauretano tria circiter au-
 reorum millia coacta : & Pontifici inopia
 laboranti peropportunum subsidium mis-
 sa. Ita Clemens gemino B. Mariæ Laureta-
 næ beneficio, præsens periculum inopiam-
 que vitavit : ac demum discussa ingruente
 belli procella, pacem populis suis, atque o-
 tium peperit. Discrimine capitis belloque
 perfunctus, Lauretanæ Virgini gratiam
 non solum habendam, sed etiam quantum
 mortali fas esset, referendam existimavit.
 Igitur post Carolum Quintum insignibus
 Imperij ab se decoratum Bononiæ, Romam
 inde remigrans ad Lauretanam diuertit Æ-
 dem, Patronam Liberatricemque suam sa-
 lutaturus. Gratiis rite actis, votisque Deo
 ac Virgini persolutis, ut tantorum erga se
 meritum exstaret gratia, inchoata Lau-
 retanæ ædificationis opera summa vi vrgere
 statuit. Architecto igitur, fabrisque instare
 cœpit, templum præcipuè ad culmen per-
 ducere aliquando festinans. His operibus
 perficiendis pecuniam, quam mutuam à
 Virgine acceperat, reddidit. Itaq; illo Pon-
 tifice, & Pontificia tecta Laureti strenue
 ædifi-

ædificata, & templo fastigium impositum, cum egregio tholo, qui tantum se à fastigio attollit, quantum fastigium à terra. Inter hæc haud vltima Clementis cura erat de absoluenda præclara illa cælati operis crusta, quam vt principia sedabant, haud falso augurabatur maximè inclytam toto orbe terrarum futuram.

Lauretum excisis nemoribus, lacunisque siccatis salubrius redditur. CAP. XXV.

DVm Lauretana Domus egregiis operibus ornatior in dies existit, etiam Lauretum oppidum excisis circa syluis, exsiccatisque paludibus existere cœpit salubrius. Infame incolarum morbis mortibusque erat illa tempestate Lauretanū cœlum: quippe magna ex parte palustre ac noxium, multarum offensarum causas corporibus afferebat, vt incolæ bonam anni partem pituitosi essent omnes ac redundantes: plerique tenui, imbecillaque vterentur valetudine: pueri verò maximè immatura morte extinguerentur, vtpote qui propter corporum imbecillitatem, proximi stagni halitum, locique ipsius grauitatem ægerrime ferrent. Et fane Lauretum situm est in tumulo vergente ad meridiem, orientemque solem; cæterum ab Occidente ac Septentrionibus, qua sylvarum palustrium, quæ collum ob-

Bern. Cyril.

iectu claufum excludebat ventos falubres: contraque ab altera parte apertum noxios excipiebat grauesque. Nec procul planities erat caliginosa paludibus, quas restagnans amnis (Musioni nomen est) faciebat, & limosa insuper hyemalibus aquis, quæ paulatim collectæ nullo motu agitante torpebant. Crederes insalubrem sedem Deiparæ cordi fuisse, vt eius præsidij salubritas in loco insalubri magis emeretur. Pertulit igitur fama ad Pontificem, in oppido Laureto ob cæli inclementiam, ple-rosque infantium ac puerorum, priusquam ætas adolesceret, interire: ita paulatim incolis metu orbitatis alio demigrantibus, in oppido solitudinem fieri. Itaque ille Lauretanæ Virgini pulchrum ratus, & oppidum quam frequentissimū, & locum quam saluberrimum esse; de architectorum sententia commodissimum existimauit, vicinas lacunas siccare, nemora excindere, imminentes templo colles (Montem Regalem, & Montinorum incolæ appellant) æquare, vt nebularum origine sublata, cœloque patefacto, aër ventorum salubrium flatibus apertus salubriorem faceret locum. Igitur Ioanni Antonio à Statis Lauretano Gubernatori, & Antonio Sansouino architecto scribit his verbis. *Accepimus aërem istic præsertim æstiuo tempore reddi insalubrem, partim*

rim ex eo, quod quidam collis dictæ Capellæ, & Ecclesiæ supereminens ventos montanos loco salubres excludit, partim quod in planitie dictæ Ecclesiæ circumuicina etiam ad quinque millia passuum plures plaudes, & syluæ fere semper limosæ insalubritatem faciunt. Quamobrem nos illam Ecclesiam toto orbe Christiano ob gloriosissimæ Virginis Mariæ merita, & confluentium illuc populorum multitudinem celebrem, his causis sublatis, salubrem reddere cupientes, iam ordinauimus, vt dictus collis supereminens complanetur, paludes factis fossis, exsiccentur, syluæ excidantur. Lauretanus ergo Præses impensius etiam, quam iubebatur, tam salubre opus aggressus est, anno huius sæculi XXXIII. ac strenue per architectum, ingenti operariorum vi conductâ, pauperibus etiâ peregrinis corrogatis, syluam vico proximam deiicere, lacunas ductis fossis in præterfluentem amnem, aut in mare proximum deriuare: imminentem oppido collem cædere institit. Longum erat, ac pene infinitum opus. Proinde tum inchoatum magis, quam perfectum. Cæterum illa ipsa inchoatio, & salubritatis aliquid in præsentia, & spei plurimum in posterum, procedente opere, incolis fecit.

*Clemens tribus cubiculariis in Dalmatiam,
& Galileam missis, Lauratanæ Domus
migrationem explorat. CAP.*

XXVI.

*Tradi Lau.
Ann. Laur.
Riera.*

S Alubrior iam facta erat Laureti habitatio: cum Lauretanæ Domus historia facta est exploratio. Hieronymus Angelitani Recinetensis domi suæ, vel generis nobilitate, vel integritate vitæ clarus in paucis fuit. Is Virginis Lauretanæ historiam ab se conscriptam Clementi Pontifici per id tempus dicavit. Scribendæ dicandæq; Pontifici historiæ causa fuit, quod per eadem ferme tempora, ut ante dictum est, sacrosanctæ Domus è Galilæa in Dalmatiam, inde in Picenum asportate narrationem ex Flumenfibus Annalibus Dalmatæ quidam ad Recinetensem pertulerant ciuitatem. Itaque siue Angelitanæ historiæ admonitu, seu familiarium rogatu, seu potius cœlestis numinis instinctu, Clementem cupidò cœpit, migrationem Sanctæ Domus è Galilæa intentius explorandi. Haud erat ignarus id ipsum olim, & à Dalmatis, authore Frangipanio, & à communi Picentium, ciuitatis Recinetensis hortatu, satis esse perspectum. Cæterum præcipuas Pontificis partes esse ducebat, rem tam inusitatam, ac pene incredibilem denuo per certos homines explorare,

rare, vt aliorum indiciis accedere Pontificalis authoritas, quæ ex mortalium pectoribus dubitationem omnem, si qua forte resideret, funditus tolleret. Proinde ex omnium familiarium numero tres cubicularios suos delegit expertæ in primis religionis, ac fidei. Hos quid factum opus esset monitos, rebusque necessariis abunde instructos dimittit, faustum eis iter precatus. Ergo illi Lauretum profecti, sacramque Domum intentiore cura contemplati dimensi que, descendunt nauim Illyricum petaturi. Quo ut ventum est, ædiculam Lauretanæ instar satis vetustam, & miraculorum monumentis insignem inueniunt. Porro parieti eius ædiculæ inscriptum, Lauretanam ibi Domum olim fuisse. Hæc accolæ ipsi monstrabant: haud vana ab illis afferri veræ lachrymæ vbertim manantes ex desiderio testabantur. Confestim igitur Legati mensuris admotis, deprehendunt prorsus omnia conuenire. Protinus repetito cursu pergunt in Galilæam, Nazarethū veniunt. Sacræ Domus fundamenta monstrata ab incolis cernunt: quoquo versus metiuntur: congruere cuncta comperiunt. Ex Legatorum numero Ioannes N. erat Senensis, qui nouo aliquo indicio veteris miraculi fidem adfirmandam ratus, duos inde attulit lapides ex iis, quibus vulgo strui ædes Nazarethi solent. Lapis quidem

quidem laterem naturali forma imitatur (cuiusmodi ex sectilibus lapidicinis erui allicubi solet) cæterum flauentibus intermicat venis. Reuersus igitur Ioannes cum Collegis ad Ædem Lauretanam, cum eius lapidibus Nazarenos illos lapides confert: reperit geminos eorum, ac similimos esse. Ea quoque res auxit miraculi fidem, cum talem lapidicinam in Piceno nullam esse constaret: & omnia quamuis vetusta ædificia, ob cæmentorum, taliumque lapidum inopiam, laterculo structa cernerentur. Illi igitur successu admodum læti peruolant Romam. Pontificem expectati adeunt, compta renuntiant. Ioannes insuper Nazarenos lapides Lauretanis similimos, pferet tanti miraculi testes: res summa & Pōtificis lētitia, & affeclarū præcipuè sermōe celebratur.

Tres viri illustres è mortis faucibus eripiuntur. CAP. XXVII.

*Tradi. Lau.
Ann. Laur.
Riera.
Julian. Ca-
sarinus a
letali mor-
bo ereptus.*

Eodem fere tempore Ædes Lauretana nobilissimis est illustrata miraculis. Iulianus Cæsarinus vnus è Proceribus Romanæ ciuitatis, anno huius sæculi XXX. Bononię graui implicitus morbo ad vltimum periculi venerat. Iamque à Medicis destitutus adesse sibi sentiebat supremum diem, cum implorato Lauretanę Virginis præsidio, repente conualluit. Eodem anno Vaiuoda Tran-

Transilvaniae ab Abrahamo Prætoris Regis
Turcarum (Bassam ipsi appellant) prælio
victus captusque victoris irati iussu ex altis-
sima rupe agendus erat præceps. Cæterum
ille, B. Maria Lauretana inuocata, seruitium
quoque, non tantum præsens supplicium
euasit. Nam forte sermonem de religione
cum Bassa ingressus, adeo efferatum eius a-
nimum diuina ope mitigauit, vt Barbarus
odio in amorem verso, ipsum cum cæteris
Transylvanis captiuis dimitteret gratis. Ex-
stat hodie Laureti tabula ingens egregie pi-
cta, auroque exornata, vbi tota res non so-
lum coloribus, sed etiam litteris expressa
visitur. Iisdem fere temporibus Ferdinan-
dus Gonzaga adolescens nobilissimus Man-
tuæ præferocem cursu exercebat equum.
Quo vehementius concitato effusus in cla-
thros ferreos vicini templi, B. Mariæ Lau-
retanæ opem implorat: mira dictu res. Ex
tam graui, periculofoque casu, extemplo
sanus vegetusque surrexit. Nec voti parum
memor, equestrem statuam argenteam Lau-
retanæ Virgini donum tulit. Ipse autem
eiusdem effigiem Virginis ex argento ex-
pressam deinceps in omni vita perpetuo su-
spensam gestauit è collo, siue miraculi mo-
numentum, seu vitæ præsidium: nec frustra:
in maximis præliorū discriminibus vir bel-
licosus præsentem semper Deiparæ Virginis
exper-

*Vainoda
Transilua.
a præsentis
mortis peri-
culo libera-
tur.*

*Ferdinandi
Gonzaga
casus, & D.*

expertus est opem. Horum igitur miraculorum fama, & simul explorata Lauretanæ Domus ex Galilæa, & Dalmatia translatione mire lætus Pontifex enixe instare Nerucio cœpit, vt præcipuum sacrosanctæ cellæ ornamentum quamprimum absolueret. Sed Deo aliter visum, qui affecti tam eximij operis nomen Clementi dedit, absoluti decus alteri referuauit. Enimuero in illo tam insigni opere exstruendo, & ad culmen (quantum in ipso fuit) perducendo, adeo præclare Clementis non sedulitas modo, sed etiam magnificētia exstitit; vt haud immerito eum authorem fama ferat: etiam si Leonis Pontificis symbola, insigniaque voluntaria multis locis operi inserta cernantur. Clemens quippe nullum omnino inseruit sui monumentum, rarum vtiq; exemplum, Deoq; acceptum adeo, vt eius haud dubie nutu, tam excellentis operis gloria sequentem fugeret, fugientem sequeretur. Clementem porro ferunt, cum ad tergum operis, quod vergit ad ortum solis peruentum esset, consultum à Recinetensibus, vtrum in ea parte Lauretanam historiam inscribi vellet, respondisse, satius videri eam historiam in marmore similiter, vt cætera B. Virginis facta cælari, siue quod historia ipsa per se satis nota ac testata foret, siue quod cælata historia satisfactura esset litteratis pariter, idio-

idiotisq̃ue. Attamen Clementi VIII. Pontifici Maximo, & Cardinali Gallo Laureti Patrono summam Lauretanæ historiæ in marmorea tabula, quæ cælaturæ subiecta erat, inscribi placuit: quo illustrius, cumulatius esset tantæ, ac tam insolitæ rei ad posteros monumentum.

F. Leandri Alberti de Lauretana Aede testimonium. CAP. XXVIII.

NOuum per eadem tempora haud ignobilis historici testimonium Lauretanis rebus accessit. Leander Albertus homo ex Dominicana familia doctus æque, ac pius in libro, quem edidit de Descriptione Italię, Picenum describens perhonorificam facit Ædis Lauretanę mentionem. Quem nos locum ex Etrusco sermone in Latinum totidem fere verbis conuertimus. Sic igitur scribit. Recanatum inter, & mare Adriaticum, non longe à Musione fluuio cernitur in colle templum S. Mariæ Lauretanæ toto terrarum orbe celeberrimum, quod simul cum oppido validis est munitū mœnibus. Hic multi sunt incolæ excipientes hospitaliter peregrinos, qui ex omnibus Europæ partibus eo votorum persoluendorum gratia confluunt, cum omnibus anni temporibus; tum maximè vere, & autumno. Equidem de tanto templo dicturus vnde ordiar

Leandri testimonium.

L

nescio.

nescio. Obuersatur quippe animo hinc summa loci religio, illinc eximia templi opulentia. Enimuero me vires deficiunt conantem dicere de sanctissimo illo, religiosissimoq; cubiculo, vbi nata, vbi educata est cœli Regina semper Virgo, ac Dei parens Maria, eademque miserorum mortalium apud filium suum Patrona. Vbi Archangelis Gabrielis nuncio Dei Mater effecta, appellataque est, vbi humanam Deus naturam induit, vt nos ex faucibus inferni Draconis eriperet, cœlestisq; regni aditum per tot sæcula, Parentum humani generis vitio, clausum aperiret. Itaque, vt dixi, vnde talis loci descriptionem ordiar, ignoro. Cæterum vt piis pariter, curiosisque lectoribus satisfaciam, pauca dicam. Principio igitur dubitandum non est, quin hoc illud ipsum sit cubiculum, vbi cœli regina edita in lucem est. Nam præter certissima litterarum monumenta, quæ Deiparæ Virginis cubiculum ab Angelis huc translatum esse fidem faciunt, nemo est tam ferus ac ferreus, nemo tot, tantisq; flagitiis, ac sceleribus coopertus, qui non in ipso sacræ Domus ingressu, præsentis numinis cœlestis religionis perfusus molliri suum sentiat pectus ad eò, vt venerabundus B. Mariæ imploret auxilium, ac per eam à Christo suppliciter oret suorum veniam delictorū. Et sane ad ipsum
huma-

humanos animos diuina vis videtur impellere. Ad hæc accedunt prodigia, ac miracula ibi diuinitus edita, beneficiaque tributa iis, qui ad Dei parentem supplices confugerunt. Id adeo non solum litterarum monumenta testantur; sed etiam aurea, argentea, cærea simulacra, votiux quoq; tabellæ, quæ per multas ætates, ac sæcula congesta visuntur. Longus sim, si velim numerando percensere diuina prodigia, ac dona inibi impertita mortalibus. Quæ quidem tot tantaque sunt, vt incredibilia videri possint iis, qui non facile adducuntur, vt credant, maternas à Deo preces audiri. Nec vero hæc magnificentius à Leandro dicta, quam verius.

Lauretana Aedes plurimis, nec vulgaribus colitur donis. CAP. XXIX.

NON alias magis ante, pluribus Aedes Lauretana votiuis floruit donis. In Lauretanæ Domus codicibus reperio, per hæc tempora omnes ferme Piceni populos quotannis solitos in supplicationibus argenteas Beatæ Virgini coronas ferre singulas, binas, ternas, vsque ad septenas, voti aut religionis ergo. Et quia iam satis, superque erat coronarum (coronæ quippe tum censebantur ad septuaginta) commodatas coronas accipiebant à sacra Domus

Cod. Laur.

Custodibus, pro his precium ferebant. A plerisque etiam Piceni castellis oppidis, urbibusq; argentea ipsorum simulacra in supplicationibus præferebantur. Erant illis temporibus partim urbium, partim oppidorum, & castellorum ex argento expressa simulacra numero duodeviginti: inter quæ Firmum pondo librarum pene viginti & specie, & precio eminebat. Cæterum hæc quoq; aliis populis, quibus deerat aurificis copia, commodata à custodibus in supplicationis pompa ferebantur, argento pro his repenso. Et vterque mos, vel coronarum, vel illius modi simulacrorum vsq; adeo increbuit, vt nunc, vel maxime vigeat. Nec se

*Argentea
simulacra
Urbium, &
oppidorum
XVIII.
Firmi ar-
gent. simu-
lacr.*

*Pisauri ar-
gent. simu-
lacr.*

*Ascan. Co-
lumn. D.*

Cardin. SS.

Quatt. D.

Comitis

Rangoni D.

Io. Francisc.

Bosßij D.

Pyrrhus Gõ.

Zaga D.

Piceni finibus ea tenuit consuetudo. Iisdem temporibus Pisauenses argenteam Pisauri imaginem miserunt affabre factam. Nec ea tempestate ciuitatum, ac populorum magis, quam ciuium ac nobilium virorum pietas extitit. Ascanius Columna inter Romanos Proceres genere, atque opibus clarus argenteam Beati Rochi effigiem libralem, & sacerdotis solemnia sacra celebrantis amiculum ex textili argenteo, donum Virgini attulit. Cardinalis sanctorum Quatuor Coronatorum caput argenteum pondo ferme quatuor. Comes Ragonus Mutinensis, & Io: Fraciscus Bossius Mediolanensis, singuli crus argenteum libræ. Pyrrhus Gonzaga eiusdem

dem materiæ ac ponderis pedem. Pardus *Pardi Pappacoda D.*
Pappacoda Neapolitanus effigiem suam argenteam ponderis duplo maioris. Alexander *Alex. Calcagnini D.*
Calcagninus imaginē suam ex argento *March. Tripaldea D.*
cēlatam trilibrem. Marchio Tripalde, lychnum argenteum pari ferme pondere. Magnus *Magni Magistri Melit. D.*
Rhodiorum Equitum Magister alterum lychnum eadem materiā, sed pondere aliquanto maiore. Vincentius *Vincentij Alfani D.*
Alfanus Perusinus simulacrū suum ex argento expressum librarum XV. Alia porro ab aliis (quorum nomina prodita nō sunt) sigilla sexdecim argentea, pondo librarū septem, & septuaginta. Sed longe ante alia omnia huius temporis dona excellit Ludouici *Ludou. Gisilardi D.*
Gisilardi Bononiensis effigies argentea pondo amplius quinquaginta. Sacra etiam subinde supellex aucta. Cardinalis Montinus (qui *Card. Montini D.*
postea Pontifex factus Iulius III. est appellatus) sacerdotalem vestem egregiam ex auro textili crispante donum tulit. Cardinalis *Card. Palmerij D.*
Palmerius aræ ac sacerdotis ornatum ex veste Attalica. Dux Traiectensis sacerdotis, ac *Duc. Traiectensis.*
ministorū solemnibus sacris operantium vestes ex holoserico villoso violaceo distinctas auro. Oliuerius Fagnanus Mediolanensis ex eadem materia, aræ & sacerdotis *Oliuer. Fagnani D.*
ornatum. Marchio item Bitontinus ex veste *March. Bitontini D.*
Damascena aureis operibus insignita. Alij quoq; alias altarium, ac sacerdotum vestes,

coronas argenteas, calices, aliaq; eiusmodi, quæ persequi longum foret, dona Deiparæ Virgini seu portarunt, siue miserunt. Nec ea propria virorum laus. Isabellæ Cardonæ Proreginæ Neapolitanæ corona aurea libralis, & ipsius effigies B. Virgini supplicantis argentea, pondo sesquilibræ, & pes libralis item argenteus : ad hæc arcula scitè facta eiusdem materiæ ponderisque : bini vrceoli aurei vnciarum XIV. armillæ itidem aureæ benefactæ donum fuit. Marchionissæ Vasti effigies B. Virginis puerum IESVM gremio gestantis argentea pondo fere quatuor. Quin etiam à Turcis dona missa. Constat anno huius sæculi XXIX. Bassam Turcarum (nomen, & causa non proditur) argenteam aræ vestem, margaritis insuper adornatam Lauretanæ Virgini donum misisse Clemente VII. Pontifice Maximo: vt intelligeremus Lauretanam Virginem communem omnium gentium esse Patronam, quicumq; eius patrocinio vti velit.

FINIS LIBRI SECVNDI,

HORA

HORATII TVR- SELLINIE SO- CIETATE IESV

LAVRETANÆ HISTORIAE, LIBER TERTIVS.

*A Paulo III. beneficiis, decretisque decora-
tur. CAP. I.*

PONTIFICIAM inde sedem Pau-
lus III. excepit, qui Æde Laureta-
na ornanda, augendaque etiam
cum ipso Clemēte certavit. Nam- *Pauli III.*
que initio fermè Pontificatus sui, & Indul- *beneficia.*
gentiis eam, & beneficiis cumulavit. Quip-
pe indignum ratus, sacræ Domus ministros
ad vsum domesticum vix pecunia emptum
falem habere posse; vicanos eis quotannis
falis faccos ex Ceruiæ salinis assignavit gra-
tuitos, non contemnendum beneficium, si-
ue muneris perpetuitatem, seu necessitatem
accipientium, siue dantis animum spectes.
Eminet Pontificis animus in diplomatis
procæmio, quod libet attexere: *Postquam, fœl. Pauli III.*
rec. Xystus Papa Quartus prædecessor noster, inter testimoniū
alia motu proprio Ecclesiam Beatæ Mariæ de Lau-
reto, olim in honorem ipsius Virginis miraculosè

fundata: in qua (prout fide dignorum habet assertio) ipsius etiam Virginis gloriosa imago Angelico comitata cœtu, mira Dei clementia collocata existebat, & ad quam propter crebra, & stupenda miracula, quæ eiusdem Virginis gloriosæ meritis, & intercessione ibi Altissimus operabatur, in dies ex diuersis mundi partibus etiam remotissimis, Virginis gloriosæ liberati præsidii populi confluebat multitudo: & paulo post; Recolendæ memoriæ Iulius Papa II. prædecessor noster attendens, quod non solum erat in dicta Ecclesia de Laureto imago ipsius B. Virginis Mariæ, sed, (vt piè creditur, & fama est) camera, siue thalamus, vbi ipsa Beatissima Maria concepta, & educata, vbi ab Angelo salutata Saluatorem sæculorum concepit. Cætera item persequitur, quæ in suo diplomate Iulius Secundus posuerat.

Lauretum Recinetensium fidei committitur. CAP. II.

*Alex. Argolus Laur.
Patron.*

PAulus porro haud ignarus, quantum boni sit in bono Præfide, id semper egit, vt optimos Laureto Præsides daret, donum omnium fortasse maximum. Alexander igitur Argolus Tarracinensis Episcopus à Pontifice Lauretano Patronus constitutus, rem Lauretanam præclare constituit, auxit-
que. Doctorum, grauiumque hominum complures in Canonicorū Lauretanorum Collegium cooptauit: sacrorum cæremoni-
nias

nias solemni, ac plane Pontificali peregit ritum, summa denique religionis, ac benignitatis laude, diuina, humanaq; omnia per quadrienniū administravit. Huic Gaspar Contarenus Cardinalis, vel ingenij dotibus, vel artibus animi clarus successit, Laureti Patronus omnino bonus, sed mortis interuētu brevis. Nam cum per Galeatium Florentium (qui postea Aquini Antistes fuit) rem Lauretanam optime gereret, ingenti sui expectatione concitata, cessit è vita. Eius in locum suffectus à Pontifice Rodolphus Pius Cardinalis Carpensius Patronus iuxta bonus, ac diuturnus. Qui sane Pij cognomen, etiam si à maioribus non accepisset, insigni sua pietate fuisset sibi pariturus. Non alius ante impensius Lauretanam Ædem ornare institit. Itaque eius in Lauretano templo, adiectisq; ædibus hodie monumenta exstant & multa, & illustria. Inter hæc gliscebatur Turcicum bellum, quod Solimanus Turcarum Imperator Tunetano regno per Ariadenum Ænobarbum subactō, Italiæ moliebatur. Paulus ergo Pontifex Carolo Cēsare, ac Venetis in societatem adscitis, in Turcicum bellum omnes intenderat curas viresq; . Cæterum illa tempestate Lauretano templo vel in primis consultum voluit. Et quoniam exhausto in apparatus bellicum ærario, pecuniæ inopia

Card. Contar Laur. Patr.

Card. Carpen Laur. Patr.

*Recineten-
siū Legatio
ad Paulum
III. Pont.*

piis eius consiliis obstabat; occasionem forte oblatam sibi è manibus elabi passus non est. Per idem tempus Recinetensium Legati Romam ad Pontificem venerant expostulantes, quod Lauretum, auita ipsorum possessio, à Iulio Pontifice ereptum eis esset ingenti cum damno, maiore cum dedecore ciuitatis suæ. Quem enim existimaturum à
 „ sacrorum Principe, Christi que Vicario, sine
 „ graui aliqua causa, antiquissimam Laureti
 „ possessionem, Recinetē sibus inuitis, adem-
 „ ptam? Quo autē suo merito, tam insignem
 „ optimæ meritæ ciuitati inustam infamiæ
 „ notam? An quia Lauretanæ Virginis sedem
 „ impense ab initio fouerit, donis coluerit,
 „ templo ornauerit, frequentauerit tectis, per
 „ C. C. L. prope modum annos iustè, sancte-
 „ que rexerit? Quando à Recinetensium Ma-
 „ gistratibus auarè, aut superbè esse impera-
 „ tum? quando incolarum, peregrinorum
 „ templi tutelam neglectam? Iam quoties la-
 „ tronum vias, obsidētium audaciam repres-
 „ sam? quoties Ædem ipsam magnis armato-
 „ rum præsidiis ab hostium iniuria defensam?
 „ En cur Recinetenses libenter memorarent,
 „ Deipara Virgo natalem domum suam in
 „ Italiam transferens in nostra potissimum
 „ sylua sedem elegit: ter intra paucos menses
 „ locum mutans nostris finibus non excessit:
 „ tres in nostro agro locos suis vestigiis insi-
 gnes

gnes fecit: nos illi satis spatij ad templum „
 concessimus: nos templum, nos vicum cir- „
 ca eam condidimus: nos incolis Magistra- „
 tus & Iura dedimus. Multum verò ista eis „
 profuisse, vt eum locum optimo iure pos- „
 idere viderentur: si quidem, indicta causa, „
 sint de antiquissima possessione deiectioni. „
 Quod si æquum videatur, munus à Deo, „
 Deiparaque Recinetensibus datum à Dei „
 Vicario reddi; profecto ipsos daturos ope- „
 ram, vt neque Pontificem, neq; Lauretanos „
 Recinetensis tutelę ac regiminis pœniteret. „
 Recinetenses porrò, vt vtrisque cautum fo- „
 ret, nullam conditionem, quam æquissi- „
 mus Pontifex imponeret, recusaturos. Er- „
 go Paulus, Legatis benignè auditis, medium
 quiddam secutus est, vt & Recinetensibus
 suum redderet, & tamen Ædi Lauretanę
 superiorum Pontificum beneficia cōserua-
 ret. Igitur oppidum Lauretum (templo ex-
 cepto, & salua Præsidis iurisdictione inter
 oppidanos peregrinosque) Recinetensi ci-
 uitati restituit, his conditionibus, vt Laure-
 tanam domum aduersus Turcā valido præ-
 sidio tueri, muros, ac munimenta, sicubi o-
 pus foret, reficere: peregrinis vltro citroque
 cōmeantibus itinera à latronibus tuta præ-
 stare deberēt. Ad hæc octo aureorum millia
 à Leone X. in Laureti munitiones insumpta
 Pontificali Fisco, vnde erant deprompta,
 remu-

*Lauretum
 Recineten-
 sibus reddi-
 tur.*

remunerarent ad vsum Turcici belli. Ita Lauretum ad Recinetensium ditionem rediit sæculi huius anno XXXV. post annum circiter XXX. quam à Iulio II. sui iuris factū erat. Cæterum exinde Paulus bello perfunctus Lauretanam Ædem præsidiiis munitam prædiis locupletavit. Namque eius iussu ex Duumviris Castri Ficardi vicina Laureto nemora cum adiacentibus vineis, pratis, oliuetis coemta sunt. In eam rem sex aureorum millia ex erario Pontificis erogata. Alia porrò prædia circa Mursionem annem à Pontifice empta, & Lauretanæ Virgini donata.

Contubernium puerorum instituitur, qui Lauretanæ Virgini laudes canant.

C A P. III.

NEc fortunis tantum Lauretana Ædes, sed etiam ministris per id temp⁹ aucta. Pontifex satis gnarus integræ pueritiæ preces Deo Deiparæq; acceptissimas esse, Collegium duodecim alumnorum instituit. Ibi lectissimos ex omni Piceno pueros ingenuos impuberes institui iussit, ad laudes B. Virgini decantandas. In his porrò legēdis, corporum animorumque integritatem spectari, in instituendis optimorum Magistrorum rationem haberi voluit. Præcipua erat cura, vt non minus castitate morum, quam suavit

uitate

uitate vocum sanctissimam Virginem delinrent. Ergo hi ex præscripto Pontificis in opportuno loco (Canonicam vocabāt) intentiore cura educati, institutiq̃ue B. Mariæ carmina in eius sacello, statis quotidie canebant horis, pacem ac veniam à Deo Deiparaq̃ue orantes, & opem Italiæ contra Turcarum rabiem exposcentes. Nec puerilis pietas Pontificis spem, nec B. Virgo pueriles preces fefellit. Et si enim fœderatorum Principum classem Ducum discordia inutilem fecit; tamen Deipara Virgo & otium Italiæ peperit, & Turcarum audaciam fregit. Quippe haud ita multo post compositis inter Cæsarem, Galliæq̃ue regem controuersis, ex tristi bello læta repente Italiæ pax reddita. Maxima instructissimaq̃ue Turcarum classis Ariadeni Ænobarbi ductu exitium Italiæ ferens, ipso mense Augusto Acrocerauniis illisa scopulis in cōspectu propemodum Ædis Lauretanæ fecit naufragium. Quo naufragio satis constat maximam classis partem amissam: viginti Barbarorum millia hausta fluctibus: totumq̃ue ferme Adriaticum sinum hostium cadaueribus, armis, tabulis, armamentis aliisq̃ue naufragij indicijs stratum. Quorū arma ad Lauretum fluitātia cognita in littore, prius fere, quam nunciari posset, insignem fecerunt hostium cladem. Ibi enim verò exultare

Paul. Ion.

lib 41.

Ann. Laur.

Riera.

tare Lauretani, aduenæq; : auditas profecto à Deo Deiq; parente preces puerorum pi-
 rumque : aperuisse aliquando oculos ulto-
 rem Turcicæ superbiæ Deum : alius alium
 hortatione firmare, talem ut Præsidentem præ-
 cipuo colerent honore, cuius præsidio to-
 tam illam Italiæ oram cernerent præfenti
 Turcarum formidine liberatam.

*Nosocomium & Xenodochium excipiendis
 peregrinis aperiuntur: sacra Aedes edi-
 ficiis ornatur. CAP. IV.*

AT Pontifex tali nuncio admodum, læ-
 tus, ne benignior in indigenas, quam
 in peregrinos foret; Nosocomium Laureti
 eadem fere tempestate absolutum aperuit,
 ægris aduenis præcipue curandis. Alius por-
 ro locus scabiosis, leprosisque extra mœ-
 nia, ne quid cæteros eorum contagio læde-
 ret, assignatus. Ab ægris inde ad sanos cura
 conuersa, Xenodochium pauperibus pere-
 grinis excipiendis institutum, ubi benigne
 alebantur per triduum: & discedentes pa-
 ne, vino, calceis, pecunia iuuabantur. Hæc
 hospitalitatis, & Christianæ charitatis fa-
 ma, mirum, quantum vel aduenis religio-
 nis, vel Lauretano templo opum adiecerit;
 cunctis ferme exteris gentibus expertam in
 suis peregrinis Lauretanam benignitatem
 remunerantibus. Adeo vera in pauperes li-
 bera-

*Nosocomiū
 & Xeno-
 doch.*

*Hospitali-
 tas Laure-
 tana.*

beralitas auget magis opes, quam minuit. Deus, quippe benignitatis fontem, ne exhauriatur, bonis identidem auget; ac benignis largitoribus benigne suppeditat, quod deinceps egentibus largiantur. Nec verò dum exardescunt hæc Christianæ charitatis officia, Lauretana opera à Clemente inchoata interim refrixere. Nihilominus Pauli iussu sylvæ noxiæ cædebantur: nebulosæ siccabantur lacunæ: colles Lauretanæ sedi officientes ad solum diruebantur. Surgebant eodem tempore ædes Pontificiæ: exstruebatur porticus: templi tholus plumbeis integebatur laminis: magnifica illa sacerdotis Domus cælata crusta (quæ haud procul fastigio aberat) præcipuè vrgebatur. Iam peruetustum, ac fumosum lacunar tectumque architectus ex Pontificis auctoritate deiecerat. Et quia concamerandi sacelli ratio exigebat, summos etiam parietes semicirculis, & pictis fictilibus insignes pariter cum tintinnabuli, caminiq̃ue culminibus, demolitus erat. Igitur solidus fornix novis magis, quàm veteribus parietibus incumbens, imponitur: nitidus tum quidem, & concinnus erat; sed hodie propter copiam luminum horridus fumosusque. Porro ne ea, quæ ex augustissima Virginis cella necessitas detraxerat, hominum incuria perderet, sacras trabes, asseres,

regu-

tegulas, tabulasq; , & quæcunque ad tectum sanctissimæ Ædis pertinebant, sub eiusdem pavimento defodi placuit. Itaque hæc cum fide inibi sunt defossa: vt loco mota, quam minimum locum mutarent.

Reliquia sacelli Lauretani miraculis fulgent, & Aedis Lauretanæ religionem propagant. CAP. V.

CÆterum fictilia, & quædam laqueati tecti tabulæ, pro sacris reliquiis, vt erant, asseruata, partim miraculorum materiam præbuerunt, partim etiam Ædis Lauretanæ religionem longe, ac late propagarunt. Vetus opinio erat, vasa illa fictilia in armario B. Virginis ab Apostolis olim reperta, atq; idcirco cum Natalis eius domus consecraretur, ab iisdem in summis sacelli parietibus collocari iussa non ornandæ magis ædis gratia, quam illorum religionis tuendæ. Adiuvabant hanc opinionem quædam non leues coniecturæ, quæ multis fidem facere videbantur, fictilia illa in supellectili Deiparæ fuisse. Namque ea vascula (quod ex iis ipsis, quæ hodie exstant coniectari licet) haud sane à vilioribus, vulgarisq; usu abhorrent: & magnitudine sunt inter se longe imparia, cum tamen cultus ædis, & semicirculorum ratio paria vtique postularet: vt appareat non tam illa ad sacelli ornatum esse quæ-
sita,

sita, quam ad ipsa ornatum sacelli accom-
modatum. Verum siue ille patine è B. Mariæ
suppellectili, siue ex medio sumptæ ad cellæ
ornatum, haud immerito cum ipsa Virginis
cella dedicatæ religionem habuerunt. Ple-
rasque tamen earum intercidisse reperio, ad
propagandam Lauretanæ Virginis religio-
nem, vt reor, interuersas. Nonnullæ in Lau-
retani Templi pariete ad ianuam, quæ est ab
latere, insertæ hodieq; visuntur. Pauce asser-
uantur haudquaquam miraculorum ex-
pertes. Compertum habeo Laureti sacer-
dotem mihi notum grauiter ex capite labo-
rantem, sacra capedine capiti admota, subi-
to conualuisse. Alterum item sacerdotem
gravi feбри afflictatum, hausta indidem fri-
gida, extemplo morbum depulisse. Porro
sacrarum tabellarum reliquiæ religionem
Lauretanæ Domus toto propemodum or-
be protulerunt. Quippe vt semel dispertiri
sunt cœptæ, aliis ab aliis diuisæ ad omnes
propemodum nationes peruenire: ac pro
sacris reliquiis, vt par erat, habitæ, miran-
dum in modum Lauretanæ Virginis auxere
cultum, cuius religione imbutas quodam-
modo illas esse constaret. Ac verisimile est
per hanc occasionem plurimis locis Laure-
tanæ Virginis ædes excitatas, siue tanti præ-
sidij ad populos monumenta, siue solatia
eorum, quos aduersa valetudo, aut occupa-

M

tiones

tiones, aliaue impedimenta Lauretum ire prohiberent. Satis constat per id maxime tempus, non in Piceno solum & Italia, sed etiam in transalpinis, disiunctissimisque regionibus esse sacella Lauretanæ Virgini erecta. Quorum conditoribus, quid optatius esse potuit ad illarum ædium religionem, quam aliquid ex Lauretano Domo reliquiarum habere? quid consultius, quam cum sacros inde lapides auferri religio vetaret, tecti particulam, quam custodum liberalitas haud ægre largiretur, impetrare? Certe per ea ferme tempora plurimas ubique terrarum Deiparæ Lauretanæ sacras ædes dicatas reperio: quod sane haud in minimis Lauretanæ Virginis laudibus pono, tam gratam iucundamque fuisse apud aduenas eius memoriam, ut perpetuum eiusdem monumentum, ac simulacrum domi habere voluerint. Atque, ut de Piceno taceam, cuius nulla vrbs, nullum ferme oppidum est, ubi non ædes aliqua exstet sacra Virgini Lauretanæ. Nobilissimæ quæque Italiæ vrbes eidem non vulgaria templa consecrarunt. Romæ quidem templum visitur B. Mariæ Lauretanæ sane magnificum, & Romana magnificentia dignum; cuius formam: fama est à Michaelē Archangelo Bonaroto architecto nobilissimo esse descriptam. Neapoli quoque haud inconcinna ædes Lauretanæ Virginis

Ædes Lauretana passim erecta.

Ædes Lauret. Roma.

Ædes Lauret. Neap.

ginis visitur, & quidem orphanotrophio insignis. Iam in duabus nobilissimis Siciliae urbibus, Panormi, inquam, & Messanæ, exploratū habeo sanctissimā esse memoriam Virginis Lauretanæ, eiusq; nomini ædem à Panormitanis intra urbem, à Mamertinis in suburbio dedicatam. Nec verò Italiæ finibus se tenuit hæc Lauretanæ Domus religio, sed strenue transgressa est Alpes. F. Vincentius quidam sacerdos ex Franciscana disciplina probus, ac pius fuit. Is Laureto regressus in Franciam, in suburbio Lauelis (quod oppidum est Dioecesis Cœnomanum) ædiculam exstruit ad exemplum sacelli Lauretani, eamque Lauretanæ Virginis nomine appellavit. Hæc hodie quoque, vel ab accolis, vel à peregrinis impense colitur. Et Lusitania quamvis celeberrimis, ac religiosissimis Deiparæ Virginis ædibus prædita, Lauretanæ quoque ædis religionem secuta est. Itaque haud procul Conimbrica in suburbano, amœnissimo loco templum Lauretanæ dicavit Virgini, quod quidem maxima etiam finitimorum populorum frequentia celebratur. Brigantiæ item alterum, tertium Olyssippone longe augustissimum, quod etsi ab Italis conditum, excultumq; magnifice; tamen etiam ab indigenis religiose frequentatur. Ad hæc optimis authoribus comperi, in Scotia duo B. Mariæ

Aedes Lauret. Panormi & Messana.

Aedes Lauret. in Fran.

Aedes Lauret. in Lusitania.

*Aedes Lau.
in Scotia.*

Lauretanæ sacella exstructa olim fuisse, alterum in oppido Pertho, quod etiam S. Ioannis nomine appellatur, alterum propter viam, qua itur Mussilburgum haud procul Edimburgo vrbe regia Scotiæ. Vtrobique porrò Lauretanam Virginem religiosissime cultam: in Mussilburgensi autem suburbano etiam maximis peregrinorum concursibus, ac B. Mariæ miraculis celeberrimam extitisse, quamdiu orthodoxa religio in Scotia steterit. Postea vero, quam in illo religiosissimo quondam Regno Caluiniana pestis furere, debaccharique cœperit, sacram illam ædem ab illis furiis ita dirutam, vt tamẽ ruinæ exstarent, vel illorum væcordiæ, vel auitæ Scotorum religionis indicia. Ac Mussilburgensis quidem sacelli hanc originem accepimus. Scotum heremitam olim peregrini habitu Lauretum ad salutandam Virginem accessisse: inde reducem sacri tecti particulam secum in Patriam tulisse: ibi corrogata à piis hominibus pecunia. ad Mussilburgum Lauretanæ Domus excitasse simulacrum, eiq; B. Mariæ Lauretanæ nomen fecisse: id templum, & sacrarum reliquiarum, quas diximus inibi depositarum cultu, & Lauretanæ Virginis (cuius celebre erat illis quoque gentibus nomen) religione inclytum extitisse, quoad vt ante diximus, væfana Hæreticorum rabies siuerit.

Calati

Cælati operis, quo sacrosancta Aedes undique vestitur, descriptio. CAP. VI.

Eodem tempore Lauretanæ Domus cultus, & propagatus foris, & amplificatus domi. Paulus Pont. celeberrimum illud Pontificalis magnificentiæ monumentum ab Iulio destinatum, inchoatum à Leone, effectum à Clemente, ipse non quidem omni ex parte perfectum (deerant quippe statuârum pleræque, & æneæ valvæ omnes) sed tamen eo perductum, vt absolutum videri posset, aperuit anno huius sæculi XXXVIII. opus enimvero egregium ac mirabile, cui noua hæc operum magnificentia quicquam adhuc in pari mole adæquare nō potuit. Satis constat ex rationum libris, in id opus XXII. aureorum millia insumpta, exceptis viginti statuis egregie factis, & valuis æneis quatuor pulcherrime cælatis, quæ pene tantidem steterere. Quadratum est ornamentum sacram vndiq; Virginis cellam amplectens: totum ferme è candido marmore solido, ac mira arte cælato. Patet in longitudinem pedes ferme quinquaginta, in latitudinem circiter triginta: altitudo latitudini ferme par. Vniuersum opus è Carrariensi marmore candoris eximij constat, striatis opere Corinthio distinctum columnis, quarum fenæ longiora latera adornant,

nant, quaternæ breuiora. Imam partem fascia pedalis è marmore Luculleo cingit, stereobata locum obtinens. Surgunt inde stylobatæ coronati, qui apte spatia distinguunt. In spatiis stylobatisque vel gentilia, adscitave Leonis Pontificis insignia, vel virtutum argumenta cælata visuntur, sigillis, qua pedalibus, qua cubitalibus mire scite, venusteque factis. Supra stylobatas columnæ dispositæ binæ ad singulos angulos: in longioribus autem lateribus etiam binæ in medio, binis videlicet ianuis æquo spatio interiectæ. In ipsis porrò intercolumniis bini item signorum suis loculamentis incluserunt ordines deinde adiecti: vnus inferne ad bases, sacrorum Vatum; alter superne ad epistylia Sibyllarum Christi, aut Deiparæ Virginis ortum vaticinantium. Ipsa loculamenta porphyreticis tabulis incrustata, opere magnifico. In maioribus spatiis inter columnarum scapos, tabulæ ingentes è candido marmore solido integroque, vbi nobilium B. Mariæ factorum argumenta simulacris naturalis fere staturæ eminentibus, pulcherrime cælata miraculo sunt. Epistylia porrò columnarum egregie facta opere Corinthio multiplex corona cingit, cui subiecta spatia binæ aquilæ tenentes mordicus encarpas restesque pomorum, ac fructuū egregie cælata, interiectis leonum rostris,

rostris, adornant. In summo denique pulcherrimus columellarum ordo coronatus, angelorumq; eminentium figuris concinne venusteque distinctus, qui vniuersum opus circumiens pro coronide est: ambulationemq; vndique peruiam præbet, ad suspendenda votiua vexilla, quæ subinde B. Virgini afferri solent. Pluribus describere pretium operæ non duco, cum spectare liceat. Opus omnino visendum, cuius eximiam pulchritudinem nemo concipere animo potest, qui non oculis ante subiecerit. Ergo vt apertū sacrosanctæ cellæ ornamentum longe pulcherrimū fama vulgauit, cōfestim maximi Lauretū fieri accolarum, peregrinorumq; concursus. Quippe artifices de industria illius ædificij fabricam, quoad perfectum esset opus, velis obductis quam maxime occultauerant, vt magnificentius deinde spectaretur, cum absoluti operis pulchritudo recens, atque integra ad mortalium oculos perueniret. Itaque insatiabili illa specie, & ad rationem, solertiamque præstantissima, cuncti auide oculos, animosque pascebant suos.

Templi tholus rimas agens firmatur.

C A P. VII.

LÆtos tali spectaculo indigenas, aduenasque ingens repente incessit metus

M 4 subito

subito amittendi, quod summa cum admiratione, ac voluptate spectabant, & (quod caput est) etiam illud ipsum, cuius id erat ornamentum. Basilicæ testudo (cui subiectam in medio spatium sacrum Virginis cellam diximus) stabat octo lateritiis innixa pilis. Attamen siue superstructorum parietum altitudine, siue nimio impositi plumbi pondere degrauante, succumbere oneri, & rimas agere repente cœpit, nouo cellæ ornamento, cellæque ipsi cui imminebat, faciendam ruinam minitans. Tam trepido nuncio excitus Pontifex extemplo Antonium Sangallum architectum suum maturare Lauretum iubet, & summa ope tanto illi incommodo obuiam ire: ne tot annorum, tot Pontificum labor momento temporis ad nihilum recideret: & duo præcipua orbis terræ, alterum diuinæ potestatis, alterum humanæ artis miracula, subita templi ruina opprimeret. His plenus vocibus Sangallus Lauretum aduolat, & re cum Nerucio architecto communicata, confestim de communi sententia pilas tanto oneri impares intentiore cura munire, ac firmare aggreditur. Igitur validis trabibus testudinē protinus fulcit: & circum effossis strenue fundamentis, pilas impigre conuestit quadrato lapide, firmatque quatuor inter alternas pilas arcibus minoribus exstructis, qui super
impo-

imposito oneri ferendo forent. Ac ne quid munimenti non necessarij tantum, sed etiam opportuni prætermitteretur, pilæ quoque ac parietes inter se ingentibus vectibus ferreis colligati, sed ita, vt vectes ipsi aut nusquam, aut non indicorè appareant: cætera quoque ita perfecta, vt non magis firmitas, quam species quæsitæ videatur. Et ad celeritatem operis haud parum fabrorum, architectorumque solertiam iuuit sedulitas aduenarum. Quippe ingens eorum multitudo auertendi periculi, quod Lauretanæ Domui imminere credebant, certatim conuectare lapides, ferre onera, machinis operam dare, læti se operam suam nauare Virgini Lauretanæ, sanctissimæ orbis terrarum cellæ, perfugio omnium gentium, nationumque: ita tota res omniū opinione celerius perfecta, & imminens sanctæ Domui periculum non magis consilio, quam celeritate discussum.

Novis Lauretana Aedes donis augetur.

C A P. VIII.

PER id tempus magna à nobilibus viris, ac *Cod. Lau.*
 fœminis donorum vis fuit. A Francisco
 Sfortia Mediolanensi Duce postremo, sacerdotis ac ministrorū solemni cæremonia *Ducis Mediol. D.*
 sacris operantium amictus egregij ex veste
 Attalica, magnificis operibus picta, Lau-
 retanæ

*Estensis D.**Bassani
Mantua. D.**Honorij Sa-
belli D.**Octavij
Farnesii D.
Ducis Ser-
moneta D.**Her. Maria
Sfortia D.**Bernardini
Sanquinij
D**Cortonesis
Episcop. D.
Iul. Monal-
di D.**Pompilij
Bonon. D.
egregium.**Antonij Pi-
gnatelli D.
Lud. Comi-
tis Fulg. D.
Leonar. Ve-
nerij D.*

retanæ Virgini dono missa. A Sigismundo Estensi Herculis filij effigies argentea pondo fere quatuor: sua quoque effigies ex argento librarum nouem. A Bassano Mantuano suum simulacrum ex argento expressum, pondo amplius octo. Ab Honorio Sabello corona argentea ferme trilibris. Ab Octauio Farnesio crux aurea ex aureo torque pendula. A Bonifacio Cætano Duce Sermonetæ argentea effigies Lauretanæ Virginis, atq; altera filij sui pondere non contemnendo. Ab Hercule Maria Sfortia duæ ex argento expressæ imagines, singulæ octo librarum. A Bernardino Sanquinio Neapolitano simulacra bina ex argento cælata, pondo ferme quatuor. A Leonardo Bonafide Episcopo Cortonensi ipsius imago argentea quatuor librarum. A Iulio Monaldo Mantuano consimilis imago pondere ac materia par. Cæterum inter omnia huius temporis simulacra eminet Pompilij cuiusdam Bononiensis, viri Deo magis, quam hominibus noti (neq; enim editur cognomē) effigies Ducis armati solido ex argēto egregiè facta, pondo librarū quadraginta. Porro ab Antonio Pignatello Neapolitano torques aureus; alter ab Ludouico Comite Fulginate. A Leonardo Venerio Senatore Veneto calix argenteus pondere atq; opere egregius. Nec contemnēda illustrium mulierum

lierum dona. Margaritæ Austriacæ Cæsaris
 filiæ cor argenteum bilibre. Constantiæ Du-
 cis Amalphetanæ ipsiusmet effigies argen-
 tea librarum pondo fere quinq;. Proregina
 Samnitium armillæ aureæ pulcherrimæ fa-
 ctæ. Principis Bisinianensis caput aureum
 librale. Alterum eadem materia, ac ponde-
 re caput Portiæ Comitissæ Populi. Mariæ Ara-
 gonis Marchionissæ Vasti argentea adole-
 scentis effigies librarum trium: & dono causa
 inscripta his litteris:

*Margarita
 Austr. D.
 Duc. Amal-
 phetana D.
 Proregina
 Samnit. D.
 Princip. Bi-
 sinian. D.
 Comit. Po-
 puli D.
 Marchio-
 nis. Vasti D.*

MARIA ARAGON. MARCH. VASTI.
 OB RESTITVTAM SANITATEM
 ANTONIO ADOLESCENTI FRATRIS
 F. VOT. POS.

Iuliæ Veranæ Vrbinatium Ducis cor au-
 reum ponderis haud pœnitendi. Nec ciui-
 tatum, oppidorumq; dona desiderata. Alla-
 tum Vici Varronis oppidi simulacrum ar-
 genteum librarum trium: Sarnani item si-
 mulacrum eiusdem materiæ, ponderis tri-
 plo maioris. Macereti corona ex argento in-
 aurato præclarè facta bilibris. Alia porro
 dona ab ignotis authoribus haud tamen
 ignobilia. B. Rochi statuæ argenteæ sex, pon-
 deris non contemnendi. Coronæ argenteæ
 circiter quadraginta, ex quibus pleræque li-
 brales, multæ bilibres, nonnullæ etiam trili-
 bres, ab vrbibus, oppidisque magna ex parte
 donatæ.

*Duc. Vrbina-
 natium.
 Vici Varro-
 nis simulac.
 Sarnani si-
 mulac.
 Maceret. D.
 Beati Rochi
 statua sex
 arg.
 Corona ar-
 gent. XL.*

*Votivæ
imagines
LX.*

*Calices ar-
gentes LX.*

*Donatium
simplicitas.*

donatæ. *Votivæ* item imagines argenteæ, (quarum plurimæ singularum, multæ binarum, ternarumq; librarum) supra sexaginta. Calices argentei haud multo pauciores. Quin etiam altarium, sacerdotumq; sacrificantium vestes complures, non sericæ tantum, sed argenteæ, aureæque. Mira quippe elucet in donantium plerisque simplicitas. Donorum plurima (vt ex codicibus donorum apparet) clam super aram posita sunt: aut tacitis donantium nominibus tradita. Multa suppressis ipsorum cognominibus, & pro iis, Patriæ cuiusque nominibus editis: quæ simplicitas etiam in plurimis donorum titulis cernitur; vt satis appareat noluisse illos (quod Christus vetat) *ante se tuba canere*; vt præconium ac præmium pietatis suæ non ab hominibus acciperent, sed à Deo, *qui videt in abscondito*, expectarent.

Turmæ equitum Præfectus abreptus impetu fluminis euidenti periculo eripitur.

C A P. I X.

*Trad. Lau.
Bern. Cyril.
Rier in An-
nal. Laur.*

ESt in agro Reatino (Italiæ umbilicum vocant) lacus haud ignobilis, quem Velinus amnis efficit, à quo nomē trahit. Hinc Velinus emersus aliquanto spatio lenis, ac placidus fluit: inde ex altissima rupe per scopulos & saxa præcipitans in subiectam petram ingenti fragore, ac strepitu aquarum cadit:

cadit: vulgo Pediluci ruinas appellât. Haud procul rupe, quam dixi, turma equitum Petri Aloisij Farnesij (is tum Castrî Dux erat) forte ducebatur. Turmæ Præfectus (Marcellum appellant) Petrus Terennaticus Senensis erat. Hunc cupido incessit spectandi propius amnem ex alto cadentem. Igitur duobus equitibus assumptis, ad locum, unde Velinus præcipitat, visendi studio diuertit. Iamque potaturus equus flumen intrarat, cum procedēs paulatim in profundum gurgitem prouexit incautum. Nec mora: sensit se à profluente abripi in præcipitem locum, quem spectaturus aduenerat. Iamque aquarum impetu ex equo deturbatus haud procul aberat interitu; cum Lauretanam Virginem lacrymabundus implorat. Nec surdis auribus preces adhibite. Exemplo in ipsa fluminis ruina B. Virgo adest periclitanti: porrectaque dextra præcipitem inter vndas, ac scopulos sustinet, tueturque donec ad ima perueniat: mira dictu res: ex altissima rupe deuolutum scopulus excepit, reddiditque innoxium. Igitur confestim Lauretum ad vota Deiparæ exsoluenda venit: votiuamque tabellam, in qua tota res ordine perscripta est, tanti miraculi testem exstare voluit: quæ hodie ad dextram sacrosancti sacelli in pila suspensa visitur. In tabella inscriptū. *Ego Petrus Terennaticus eques,*

& Ma-

& Mareſcallus equitatus Ducis Caſtrorum, & cæteri equites ex Piceno ad Vicum Varronis profiſcentes, cum Nonis Martij, M. D. XLIII. ad Velinum lacum perueniſſemus; ego, & duo alij milites, Tiberius ex Grauiſcis, & Antonius Cortonenſis à cæteris equitibus diſceſſimus, vt illum viſeremus locum, quo ſe Velinus in Nar præcipitat. Ac non procul inde, cum equum adaquarem, ego vna cum equo in quaſdam fluminis anguſtias incidi, ex quibus præcipientem altiſſimo caſu, circiter videlicet centum cubitos altum, & Deipara Virginis Lauretana opem implorantem quidam me ſcopulus excepit incolumem, & rei miraculo admirabundum, atque attonitum. Quapropter illico votum perſolui Beatiſſima Virgini, quam tum præſentem, propitiamque ſum expertus, teſtibus oculatis duobus Centurionibus Chiancio Vrbeuetano, & Raimundo cum vniuerſa equitum ala. Hanc nos inſcriptionem ad verbum inſeruimus, vt quam teſtatum certumq; ſit hoc miraculum, magis appareat.

Paulus Tertius Lauretanam Aedem his inuiſit, Pontificiarum ædium opus vrget.

CAP. X.

Ann. Laur.
Raph. Ricr. **I**Nter hæc Paulus Pont. Ædis Lauretanæ celebritatem præclaris ad ſe operibus adornatam ſua præſentia cohoneſtauit, ratus ab ſe Principibus viris prodendū exemplum non ſolum ornandi cunabula Virginis,

nis, sed etiam celebrandi. Itaque intra triennium ipse bis Lauretanā Virginem inuisit: semel anno eius sæculi XLI. cum dissuasor Algerianæ expeditionis ab vrbe Luca, & à congressu Cæsaris per Æmiliam ac Flaminiam ad Vrbem rediret: iterum trienio ferme post, cum Cæsari post Algerianum incommodum, ad Belgicum bellum properanti occurreret Bononiā. Tum enim Pontifex maturata, vt in tempore occurreret, profectio, Pontificiam ditionem obiens venit Lauretum. Vtroque autem tempore, & immortalem hausit ex Lauretana Æde lætitiā, & præclara Beatæ Virgini dona attulit. Pontificales altarium & sacerdotales vestes aureas, argumenta religionis, ac munificentia suæ. Cæterum haud mediocre suæ magnificentia fructum cepit, cum ex cæterorum operum suorum aspectu, tum vero ex magnificentissimi operis, quo sanctissimum sacellum extrinsecus conuestitur, insatiabili specie. Exinde obstantis Faunio collis æquandi difficultatem cōtemplatus, ratusque id esse non sumptus tantum, sed etiam laboris infiniti, commodi autem labori minime paris; dixisse fertur, parcendum esse inani labori: insistendumq; vtilioribus, verioribusque sedis Lauretanæ commodis, quæ expectationi hominum responderēt. Proinde ab æquando colle ad extruend-

*Pauli III.
Dona.*

struendas Pontificias ædes Principum virorum hospitio destinatas, curam operamque conuertit. Ergo breui maxima eius ædificij pars absoluta, expolita, instructa que adeo magnifice, vt in ea etiam Reges, ac Pontifices Maximi laute diuersari queant. Ex tribus ædium partibus vna tum perfecta est, quæ ad dextram templi sita ab ortu solis in occasum porrigitur. Eius longitudo centum cubitorum, latitudo vigintiquatuor spatium æquat: ad XXV. cubitos summum fastigium peruenit, præter ingentes substructiones æquando ædificio à Septentrione additas. Huic parti adiecta duplex porticus sane regia, quæ arcibus quindecim totidemque fere ingentibus pilis interiectis longissime exspatiantur superne, inferneque: opus iuxta ad aspectum, & ad vsum insignis, atque præclarum.

Aedes Lauretana sacellis pariter, & cælestibus prodigiis decoratur. CAP. XI.

Nondum hæc Lauretani ædificij pars à Pontifice absoluta erat, cum Basilicæ sacella exornari à Principibus viris cœpta sunt. Huius rei princeps Rodolphus Pius Cardinalis Carpenſis fuit, qui, vt ante diximus, in Lauretanæ Domus tutela Cardinali Contareno successerat. Is igitur vere pius Sacellum asseruando, ministrandoque sanctissimo

*Card. Carp.
Sacellum.*

etissimo Christi corpori destinatum egregiis picturis opere marmorato, inauratoq; adornavit. Huius exemplum alios deinceps Proceres ad æmulandum pietatis decus accendit. Bisiniani Princeps S. Annæ, Archiepiscopus Altouitus B. Virginis Elisabetham visentis, Cardinalis Tridentinus Rosarij, Cardin. Augustanus S. Ioannis Baptistæ sacella exornarunt, laudatissimorum quæ pictorum, quæ plastrarum operibus. Eminent tamen longe inter hos Vrbinatium Ducis magnificentia, qui sacellum suum non solum candido marmore mira arte cælato decoravit; sed pulcherrimis picturis Barocij, & Zuchari nobilissimorum pictorum manu. Dum templum certatim à mortalibus ornatur, immortalium ornamentis omnino non caruit. Sub id tempus reperio vetus Lauretanæ flammæ prodigium nouo modo instauratum. Ignea per noctem, velut columna visa ingenti splendore collucens Lauretano incubare templo: inde Macereturum versus (oppidum est Piceni nobile in primis à Laureto millia passuum quatuordecim) paulatim progredi: demum super templum S. Mariæ cognomento Virginum in suburbano Maceretenfi confidere. Id prodigium à Franciscanis Capucinis suburbani Cœnobij intentius, sæpiusque obseruatum, cum à matutinis diuinarum laudum officiis ante

*Bisiniani
Prin. sacellum.*

*Archiepsc.
Altouiti sacellum.*

*Card. Trid.
sacellum.*

*Card. Aug.
sacellum.*

*Ducis Urb.
sacell. exim.*

*Ann. Laur,
Rsera.*

N

lucem

lucem de more ad orandum Deum recepissent se in proximam syluam. Ab iisdem deinde vulgatum ratis B. Mariam cœlestis flammæ specie lapsam è cœlo in suam natalem domum: deinde ad alteram suo nomini dicatam ædem processisse, vt eo argumento fidem faceret mortalibus, illam quoque eodem sibi esse cordi. Et insolita miraculorum in illa æde subinde patratorum copia, haud dubiam cœlesti prodigio addidit fidē. Hoc prodigiū illum ipsum annum nobilitauit, qui Pauli Tertij Pōtificis decessu insignis fuit. Is quippe indicta in annum quinquagesimum Iubilēi celebritate, ipse mortalitate exutus ad vitā transiit immortalē, Iubilēi cura, ac laude successoris relicta.

Julius III. Collegium Societatis I E S V Laureti instituit. CAP. XII.

*Ann. Laur.
Rera.*

Iulius inde Tertius superiorum Pontificum cum ritu, Lauretanæ Domus Indulgentias, immunitates, beneficia, sua firmavit auctoritate. Ac memor diuinę illius vocis *Domum tuam decet sanctitudo, Domine*. Cleri, populiq; Lauretani mores legibus per Cardinalem Carpenssem latis, composuit ad sanctitatem. Exinde ab incolarum disciplina ad ornatū loci cura Pontificis versa: sacra ab eo supellex satis aucta: marmorei gradus in templi vestibulo excitati: atriū ad loci munitiē

*Julij III.
Pont. beneficia,*

ditiem laterculo stratum: nonnullæ etiam
 priuatæ ædes, vel ad plateæ speciem, vel ad
 ncolarum commoditatem è regione por-
 ticus, de qua diximus, exstructæ. Ad vlti-
 mum summa, tectoque proxima Pontificiæ
 domus contignatio, rudis antea ac deserta,
 ad habitandum satis exculta, eaque Societa-
 ti IESV attributa. Pontifex quippe probè
 gnarus prauorum morum emendationem
 ex bene instituta confessione, fructum piæ
 peregrinationis esse vel maximum; Laure-
 tano templo cunctarum gentium peregri-
 nationibus celeberrimo idoneos prouidere
 Pœnitentiarios statuit. Etsi enim non dee-
 rant sacerdotes pij doctiq; tamen eorum si-
 re paucitas, siue peregrinarum inscitia lin-
 guarum minus vtique proficiebat, quam o-
 pus erat. Itaque Pontifex omnia circumspe-
 ctans demum Cardinalis Carpenfis admo-
 nitu, optimum factu existimauit, Patres
 Societatis IESV Lauretanis sacerdotibus
 adiungere: vt essent, qui linguæ commercio
 peregrinos allicerent ad expiationem ani-
 norum, & simul aduenarum confessionibus
 assiduam, sedulamq; operâ darent. Duode-
 cim socij ad eam rem lecti. His alēdis, quod
 satis esset ex Lauretanæ Domus facultatibus
 assignatū: sedes in suprema ediū parte, quæ
 um vacabat, vt dixim⁹, attributa anno hu-
 us sæculi LIV. Hęc initia Collegij, Lauretāi

Societatis IESV parua quidem, sed haud paruo incolarum, & peregrinorum bono. Præcipua Patrum cura erat, peregrinorum, ac transalpinorum animos confessione expiare: agrestes homines Christianorū mysteriorum rudes informare: omnes ad piæ, Christianæque vitæ studium accendere. Quam porrò eorum opera, vel indigenis, vel aduenis frugifera ac salubris extiterit, satius est aliis cogitandum relinquere, quam me litteris prodere. Cæterum hoc Patrum Collegium non mortalibus solum, sed etiam B. Mariæ cordi fuisse incrementum eius, maiorque in dies progressus ostendit.

Cœlestia flammæ prodigia Laureti renouata. CAP. XIII.

HAud ita multo post cœlestia prodigia longe maiorem solito mortalium multitudinem conciuere Lauretum, & expiandam Patribus, excolendamque præbuerunt. Nondum vertente anno, nocturni ignes tanquam stellæ, visu erumpere è Lauretanæ Basilicæ tholo; ac versus Montem Filatranum (pagus est Laureto proximus) sensim, velut agmine quodam procedere. Ibi supra vetustam B. Mariæ ediculam, quasi choreas in orbem agitare aliquamdiu, deniq; ad Lauretanam Ædem, vnde discesserant, recipere se. Id primo à pastoribus eius

*Tradi. Lau.
Ann. Laur.
Rser.*

pagi accolis, inde horum indicio etiam ab incolis notarum populoq; vniuerso, tanta quidem omnium admiratione, vt stupor quidam cunctorum animos occuparet. Nec breue, aut fugax spectaculum erat, sed diuturnum, ac prope ipsi æquale nocti. A secunda enim ferme noctis hora, vsque ad primam auroram tenebat. Itaq; complures rei propius visendæ auidi ad eum accurrebant locum, qui cœlestibus ignibus collucere videbatur. At vbi eo ventum erat, repente mirabilis illa species eminus conspecta subducebatur oculis cominus intuentium, cum tamen eodem ipso tempore prospectantibus appareret. Quæ cœlestium luminum fama celeriter, vt fit, toto Piceno vulgata, ad tam iucundum spectaculum finitimos exciuit populos. Pernoctantes igitur sub dio opportunis ad spectandum locis, cœlestes flammæ ex Æde Lauretana emicare, supraque ipsorum capita ferri videbāt, haud minore admiratione, quam gaudio. Nec vana illa fuisse spectacula, mox miraculorum ostendit euentus. Constans fama est, mortalium complures ædiculam illam ingressos, Dei Deiparæq; Virginis dono, variis depulsis morbis, domos suas reuertisse incolumes: Ex quo numero claudos, surdos, herniosus, & energumenos fuisse. Sentires illas Lauretanorū luminum in

alia B. Mariæ templa excursions hoc significare mortalibus, Lauretanam Ædem longe, & fastigio, & dignatione inter alias eminare: quod in illis B. Maria diuersari, hîc quodammodo habitare videretur.

Flammæ cœlestes in ipso etiam templo Lauretano visæ. CAP. XIIII.

*Tradi. Lau.
Ann. Laur.
Riera.*

NEC foris modo, sed etiam intra ipsum templum cœlestes flammæ quandoq; visæ. Anno insequenti, qui fuit M. D. LV. cum vnus è Patribus Societatis IESV in Lauretana Æde concionem de more haberet ad populum luce palam, plurimis inspectantibus, ignes quidam haud obscuri cœlo delapsi sacrosanctum facellum insedere: mox inde diffusi circumire concionem: denique cunctis rei miraculo stupentibus, recipere sese in cælum. Ea res, vix credibile est, quantum intuentium animis mistæ gaudio religionis incusserit. Aderat forte in turba Raphael Riera Sacerdos è Societate IESV doctus iuxta, ac pius, qui hoc ipsum, & alia deinceps plurima ad Lauretanam historiam pertinentia memoriæ prodidit. Is tum rei miraculo, ac nouitate attonitus, repente humi procubuit venerabundus. Cumque Deo, ac Deiparæ grates ageret, à quibus tali dignatus esset spectaculo; tantam cœlestis gaudij copiam in præsentia hausisse se tradit,

tradit, vt complures deinceps durauerit dies, pectore Dei charitate, & Beatę Marię religione semel accenso. Neq; verò id vni sibi contigisse ait, sed aliis compluribus, qui à concione idem sibi quoque accidisse, & sermonibus, & gestibus, & scilicet lacrymis testarentur: adeo insolita lætitia sacro horrore mista ex vultu, oculis, gestibus corporis eminebat. Haud vanam fuisse speciem iterationis miraculi fidem facit. Biennio post vnus item è Patribus sermonem de more ad Canonicos, & circumfusam multitudinem habebat: pleriq; Patrum confessiones excipiebant aduenarum: nonnulli in augustissima Virginis cella Deo supplicabant; cum repente è summo tholo cœlestis flamma, cometę instar, emicare visa dicitur; atq; inde supra sacellum lapsa, parumper ibi stetisse: hinc ad concionem progressa, cunctis miraculo ac stupore torpentibus gratum præbuisse spectaculum: Demùm flexo in diuersum cursu, ad destinatum confessionibus locum (Pœnitētiariam appellant) supra sacerdotum, confitentiumque capita discursisse: ad vltimum supra Christi crucifixi imaginem, quę in sanctissimo sacello religiosè colitur, paulisper morata sublimis abiisse, omnium, qui oculis cœlestem illam flammam hauserant, pectoribus inflammatis.

Duo Capucini fluctibus maris eximuntur.

CAP. XV.

*Tradi. Lau.**Ann Laur.**Riera.*

NEc alia per id tempus defuere miracula, ex quibus nos (quod nostrum institutum fert) maximè illustria referemus. Anno circiter M. D. LIII. Franciscani Capucini duo, Lauretana Virgine salutata, ex Ancona soluerant in Dalmatiam traiecturi. In medio cursu atrox coorta tempestas præfens omnibus intentabat exitium. Igitur Nauarchus ad leuandam onere nauim versus iacturam vasorum, ac mercium facere. Franciscani in nauis angulo diuinam iram precibus placare cœperunt. At institores, siue damni dolore amētes, seu diabolicis instincti furiis, in Franciscanos illos periculi, vt videbantur, securos, rabiem vertunt. Enimuero illorum vitio procellam exortam, eorundem exitio sedandam. Hæc vociferantes cooriuntur; in infontes impetum faciunt; comprehensos in mare deturbant. At illi Lauretanam Virginem, quam ingruente periculo inuocauerant, inter fluctus inclamare pergebant: mira dictu, visuque res. Extemplo diuina quadam vi, eos subleuatos cerneret toto exstare pectore: supinisque manibus Dei Deiparæq; laudes certatim canentes in ipso exasperati maris impetu placide ferri. Itaque breui ducente, ac
vehente

vehente Deo, Anconæ portum pariter tenuerunt. E vestigio in madidis vestibibus, vt erant, Lauretum ad agendas B. Marię grates regressi prosternunt corpora ante eius effigiem; obortisq; lacrymis enixe Deo ac Deiparę grates agunt. Ex Lauretanorum custodum numero Bernardinus Galiardus erat, vir haud vana fide, idemque antiquus Capucinorum hospes: apud quem illi, & priusquam Anconam peterent, & inde Lauretum reuersi diuerterant. Hic igitur Franciscanos, quos dixi, salo perfusos hospitio recepit: & illi causam sciscitanti hospiti tandem rem omnem, vti gesta erat, exposuerunt hac lege, vt ipsorum nomina silentio premerentur. Galiardus itaque suppressis illorum nominibus, rem deinceps aliis, vti ipse acceperat, enarrauit.

Adolescens ex fluminis vorticibus eripitur.

C A P. XVI.

HAud leuius periculum in flumine alius vitauit, quam Ftanciscani in mari vitauerunt præsidio Virginis Lauretanę. Angelus Autanus ex agro Salernitano egregia indole, ac pietate adolescens in Vulturum amnem, qui Capuam præterfluit, abluendi corporis gratia, cum æquali, gregaliq; suo descenderat. Cæterum eius socius, dum incaute progreditur, cęcos delatus in gurgites

Tradi. Lan.

Ann. Laur.

Rier.

haud procul aberat exitio. Accurrit impigrè Autanus opem periclitanti laturus: sed ipse quoque idem periculum incurrit, quo frustra iam eximere alterum conabatur. Iamque vorticibus prærapidi fluminis haustus è fundo semel emerferat, cū B. Mariam Lauretanam, vtcumq; potest, semiuiuus inclamat. Nec irritæ ceciderunt preces. Repente B. Virgo vocata adfuit: & iuuenem gurgiti ereptum, iamq; prope exanimatum gremio excipit, ac supra flumē ad mille passus delatum in opportuna statuit ripa. Ille diu hæsit periculi pariter, miraculiq; stupore attonitus. Inde vt primum ex pauore animum recepit; cœleste agnoscens beneficium procumbit in genua, & B. Mariam liberatricem suam impense salutans grates laudibus miscet. Protinus Lauretum petit, Deiparam colit, miraculum prædicat.

Puella Lauretana è puteo: ciuis Caietanus è carcere liberatur. CAP. XVII.

*Tradi. Lau.
Ann. Laur.
Rer.*

NEc Lauretum ipsum Patronę suæ opem non sensit in pari suorum discrimine. Parua puella ad puteum, qui in edibus Lauretani Præsidis erat, de more accesserat aquā hauistura. Iam situlam fune religatam demiserat, & aquæ plenam incauta festinatione reuocabat; cum vase degrauante, ipsa vltro in puteum deuoluitur B. Mariā inclamans.

Vidit

Vidit forte de fenestra vnus è p̄cipuis S. Do-
 mus ministris cadentē puellam : eiq̃; B. Vir-
 ginis implorauit opē. Protin⁹ ipse cum do-
 mesticorū manu decurrit ad puteū. Mirum
 dictu: illam conspiciunt incolumē, lætamq̃;
 summæ incubantē aque. Igitur properē ma-
 iorē situlam cū valido fune demittūt: puel-
 lamq̃; quid facto opus sit, monitā extrahere
 connitūtur. Iamq̃; illa situlæ insistsens, & fu-
 nē manibus tenens ad os putei attracta per-
 uenerat: multorumq̃; eam manus petebant
 opem laturæ: at illa inter tot manus anceps
 consilij, dimisso perperā fune, nullaq̃; com-
 prehensa manu, eòdem recidit. Cæterum o-
 mnibus, qui aderant Deiparā inuocantibus,
 ad aquam peruenit innoxia: & si multa sub-
 erant fragmenta testarū. Itaq̃; illi ad vltimū
 scalis demissis, segniore, sed tutiore via eam
 educunt. Narrauit deinde puella, labenti si-
 bi in puteū Virginem eximia specie præstò
 fuisse, cuius manibus exceptā semet innasse
 aquæ, sine vllò prorsus incommodo. Idem
 quoq̃; sibi denuo cadenti vsu venisse. Quip-
 pe ipsam B. Mariæ exceptam manibus super
 aquas in gremio Diuæ sedisse; quoad scalæ
 conquistæ, colligatæq̃; demitterentur: ita
 duplici miraculo seruata, haud leue præsi-
 dij Lauretanæ Virginis documentum exti-
 tit. Nec leuius eiusdem præsidij argumentū
 Romæ vir fuit, quam Laureti puella fuerat.

Caie-

Caietanus quidam honesto loco natus, sed animo parum forti, ac virili fuit. Is cum falso homicidij crimine coargueretur à testibus, (vt erat natura, vsuque delicatus) insolito tormentorum aspectu conterritus, maluerat, vt sæpe fit, falsum confitendo, supplicium subire, quam inficiando inter tormenta, vitare. Igitur morti addictus sacra confessione animi labes abstergit. Ibi Sacerdotis hortatu causam suam cœlesti committit Iudici: Lauretanæ Virginis opem exposcit. Auditæ preces. Haud ita multo post dulci oppressus sopore visus est sibi videre Virginem Lauretanam, quæ bonum animum habere iusso certam spem salutis, ac libertatis ostenderet. Nec mora: innocentia hominis diuinitus patefacta: authores sceleris, falsique criminis artifices conuicti: in ipsos pœna versa, quam parauerant innocentibus.

Bassa Turcarum à Lauretana Virgine curatus, eam muneribus colit. C A P.

X V I I I.

*Tradi Lau.
Ann. Laur.
Riera.*

NEc Barbari Lauretanæ opis expertes fuere. Corcutus Turcarū Prætor (Bassam ipsi vocant) anno M. D. LII. Constantinopoli cum esset, ex graui, occultoque pectoris apostemate ad extremum venerat vitæ discrimen. Apud eum seruitutem seruiebat

bat Christianus vir bonus ac pius. Qui Domini periculum suæ libertatis occasionem ratus Prætorē adit moribundum, & de Beatæ Mariæ Lauretanæ admirabili vi, in morbis cuiusque generis depellendis edoctum, bonæ implet spei. Igitur haud ægre eum perpulit, vt secum Lauretanam Virginem inuocaret vouens si morbum depulisset, se in eius gratiam illi seruo libertatem daturum. Nec seruus Dominum, nec Maria piū seruū fecellit. Protinus dirupto apostemate Prætor sanatur, & extitit ab eo quoque fides. Extemplo seruum illum libertate donatum cum litteris, ac muneribus Lauretum ad Virginem destinat. Munera fuerūt, mantile egregio opere, ingentes cerei, argenti vis non parua, arcus, & pharetra præclara cum sagittis, nō tam precio, quam donorum nouitate, donantisque admiratione grata, & accepta. Erat illa tēpestate Laureti præses Gaspar Doctus Venetus. Is cæteris donis super aram positis, arcū, pharetramque suspendi in sacrosanctæ cellæ vestibulo iussit, rei ad posteros monumentum. Attulerat is, quem dixi, Bassæ Libertus miraculi testimonium, chirographum Patroni sui. Quod Gaspar ex Arabico in vernaculā linguam cōuersum ad posteritatis memoriam asseruari voluit. Id autē Latine versum erat eiusmodi. Quod bonum, fortunatumque nobis

nobis esse velit; magnus ac misericors mundi Dominus. Cum mihi ipsi diuinitus quidam euenerit; Ego Coreut Bassa (ne meo desim officio tanteq; rei monumentum ali- quod posteris exstet) rem omnem ordine exponā. Ortum erat atrox apostema nobis in pectore, iamq; haud dubium imminebat exitiū; cum desperata à Medicis salute, meus me seruus adiit, & sanè fidēter; si mihi libertatem polliceris (inquit) Dei mei Matrem exorabo, vt pristinam tibi restituat valetudinem. Itaq; ego confestim, accersito tabel- lione, libertatem ei repromisi, si ipse promissa pręstaret. Extemplò seruus positus hu- mi genibus, & quędam super se signa ducens manu, rogitat, vt semet verbo pręeuntē se- quar. Inde ipse pręire his verbis cępit. Ego B. Marię Lauretanę opem imploro. Monēti obsecutus, triduo post, Deo fauente, cōua- lui. Ergo seruo in libertatem vindicato, hoc chirographum dedi cum votiuis donis, quę meę obseruantię, grati que animi monu- menta sint, B. Marię parenti pręponentis Dei, qui nos saluos velit.

*Aedes Lauretana Illustrium virorum donis
augetur. CAP. XIX.*

NEc miraculis magis quàm muneribus Lauretana Domus Iulio. III Pont. Max. illustrata. Cardinalis Augustanus vestem auream

*Card. Au-
gustani D.*

auream opere præclaro: monile ex vnioni-
 bus centum quinquaginta, certa per inter-
 ualla aureis distinctum globis ad hæc aure-
 um numisma pendulum gemmis, ac mar-
 garitis insigne Lauretanæ Virgini donum
 tulit. Cardinalis Cæsius aræ ornatum argen- *Cardin. Cæ-*
 teum. Carpenſis eximium Episcopi sole- *sus D.*
 mni ritu diuina officia celebrantis amiculū *Card. Car-*
 ex veste Attalica. Item alterum ex veste *penſis D.*
 argentea auro crispante discretum. Cardinalis *Card. Me-*
 Medices (qui postea Pius Quartus Pontifex *dicus D.*
 fuit) aræ vestem ex textili aureo. Bernardi-
 nus Sanſeuerinus Princeps Bisiniani effigi- *Princip. Bi-*
 em suam à pectore expressam ex argento, *sinian. D.*
 ingentis ponderis: aræ insuper, & sacerdo-
 tis ornatum ex holoserico villuto coccineo.
 Hercules Dux Ferrariensis aræ, sacerdotis, *Duc. Ferra-*
 ministrorumque solemnī pompa rem di- *riensis D.*
 uinam celebrantium præclaros ornatus ex
 veste Damascena ingentibus aureis flori-
 bus intertexta. Vidobaldus Urbini Dux *Duc. Urbi-*
 aræ pariter, ac sacerdotis amiculum ex At- *natum D.*
 talica veste. Dux Grauinæ ex eadem ma- *Ducis Gra-*
 teria sacerdotis ornatum. Prorex Neapoli- *uina D.*
 tanus, & sacerdotis, & ministrorum solemnī *Proreg. Ne-*
 more sacrificantium vestes aureas opere *apolit. D.*
 Phrygio conspicuas. Mantuanus Mar- *March.*
 chio eorundem ad eundem vsum vestes *Mantua. D.*
 argenteas. Portia Cælia pluuiale aureum. *Portia Cæ-*
 Vxor Comitis Palenæ in Samnitibus mo- *sia D.*
 nile *Comit. Pa-*
lena D.

Constantia nile ex auro, margaritifq; Constantia Lei-
Leiusa D. ua Hispania coronam auream libralem. In-
 signe etiam donum è Germania missum à
Ferdinandi Ferdinando Rege Romanorum, argentea
Cæsaris D. Beatæ Virginis effigies sesquipedalis pondo
 XXXI. cuius genibus aduoluta est Anna
 Boemiæ regina ex argento. In basi titulus
 duplex, alter à fronte:

SERENISS. AC POTENTISS. ROMA-
 NORVM, VNGAR. BOEMIÆ REX, AR-
 CHIDVX AVSTRIÆ, ET CÆT.

FERDINANDVS

HANC ARGENTEAM EFFIGIEM D.
 VIRGINI OFFERENDAM TRANSMI-
 SIT AN. M. D. LII. MENSE MAIO.

Alter porrò titulus à tergo:

FERDINANDVS ROMANOR. VNGAR.
 BOEMIÆ REX, ARCHIDVX
 AVSTRIÆ, ETC.

EX VOTO SALVTIS IN MEMORIAM
 DVLCISSIMÆ CONIVGIS ANNÆ,
 HANC IPSIVS ARGENT. EFFIGIEM
 MARIÆ VIRG. DEDICAVIT.
 CONSECRAVITQ.

Marcellus Cerveinus Card. in sacro sacello
Pontificem se futurum diuinitus co-
gnoscit. CAP. XX.

Hæc

HÆc inter Marcellus Ceruinus Cardi-
 nalis vir doctrina pariter, & sanctitate
 clarus in oppido Lauretanę Domui satis vi-
 cino (Montem Fanum appellant) domici-
 lium statuërat. Suum id natale solum fere-
 bat, reuera locum interuifendę natali Bea-
 tę Virginis cellę peropportunum elegerat.
 Inde Lauretum incenso studio ventitabat,
 in augustissimo orbis terrę sacello sacris
 operaturus. Itaque sub Iulij III. Pontificis
 decessum Marcello rem diuinam inibi de
 more facienti res euenit visu, euentuq; mi-
 rabilis. Eximio candore, ac specie columba,
 multis inspectantibus, supra eius caput pla-
 cidè cum volitasset, nunc in sacrificantis
 manibus, nunc in ipso missali libro requi-
 escebat. Ea res obiecta oculis adstantium
 plerosque animis immobiles stupore defi-
 xit. Sacerdos, qui de more Cardinali sacrifi-
 canti preëto erat, vulgare aliquam colum-
 bam eo forte delapsam ratus abigere eam
 conabatur. At Cardinalis haud parum me-
 mor candidę columbæ indicio diuinitus o-
 lim designatos nonnunquam esse Pontifi-
 ces; inhibet abigentem: ipse cœlestem co-
 lombam quiescere sinit, quoad sacrificio
 peracto, sua sponte auolaret. Exinde cœle-
 ste visum homini affirmat fidem. Nuncio
 de morte Pontificis Marcellus Romam re-
 uocatus non sustinuit vię prius, & Pontifi-

*Ann Laur.
 Riera.*


*Card. Cer-
 uini pietas.*

ciis comitiis committere se , quàm veteri suo instituto Lauretanâ Virginem salutasset. Et aderat dies Annunciatę Virgini sacer, qui cęteroqui pium eius animum inuitabat. Venit ergo pridie Lauretum. Festo ipso die, exclusa incondita turba , sacrum in augustissima cella facere attentissimè cœpit. Inter sacrificandum post initium Canonis, Ecclesiam Pontifice orbam memorans, Deo ac B. Virgini enixius commendabat. Effuse præcanti B. Maria cœlesti specie, cœlitum septa comitatu se offert: animoq; eius diuina luce, ac dulcedine delibuto, ipsum fore Pontificem indicat: extemplò attonitæ mentis oculis subducit se. Marcello tam nouæ rei, ac subitę admiratio tantum repente animi, corporisq; totius incussit horrorem; vt ad aram trepidans pedibus ægrè subsisteret. Sensit Sacerdos eius administer aliquid profecto Cardinali obiectum diuinitus, vtique cum eius conspiceret faciem insolito quodam splendore fulgentem: mox etiam notaret totum eius corpus noua circumdatum luce. Ergo quod ipsemet viderat, deinde cum aliis multis tum Raphaeli Rieræ, qui rem litteris prodidit, pro familiaritate narrauit. Quin etiam Cardinalis ipse necessariorum, qui spectaculo adfuerant, precibus fatigatus, enunciauit denique totam rem, vti gesta, erat: ac simul adiecit tantum

Card. Cerrini promi.

tum utique Pontificis munus longè altius esse fastigio suo: ac propterea Deum fortasse alium sibi Vicarium quæsiturum. Cæterum si Deo cordi esset talem in terris habere Vicarium; enimuerò sibi antiquissimum fore, Christianam Rempublicam conseruare factam, tectamque, atque Ædis Lauretanæ cultum longe, ac late propagare. Itaque Montem Fanum regressus, accersitò tabellione, publicis consignari litteris iussit, quæ in B. Mariæ Lauretanæ gratiam destinarat animo: nimirum ut publicæ tabulæ suam Deiparæ obstringerent fidem, eademque si forte, quod accidit, mors interueniret; testes forent suæ erga illam egregiæ voluntatis. Exstant hodie in eo, quod dixi, oppido tabulæ Marcelli Ceruini Cardinalis, ex quibus satis apparet, ei in animo fuisse Canoniorum, Cantorum, Ministrorum, Sacerdotum etiam Societatis I E S V augere numerû, ut sancta Domus aduenarum frequentia, pietateque auctior foret. Ad hæc Laureti pomerio longe, lateque prolato, muris propugnaculisque circà excitatis, nouam urbem, nouam condere ciuitatem, Episcopali sede, mero, mistoque imperio, & octo finitimis oppidis attributis insignem. Condendæ porrò ciuitatis facilem hanc expeditamque excogitauerat viam, ut pauperes familias ex omni Pontificali ditione, partim spe

præmiorum, partim etiam Beatæ Mariæ Lauretanæ religione ad nouam frequen-
tandam ciuitatem pelliceret: nouis colonis
proximam syluam publico ære cõemptam
viritim diuideret, vt excisa sylua, repurga-
ti: s̃que saltibus, agros colcrent suos: ita bre-
ui, & satis frugum, vini, olei, nouæ ciuitati
fore, nec mercatores spe lucri ob loci cele-
britatem illectos defuturos. Hac demum
ratione Lauretanæ Virgini, & dignationis,
& cultus accessurum esse vel plurimum. Cæ-
terum Deo, cuius *inscrutabilia iudicia* sunt, a-
liter visum. Quippe illum præclara sua de
Lauretana Æde consilia mandare litteris,
quam factis exsequi maluit. Vt Marcellus
Romam attigit, facile quidem euenit, quod
Deo cordi erat, vt fieret Pontifex: & extitit
Beatæ Virginis fides; Pontificis tamen ex-
stare non potuit. Is namque intra XXII.
diem, vixdum, inito Pontificatu, excessit è
vita. Pontifex egregiis cõsiliis magis, quam
operibus memorandus. Salubria quippe
eius consilia plures deinde Pontificum se-
cuti, multis ac magnis simul Ecclesiam,
simul Lauretanam Ædem præ-
fidiis, ac muneribus ad-
ornarunt.



Aucto Iesuitarum Collegio à Paulo IV. Lauretana celebritas, & opulentia adaugetur. CAP. XVI.

QVorum ex numero Paulus IV. fuit, qui Marcello subrogatus, eiusque salubribus vsus consiliis non modo lapsam Ecclesiæ disciplinam, moresque restituere cœpit; sed Lauretanæ Domus etiam cultum amplificare institit. Pontificatus initio vetera aliorum Pontificum beneficia nouo sanxit diplomate: ædificationem sedulò iuuuit: auxit numerum Ministrorum: nihil denique prætermisit, quod ad amplificandam loci religionem pertinere existimaret. Cæterum illud præcipuum eius munus ex Marcelli utiq; consiliis ortum, quod Societatis IESV Collegium auctius reddidit. Nam etiam si Patres illi, qui tum erant, maiorem, quam pro numero peregrinis nauarent operam; tamen sacerdotum paucitas crescenti in dies aduenarum multitudini satisfacere haudquaquam poterat: præsertim cum ex remotissimis quoque regionibus, peregrini homines sermone dissoni quotidie plures eo confluerent, quorum plerique confessione expiari nequibant linguæ commercij expertes. Hos irritos spei, voti; domos redire, haud ægrius ipsimet, quàm Patres patiebantur. Igitur ea res Cardinalē Carpensẽ

perpulit, vt de adaugendo Patrum numero cogitaret. Is quippe admodum latus Collegium ab se in solo Lauretano fatum, quamuis adhuc tenue ac tenerum, fatis vberes pietatis, quàm ferre, quàm ostentare fructus, de eo impense amplificando cum Pontifice agitauit, ratus fore; id quod euenit, vt vberissimam frugem, auctis maturisq; iam fructibus ferret. Itaque anno huius sæculi LV. approbante Pontifice perfecit, vt sociis duo de triginta superiori numero adiectis, XL. è Societate Lauretialeretur. Nec Cardinalis, aut Pontificis spem Societas est frustrata. Auctum per eam occasionem sacerdotibus exterarum linguarum peritis Collegiũ, magno & religioni peregrinorum incremento & Lauretanæ Domui emolumento fuit. Ex eo tempore omniũ ferme nationum peregrini suæ quisque gentis sacerdotes nacti, quibuscum liberè agerent sine interprete, eorum opera Christianis etiam institutis, præceptisque imbuti, non tantum peccatis expiati domos repetebant. Lauretanæ porro Ædis religio, ac res tantis subinde auctibus creuit; vt fatis constet, vel aduenarum frequentiam, vel donorum copiam solito longè fuisse maiore. Nimirum aduenarum multitudo infinitè crescebat in dies, ac multis passim agminibus per omnes vias, semitasque Lauretum vndique concurrebant.

Sæpe

Sæpe dena nonnunquam vicena, interdum etiam tricena, eoque plura peregrinorum millia versabantur ad Lauretum, circiter natalem Virginis diem. Pleriq; autem templo, oppidoque exclusi circumiectos agros sylvasque complebant.

Lauretana Aedes donis cumulatur.

C A P. XXII.

ET cum aduenarum multitudine Lauretanæ Ædis opulentia crescebat. Satis constat ex eo tempore dena, duodena, quaterdena, senadena, vsque ad vicena aureorum millia in arcam quotannis ingesta. Nec vero vnquam vllus Pontificum quicquam ex arca Lauretana in suum vsum vertit. Sed omnibus æquè sancta ea pecunia fuit. Duo omnino tempora inciderunt, cum aliquid inde pecuniæ ad Pontifices ita peruenit, vt paulo post ab iisdem eodem rediret. Leonis X. Pontificis Duces ad reprimendas Francis Mariæ Vrbinatium Ducis populationes, sex aureorum millia ex sacra arca in stipendium militare deprompserant. Id vbi cognouit Pontifex, extemplò per Piceni Quæstorem B. Virgini eam summam remunerandam curauit. Clemens inde VII. sub direptionem Urbis, cum in summa difficultate esset nummaria (vt supra demonstraui-
mus) tria aureorū millia mutua ab Laureta-

Bern. Cyril.

na Virgine accepit: quæ deinde periculo defunctus cum fide persoluit. Itaque omnis illa pecunia, quæ in sacram arcam ingerebatur, in Lauretanam fabricam, aliosque S.Ædis usus erogabatur. Paulo autem Quarto Pont. ad eam pecuniam accesserunt alia dona, quæ ad sacram supellectilem pertinebant. Christi crucifixi effigies argentea iustæ magnitudinis cum Caluario monte, ac simulacris B. Virginis, & S. Ioannis ex argento expressis, bina itidem argentea candelabra cubitalia, & patera argentea bilibris pulcherrimè facta. Ad hæc amiculum eximium Episcopale ex veste Attalica, cuius præcipuum ornamentum erat aurea ingenti specie fibula, tribus cumulis margaritarum insignis, quali Cardinales & Episcopi uti solent. Textilis insuper pictura Christi ortum referens ex serico, auroque mira arte perfecta, Cardinalis Carpentis dona sunt. Ducis Urbinate vestes sacerdotis ac ministrorum aureæ. Par donum Ducis Epirotarum. Ducis item Mantuani, nisi quod hæ sunt ex auro argentoque contextæ. Ducis Bouini præclarum sanctissimæ Eucharistiæ ferculum ex argento, pedalibus angelorum simulacris innixum. Honorati Caetani Ducis Sermonetæ sacerdotalis vestis aurea, aræque ornatus ex veste Attalica. Augustini Auricæ caput argenteum, binique sacerdotales ornatus

Card. Car-
penfis D.

Ducis Vrbi-
natis D.

Duc. Epir.
Donum.

Duc. Mant.
Donum.

Duc Boui-
ni Donum.

Duc. Sermonetæ
Donum.

Aug. Auricæ
Donum.

tus ex auro textili. Margaritæ Austriacæ Ca- *Marg. Aust.*
 roli V. Cæsaris filiæ egregia vestis, aræ pari- *Donum.*
 ter, & sacerdotis ex argenteo textili crispo.
 Marchionissæ Vasti ciborium aureum bili- *March. Vast.*
 bre, opere præclaro. Alterum ciborium e- *sti D.*
 gregium, sed distinctum columnis ex ar-
 gento inaurato vxoris Ducis Ariani. Sacer- *Duc. Ari-*
 dotis, ac ministrorum solemnî ritu sacrifi- *ni D.*
 cantium ornatus argenteus Ducis Mantua- *Duc. Man-*
 næ. Denique Sacerdotalis vestis aurea insi- *tuana D.*
 gnis à tergo ingenti effigie B. Virginis sole
 amictæ, eademque auro, margaritisque di-
 stincta, Regina Vngariæ donum. *Reg. Vngar.*
Donum.

*A Gallico exercitu Lauretana Aedes cum
 multorum militum salute celebratur.*

CAP. XXIII.

CÆterum exorto sub id tempus inter *Tradi Lau.*
 Hispaniæ Regem ac Pontificem bello, *Ann. Laur.*
 nouorum armorum tempestas, quæ turba- *Rier.*
 uit Italiam, Lauretanam illustrauit Ædem.
 Dux Guisus à Pontifice euocatus, annuen-
 te Franco Rege, instructissimas Gallorum
 copias in Italiam traduxerat ea mente, vt si-
 mul præsidio esset Pontifici, simul Neapoli-
 tanum reciperet regnum. Qua tempestate
 religio Ædis Lauretanæ, diuinaq; erga eam
 prouidentia maximè enituit. Ingentes mi-
 litum copiæ ex variis gentibus collectæ Pi-
 cenum inundârant: nec tamen Ædes diui-

tiis inclyta cuiusquam animum ad opulentæ prædæ cupidinem illexit: tanta etiam in bellico tumultu militares animos religio Lauretanæ Virginis, cœperat. Quamdiu autem Guisius in Piceno stativa habuit, tanti exercitus manus spectaculo potius Lauretanis, quàm damno fuere, Deipara clientes, non modo res suas tutante. Erant in eo exercitu permulti Calviniana peste contacti, nulla tamen cohortiū, nulla turmarum omnino exstitit, quin ad primum Lauretanæ Basilicę conspectum, religione tacta ad eam visendam, colendamq; accesserit, vota fecerit, dona tulerit. Itaq; pergebant eò pacatissimis agminibus, alij post alios turmarum, & cohortium Duces: pacatiores abibant, quā venerant, nuncupatis, aut exsolutis ante Virginis aram votis. Quin etiā in eiusdem gratiam, ante Ædem militari more ludicra inter se simulacra belli ciebant armis sagisq; conspicui. Gratius deinde militaris pietas Deiparæ, Deoq; spectaculum præbuit. Militum plerique sacra confessione abluti, sacrosancto Eucharistiæ epulo accubuerunt. Nonnulli etiam hereticorum in rectam veritatis viam reducti, eiuratisq; erroribus reconciliati Ecclesiæ: & confessionis, atque Eucharistiæ sacramentis expiati, Deipara etiā impiorum perfidiam, in Dei cultum pietatemque vertente.

Vtinen-

*Vtinenſis ciuitas voto B. Mariæ Lauretana
nuncupato à circumſerpente peſtilentia
prohibetur. C A P. XXIV.*

PEr idem tempus multis fanè , ac variis *Tradi. Lan.*
Lauretana Ædes eſt nobilitata miracu- *Ann. Laur.*
lis. Vtina vrbs eſt Carnorum , magnitudine *Rier.*
ac nobilitate vni Aquileiæ ſecunda: hæc ma-
ximum ſalutis diſcrimen Virginis ope diſ-
cuſſit. Anno M. D. LV. atrox peſtilentia
Venetiæ fines, Carnoſq; peruagata, magnas
edebat vbique ſtrages incolarum. Ergo Pri-
mores ciuitatis Vtinenſis cum ſerpere quo-
tidie malum, & iam aduentare cernerent;
conſilium à neceſſitate petunt: votoq; pu-
blicè nuncupato , Lauretanam Virginem
inuocant, & ſuam ciuitatem eiſ commit-
tunt fidei , tutelæque. Nec illa clientium
ſuorum vota , ac preces ſefellit. Biennio,
quo graſſata eſt lues, cunctis circa oppidis
morbo exhaustis, (adeo præſens Beatæ Ma-
riæ tutela fuit) ſola Vtina communis mali
perſeuerauit immunis. Vtinenſis ergo ciui-
tas non in faciendis, quam in exſequendis
votis religioſior, ſolemni ſupplicatione in-
dicta, Lauretum venit. Trecēti erāt viri no-
biles, quibus pulcherrima Chriſti Crucifixi
effigies præferebatur : omnes linteati, o-
mnes iſdem inſignibus conſpicui, cum do-
nis vel publicis, vel priuatis, ad Laureta-
nam

nam Ædem pariter procedebant. Limen ingressi prostertere corpora certatim humi, & collacrymantes ciuitatis suæ, ac suo quisque priuatim nomine ingentes Deo, Deiparaque grates agere cœperunt. Inde consurgentes fraternè se inuicem complerari: fletuque integrato mutuis se perfundere lacrymis. Et insignem à pietate ortam complorationem par eorum, qui aderant comploratio excepit, nullo fere spectatorum in tam pio talium virorum fletu lacrymas tenente. Ad vltimum intrant sanctissimam cellam: Deiparaque; Virgine enixe consalutata, apud eam munera deponunt. In his votiua erat tabula egregiè picta cum titulo:

GLORIOSISSIMÆ VIRG. LAVRETANÆ
OB SERVATAM A PESTILENTIA
VTINENSEM CIVITATEM
ET AGRVM.

SACRATISSIMI CRUCIFIXI SOCIETAS
POSUIT DICAVITQUE AN.
SAL. M. D. LVI.

Cecis duobus lumen oculorum restituitur.

CAP. XXV.

*Tradi. Lau.
Ann. Laur.
Riser.*

TRiennio post admirabilius etiam spectaculum Lauretana Virgo, & incolis, & aduenis præbuit. Senensis puella erat Venetæ matronæ haud sane vilis, quæ in obsequio

quo Dominæ luminibus capta, nihil penitus cernebat. Et apparebant in oculis signa, quæ facerent cæcitatæ fidem. Itaque Medicorum remediis frustra tentatis, Dominæ iussu à mulieribus duabus Lauretum adducitur, haud dubia spe lumen illi redditum iri, ope ac deprecatione B. Mariæ. Puella gigitur inter illas duas fœminas augustissimam Virginis cellam ingressa, submissis genibus, obortisque lacrymis Deiparam enixe implorare cœpit. Refertum erat sacellum accolis & peregrinis, qui pariter Virginem orabant, seu puellæ misericordia capti, seu rei expectatione suspensi. Ecce tibi illa dum precibus lacrymabunda insistit, repente hilarior facta, lucis se aliquid dispicere clamat: & simul eos, qui aderant, ut se precibus iuuarent, impense rogat. Cæteris ad precandum Deum accensis, paulo post læta successu puella succlamat, iam cerni ab se ardentem ante Virginem facem, lychnosque. Enimvero ea vox accensa supplicantium studia vehementius inflammavit: cunctorumque ex oculis lacrymas gaudio mistas exciuit. Tandem puella gratulabunda exclamat: iam B. Mariæ effigiem, iam quæ circa illam sunt, dona cerno. O Dei, O Deiparæ clementiam: ô diuinum, & commemorandum vtriusque beneficium. Talia inter gratulandum illa mistis gaudio lacrymis iteran-

iterante, ingens orta est omnium complo-
 ratio Deo, ac B. Virgini grates agentium,
 quę semihoram tenuit: & plerosq; etiam fa-
 cellum egressos secuta, superuenientium pe-
 ctora pari sensu, atq; admiratione comple-
 uit: vtiq; cum iidem, qui modò cęcam puel-
 lam conspexerant, nunc integris oculis, ac
 probè videntem cernerent. Vix alia res eius-
 modi in maiore populi frequentia gesta.
 Quippe secundum ferias Paschatis id mira-
 culum patratum est: qua tempestate, maxi-
 mo solet mortalium concursu Ædes Laure-
 tana celebrari. Raphael Riera, qui rem litte-
 ris consignauit, miraculo interfuisse se tra-
 dit, & egomet ab aliis accepi haud dubiæ fi-
 dei hominibus, qui se tū adfuisse dicebant.
 Gesta res est anno huius sæculi LIX. Gaspa-
 ro Docto Prætore Lauretano, qui tam eui-
 dens miraculum in tabulas publicas referri
 iussit. Sed antiqua simplicitate transacta res
 est. Nomina puellæ & domine (perinde ac si
 ad fidem miraculo conciliandam nihil ad-
 modum pertinerent) omissa; credo quod ab
 Euangelistis quoq; in euidentibus miracu-
 lis id factitatū viderent. Minus celebre, sed
 nihilominus admirabile est, quod de Tho-
 ma Parmensi perhibetur. Is ex graui oculo-
 rum morbo haud dubiè cæcus, nocte qua-
 dam acerbissimo oculorū dolore cruciaba-
 tur. Igitur alleuat se super lectū, vbi iacebat:

posi-

positisq; genibus, multis cū lacrymis Lauretanæ Virginis implorat auxiliū. Precibus adiicit votum, si lumen oculorum recipiat, se Lauretanā Domum aditurū. Exinde recubuit, ingentem in B. Virgine spem reponens. Nec sua illum frustrata spes. Mane experrect' somno, matutinā lucem sanis oculis haufit. Extemplò igitur Deiparæ gratias agit, Lauretū proficiscitur, vota persoluit.

Naarchus Genuensis duplici periculo eximitur. CAP. XXVI.

Eodem ferme tempore Lauretum alius *Ann. Laur. Riera.* venit duplicis voti damnatus, dupliciq; miraculo insignis. Paulus Genuensis Naarchus nobilis fuit. Is è Gallia Narbonensi Genuam repetebat, cum subito fæda exorta tempestas naufragio intentato, iacturam omnium mercium facere eum subegit. Cæterum procella nauim pertinacius vrgente, ingens omnium animis terror incessit. Itaq; vectoribus nautisq; dilabentibus, vt salutem natatu peterent, solus ipse mansit in naui, quam æquè ac seipsum saluam vellet, fortunarum scilicet suarum caput. Onerariam ergo illam suam plenam fluctibus cernens, effusus in vota, & sibi, & naui Lauretanā inuocat Virginem: haud frustra: ea inuocatio, & vires illi, & animos addidit: incredibile dictu: ingenti vi moliens velum
solus

solus ipse sustollit: ac veluti suas preces au-
 ditas esse sentiret, nauigium vndis exhauri-
 re conatur. Inter hæc, tempestate sedata, na-
 uis vento ac B. Maria obsecundante Genu-
 ensem tenuit portum, haud minore ipsius
 admiratione, quam aliorum, qui onerariam
 ingentem semiplenam fluctibus vno Na-
 uarcho nautarum omnium munera exse-
 quente, ad portum appulsam videbant. At-
 tamen Paulus voti compos segnior, quàm
 par erat, in voto reddendo fuit, siue aptius
 subinde tempus expectans, siue alia huic
 negotio præuertenda ratus. Nec mora diu
 impunita. Vertente anno, eo ipso die (vt
 tempus beneficij pariter, ac delicti eum ad-
 moneret) eadem vectus naui cum paruo fi-
 lio fecit naufragiũ. Perculit repente ægrum
 animum memoria vitati nuper B. Virginis
 ope periculi, & votiux peregrinationis o-
 missę. Igitur effuse lacrymans a Deo veniam
 exorat: expertamque Lauretanę Virginis
 sibi, ac filio exposcit opem, veteris voti reli-
 gionem voto sanciens nouo. Nec frustratę
 sunt eum preces. Filiolum inter vndas quæ-
 ritans saluum reperit, sublatumque in hu-
 meros per ingentem agitati maris tractum
 natans, ad terram transuexit incolumem,
 cæteris vectoribus, nautisque inter fluctus
 hæsitantibus, obrutisque: vt aliorum clades
 cœleste donum illustrius faceret. Ille igitur,
 vt atti-

vt attigit littus, non magis sua, quam filio
 ex præfenti exitio recepti salute lætus pro-
 cumbit in genua: idemque paruum filium
 facere iubet: & manantibus gaudio lacry-
 mis, tendens supinas in cœlum manus, Bea-
 tæ Mariæ secundum Deum gratias agit, quæ
 votum frustrata nō sit ingrati hominis vo-
 ta frustrantis. Et quoniam haud dubiè in-
 iecta exsoluendæ religioni mora nouum si-
 bi periculum crearit; nequaquam se com-
 missurum profiteatur, vt noua mora obesse
 in posterum possit. Ergo veritus, ne si reuer-
 tisset domum, cura aliqua domestica Lau-
 retanam moraretur peregrinationem; & si-
 mul priorem in reddendo voto negligen-
 tiam compensaturus, è vestigio contendit
 Lauretum, omiſsa domus, Patriæque reui-
 sendæ cura. Ita precario, mendicatoque ci-
 bo se paruumq; filium sustentans ad Laure-
 tanam peruenit Ædem, insignis non magis
 recuperata prius naui, quam deinde amisso
 nauigio, filioq; seruato: nec minus exsoluta
 postea voti religione memorabilis, quàm
 antea neglecta.

*Iuuenis innocens carcere, alter bis suspensus
 exitio, ac supplicio liberatur. CAP.*

XXVII.

HAud minus in suppliciis, quàm in flu-
 ctibus propulsandis Lauretana Virgo
 P admī-

*Tradi Lau.
Ann. Laur.
Rser.*

admirabilis per idem tempus fuit. Augustinus à Rocca Valdonia (oppidū est ditionis Senensis) falso crimine postulatus vinculis tenebatur. Ibi cū innocens multos iam dies torqueretur, Lauretanam Virginem, cui mirificè addictus erat, implorat. Nec irritæ preces: nocte intempesta excitus somno manicas ferreas, quibus vinctus erat, sua sponte elapsas videt è manibus. Protinus B. Maria consilium, viresq; ad fugam suppeditante, carceris parietem subruere aggressus tamenta quædam reuellit manu, ita patefacta fenestra, quæ illi effugium dedit. Cæterum, duo restabant ostia: quæ obstarent fugæ: hæc sorte quadam diuinitus aperta, & incustodita reperit. Ergo euadit in tutum, B. Mariæ munere non effugium solum nactus, sed etiam perfugium. Hic imminenti alter iam vrgenti supplicio exemptus. Franciscus erat quidam Ferraricnsis, homo rusticianus, sed pius. Is anno sæculi huius LVI Picenum peragrans in Ducis Guisij, qui pro Paulo IV. aduersus Philippum Regem Hispaniæ bellum gerebat, copias incidit, à quibus de ratione itineris sui interrogatus, a liberaliter habitus cū litteris Galli Ducis, ac Pontificij exercitus Præfectum in thorace ninfutis, certisq; notis, de quib⁹ inter eos cōuenerat, dimittitur rei totius ignarus. Igitur ad Anagniam Campaniæ Urbem ab ex cubiū

subitiis hostilis exercitus interceptus, excus-
 susq; ad M. Antonium Columnam adduci-
 tur. Qui ex repertis in thorace hostium li-
 teris, notisq; exploratorem haud dubiè ra-
 tus, continuò suspendi miserum rusticum
 iussit. Confestim igitur ad supplicium rapi-
 tur, prosequente ingenti militum, ciuium-
 que Anagninorum manu. Nec tamen ille
 defuit sibi. Facta orandi diuini numinis po-
 testate, submittit genua, à Deo veniam o-
 rat. Protinus Mariam Lauretanã inclamans;
 Non te fugit B. Virgo Dei mater (inquit)
 me innoxium mori, neq; vlllo modo consci-
 um istiusmodi litterarum. Proinde te oro
 quæsoq; tuum mihi propities filium, vt ali-
 as meas noxas, quibus grauiora commeru-
 isse me fateor, oblitus pro sua singulari cle-
 mentia, innocentiam indicio aliquo decla-
 ret meam. Hęc magna voce elocutus, fiden-
 ti animo graditur ad mortem. Eum carni-
 fex ad furcam religatum, è scalis deiicit, cer-
 uicibusq; pede oppressis relinquit pro mor-
 tuo. Mira dictu, visuq; res. Parumper miser
 ille pependerit, cum fracta rēste, subitò
 corruit; apparuitq; incolumis, sanusq;. Sed
 miraculum pro fortuito casu habitum, quò
 deinde foret illustrius. Extemplò carnifex
 solidiore laqueo ceruicib⁹ inserto, miserum
 illū reducit ad patibulum, obtortoq; stre-
 nuè collo, deturbat è scalis. Ecce tibi rursus

Dei utiq; ac Deiparæ nutu funis rumpitur; & Franciscus præceps ruens, fracto capite, iacuit semiuiuus. Tum enimvero mouit circumfusam multitudinem miseranda rustici species, admirationemque auxit funis præualidus sua sponte ruptus. Et simul subibant animos videntis ad supplicium preces, ac Lauretanæ Virginis imploratio. Itaque plerisque veniam in fonti, ac B. Mariæ chariuiueni deprecantibus, cœlestium munere bis seruatum à mortalibus perdi religio fuit. Ergo M. Antonius ab insita humanitate eximiaq; in Lauretanam Virginem religione, impensius etiam, quàm rogabatur, condonat illi supplicium. Et ciuitas Anagnina rei gestæ testimonium rite obsignatum eidem tradit. Quod ille Lauretum ad agendas Virgini grates profectus apud eam deposuit, illustre apud posteros miraculi monumentum.

Sicula mulier iugulata sanatur. CAP.
XXVIII.

*Ann. Laur.
Riera.*

Nihilominus, ac fortasse etiam magis admirabile est, quod deinceps de muliere traditur. Sicula puella (cuius nomini parcitur) meliore forma, quàm fama, Venetias perducta multos ibi annos vulgato corpore quæstum fecerat. Iam satis rem auxerat familiarem, cum icta patriæ desiderio, domum

num aliquando redire decreuit. Ergo bonis omnibus in pecuniam redactis, familiarum quodam suo comite Lauretum petit eanente, ut deterfis inibi confessione superioris vitæ sordibus, ac Lauretana Virgine salutata, inde letior in Siciliam pergeret. Venum erat ad Rauennatem syluam, cum bonus ille familiaris, posteaquam omnia circumta videbantur, prædæ spe stimulante, stricto ferro inuadit incautam. Nec tamen eam penitus fefellit. Mulier infesto mucrone se peti cernens, Virginem Lauretanam inuocat. At latro (differente B. Maria auxilium, quo esset illustrius) puellam gladio transferberatam è iumento, quo vehebatur, deiecit: deiectam insequitur, conciditq; plagis B. Mariæ subinde præsidium implorantem. Ad vltimum, ne qua sit reliqua vitæ spes, feminem iugulat fædum in modum: auroque, ac gemis ablatis, muliere in super vultu confossa, recedit. Illa in suo natans ruore iam moribunda luctantem animam B. Virgini commendabat; cum in ipso articulo haud dubiam Patronæ suæ experta est opem. Repente ei B. Maria in veste candida offert cœlesti emicans luce: & bono animo esse iussam benignè complectitur: moribundamque gremio fouens, simul vulnera corporis tactu sanat, simul ægrum animum cœlesti perfundit gaudio. Dein castæ

Dei utiq; ac Deiparæ nutu funis rumpitur; & Franciscus præceps ruens, fracto capite, iacuit semiuius. Tum enimvero mouit circumfusam multitudinem miseranda rusticæ species, admirationemque auxit funis præualidus sua sponte ruptus. Et simul subibant animos videntis ad supplicium preces, ac Lauretanæ Virginis imploratio. Itaque plerisque veniam infonti, ac B. Mariæ charo iuueni deprecantibus, cœlestium munere bis seruatum à mortalibus perdi religio fuit. Ergo M. Antonius ab insita humanitate, eximiaque in Lauretanam Virginem religione, impensius etiam, quàm rogabatur, condonat illi supplicium. Et ciuitas Anagnina rei gestæ testimonium rite obsignatum eidem tradit. Quod ille Lauretum ad agendas Virgini grates profectus apud eam deposuit, illustre apud posteros miraculi monumentum.

Sicula mulier iugulata sanatur. CAP.
XXVIII.

*Ann. Laur.
Riera.* **N**ihilominus, ac fortasse etiam magis admirabile est, quod deinceps de muliere traditur. Sicula puella (cuius nomini parci-
tur) meliore forma, quàm fama, Venetias perducta multos ibi annos vulgato corpore quæstum fecerat. Iam satis rem auxerat familiarem, cum icta patriæ desiderio, domum

num aliquando redire decreuit. Ergo bonis omnibus in pecuniam redactis, familiarique quodam suo comite Lauretum petit eanente, vt deterfis inibi confessione superioris vitæ sordibus, ac Lauretana Virgine saturata, inde letior in Siciliam pergeret. Venum erat ad Rauennatem syluam, cum bonus ille familiaris, posteaquam omnia circauta videbantur, prædæ spe stimulante, stricto ferro inuadit incautam. Nec tamen eam enitus fefellit. Mulier infesto mucrone feti cernens, Virginem Lauretanam inuocat. At latro (differente B. Maria auxilium, quo esset illustrius) puellam gladio transferberatam è iumento, quo vehebatur, deiecit: deiectam insequitur, conciditq; plagis B. Mariæ subinde præsidium implorantem. Ad vltimum, ne qua sit reliqua vitæ spes, feminæ iugulat fædum in modum: auroque, ac gémis ablatis, muliere in super vultu confossa, recedit. Illa in suo natans ruore iam moribunda luctantem animam B. Virgini commendabat; cum in ipso articulo haud dubiam Patronæ suæ experta est opem. Repente ei B. Maria in veste candida e offert cœlesti emicans luce: & bono animo esse iussam benignè complectitur: moribundamq; gremio fouens, simul vulnera corporis tactu sanat, simul ægrum animum cœlesti perfundit gaudio. Dein castæ

vitæ admonitam relinquens, ex eius oculis elabatur. Ibi tum mulier velut ex profundo excita fomno, corpus suum perlustrans oculis, recentium vulnorum cicatrices iam obductas videt: mortiferam iuguli plagam perfanatam sentit explorans manu. Itaque tam insigni Dei, ac Deiparæ beneficio admodum læta, submissis genibus maximas secundum Deum certissimæ Patronæ suæ grates agit. Vnum erat, quod liquidam turbabat lætitiā: in subucula cruenta, ac lacerata à latrone illa relicta erat in sylva. Cæterū, haud segnius nudæ mulieris pudori Deipara Virgo consuluit, quam cæsæ consuluerat salutē. Ecce tibi illa mistas laudibus grates B. Mariæ impēsius agente, præstò fuere muliones, qui illac forte transibant. Hi cruentæ puellæ, peregrinæque Lauretum (id ex ipsa cognōrant) petentis speciem, nuditatemque miserati, illicò feminudam centone contegunt: muloque impositam devehunt. Anconam Lauretanæ Virginis religioni fauentes. Ibi illa viliore vestitu emendicato protinus Lauretum lætabunda contendit. Post absterfas confessione vniuersas vitæ labe, Virgini vota persoluit: passimque expertam prædicat eius opem, cuius haud dubio post Deum, beneficio vivebat, ex mediocris morte ad vitam utique reuocata. Ad faciendam rei fidem, recentem mortiferæ plagæ cic

cicatricem ostentabat in iugulo. Et accesserat diuinitus tanti miraculi haud obscurum indicium. Circa collum cicatrix aurea monilis in modum fulgebat: vt facilè diuina B. Marię manu plagam illam tactam, sanatam, que sentires. Id verò cunctis, qui aspexerunt (ex quorum numero fuit Raphael Riera, qui rem memorię tradidit) ingens non modo miraculi monumentum, sed etiam miraculum fuit. Porro mulier, siue Lauretanę Domus dulcedine capta, siue Deiparę optimè de se meritę gratiam relatura, Lauretum prætulit Patrię. Quippe annos complures ita inibi vixit, vt diuinis identidem expiata mysteriis Lauretanā inuiseret Virginem, plures incolarum ad Dei, Deiparęq; obsequium excitans singulari innocentię, ac pietatis exemplo.

Genuensis quidam de Lauretana Domo habitans male multatus resipiscit.

CAP. XXIX.

SVb id tempus Lauretanę Cellę religionem Deus insigni miraculo sanxit, ne quis ea de re posthac ambigeret. Anno M. D. LVII. Genuensis quidam (cuius nomini parcitur, vt famę parcatur) haud obscuro quidē loco natus, sed curiosus magis, quàm pius, Genua Lauretum petebat eques. Is in itinere Diaboli vtique instinctu, suspicari

*Ann. Lan-
Riera.*

lapidem ex sanctissima Virginis cella subtractum domi suæ asservabat omni honore, cultuq; . Haud tamen ille cultus cœlestem leniuit iram. Sed Deo matris suæ iniuriam vindicante , miser ille sacrilegam religionem orbitate filiorum, & amissione fortunarum omnium luit. Ad hæc pertinaci magis, quàm pernicioso morbo vrgeri, vexariq; cœpit. Itaq; , vt erat vir cæterô qui prudens, ac sapiens, aperuit aliquando oculos: & Deum profectò alicuius sui sceleris ultorem adesse sensit. Cæterum & si omnia sibi accidere videbat aptè ad representandam irâ diuini numinis, tamen quo tandem suo merito illa acciderent, non videbat. Ergo ab ægritudine simul corporis, animiq; anxius, omni ope placare nitebatur iratum Deum. Sed iræ materia apud eum quamuis ignarum residens, irrita omnia faciebat. Alia deinde spes, postquam hæc vana euaserat, ei affulsit. Lauretanæ Virginis, cui mirè addictus erat, memor, eius auxilium pariter, & consilium implorat. Nec mora, Beatę Marię monitu discit, lapidem ex Lauretana domo sublatum causam esse cœlestis iræ: eamq; non, nisi facio lapide restituto posse placari. Tum ille obortis lacrymis, religiosæ, vt crediderat, audaciæ veniam à Deo Deiparaq; exposcens, desiderauit ipsemet referre Laurætum, quod abstulerat. Nec in irritum

tum preces cecidêre: hoc quoque culpam agnoscenti suam Deipara indulsit. Exemplò igitur, depulso morbo, alacer pergit Lauretum, saxum restituit, vota persolvit. Aliud quoq; per id tempus huic haud ab simile accidit. Fœmina ex agro Piceno post diuturnũ matrimoniũ, nullos genuerat liberos. Hæc eius animum cura angebat maximè; vt vndiq̃ue sterilitatis remedia quæreret. Ergo ait illi, nescio, quis mulieris gratiam initurus, nullum remedium præsentius ad abolendam sterilitatem, quàm Lauretanæ domus reliquias piè, religioseque custoditas: si quid inde abstulerit, breui eam matrem fore pollicetur. Id non promissum magis stolidè, quàm creditum. Illa igitur manifesta Dei ultoris ira, ablatum inde lapidem cum febris domum retulit: & ægritudo corporis animum vrgebat; adedò non vehementiùs febris æstu, quàm conscientia iactabatur. Nec prius ex iactatione illa conquieuit, quàm Laureto Sacerdotem acciuit, & lacrymas pœnitentię indices profundens ablatum reddidit lapidem. Pœnitentiam valetudo, non tantum venia est consecuta. Magno etiam Illyricis mercatoribus similis audacia stetit. Hi coempto ex Picentibus frumẽto, saxum ex Deiparæ cella surreptum clam in onerariam abdiderat. Cæterum, vt fallerent homines, sacrilegij vindi-

vindicem Deum non fefellerunt. Profectos ex portu atrox vis tempestatís subitò adorta in ingentem adduxit metum : & trepidos vasorum, merciumq; iacturam facere subegit. Haud procul exitio res erat, cum Deum parentis suæ ultorem adesse senserunt : & flentes, tendentesq; in cœlum manus veniã pariter orare cœperunt. Placato precibus, ac lacrymis Deo, mare quoque placatur. Illi periculo erepti retrò iter flectunt : ad Lauretum appellunt : lapidem Virgini restitunt. Prospero inde cursu in Dalmatiã prouehuntur. Peregrinorum quoque nonnullos, qui aliquid indidem seu lapidis, seu calcis abraferant, abeuntes morbus, velut diuinæ prouidentię lictor corripuit, nec antè eos dimisit, quàm regressi cum lacrymis, & confessione temeritatis suæ, ablata Deiparę reddiderunt.

Sacræ cellæ expilatores diuinitus comprehensi afficiuntur supplicio. CAP.

XXXI.

CÆterum his, quos religionis species deceperat, leniorem se diuina seueritas præbuit : aliorum, quos avaritia in fraudem impulerat, audaciam graui⁹ vindicauit. Per eadem tempora nonnulli Lauretanæ Domus ministri, ex composito sacros thesauros compilânt, quos à compilatoribus tutari

rari debuerāt. Sed celeriter Deus infandum sacrilegium debita pēna est persecutus. Iam res omnes in nauim conditas occulta asportabāt fuga, cum agri Piceni oram præteruetos aduersa tempestas reiecit eò, vnde conscenderant. Itaq; in Recinetēsium potestatem delati, in manifesto scelere deprehenduntur. Nec mora, prodēdi exempli gratia, ne quisquam in posterum talia auderet, pro Æde Lauretana suspensi, nefarium sacrilegium fædo supplicio luunt. Verum fallendi spes alios ad simile facinus subinde pellexit. Haud ita multo post facinorosum hominē cupido incessit sacrosancti sacelli furtim expilandi. Is igitur sacrilegi conatus socium idoneum nactus, ferramenta parat, quibus valuarum, & arcæ nummariæ sēras aperiat. Omnibus in eam rem paratis, intra Virginis solerter occulit se. Inde nocte concubia sacrilegium exsequens, sacra dona aurea, argenteaq; congerit vnum in locum: mox arca, & sacelli foribus patefactis, templi quoque valuas molitur. Tandem his quoq; refractis, circumspicere cœpit quærens oculis adiutorem sceleris, qui in templi vestibulo (sic enim conuenerat) illa ipsa hora præstò esse debebat, sacra dona, nummosque in destinatum locum abditurus. Ecce sibi dum intentius circumspectat, armatorū agmen (cœlestium manum ante Ædem Virginis

excu-

excubantium fuisse, creditum est) adesse cernit. Quorum inopinatus aspectus tantum illi terroris incussit, ut clausis properè valuis, abderet se; ratus caput suum ab illis peti. Cæterum, infœlix perfunctus (ut credebatur) periculo, stimulante avaritia rursus audere cœpit. Igitur cum iterum, ac tertio patefactis templi foribus, socium sceleris quæriraret, semper ei cœlestis illa manus infestis occurrebat armis: ac trepidum effusa fuga compellebat in templū. Ita per spem, metumq; nocte absumpta, tandem de salute magis, quàm de praeda sollicitus, irritò incepto, abire statuit. Iamque appetente aurora, per auersam templi portam capebat fugam; cum cœlestium excubiarū, quas diximus, occurso territus, in sacrosanctam cellam refugit. Manebant adhuc manifesta sacrilegij incepti vestigia, ut qui locus facinoris testis fuerat, etiam index foret. Superuenientibus igitur sanctissimi sacelli custodibus, valuæ refractæ, sacra dona congesta, haud leuibus argumentis illum suspectum sacrilegij fecerunt. Nec mora trepidans, conscientia notis prodentibus conceptum nefas, comprehenditur; quæstione habita, rem omnem confitetur: cum sceleris conscio merita pœna afficitur, haud leue diuinę prouidentię erga res Lauretanæ documentum.

Duo adolescentes Daemonum seruitio eximuntur. CAP. XXXII.

Porro alij facinorosi homines, ac penè ad extremum perditì, Lauretanæ Virginis ope ad honestam vitam, viamque salutis reuocati. Adolescens erat nō genere magis, quàm vitiis nobilis: hic in rixa graue vulnus in genu acceperat, irato Deo. Proinde nequicquam curare plagam prius, quàm cœlestem iram placare cœpit. Iam in Medicos, ac medicamenta bonâ rei familiaris insumpserat partem: & curatio ad grauioris incommodi metum, quàm ad vllam bonam spem pronior erat. Ad vltimum ingens animi eius formido incessit, seu maturi exitij, seu perpetuæ imbecillitatis. Itaque damnata medentiũ ope, ad Lauretanam Virginem pariter spem, ac vota conuertit. Ac resipiscens lacrymis pœnitentiæ testibus Dei delinit iram: Deiparæq; auxilium implorat vouens, si discrimen illud euaderet, Lauretum se cum donis ad agendas illi grates iturum: mira dictu res. Hæc ingenti animi sensu elocutus, repente persanato vulnere, recuperat corporis sanitatem. Cæterum, homini ingrato, ac dissoluto reddita salus penè exitialis fuit. Tanti beneficiij immemor, non sat habuit votum fallere, nisi etiam valetudinis beneficio ad pristinam vitæ licentiam

Ann Lat.
R. era.

tiam abuteretur. Namque in deteriora pronus, luxuriæ impensius indulgendo eo demum processit, vnde receptum ad penitentiam vix haberet. Adeò *novissima eius facta sunt peiora prioribus.* Actum de illo erat, nisi perditum hominem Deus respexisset: cœlestique ope reduxisset in salutis viam. Tacitam subinde vocem audire visus iubentis ire Lauretum, & primo quoque tempore votum, cuius damnatus erat, exsoluere; tandem paruit. Lauretum igitur profectus Deiparam muneribus colit. Sed non parva dictu res votiux peregrinationis fructum præripiebat. Venus quippe vsque eo devinxerat illum sibi, vt ad huc in eodem hæsitans luto, quamvis Deo manum porrigente, ad sacram confessionem aspirare non sustineret. Ergo stimulante conscientia, nunc sacram Virginis Ædem, & destinatum sacris confessionibus locum obire: nunc templi formam, ac votiuas tabellas ex parietibus pendentes otiose contemplari: modò impulsu mali Dæmonis templo exire: modò diuini numinis instinctu eodem redire: insanum, ac mente captum diceres: adeò illum aliàs consilij aliàs pœnitentiæ ipsius pœnitebat. Et iam vix sui composæstuabat animo pariter, & corpore; vt qui neque sacerdotum aspectum, nec conscientia stimulos ferre posset. Iam consilij anceps, anxiusque

xiusque per hasce curas triduum extraxerat, cum Dei Deiparæque benignitate, nova illi spes salutis affulsit. Intererat forte rei diuinæ, cum vocem è cœlo missam sibi audire visus est, cunctationem eius increpantis, iubentisque vnum è paratis Sacerdotibus aliquando adire: & noxis expedire animum cum proposito vitæ melioris. Perculit ea vox obstinatum animum, flexitque: ita demum victus, seu magis victor, mutata subitò voluntate, facit imperata. Et libidinis cœno aliquando emersus, ingenti vilacrymarum vniuersas vitæ maculas eluit. Protinus cœlesti, vt fieri solet, gaudio alacer ingentes Deo, ac Deiparenti grates agit, à præsentis corporis & animi periculo bis eius opeliberatus. Alterius iuuenis par conditio, nec dispar exitus fuit. Is in luxum, & ea quæ luxum sequuntur, effusus, breuiopes paternas in flagitia, ac dedecora vitæ absumpserat. Dumque secum ipse nequitia, & improbitate certat, eò res tandem venit, vt non mortalibus magis, quàm infernis monstris ludibrio foret. Horribiles ei Dæmonum facies occursabant, quæ contempnim illum, velut mancipium suum excipiebant plagis. Nec corpori solum, sed animo quoque infœlicis adolescentis insultabant, subinde eum territantes indignis modis: credo vt illum ex malorum mole desperatio

Q

ratio incesſeret. Adeò crudelis, atq; importunus eſt in flagitioſos homines Dæmonum dominatus. Itaque miſer vndiq̃ue iam malis oppreſſus, propè iam deſperatione torpebat; cùm oblata ſubitò lux eum ad ſpè ſalutis erexit. Namq̃ue æſtuanti, circumſpectantiq̃ue cœleſte auxilium, Lauretanę Virginis, de cuius vi, ac benignitate mira multa inaudierat, memoria occurrit. Igitur ſubeunte animum pariter impurę vitę pœnitentia, obortis lacrymis Deiparam inuocare: Deum per eam placare: cœleſtes iras auertere omni ope cœpit. Sed ſalubre conſilium capeſſenti extemplò inferna illa obſtabat manus, quę contemptu in odium verſo, miſcens verberibus minas, à pio propoſito abſterrere hominem, & abſtrahere conabatur. Cæterùm, vicit tandem Diabolicam importunitatem Chriſtiana conſtantia. Adoleſcens Deiparę tutela fretus decreuit rem benè cœptam perſeueranter tueri. Proſtrato igitur ante benigniſſimam Patronam ſuam animo, non tantùm corpore, ſpei, ac fiducię plenus aduerſus infernas belluas eius præſidium implorare inſtitit rogitanſ, vt miſerrimę ſeruitutis iugum ab ſuis ceruicibus aliquando depelleret, quo ipſe iam liber Lauretum ire, & ritè expiato ſordibus animo, meritas liberatrici ſuę grates agere poſſet. Nec ſpes, preceſq̃; incuſſum cecidêre.

cidere. Extemplò diuina vis, oblata spe cœlestis auxiliij, & supplicem illum ingenti gaudio compleuit: & importunos illos vexatores procul abegit. Auditæ frementium voces, & simul inuitis expressa confessio: Nihil se posse contra Mariam. Ergo ille vix præ gaudio sui compos, impigrè Lauretum, vti vouerat, tendit. Ibi omnibus vitæ maculis confessione sacra elutis, Deo ac B. Virgini grates impense agit: & nonnullis Sacerdotibus (ex quorum numero Riera fuit talium rerum audus in paucis) cœleste beneficium latus enarrat.

Iuuenem in seruitutem assertum à Dæmone liberat, chyrographo restituto. CAP.

XXXIII.

Alium porrò iuuenem Lauretanæ Virginis tutela seruauit, quem in præcipitem locum libido insana prouexerat. Hic vt erat proiectæ cupiditatis audaciæque, in vetitas se effuderat voluptates. Expugnato multarum matrum familias pudore, immodico mulieris cuiusdam amore flagrabat: qua cum nec prece, nec precio, nec vi, doloque potiri liceret; vltima experiri statuit. Igitur conciliatum magicis cantionibus Dæmonē rogat, vt se voti compotem faciat, ad omnia se descēdere paratū ostendēs, si eò, quod expeteret, frueretur. Diaboli ergo

*Ann. Lant.
Riera.*

iussu à Christo deficit: seque totum illi dedit, traditque. Super hæc omnia iurat conceptis ab illo verbis, & chyrographo suam obstringit fidem: usque eò impuras mentes voluptatis amor excæcat. Cæterum, ut potitus est, quod cupierat; fecit, ut sit, fastidium copia: & cœlesti luce oborta, magnitudinem sceleris sui sera æstimatione perpendit. Ergo posteaquam animum curis anxium pœnitentia subiit, ad veniæ spem erectus, cœlestem opem spectare, Deum Dei que parentem implorare cœpit. Inter hæc occurrit animo Virgo Lauretana, eiusque ædis Sacerdotes amplissima facinorum expiâdorum autoritate præditi. Protinus, Deo authore, ac duce Lauretum petit, haud dubius, quin inibi esset tantis malis remedium inuenturus. Nec sua illum frustrata spes. Lauretum ut venit, Sacerdotem idoneum nactus, re omni exposita, consulit, ecquâ sibi spes sit reliqua salutis. Ille primo sceleris atrocitate exterritus paulisper hæsit: deinde immanitate facinoris demonstrata, ita spem illi salutis ostendit, si precibus, ieiuniis, voluntariaque corporis vexatione Deum placare penitus insistat. Cum ille nihil omnino pœnarum recusaret; promissit Sacerdos, si imperata fecisset, se faciles aures ei daturum, & tantum piaculum Deo propitio, utique expiaturum. In digressu hominem

nem monet, vt per triduum inedia, cilicio, flagris corpus affligeret. B. Virginis opem implorans: per eam à Deo veniam exposcat: se eodem triduo rem diuinam pro ipsius incolumitate facturum. Et vtrunque exstitit fides. Ita triduo extracto, Sacerdos optimum ratus est ante absolutionem, chyrographum à Dæmone extorqueri, ne quid omnino iuris in illum haberet. Proinde hominem ab se dimittit monitum, vt augustissimum sacellum ingressus precibus, lacrymisque Deiparam vsque eò fatigaret, dum chyrographum à diabolo extortum reciperet. Morem gerit ille suæ salutis, securitatisque auidus, haud dubia spe, id se deprecatione Deiparæ Virginis impetrare posse. Ergo prostrato ante Virginem corpore, lacrymans obnixè eam precatur, vt recepto illo nefario chyrographo, saluti incolumitatisque suæ consultum velit, ingenti miraculo voti compos efficitur. Vericulos illos ex animo iterabat. **MONSTRATE ESSE MATREM: SVMAT PER TE PRECES, QVI PRO NOBIS NATVS, TVLITESSE TVVS.** Talia precatus subitò chyrographum in manus suas delapsum conspicit. Itaque vix sibimet ex inopinato gaudio credens, integrato fletu grates Virgini enixiùs agit. Inde sacello egressus lætitia exultans ad sacerdotem accurrit: receptum Deiparæ be-

neficio scriptum ostendit. Id erat tot tantif-
 que in Christum, atque in ipsum, qui scri-
 pserat, diris & execrationibus refertum, vt
 facilè appareret à sempiterno humani ge-
 neris hoste dictatum. Verumtamen tantum
 vinçulum omni diabolica fraude potentior
 vis diuina dissoluit: ita deuotum illud in-
 feris caput, Deiparæ benignitate, asseritur
 in *libertatem filiorum Dei*: ne quisquam omni-
 no quamuis facinorosus ac perditus, si mo-
 dò ipse perire nolit, de sua salute desperet;
 neu cuiquam in dubium veniat Dei cle-
 mentia, quæ vltro Matrem suam reis
 Patronam dederit ad sa-
 lutem.

FINIS LIBRI TERTII.



HORA:

HORATII TVR- SELLINIE SO- CIETATE IESV

LAURETANÆ

HISTORIAE, LIBER

QVARTVS.

*Pij Quarti, & Cardinalis Vrbinatis stu-
dium Lauretanæ Domus ornandæ.*

C A P. I.

INTER hæc Paulo IV. Pius suble- *Tradi. Lau.*
ctus, cuius Pontificatus, vt pace *Riera in*
Italiae letior, ita decore Lauretanæ *Ann. Laur.*
domus clarior exstitit. Pius quip-
pe superiorem domus Pontificiæ porticum *Pij IV. be-*
magna exstruxit ex parte. Vetus Xenodo- *nescia.*
chium nouo adiecto ædificio, amplius &
commodius fecit. Lauretanum oppidum *Lauretum*
Recinetensibus ademptum sui iuris esse ius- *Recineten-*
sit anno sæculi huius LXV. Adimendi causa *sibus adema-*
fuit, quod negligenter ius dicere, labantes *ptum.*
multis locis muros negligere arguebantur.
Ita Lauretum trigesimo anno, quam à Pau-
lo III. attributum Recinetensi ciuitati fue-
rat, à Pio Quarto in pristinam libertatem
vindictum est: & Lauretanus Præses octo

aureorum millia Recinetensibus, vel inuitis renumerare iussus. Nec minor in cultu Beatæ Virginis, quàm in re Lauretana amplificanda optimi Pontificis pietas enituit. Canonorum, ministrorumq; numerum non nihil imminutum suppleuit. Collegium Societatis IESV à Paulo amplificatum simul Pontificali diplomate stabiliiuit, simul redditibus auxit. Inter quæ Cardinali Carpenſi humanis rebus erepto, Pontifex Laureti tutelam permisit Cardinali Vrbinati, qui nulli veterum Patronorum pietate, ac studio erga Lauretanam Virginem cessit. Ac primum Pompeio Palanterio Ædis Lauretanæ cura mandata, per eum templi tholum intrinsecus exornandum marmorato opere curauit. Ad radices Lauretani collis in via, quæ fert ad portum Recinetensem, satis vberem, ornatumq; peregrinis præbuit fontem. Inde per alios Præsides multa magnificè fecit, vt dicetur in loco.

*Picentium cura Aedis Lauretanæ aduersus
Turcas tuenda, & B. Virg. tutela Do-
mus sue. CAP. II.*

*Ann. Laur.
Riera.*

CÆterum ea tempeſtate Turcicæ classi Lauretum petentis terror, & Picentium erga B. Mariam religionem, & B. Mariæ in Picentes beneuolentiam ostendit. Renunciatum erat ab exploratoribus, ingentem Turca-

Turcarum classẽ (in qua essent triremes centum, & quinquaginta) ex Epiro soluisse eo consilio, vt Lauretano templo dispoliato, Anconam inuaderent. Igitur paucis interiectis diebus, fama haud procul ab Italia visæ hostium classis, ingenti tumultu conciuit Picentes. Inter primum tumultum pubes Recinetensis Lauretum conuolant ad Ædem præsidio, armisq̃ue obtinendam: & Patriæ ac suorum immemores Lauretum aggeribus, ac propugnaculis muniunt. Certatimq̃ue alij Picentium populi accurrunt: cuncta vicina littora complent armatis, Lauretanam præcipuè Domum aduersus Barbaros summa ope defensuri. Omnibus quippe votis expetendum existimabant, si ita res ferret, pro illa, & in illius conspectu, honesta morte defungi. His armorum præsidiiis accesserunt acerrima aduersus immanes Barbaros tela, assiduæ piorum preces. Quicquid sacerdotum, quicquid piorum hominum Laureti, atque in finitimis circà oppidis fuit, Deum placare precibus, supplicationibus B. Virginem suæ Domui, clientibusq̃ue tegendis inuocare non destitit. Nec preces, ac vota in irritum cecidêre. Deipara Virgo non solum à sua natali Domino Barbarorum vim arcuit; sed etiam à Piceni finibus prohibuit. Quippe Turcicæ classis Duces mutato repente Anconitanæ

oppugnationis consilio, in Samnites maritimos rabiem verterunt suam. Itaq; descensione facta, Ortonam, Vastum, Francauillam, aliaque haud obscura Samnitium oppida vi capta, ferro flammaque populantur. Samnio magna ex parte depopulato, haudquaquam tamen ausi sunt finitimam, prædæque expositam regionem attingere: ad cò præsens Lauretanæ Virginis tutela fuit. At Pontifex mirè lætus Lauretanam Ædem diuinitus præsentem exemptam periculo, suas quoque partes esse duxit providere, vt illa in posterum non tantum à periculo abesset, sed etiam à periculi metu. Ergo de architectorum sententia, vicinos oppido colles, vnde oppugnari Ædes ab hostibus posset, mœnibus, propugnaculis, fossis, aggeribus munire statuit: nimirum, vt non solum repentinos hostium impetus prohibere; sed obsidionem quoque sustinere egregiè valeret. Cæterum, pium Pontificis consilium alia ex alia cura distulit, denique mors intempestiua discussit.

Conimbricensis Episcopus malis doctus ablatum Lauretanæ Domui lapidem reddit. CAP. III.

*Tradi. Lau.
Ann. Laur.
Rer.*

NEC verò hæc tempestas, aut miraculorum expers, aut donorum fuit. Haud facile aliàs ante, tam paucis annis, tam multa,

tam

tam testata, tam sermonibus hominum celebrata miracula. Illud toto Christiano orbe celeberrimum. Ioannes Soarius Conimbricensis Episcopus vir doctrina pariter, ac pietate clarus exstitit. Is anno huius sæculi LXI. ad Tridentinum Concilium à Pio IV. indictum proficiscens, ex itinere diuertit Lauretum sub natalem Virginis diem. Ibi fufis ritè precibus, votisque persolutis, ingens eum cupido incessit ædiculam Lauretanæ similem in suo Episcopatu condendi; ad eam rem, vnum aliquẽ lapidem ex Lauretana auferendi Domo. Verùm loci Præses, ac Patronus obstabant, interdictũ Pontificium intentantes. Itaque Soarius honestum præferens titulum cultus Lauretanæ Virginis propagandi in Lusitania, quod optabat, impetrat à Pontifice: ab eoque auferit solemne diploma. Id per Franciscum Stellam assecram suum (nam ipse Tridentum perrexerat) ad Laureti destinat Præsidentem: is erat Pompeius Pallanterius. Posteaquàm Conimbricẽsis Episcopi sacerdotem Pontificali armatum diplomate ad subruendum augustissimum cellæ parietẽ venisse fama vulgavit; enimuerò nõ Præsidi magis, & Canonici, quàm oppidanis aduenisque indigna res visa: nec tam præsentĩ damno, quàm futuro exemplo perniciofa. Proinde passim querebantur, nimirum actum esse

esse de sacrosancta Virginis cella: si semel initium auferendi eius lapides fiat, breui nullum lapidem reliquum fore. Veruntamen, quia Pontificis vrgebat authoritas; Canonici, Sacerdotesq; Lauretani re diuina, ac supplicatione solemnī ritu peracta, in sanctam Virginis cellam coeunt, imperata passuri magis, quàm facturi. Cunctis tale ministerium obstinatè detrectantibus, ipsemet Stella ferro lapidem è pariete eximit, aufertque, custodibus palam frementibus. Breue scilicet gaudium illud Episcopo futurū. Auferret sanè sacrilegij minister Deo Deipareq; , quod utiq; haud ita multo post, manifesta eorundem ira esset relaturus. Vaticinatio fuit. Hæ voces, velut è cœlo missæ audacis hominis perculere pectus: & simul anxiis implevere curis. Itaq; fluctuans animo, quamuis urgente Episcopi sui imperio, octo dies totos Laureti substitit: tempusque id omne in placando omni ope Deo nequicquam absumpsit. Neque enim cœlestem leniuit iram, qui causam iræ penes se residere pateretur. Denique ipsis Kal. Decembribus dat sese in viam, haudquaquam libero religione, ac solitudine animo. Cæterū postquam sine vlllo incommodo peruenit Anconam; securus periculi iter pergēs, Deum adesse sensit suæ temeritatis ultorem. Ex eo quippe magnis semper imbribus, sædaque tempe-

tempestate vexatus, procedere tamen, quò intenderat perseverans, multa magnaque adibat vitæ discrimina, in singula penè momenta. Viæ lacunis, voraginibusque teterimæ passim obstare: torrentes obuij exitum minitari: equus, quo vehebatur identidem corruere; ipse cadens lacunis hauriri: equi subinde mutati omnes inutiles reddi. Tandem variis casibus infaustum iter morantibus, Decembri mense exeunte Tridentum aliquando peruenit, maximis incommodis periculisque defunctus. Ibi sacrum lapidem Episcopo tradit exponens, quanti tandem sibi stetisset. At Episcopus nihilo cautior factus, cum spatio diuinitus ad recipiscendum dato, non didicisset alieno periculo, didicit suo. In Februarij mensis exitu, sacrum lapidem argentea inclusum theca transmitters parabat in Lusitaniam; cum repente ardentissima correptus febris, miserandum in modum æstulare, iactarique cœpit. Ad febrim accedebat grauius atque atrocius malum, acerbissimus inguinum dolor, qui nullam sinebat eum capere quietis partem. Confestim Medici adhibentur, qui omnibus rebus frustra tentatis (quia morbi causa consuetudinem, morbus ipse superabat artem) seuerè pronuntiât, sibi nō vim, non causam morbi humanam videri. Proinde videret ipse, ne forte illud esset ab irato

irato Deo inflictum malum. Ita parùm prosperæ curationis euentum veriti, desperata eius vâletudine discesserunt. Ingens Episcopum sollicitudo inceserat anxium, vtrum occulti alicuius delicti tam atroces ab se Deus expeteret pœnas. Ergo destitutus à Medicis æstulare cœpit animo etiam magis, quàm corpore: in seipsum intentiùs inquirere: & Lauretani lapidis religione animum stimulante, precibus, gemitibusq; diuinum placare numen: ab Lauretana Virgine, si eam forte, violata eius Domo, læsisset, exposcere veniam: se ad omnia descendere satis, faciendi causa paratum profiteri. Nec in irritum missæ preces, culpam vtcumq; agnoscantis, detestantisque. Mox tacitam velut missam è cœlo vocem sibi audire visus, iubentis ademptum Lauretanæ Virgini saxum reddere. At ille veritus, ne id ægræ mentis vanum esset ludibrium, simul quod lapidem ex autoritate Pontificis haberet, simul quod tanto bono iam parto fraudare nollet Lusitaniam; animi, consiliiq; incertus hærebat. Per hæc hebdomadæ aliquot absumptæ. Stella Domini sui iussu, cœnobiis duobus sacrarum Virginum ciuitatis Tridentinæ sanctimonia inclytis, Episcopi periclitantis salutem impensius commendarat. Biduo interiecto, vnum ex vtriusque cœnobij Primoribus responsum tulit: si sal-

uus esse vellet Episcopus, Lauretanæ Virgini redderet, quod abstulisset. Ea vox, ut ad aures accidit Stellæ, animum quoq; eius parumper defixit mirantis, qui tandem de Lauretano lapide rescivissent claustris incluse Virgines, quod Tridenti quidem præter se, & Episcopum (is rem summa opetaceri iusserat) sciret nemo? Haud dubi⁹ ergo totam illis rem diuino indicio enunciatam, Domino comperta renunciat. Tum verò ille attonito similis hæsit animo; inde conscientia ictus crebros edidit gemitus. Mox super lectum ubi iacebat, cubito alleuat se, & manus pariter oculosq; tendens in cælum, manantibus vbertim lacrymis, veniam à Dei parente enixè petere insistit: ignoscere se misericors Mater pio errori: ignosceret delictum agnoscenti suum: nihil Lauretanæ Domus penes se, ipsa inuita, futurum. Fixum sibi, ac statutum esse extemplò restituere, quod accepisset: nec deesse fiduciam recuperandæ per eam salutis, lapide restituto. Proinde ipsa opem ferret, quæ spem fecisset. Nec verò, aut ille suum promissum, aut B. Virgo eius spem fefellit. Extemplò Soarius Stellam ipsum, qui attulerat, Lauretum referre saxū illud, & iter maturare iubet. Vix dum ille vrbis porta citato excesserat equos; cum Episcopus melius habere cœpit. Igitur alterum protinus cursorem submittit, qui

qui Stellam ad iter quàm maximè acce-
randum incitaret. Itaque ille mutatis sub-
inde equis, quietis pene immemor strenuè
noctes, diesque currebat, Lauretum perue-
nire festinans. Dictu mirabile: quo propius
is Lauretum accedebat (vt postea temporib-
us inter se collatis intellectum est) hoc
melius habebat Episcopus; vt eodem tem-
pore, & Virgini lapis, & salus Episcopo red-
deretur. Neque illud carere visum miracu-
lo, quod Stella non magis difficili, impedi-
toque vsus erat itinere sacrum auferens la-
pidem, quàm facili, expeditoque vsus est re-
ferens. Satis constat illum Tridento Anco-
nam (ea XV. millia passuum abest Laureto)
non toto quatrIduo peruolasse. Adeò non
tam equorum celeritas, quàm diuina quæ-
dam vis obsecundabat redeunti. Hæc uti à
me perscripta sunt, Raphaeli Rieræ, qui tum
Laureti erat, Stella ipse narrauit. Et sanè
propter euidentiã miraculi, res est omni-
um sermone celebrata.

*Sacer lapis magno apparatu, concursuque in
suo loco repositus celebratur.*

C A P. I V.

*Ann. Laur.
Rier.*

L Auretum Stella attigit mense Aprili in-
cunte. Protinus Lauretano Præsidi rem
omnem, uti gesta erat, enarrat: lapidem ar-
gentea, ut erat, theca inclusum cum Epi-
scopi

scopi litteris tradit. Quæ fama posteaquàm ad sacerdotum, qui malè ominati rem tentantibus fuerant, peruenit aures; pro se quisque fremere, Lauretanam Virginem natalis suę Domus vlticem oculos aperuisse: & ne talia posthac alius auderet, insigne mortalibus documētum dedisse. Cæterum, vbi primum relati tam euidenti miraculo lapidis fama percrebuit; cunctis oppidanis, aduenisq̃ue visendi studio concurrentibus ad portam oppidi, supplicatio est indicta. Ibi Episcopi Conimbricensis litteris (hæc rem totam ordine exponebant) propalàm recitatis, insignis miraculo lapis ornatissimo impositus ferculo, quanta maxima tum potuit pompa à Præside, Canonicis, Sacerdotibus circumfertur: & prosequentibus amplius duobus hominum millibus, in suū reponitur locum. Lapidis duplex ferri retinaculum additum, quod monumentum foret ad posteros, eum temeritate hominum exemptum, Dei prouidentia restitutum. Ipsius quoque Episcopi litteræ ad Pium Pontificem transmissæ, tamquam miraculi testes: quæ hodie cum aliis litteris ad Pontifices pertinentibus, Romæ asseruantur in arce S. Angeli, vnde nos exemplum habuimus, quod hoc loco visum est intextere. Epistola igitur totidem penè verbis in Latinum translata talis est. *Ioannes Episcopus*

R

Conim-

Conimbricensis Præsidi Lauretano S. D. Pro mea
 erga Lauretanam Virginem religione, eius adis la-
 pidem (quod te non fugit) summa ope, operaque
 curaueram. Ac demum interdicti Pontificij religio-
 ne solutus à Pont. Max. impetrarã, Cardinale Car-
 pensì Laureti Patrono non inuito. Sed Deus, ac Dei
 parens haud obscuris argumentis mihi denuncia-
 runt, vt ablatum lapidem Lauretum remitterem.
 Quippe & inusitatus morbus prosperam meam va-
 letudinem diuinitus afflixit: & piorum, Deoq³ ac-
 ceptorum hominum monitu hanc morbi causam es-
 se perspexi. Itaque ego nulla interposita mora, ve-
 niam, pacemque precatus à Deo, eiusque sanctissi-
 ma parente, sacrum lapidem per eundem Franci-
 scum Stellam Aretinum sacerdotem meum, qui
 istinc eum abstulerat, referendum curavi. Quæso
 obtestorque, vt remissum, qua par est religione, cæ-
 remoniaq³ recipias, ac suo reponas loco, vna cum
 calce, quæ pariter remittitur. Vnum oro, vt arculas
 argenteas, quibus ea continentur, velut testes mira-
 culi asserues ad posteritatis memoriã sempiternam.
 Gratissimum quoq³ mihi feceris, si Card. Patronum,
 ipsumq³ Pontificem Max. de tota re feceris certio-
 res, vt posthac Censuras Ecclesiasticas in Ædis Lau-
 retanæ violatores ratas esse, ac sanctas velint; ne
 quid omnino illinc in posterum auferatur. Orabis
 etiam cum istis sanctis sacerdotibus B. Virginem, vt
 hoc quicquid est, siue erroris, siue culpæ clementer
 mihi condonet. Data Tridenti V I. Id. Aprilis, Ann.
 M. D. LXII. Subinde tam certi, exploratiq³
 mira-

miraculi fama per Picenum Italiamq; vulgata, & loci religionem, cultumque plurimum auxit, & maximam vndique peregrinorum molem cum donis exciuit. Satis constat, intra vnus mensis spatium, supra quinquaginta aduenarum millia confluisse Lauretum, studio celebrati fama lapidis visendi osculandi que. Nec alia res illa tempestate, sermonibus hominum celebratior fuit.

Plures præcipitis ruinæ periculo liberantur. CAP. V.

PER idem tempus Deipara Virgo haud minus mortalium salutem, quam domum suam sibi cordi esse claris indiciis ostendit. Troilus Ribera vir nobilis Lauretū voti causa petens, haud procul maritimo Piceni castello (Cryptas vocant) per abscissas rupes iter faciebat eques. Ibi fallente vestigio, ex præcipiti in subiectum maris litus, equo inhærens deuoluitur, Lauretanam subinde Virginem inclamans. Nec defuit diuinum auxilium: mira res dictu, visuque. Equus cum equite de rupe reuolutus hæsit in semita propter mare: ipse etsi gladio ac pugione præcinctus, incolumis euasit, nullaque læsus ex parte. Ita Lauretum ad duplex votum exsoluendum, lætus, atque alacer tendit. Geminum ac par discrimen Salustius

*Anno Laur.
Riera.*

Turmæ equitum Pij IV. Ductor, ope Beatę Virginis effugit. Is in altissima rupe Vmbrię iter faciens simul, cum equo corruit præceps. Sed in ipso periculo memor B. Virginis Lauretanę, quam ante adierat, eam lacrymabundus implorat. Adfuit ruenti B. Maria, & præsentem strenuè opem tulit. Itaque ille, etsi ad imam vsque vallem deuolutus, tamen sine vlllo grauiore incommodo surgit: & erat altitudo rupis, vnde exciderat cubitorum ferè centum, ne quis eam rem miraculo eximeret. Parem in pari periculo B. Virginis opem expertus est Iosephus à Monte Feltrio: hic editam conscenderat turrim ea mente, vt ibi statueret trabem. Cæterum, vestigio fallente delapsus ferebatur præceps. Ibi tum Virginem Lauretanam inuocans extemplò visus sibi cœlesti quadam vi, & quasi manu sustineri, ac paulatim sine molestia, periculoque demitti. Igitur solum attigit integris non solum membris, sed etiam sensibus. Illud autem admirabilius. Augustinus Cremensis Catari erat in Vrbe Dalmatię an. M. D. LXIII. Iunio inunte, quo tempore ingens terremotus bonam vrbis partem hausit, strauitue & Franciscum Priulum Prætorem vrbis cum vniuersa familia oppressit, haud miserabili magis, quàm memorabili clade. Tum igitur Augustinus, & ipse communis periculi particeps,

ticeps, B. Mariæ Lauretanæ implorauit opem : nec frustrâ. Illi subita parietis ruina obruto , vestimentis dilaceratis , summa dumtaxat cutis perstringitur. Ita omnium opinione mortuus,repentè B. Mariæ præsidio existit incolumis. Cuius incolumitatem illustriorem fecit aliorum, qui par discrimen subierunt,fæda ac miseranda mors.

Nauta amissa naui, Beata Virginis ope seruatur. CAP. VI.

NEC minor in maris tempestate sedanda, *Ann. Laur. Riera.*
quàm in terræmotu B. Virginis Lauretanæ vis exstitit. Sardus erat quidam Nauarchus peritus, & grauis : qui è Constanti-
nopoli onustam mercibus adducebat nauim. Hæc anno huius sæculi LX. ipso perui-
gilio S. Andreæ Apostoli, cum iam Miletus Asiæ minoris Vrbs in conspectu esset, re-
pentè aduersa tempestate iactata, & validis verberata fluctibus fatiscere demùm cœpit.
Præcisa erat portus capiundi spes : & iam magis ac magis dehiscens carina vbertim
admittebat aquam. Ergo Nauarchus, nau-
tæq; humana ope damnata, Virginem Lau-
retanam inuocant supplices. Nec furdīs au-
ribus adhibitæ preces. Iam propè erat, vt
nauis paulatim demersa hauriretur flucti-
bus, cum nautis, vectoribusque veniam ex-
poscentibus à Deo, Deiparæque auxilium

certatim implorantibus, repentè inter nocturnas tenebras lux cœlestis affulsit, quæ trepidis, & animos addidit, & viam ostendit salutis. Protinus scapham vident in mediis fluctibus penè immotam stare, velut ad effugium diuinitus paratam. Itaque cuncti ea strenuè conscensâ, cœlestem lucem præeuntem, quasi Ducem itineris sequuntur, Lauretanam esse Virginem rati. Paululum prouecti erant, cùm respectantes, nauim, quam reliquerant, haustam fluctibus cernunt. Deo igitur, Deiq; parenti gratias, laudesq; iterantes, cœlestis luminis ductu in Adriaticum sinum deferuntur: ac tandem Italiæ oram legentes Anconæ portum capiunt, ipso Apostoli Andreæ solemni die. In terram egressis haud minori miraculo itineris celeritas, quàm Ducis benignitas fuit. Compertum quippe est paucarum horarû spatio millia passuum amplius mille scaphâ peruolasse. Itaque è vestigio Lauretum profecti, sacrisque mysteriis ritè expiati. Deiparæ Virgini vota exsoluunt, miraculum enunciant, prædicantq;.

*Duo viri à fulminibus liberantur. Duæ item
fœmina steriles fœcundantur.*

CAP. VII.

*Ann Laur.
Rier.*

HAud præsentior aduersus fluctus, quàm
aduersus fulmina tutela existit B. Maria

riæ Lauretanæ. Antonius à Sancto Stephano Castello Lucensis ditionis, atroci procella ingruente, turrim ascenderat, campanum æs de more pulsaturus. Ecce tibi fulmen è cœlo ruens turrim cum Antonio deiicit, qui fulmine afflatus, ruinaque oppressus, quatuor horas iacuit exanimis, obrutusque ingenti cumulo saxorum. Plura eodem tempore pro Antonij salute vota à propinquis Lauretanæ Virgini facta, quæ haud irrita ceciderunt. Remoto lapidum aceruo. Antonius viuis, valensque inuentus est. Qui breui receptis viribus, Lauretum venit anno. M. D. L. XV. Deiparæ vota reddit, expertâ eius opem impensius prædicâs. Huic aliud simile eodem ferè tempore. Marcus Antonius Ficinus à Monte Feltrio Carpenianæ Parœciæ Sacerdos turri, conscensa, ære campano sacrificij signum dabat. Ceterum, subito ictus fulmine Lauretanam inclamat Virginem. Ergo afflatis dumtaxat humeris, vestituq; ambusto, ipse haud dubiâ B. Mariæ ope saluus euadit. Properè igitur Lauretû accurrit, vota Deiparæ reddit, voti uam tabellam nobilem, miraculi ad posterum testè relinquit. Nec min⁹ abolita clarissimis fœminis sterilitas Lauretanam Virginem eadem tempestate nobilitauit. Iulia Roburea Alfonsi Estensis vxor complures in matrimonio annos cum viro transegerat

prolis expers. Ad vltimum damnatis Medicorum remediis, ad diuinum se conuertit auxilium. Itaque Lauretum venit, animoq; rite expiato, Virginem implorat, stirpem virilem exposcens. Addit precibus votum, si filioli compos fiat, se ad Lauretanam Ædem cum muneribus redituram, aut si quis casus obftet, pios viros suo loco cum donis esse missuram. Concepto voto domum reuersa prolem concipit; sceliciq; enixa partu pulcherrimum edit infantem. Protinus voti memor infantis effigiem egregiè pictam in argentea lamina pondo librarum octo: donum Virgini misit, & additus dono titulus accepti beneficij testis:

ALPHONSVS ESTENSIS ALPHONSI
F. ALPHONSI DVCIS FERRARIEN-
SIS N. ORTVS IDIB. NOVEMB.

ANN. M. D. LX.

Huius miraculi fidem aliud consimile adfirmavit. Bernardinus Sanseuerinus Bissiniani Princeps huius, qui nunc est, pater plurimis iam annis cum coniuge exactis, nullos ex ea liberos genuerat. Igitur Medicorum, medicamentorumq; spe diu frustratus mœrebat non modò expers, sed etiam expes prolis, quam relinqueret tantę ditionis hæredem. Ad vltimum, quod natura negabat, sibi à Deo, Deiparaq; precibus expo-

exposcendum ratus est. Voto nuncupato, Lauretum cum vxore contendit. Beatam Mariam ambo enixè orant, optatam sobolem exposcunt. Nec diu Beata Virgo eorum spem morata est. Enimuèrò, priusquàm Laureto discederet Princeps, vxorem veterum ferre certis indiciis comperit. Ac breui constitit, eodem illam tempore, quo votum domi conceperat, optatam sobolem concepisse. Cæterum, nescio, quo casu id beneficium breue, ac fugax fuit. Princeps paucis annis, quàm pater factus erat, vnico orbatur filiolo. Nec tamen Beata Virgo eius fefellit spem, votumque. Haud ita multò post alium genuit filium, qui patri superstes, nunc Bisiniani obtinet Principatum.

Multis desperata sanitas restituitur.

C A P. VIII.

MUltis quoque per eadem tempora salus (quamuis desperantibus Medicis) diuinitus reddita. Cardin. Moronus periculofo implicitus morbo, Lauretana Virgine implorata, repentè conualuit. Itaque damnatus voti Lauretum protinus venit: & Beatę Marię actis, exstare voluit diuini muneris monumentum. Proinde votiuam inibi tabellam suspendit hoc maximè titulo insignem:

*Trad. Lau.
Ann. Laur.
Riera.*

*Card. Mo-
rons votū.*

IOANNES CARD. MORONVS EPISC.
PORT. GRAVISSIMA INFIRMITATE
OPPRESSVS, A DEO, INTERCES-
SIONE B. MARIE
SEMPER VIRGINIS LIBERATVS, VO-
TI COMPOS VOTVM PERSOLVIT,
AN. DOM. M. D. L. XV.

*Julian. Ca-
sar. morti-
fero morbo
eripitur.*

Aliud admirabilius, sed paulò antiquius.
Iulianus Cēſarinus ex Romanis Proceribus,
de quo ante diximus, anno huius ſæculi
LX. difficili, diutinaque dysenteria confe-
ctus iacebat. Exhaustæ iam erant cum cru-
ore vires: nec magis iam Medici, quàm eius
domestici, ac propinqui actum de eius salu-
te credebant. At ille expertæ aliàs Laureta-
næ opis memor Deiparam inuocat. Proti-
nus cunctis stupore attonitis, periculo exi-
mitur. Quo propior morti erat, hoc euidē-
tius miraculum fuit. Sequitur aliud genere
dispar, euidētia par. Ioannes Bapt. Aſcula-
nus multos iam annos laborabat ex pedibus
adeò grauitè, vt per se ipse ingredi haud-
quaquam valeret. Igitur damnata Medico-
rum spe, Lauretanæ Virginis opem implo-
rat. Cōfestim equo vectus Lauretum venit.
Quò postquam ventum est à duobus fami-
liaribus in augustissimam cellam delatus, si-
mul B. Mariam venerabundus salutauit, ex-
templò pristinam valetudinem recuperauit
pedum, sic prorsus, vt per se suis pedibus re-
grede-

*Aeger ex
pedibus sa-
uatur.*

grederetur ad hospitium, vnde eum in sacrosanctam cellam modò ægrum, & pedibus delatum esse constabat.

Duo Energumeni à vexatoribus Diabolis liberantur. CAP. IX.

PAr in Diabolis, atque in morbis depellendis, B. Mariæ virtus enituit. Illyrica subinde mulier Paula nomine, diu multūq; à malorum Dæmonū manu, quibus obsessa tenebatur, vexata, fanè mirabile, ac multiplex Lauretanis incolis, aduenisq; spectaculum præbuit. Quippe cæteris humanis, diuinisq; remediis frustra tentatis, statuit ad Lauretanam Virginem, certissimum ærumnosorum perfugium, conferre sese. Ergo Dæmones salubri consilio, itineriq; obstare summa ope: & Lauretanum iter ingressam modò fremitu, & clamore horrendo in fugam auertere; modò obfirmato pergentē animo prostrernere humi; aliàs ipsam instigantes in itineris comites, sociosq; incitare adeò, vt latratibus, infestisq; dentibus cunctos à comitatu absterret suo. Vicit tandem siue hominum pietas, siue diuina vis diabolicas artes. Itaq; quamuis obluētans mulier à valida, minimeq; timida virorum manu abripitur in sacram Virginis cellam. Pius, ac peritus talium rerum Sacerdos adhibetur, à quo per incarnati inibi Verbi

Verbi mysterium iussi facessere, tandem Diaboli abscedunt muliere exanimi relicta. Cæterum, illam deinde receptis viribus, actisq; gratiis abeuntem haud procul Lauretor rursus inuadunt. Igitur retracta ad B. Virginis Ædem, mira quædam edere cœpit, vaticinari, arcana patefacere multorum, peregrinis subinde linguis eloqui. Mirari primò, qui aderant, inde admiratio in misericordiam verti. Horum precibus exorata Virgo exagitatores illos denuò exegit. At simul Laureti porta mulier pedem extulerat, confestim importuni illi vexatores aderant: & in eam, velut in antiquam possessionem suam remigrabant. Id cum iterum, ac tertio euenisset, sensit aliquando mulier, se extra Lauretum saluam tutamque ab illis monstris esse non posse. Constituit ergo Laureti vitam degere: & sub ymbra, tutelaq; Beatæ Virginis latere, eius semper obsequiis addicta. Ibi inter talia annis aliquot absumptis, fœlici exitu, supremum expleuit diem. Aliud eodem ferè tempore accidit huic haud sanè absimile. Alexander Galiardinus Bononiensis Caupo fuit non ignobilis, is charissimam habebat filiam à quatuor terribis diabolis vexatam miseris modis. Hanc igitur magna spe, ac fiducia Lauretanæ Virginis fidei, tutelæque commendat: nec frustra id fuit: paulò post excussis infestis

ftis illis vexatoribus, liberam & incolumem
filiam recipit. Voti compos eam Lauretum
adducit, Deiparæ Virgini gratias acturus, &
Lauretani auxiliij testis futurus.

Cæcis duobus videndi facultas redditur.

C A P. X.

CÆcis quoque per idem tempus videndi *Ann. Laur.*
facultas reddita. Petrus Romanus Fa- *Riser.*
uentinus erat Neophytus, qui vtroque ca-
ptus lumine multos iam annos in perpetua
nocte mœstam trahebat vitam. Ad vlti-
mum fama de Lauretanæ Virginis miracu-
lis Fauentiam perlata ad spem visus recupe-
randi torpentem eius animum erexit. Lau-
retanam itaque Virginem bonæ spei plenus
implorat. Mira dictu res: dum magna spe
insistit precibus, repentè discussis tenebris,
optatâ recipit lucem. Res satis testata. Lau-
retum is venit anno M. D. LXIV. Anniba-
lis Casalij Protonotarij Apostolici, & Vica-
rij Fauentini testes miraculi litteras protu-
lit. Aliud huic simile. Thomas Parmensis ex
longinquo, atrociq̃ue oculorum morbo,
lumina prorsus amiserat. Desperata igitur
humana ope, ad diuinam spectare cœpit.
Nocte quadam acri oculorum dolore exci-
tus è somnó, in ipso grabato, vbi iacebat,
submittit genua venerabundus: Deiparam
Lauretanam enixè inuocat: veniam à Deo,
lumi-

luminumque sanitatem per eam exposcit, si voti compos fiat, se Ædem Lauretanam aditurum vouet. Et votum Deo, Deiparæque cordi fuit. Cum recubuiſſet Thomas, dulci correptus ſomno paulisper quicuit. Inde euigilans orti iam ſolis lucem ſanis, ac vegetis oculis lætus hauſit.

Mutis duobus B.V. ſubuenit, alteri linguæ vſum, alteri exſectam linguam reſtituens. CAP. XI.

*Ann. Laur.
Ricra.*

NEc in cæcos B. Virgo benignior, quàm in mutos fuit. Ioānis Vbaldi Patauini clariffimi copiarum Ducis paruus filius comitiali oppreſſus morbo, vſum amiſerat linguæ. Iam triennium mutus, atque æger iacebat, cum eius pater deſperata Medicorum ope, Lauretanæ Virginis implorauit auxilium. Et auditæ paternæ pro filio preces. Extemplò puer priſtinam non tantum linguæ, ſed corporis quoque diuinitus recuperat ſanitatē. Igitur anno M. D. LXIII. Lauretum à patre adductus: Deiparæ Virginis ab vtroque grates actę: vota impensè redita: tota res Lauretano Præſidi, aliisq̃ compluribus enarrata. Cæterum illud, vel maximè admirabile. Samnitū Prætor Lauretum petens Ciuitellam diuerterat. Ibi nefarium hominem deprehendit aſſuetum in Deum, ac Virginē Lauretanam, impia ſubinde

inde verba iactare. Ergo infensus ira protinus exēpli prodendi causa, vāsanam magniloquentiam exsecta sacrilego lingua vindicauit. Neque hoc contentus, eundem in custodiam traditū asseruari sedulò iubet, quoad ipse Laureto regressus decerneret, an esset pœna grauiore multandus. Itaque miser ille supplicio sumpto æger, intentato sollicitus aliquando resipuit, & scelere in cultum verso, dies noctesque Lauretanam Virginem tacitis placare precibus, votisque institit, obsecrans, vt infensam sibi Proregis leniret iram: daretque facultatem animi labe sacra confessione expiandi. Nec ingrata Virgini, irritæue exstiterunt impij hominis resipiscentis preces. Haud multò post species Deiparæ illi in somnis oblata est iubentis eum bono animo esse: breui fore, vt custodia emissus ad Lauretanam Ædem pergeret: ibique peccata confiteretur, nouę linguę subsidio. Prædictionem comprobauit euentus. Experrecto quædam quasi linguæ renasci cœpit, qua haud sanè ægrè sensa exprimeret mentis. Et Prorex Laureto reuersus re cognita, parcendum existimauit, cui Virgo ipsa pepercisset. Confestim igitur eum liberū dimittit monitum, vt suo posthac periculo saperet. Datisque ad Pœnitentiariorum litteris miraculi testibus, Lauretunū destinat gaudio gestientē ad vota reddenda.

Quò

Quò vbi venit, haud magis Proregis epistola, quàm res ipsa miraculi fidem omnibus fecit. Quippe patefacto oris hiatu (mira dictu, mirabilior visu res) simul recisam linguam, simul lingulam quandam subnascentem videbant, & tamen vbi ille vellet, quamquam blefo ore, audiebant loquentem. Neq; hic stetit res. Postquàm domum reuertit, sacris mysteriis bis, teruè perceptis, noua lingua ad iustam magnitudinem nouo excreuit miraculo. Itaque Lauretum denuò ad agendas Deiparæ grates profectus, iis ipsis, qui exsectam paulò antè linguam viderant (quorum ex numero Raphael Riera fuit, qui hæc memoriæ prodidit) immortalis B. Mariæ dono renatam ostendit, cunctis rei nouitate atq; admiratione attonitis, & tam eximium, tamque illustre miraculum B. Virgini gratulantibus.

*Iudæus à Beata Virgine vinculis exemptus,
Laureti Baptismo expiatur.*

C A P. XII.

*Ann. Laur.
Riera.* **N**Ec Christianos solùm, sed etiam Iudæos Lauretana Virgo suæ benignitatis, opisq; participes fecit. Nazarenus fuit Hebræus vir aliòqui grauis, ac prudens, qui Nazarethi habitabat in vico, vbi Lauretanæ Domus diximus exstare vestigia. Is igitur ex loci vicinitate, de quo multa fando audierat

dierat admirabilia, religionis aliquid traxerat. Iam Mariæ cui fauebat suæ, quam tanto à Christianis coli honore cōgnorat: iam à Christo ipso eandem ob causam haud sanè multum abhorrebat. Cæterum, vt est genus hominum durum, atq; obstinatum, in auita hærebat superstitione, qua illum à puero diuturnus vsus implicauerat. Sed grauis calamitas tandem obfirmatum animum flexit. Iam sexagenarius ob patratum nescio, quod faciūs, à Turcis comprehensus æternis addicitur vinculis. Tandem ærumnis confectus, desperata salute corporis, de animo cogitare cœpit: mox iniecta diuinitus ingenti salutis cura, veniam à Deo mundi conditore suppliciter orare institit, ita victa malis obstinatio, & diuina lux caliganti animo oborta. Ergo, & IESVM Christianorum Messiam, & Mariam Messiæ Matrem venerabundus implorat. Id cum impense fecisset, discedit cubitum spei, ac fiduciæ plenus. Nec vana spes fuit. Eadem nocte secundum quietem se illi obtulit Christus: quem cum ex specie, qua coli à Christianis solet, agnouisset; verum Deum, ac Messiam professus, insuper supplex adorauit in somnis. Confestim illi eximia pulchritudine, ac maiestate virginis species oblata est, cuius iussu altera virgo eius comes Nazarenum catenis eximit, quibus vinctus tenebatur: foribusque

S

carce-

carceris reſeratis, adhuc ſopitum ſomno, ſed per quietem, quæ re ipſa gerebantur, videntem deducit ad portum. Ibi potior virgo, quæ alterius Domina videbatur, nauiculam paratam oſtendens: Iam liber es inquit, eſto liberatricis memor: en tibi effugium paraui, nec deero fugienti, tu modò Lauretum, quod oppidum in Piceno Italiæ regione eſt, pete: ibi Chriſtianis initiatus ſacris ad Mariæ aram te ſiſte, ſuſcepto conſilio vitæ melioris. Tum verò Iudæus gratiis vtriq; ac præcipuè ei, quæ primas tenebat, actis, orare liberatricè ſuam, vt nomen ſuum edere ne grauetur. Et illa cum ſe Mariam Lauretanam, Luciam comitem eſſe dixiſſet, ſubitò cum comite ex oculis abiit. Tum demum euigilans Hebræus veram rei geſtæ ſpeciem ſibi in quiete oblatam ſenſit. Dum rei miraculo defixus hæret, nullumq; grates agendi Lauretanæ Virgini modum facit nauicula, quam B. Maria hortante, cõſcenderat per maria ſua ſponte incredibili celeritate ferebatur. Itaque diuino ductu impulſuq; Anconam appellitur biduo. Miraculo deinde vulgato, à Primoribus ciuitatis benignè accipitur, quibus inſtantibus, vt ibi Baptiſmate ablueretur, at qui, inquit, Maria Chriſti mater Laureti me baptizari iuſſit. Ergo à Prætore Anconitano cum litteris commendatitiis diſmiſſu.

nissus Lauretum pergīt: ibique Christianis
nysteriis satis imbutus Baptismo expiatur,
ngenti vel suo; vel aliorum gaudio, sæculi
uius anno LX. Tota res ab ipso per inter-
pretem Rieræ, & aliis enarratur.

*Præcipua dona Pio Quarto Pontifice Ma-
ximo Lauretum lata, missa uē.*

CAP. XIII.

NEC verò tam fœcunda miraculorum
tempestas donorum sterilis fuit. Car-
dinalis S. Praxedis effigiem suam à pectore
argenteam pondo librarū quinque. Franci-
scus Caetanus è nobilitate Romana aræ or-
natum aureum. Cardinalis Aragonius ar-
genteum Phrygio opere & margaritis insi-
gnem. Alij porrò minùs nobiles alia mino-
ra dona Virgini attulerunt, quæ persequi o-
peræ non est. Nec ignobilis pietas illustriū
fœminarum. Iuliæ Roburæ donum fuit
sacerdotalis vestis argentea, opere Phry-
gio magnificè picta. Ducis Grauinensis a-
miculū aræ ex Attalica veste crispante. Du-
cis Montis Alti pluuiiale ex textili aureo: al-
terum Clæliæ Farnesiæ ex holoserico raso
liliis aureis conspicuum, nec faciliè aliàs in-
signiora tam paucis annis ciuitatum oppi-
dorumque dona exstiterunt. Spelli oppidi
in Vmbria effigies missa ex argento librarū
trium. Altera Sarnani in Piceno lib. XI. Alia

*Codi. Laur.
Car. S. Præ-
xedis D.*

*Franc. Cae-
tans D.*

*Card. Ara-
gon, D.*

*Ducis Grā-
uinensis D.*

*Ducis Mon-
tis Alti D.*

*Clælia Far-
nesia D.*

*Spelli oppi-
dis simulacr.*

argent.

*Sarnā. sim.
argent.*

Arretij sim. Arretij in Hetruria pondo VIII. Firmi quo-
argent. que vrbis simulacrum argenteum alterum
Firmi tria (nam alterum ab hinc XXX. ferè annis mis-
simulac.ar. sum) pondo XXII. his tertium accessit hac
gent. eadem tempestate, item ex argento, & ma-
 gnitudine, & pondere eximium, quippe li-
 brarum XXXIII. Adiectus titulus votium
 donum nobilius fecit:

VRBS FIRMANA

OB RECUPERATAM REM PVB.

EFFIGIEM HANC ARGENT.

DIVÆ MARIÆ DE LAVRETO

VOTO PVBLICO D.

Hæc præcipua Lauretani sacelli miracula
 ac munera Pio IV. Pont. Max. litteris confi-
 gnata reperio.

*Pij V. de Lauretana Aede testimonium, &
 Roberti Saxatelli, illo Pont. opera.*

CAP. XIV.

*Ann. Laur.
 Riera.*

PIUS Quintus inde Pontificatum exce-
 pit, cuius inclyta omnibus in rebus pie-
 tas in D. Mariæ Lauretanæ cultu satis eni-
 tuit. Nihil quippe illi antiquius fuit, quan-
 vt eam suo aliquo munere insignem face-
 ret. Proinde inter primum Pontificatus su-
 rudimentum, illustre in suo monumento
 testimonium Ædi Lauretanæ dedit. Nan-
 cæreos agnos de more consecraturus, effi-
 giem Domus Lauretanæ Angelorū hume-
 ri:

*Py r. . esti-
 monium.*

is vectæ multis eorum imprimēdam curavit, cum hoc titulo: VERE DOMVS FLO-
 RIDA, QVÆ FVIT IN NAZARETH. Quod quidem talis, tantiq̃ Pontificis testimonium eo nobilius censendum, quo plures orbis Christiani partes cum sacro-
 um agnorum imaginibus peragrauit. Neq; eo contentus Pontifex, Cardinali Vrbinati Edis Lauretanæ tutelam impensius commendauit monito, nihil vt omnino prætermitteret, quod ad eam ornandam, augendamq; pertinere existimaret. Itaq; optimus Cardinalis ad id sua sponte protinus, impellente Pontifice, in eam curā totus incubuit. Nam Pallanterij successor Ioan. Baptista Maresmontius semestris Præses procuratione Lauretana, Vbaldus deinceps Venturellus paucis mensibus etiam vita excesserat. Cardinalis itaque Vrbinas pari animi magnitudine, ac pietate mādāta Pij Pontificis faciens, Robertum Saxatellum virum manu, *Robert. Saxatellus.*
 & cōsilio promptum Laureto præfecit cum summa potestate. Nec egregia Saxatelli industria Cardinalem, aut Pontificem frustrata est. Illo authore, ad augendam Lauretani templi maiestatem, Sacerdotum, Canonicorumq̃ delectus habitus: eximiis vndiq; cantoribus ingenti pretio accitis, symphonicorum chorus nulli secundus institutus: sacra supellectile aucta, tabulis pulcherri-

*Sybillarum
signa XII.*

*Aenea Gal-
na quatuor.
Bina Apo-
stolorum si-
mulacra.*

cherrimè pictis, peripetasmatis comparatis
nitor altaribus, téplo, splendor additus. Il-
la autem præcipua augustissimæ cellæ orna-
menta. Sybillarum signa duodecim è Ligu-
stico marmore pulcherrimè facta, & in suis
loculamentis disposita: quatuor insuper æ-
neæ valvæ ianuis impositæ mirabili opere
cælataæ, Hieronymi Lombardi nobilis illa
ætate statuarij, & fictoris manu. His accessse-
runt bina Principum Apostolorum simu-
lacræ ex argenteo sesquicubitalia, præclara
arte perfectæ, præcipuis diebus festis orna-
mēto altaribus futura. Quinetiam Sanctis-
simæ Eucharistiæ honestè, ac decorè ad æ-
gros deferēde, mortuis ritè sepeliendis, No-
minis Iesu, & Mariæ religioni tuendæ, sode-
litates quatuor institutæ, Corporis Christi,
Misericordiæ, Nominis Iesu, Rosarii quæ B.
Virginis. Et suum cuique sacellum cum
sacra suppellectili, suus ad conueniendum
locus, suæ leges datæ. Quibus sodalitatibus
ingens sanè, & Lauretano populo com-
modum, & templo decus accessit. Nec tem-
pli finibus Saxatelli se tenuit cura. Publi-
cam bibliothecam cuiusque generis libris
instruxit. Noxiis nemoribus, quæ supere-
rant excisis, circumiacentes lacunas peni-
tus exsiccauit. Submoto quæ Musionis flu-
uij mœnia subterlabentis alueo, Lauretana
habitationem longè salubriorem fecit. Ind

et peregrinis Lauretum petentibus liber,
 & expeditus vndique pateret accessus, vias
 omnes, quæ Lauretum ferunt, iam longo v-
 ſu vitiatas, atque corruptas partim latercu-
 o, partim glarea ſtrauit. Quamquam ho-
 rum pleraque Pio V. Pontifice inchoata o-
 pera Gregorio XIII. deinde perfectæ. Na-
 uigium quoque ingens ſubuehendis è Dal-
 matia ingentibus ſaxorum glebis, ad Lure-
 tanæ ædificationis vſum, Saxatellus ædifica-
 uit: magnamque ſaxorum vim Lauretum
 ſubuehendam curauit. Hiſce lapidibus à Io-
 anne Boccacino architecto haud ignobili,
 præclara Baſilicæ Lauretanæ faciès antiquo
 opere ſtrui cœpta.

*Domus Lauretana hospitalitas, eleemoſy-
 naque. C A P. X V.*

NEc Saxatellus templo, oppido, viis or-
 nandis intentus, charitatis, benignita-
 tiſque Chriſtianæ munia intermiſit. Cen-
 tenos primo, inde ducenos, ſæpè etiam tre-
 cenos, eoque amplius pauperes peregrinos
 hoſpitio exceptos, haud ſanè malignè ale-
 bat, quotidie. Et quoniam verus Xenodo-
 chiũ viris erat attributum; creſcentes indies
 fœminarum quoque multitudine, nouum
 mulieribus hoſpitium exſtruxit, inſtruxit-
 que, Hoſteſtiores etiã pauperum, quos à pe-
 tenda propalàm ſtipe retardabat pudor, oc-

*Hoſpitali-
 tas Domus
 Lauret.*

culta iuuabat ope. Princeps quoq; viros humaniter æquè liberaliterq; tractabat. Lauretanam Virginem omnium gentium, omnium fere ordinū hospitam diceres. Haud facile aliàs apparuit magis diuina prouidentia in humana iuuanda benignitate. Eleemosynarum, votiuæque pecuniæ tanta vis exstitit, vt ad tot, tantaq; pietatis, Christianæque benignitatis opera non suppeterent solū, sed etiam superarent. Adeo res familiaris Dei causa erogata, diuina quadam vi cumulatior redit. Ita que Saxatellus œconomus vnicus ad augendam rem Lauretanam versus, ex pecunia, quæ supererat (quo benignitatis fons perennis foret) luculenta sanè, ac frugifera coemit prædia. In agro Recinetensi Montem Vrsū à Comite Bonarello aureorum millibus decem, totidem Turscionem in Auximano, alios porro fundos in agro Castri Ficardi, egregium prædium (Aquauiuam appellant) duobus aureorum millibus & ducentis. Vineas tribus millibus. Et prata, ac saltus, ne vacua, & otiosa forent, armentis bouum, equarum, bubalorum, gregibus ouium, caprarum, aliorumque pecorum impleuit. Quibus ex rebus cum aliæ commoditates plurimæ, tum verò annum vectigal ternorum ferme aureorum millium Lauretanæ Domui accessit, haud leue subsidium benignitatis, cultus-

cultusque diuini. Hæc autem ferè omnia, sub Pio Quinto Pontifice, superfluente pecunia comparata. Adeo quod abundè dabatur pauperibus ingenti scœnore reddebatur. Deum cum hominibus liberalitate certare diceres. Quin etiam Pius Dei Vicarius *Pij V. Donum.* diuinum pro virili parte consilium iuuuit. Nunquam enim cuiusquam gratia aut preces flectere eum potuere, vt tota in Lauretanæ Domus emolumentum cedentia in alia pietatis opera conuerteret, adeo fixum habebat, vnde accepta essent beneficia voventibus, inibi vota soluenda: nec vsquam melius votiua munera, quàm in Lauretanæ Domus ornamentis, & hospitalitate collocari.

Pij V. & aliorum Principum dona.

CAP. XVI.

NEc nullam Pius Pontifex sui erga Lauretanam Virginem meriti gratiam, ac mercedem retulit. Michaellem Bonellum Cardinalem Alexandrinum sororis nepotem graui, periculosoque implicitum morbo, iamq; morti proximum dolens, B. Virgini Lauretanæ pro illo vota fecit, haud frustra. Extemplò Pij Pontificis preces auditæ, moribundo Cardinali salus reddita. Et Pontifex voti compos celeritati diuini muneris pari religionis celeritate respondit. Vt

*Ann. Laur.
Rier.
Pij V. Gosa,
ac D.*

*Cardi Ale-
xandrini D.*

primum Michael per valetudinem iter illud exsequi potuit, eum ad Lauretanam Virginem misit, receptę diuinitus salutis testē votiuo cum dono futurum. Donum fuit arę, & Sacerdotis præclara vestis argentea, opere crispo, hoc insignius quod, & pro egregij Cardinalis salute, & à Pio Pontifice mittebatur. Nec facilè aliàs plura Lauretum tam paucis annis Cardinalium munera al-

Card. Mantuani D.

Card. S. Georgij D.

Card. Montini D.

Card. Riarij D.

Card. Montis Alci D.

Cardin. Al-taem. Donum.

Card Perusini D.

Card. Pacechi D.

Card. Vinerij D.

lata. Cardinalis Mantuani arę ornatus ex veste Attalica. Cardinalis S. Georgij ex eadem materia vestis sacerdotalis. Cardinalis Montini arę amictus ex Attalicā veste bifariām crispante. Cardinalis Riarij arę, & sacerdotis ornatus ex veste Damascena, effigiesque Christi, & candelabra cubitalia ex argento, haud vulgari opere facta. Cardinalis à Mōte Alto (is postea Xystus Quintus Pontifex fuit) duplex altarium, simplex sacerdotis, ac ministrorum solemnibus sacris operantium amictus, ex veste Damascena aureis floribus ingentibus pulchrè, sciteque distincta. Cardinalis Sittici ab Altaemps sacerdotalis ornatus ex auro, argentoque, opere tàm reticulato, quàm Phrygio contextus. Cardinalis Perusini sacerdotalis amictus opere Phrygio conspicuus: alius huic ferè geminus eadem materia, & opere Cardinalis Pacechi. Denique Cardinalis Vinerij pluuiiale præclarum, sacerdotisque,

tisq̃ue, ac ministrorum solemni cærimonia
sacrificantium vestes aureæ, ingentibus flo-
ribus; auro crispo, & opere Phrygio insi-
gnes. Nec ciuitatū munera desiderata. Ca-
mertes pluuiæ ex textili aureo: Fabrianen-
ses calicem argenteū magnitudine, ac pon-
dere egregium: Viterbienses aræ amictum
ex auro, argentoq̃ue contextum Lauretanę
Virgini dona portarunt. His accessere alia
haud ignobilia, vel illustrium virorum, vel
ignotorum hominum dona, quorum me-
moriam, nescio, quo casu intercudit. Exstat
nudi pueri statua penè cubitalis ex auro so-
lido, mira arte perfectæ, cuius author, &
causa non proditur: alij aliò trahunt: vul-
gatiore famæ est, votiuum donum esse Prin-
cipis Asculani vnus è Regni Neapolitani
Proceribus: ei filium in Principatus auiti
spem genitum, pede, manuq̃ue contracta
deformem fuisse. Cæterum, B. Virgine Ma-
ria Lauretana à parentibus inuocata, voto-
q̃ue pro filij incolumitate suscepto, diuini-
tus illi vsum redditum esse membrorum. Et
sanè huic famæ ipsius quoque statuæ habi-
tus ac gestus fauent. Exstant alia præterea
dona eiusmodi, quorum nulla, quod sciam,
in litterarum monumentis exstat memo-
ria. Huius quippe tempestatis codex do-
norum, decennium fermè complectens,
aut intercudit, aut meas effugit manus.

Proin-

*Camertū
D.**Fabrianen.
Donum.**Viterbiens.
Donum.**Principis
Ascul. D.*

Proinde quæ dona extremum Pij Quinti, primumque Gregorij XIII. Pontificatum attigerunt, eorum memoriam, quia non accepi, non queo prodere. Cætera cum fide tradidi, vti accepi ex monumentis litterarum. Per id tempus argentea simulacra Aesculi, Recineti, Montis sancti, Bononiæ, Mediolani, & alia, quæ in sacrario hodie videntur, B. Virgini dicata existimo.

Bern. Cyril.

Alij ab inundatione fluminis, alij à tempestate maris, & prædonibus liberantur.

CAP. XVII.

*Tradi. Lau.
Ann. Laur.
Riera.*

COMplura etiam huius tempestatis produntur miracula. Dominicus à Castro Florentino, homo rusticanus haud procul Elsa flumine in tugurio habitabat cum sociis duobus. Nocte igitur quadam maximis imbribus Elsa super ripas effusus, longè, lateque vicinos campos inundare cœpit. Inde ingenti ruens impetu, quicquid obuium erat, secum trahere. Ibi Dominicus sæuientis amnis murmure excitus somno, caput effert tugurio: latè stagnantes circa campos, aduentantemque fluvium conspicit. Ergo veritus, ne ingruente eluione, obrueretur vndis, ex templò cum sociis tugurij culmen ascendit: ibi gliscente periculo perstabat, subinde Lauretanam Virginem inclamans. Nixa erat casa stipitibus parum altè defixis,

structa

structa ex cratibus, stipulaque. Hanc igitur cum tribus illis fastigio insidentibus humo auulsam rapidus amnis abripuit. Nec tamen eis imploratum Mariæ auxilium defuit. Casa illa vagantis licentia fluminis per duo circiter millia passuum circumlata, tandem ad ingentem accedit arborem. Illi per fugium diuina ope nacti, omisso tugurio, arborem strenuè scandunt: ibique manent, quoad remissa aquarum vi, fluuius iam lenior se in alueum recipiat. Ita omnes utique non tam arboris, quam Virginis secundum Deum, ope seruati. Alij porrò, & piratarum, & tempestatis præsentis periculo erepti, duplici Lauretanæ Virginis munere. Nauis Anconitana Alexandrinis onusta mercibus Italiam repetebat. Cum esset in cursu, in piraticos complures incidit lembos, à quibus circumuenta bombardis, telisque oppugnabatur acerrimè. Christiani numero ac viribus longè impares diuini spe auxilij Barbarorum impetum sustinebant. Inter hæc alijs alios hortantibus, cuncti pariter Lauretanam inuocant Virginem. Precibus adiiciunt votum. Mira dictu res: ex templò additi omnibus simul animi viresque. Redintegrato itaque prælio, hostium vim egregiè repellunt: ita fauente Virgine, præsentis periculo exempti. Cæterum, prædonum defuncti periculo dum curis soluti secundo feruntur

runtur vento, mutata repentè tempestate,
 grauius maris adiêre discrimen. Haud pro-
 cul Aulone oppido ad Acroceraunios sco-
 pulos sito (Velonam, corrupto vocabulo
 vulgus appellat) atrox procella præsens illis
 intentabat exitium. Igitur improviso malo
 trepidi, voto Beatæ Mariæ Lauretanæ fa-
 cto, peregrinum nautico more fortiuntur.
 Nec mora tempesta repentè sedatur, na-
 uis cursum repetit, Anconam tenet inno-
 xia. Tantaque fuit naus celeritas, vt sex non
 amplius horarum spatium ab Aulone, peruo-
 larit Anconam. Ergo cuncti simul vecto-
 res, nautæque Lauretum profecti vota ala-
 cres exsoluunt, duplicis miraculi præcones
 pariter testesque.

Plures Turcarum seruitio eximuntur.

C A P. XVIII.

*Ant. Laur.
 Riera.*

CÆterùm, hi à vi Turcarum, alij etiam à
 seruitio liberati. Michael Boleta ciuis
 fuit Catarenfis haud ignobilis. Hic captus
 à Turcis in oppido Cabala, non procul Ga-
 lipoli, versabatur. Quintum iam seruiebat
~~annum~~, cum seruitij tædio libertatem spe-
 ctare cœpit, & cum conseruis duobus agita-
 re consilia fugæ. Itaq; actuarium nauigium
 vacuû in portu sine custode nacti, ex com-
 posito conscendunt, strenueq; propellunt
 ab littore. Sed eorum fuga haudquaquam
 Turcas

Turcas fefellit. Qui confestim duobus expeditis, instructisque piraticis lembis fugientes seruos infectari summa ope ceperunt. Iamque haud procul aberat, quin Michael cum sociis caperetur à Barbaris, graui utique supplicio, cruciatuque multandus. Ergo vniuersi eius hortatu, à Deo, Deiparaque Virgine Lauretana exposcunt veniam, opemque. Mira dictu, visuque res. Repentè facta coorta tempestas adeò mare, cœlumque turbauit, ut Barbarorum naues procul abegerit. Et immissam diuinitus in hostes procellam res ipsa fatis ostēdit: quippe eodem ipso tempore, eodemque tractu maris, Turcæ iactabantur vndis; Christiani tranquillo æquore secunda aura ferebantur. Respectantes igitur, ut quàm procul abessent Barbari cernerent, ex vittatis capitum tegumentis, quibus Turcæ vtuntur propileis (ut ea modò extolli, modò deprimi videbant) senserunt hostes insanis iactari fluctibus: nec iam de aliorum fuga, sed de sua salute sollicitos cum aduersa tempestate luctari, adeò diuinitus iniectus terror Turcarum animos à cura persequendi alios ad suimet tuendi curam auerterat. At Christiani non vento magis, quàm B. Maria obsecundante, incredibili celeritate Catarum tenuère. Inde voti, cœlestisque doni memores Lauretum delati, Christianis mysteriis

riis ritè perceptis, Virgini grates agunt, eximium eius beneficium memorantes.

Laqueo suspensus morti eximitur.

C A P. XIX.

*Ann. Lanv.
Riera.*

ALiis porro etiam extremo supplicio affectis salus reddita. Thomas Venetus Dux cohortis militum Sebenici in præsidio erat. Is milites præfidiarios aduentantis Turcicę classis fama conterritos non potuerat in officio continere. Illis igitur fuga dilapsis, desertum præsidium cernens, protinus milite vno, qui reliquus erat, comite, Iaderam (Zaram vulgò vocant) contendit. Venetę classis Duci fugam militum Sebenici periculum exponit suę fortis ignarus. Dux quippe tali nuncio cõcitatus ira, Thomam cum comite suspendio extingui extemplò iubet, spatio tamen vtriq̃ue ad procurandos de more animos dato. Ibi Thomas sacra confessione ritè expiatus Lauretanam inuocat Virginem: votoq̃ue concepto, collum laqueo inserit haud dubia spe cœlestis auxiliij. Igitur fune ad antennę cornu religato, antenna cum Thoma pendente sustollitur: alligatum erat pedibus ingens ferri pondus: & carnifex pendentis corpus, antenna sublata, subitoq̃ue demissa impense quassauerat ter, quaterq̃ue. Itaq; omnium opinione mortuus, post quartam horam patibulo

patibulo eximitur tradendus sepulture. Ex-
 cedit fidem, quod deinde traditur, non ta-
 men Dei, ac Deiparæ potestatem. Qui ex-
 inctus credebatur, inuentus est viuus va-
 lensque, cum miles supplicij socius, pari-
 que conditione vsus efflasset animam. Thomas
 ergo cæteris admiratione defixis, è vestigio
 Lauretum iter intendit, Deo ac B. Virgini,
 quorum immortalis beneficio viuebat, gra-
 ties acturus. Et res apud Lauretanos sacer-
 dotes satis testata mansit. Alia eiusmodi
 complura sciens prætereo, quod minus te-
 stata videantur, quàm vt memoriæ proden-
 la sint ab eo, qui nihil ex vano hauitū velit.

Duo ab ultimo supplicio liberantur.

C A P. XX.

Ilud autem satis notum exploratumque, *Ann. Laur.*
 quamuis ab Apostolorum temporibus *Riera.*
 enè inauditum, vt Apostoli Petri è carcere
 liuinitus liberati, vetus exemplum instau-
 ratum quodammodo nostra tempestate vi-
 eat. Anno post Christum natum circi-
 ter M.D. LXX. vir quidam genere, ac factis
 larus (nomen authores non edunt; credo
 quod ipse cælatus voluerit) ab vno ex Pri-
 moribus Italiæ Principibus in custodia vin-
 tus habebatur. Et falsis oneratus crimini-
 us, iudice vtebatur iniquo in sensoque. Er-
 go cum haud dubiè instare sibi vltimum
 T suppli-

supplicium cerneret; Lauretanam implorat
 Virginem, orans, vt priusquàm è vita disce-
 dat, faciat sibi Lauretanæ cellæ visendæ po-
 testatem. Et piæ infantis preces Deiparæ
 cordi fuêre. Sub noctem anxietate animi
 grauatum corpus arctior complexus est fom-
 nus. Dormienti præclara Lauretanæ Vir-
 ginis oblata species, quæ mœrentis pectus
 ingenti gaudio permulsi. Repêtè disruptis
 vinculis, foribusq; carceris diuinitus pate-
 factis (obuersabatur autem somniantis ani-
 mo, quod extra somnium gerebatur) rei
 nouitate attonitum exire compellit, egres-
 sum ad proximum vrbis vicum deducit ad-
 huc dormiêtem: protinusq; eius subducitur
 oculis. Tum verò ille expergefactus, vnicu-
 lis & carceri ereptum se cernens, haud va-
 nam sibi in quiete obiectam imaginem sen-
 sit. Gratiis ergo Virgini enixè actis, lætitia
 ex mœrore gestiens domum suam recipit
 se. Cæterùm, haud ignarus fore, vt à satelliti-
 o Principis conquireretur summa ope, &
 grauius in semet tanquam fugitiuum con-
 suleretur; implorata denuò Virgine Laure-
 tana, facinus edidit memorabile. Summo
 mane, diuina fiducia armatus infensû Prin-
 cipem vltrò adit: obstupescenti ad eius a-
 spectum, rem omnem ordine, vti gesta erat,
 exponit. Nec in tâto discrimine clienti Vir-
 go defuit suo. Principi extemplò iniecta re-
 ligio

ligio est eius violandi, quem Dei Parens saluum voluisset. Enimuerò id haud leue esse innocentiae argumentũ. Igitur diuina victus, quãdoquidẽ, inquit, Lauretana Virgo tanto te miraculo liberauit, & ego mea sentetia libero. Agedum ad augustissimam illam cellam, vti vouisti, perge: & Dei Mater propitiare nobis memento. Itaque ille duplicis voti reus, Lauretum venit: noxis confessione elutis, vota B. Mariae latus exsoluit. Tam insigne miraculum ipsemet Raphaeli Rieræ Poenitentiario enunciauit, qui ad posteritatis memoriam id litteris prodidit. Per idem tempus nobilis Hispanus (nomini parcitur, ne fama lædatur) ob patratum facinus morti addictus asseruabatur in custodia, supplicium in horas expectans. Interim subiit eius animum Virgo Lauretana; de cuius rebus admirandis multa olim in Italia, rumore nuncio, acceperat. Ergo ad spem salutis ac libertatis erectus, orat veniam à Deo pariter, Deiparaq; vtriusque misericordiam & opem exposcit, addit precibus votum, se primo quoq; tempore ex Hispania (vbi tunc erat) ad Lauretanam Ædem pauperum peregrinorum ritu, pedibus iturum precario victitatem. Incredibile dictu: intra tres horas, iudices diuinitus reo reconciliati sententia reuocata, atque recissa: reus supplicio, ac vinculis

T 2

exemptus.

exemptus. Cæterùm, quem metus ad vouendum procliuem fecerat, voti immemorem securitas fecit. Iamque diutina mora tanti beneficij memoriam obruerat; cum Deus religionum vindex eam ab obliuione vindicauit. Nam cum ille sclopetum forte exploderet, ferrea fistula in manibus diffracta citra noxam, & periculi eum præsentis diuinitus vitati, & veteris beneficij, voti que admonuit. Subiit illicò religio animum, ac terror irati Dei. Itaque nulla interposita mora, ad vota Deiparæ reddenda Lauretum, vti vouerat, iter contendit: ipsemet eidem illi Rieræ rem omnem, sicut à me est exposita, enarrauit.

*Multiplex Lauretanæ Virginis auxilium
in nauali de Turcis parta victoria.*

C A P. XXI.

Iisdem temporibus in vltimo fermè rerum discrimine, Lauretanæ Virginis vis, vel maximè enituit. Selimus Turcarum Imperator Cypri per vim potitus, cæteræ Venetorum ditioni, orbiq; Christiano imminabat. Pius ergo V. Pontifex communi periculo communibus viribus occurrendum ratus, Venetis & Hispaniarum Rege in armorum societatem assumptis, ingenti mole bellum apparare cœpit. M. Antonius Columna Dux illa tempestate inter Romanos genere

genere famaꝑ; clarissimus, Pontificiæ classi præpositus est, & maturè soluere in Turcam iussus. Ibi eius coniux Fœlix Vrsina pari nobilitate mulier, stimulante metu orbitatis suæ, liberumq; statuit in tot maritimi bellis casibus ad Lauretanam confugere Virginem. Properè igitur cum honestissimo comitatu Lauretum accurrit, haud dubia, per Deiparam facilè propitiari posse cœleste numen sibi, viroꝑue. Solemnibus expiata mysteriis in sacrosancta cella supplex pernoctauit, veniam opemꝑue sibi viroꝑ; suo à Deo, Deiꝑue Matre impensius exposcens. Inde B. Virgine accensis studiis, votiuisꝑue muneribus culta, in eius gratiam Hebræum adolescentulum inibi è sacro fonte suscipit, & aureo donatum torque in suam adsciscit familiam. Nec irrita supplicatio, aut gratia fuit. Haud longo tempore intermisso, cumulati voti compos exstitit. Coniugem suum ex tam atroci prælio non reducem solum, sed victorem etiam recepit: eundemq; in vrbe Roma, veteri Romanorum more renouato, insigni pompa ouātem læta conspexit. Cæterum, eodem bello haud certior illa in priuata re, quàm Pius Pontifex in publica Lauretanæ Virginis expertus est opem. Christianam classem vltimæ dimicationi instructam, intentamꝑue esse iusserat. Nec ignarus erat, summā rerum in eo præ-

lio verti. Proinde Pontifex verè Pius, priuati publicisq̃ue supplicationibus Deum conciliare institit. Præcipuè in augustissima cella Lauretana orari assiduè Deiparam iussit, vt in vltimo rerum discrimine pia Mater adesset Christianis. Nec Pij Pontificis, piorumq̃ue spes in irritum cecidit. Inita pugna nauali, non tàm humane, quàm diuinæ opis res visa. Obsecundante Christianis, qui ante pugnam aduersus erat vento, fumumq̃ue bombardarum, ac tela hostium in ipsorum ora retorquente, nobilissima est de Barbaris parta victoria. Pleriq̃ue hostium cæsi, naues partim depressæ, partim captæ: Ingens præda, magna vis captiuorū, supra X. Christianorum millia seruitio exempta. Quorum quidem pars longè maxima deinceps Leuretum persoluendorum votorum gratia venerunt. Satis constat ipso naualis prælij die, antequam signa canerent, Christiana mancipia remigio à Turcis addicta pro libertate, plerosq̃ue autem Duces, ac milites Christianæ classis pro salute ac victoria Beatae Mariæ Lauretanæ vota fecisse. Vt dubium cuiquam esse non possit, quin tàm insignis victoria post Deum, Deiparæ debeatur. Ergo non remiges modò captiui Turcarum, sed etiam milites, Ducesq̃ue Christiani ad agendas Deo, ac B. Mariæ gratias, vota q̃ue reddenda Lauretum contulère se

Et di-

Et diuini beneficij monumenta inibi exstare vtriq̃ue voluerunt: alteri quippe catenas, quibus religati ad remos fuerant, apud liberatricem reliquerunt suam: alteri Deiparæ velut authori victoriæ, manubias hostium consecrarunt. Hoc autem vltimum, atque haud scio, an maximum Pij Quinti hamanorum operum fuit.

A Gregorio XIII. Indulgentiis, & viis egregiis adornatur. CAP. XXII.

Ann. Lann.
Riera.

SEcutus Gregorius XIII. Pont. Max. superiores Pontifices, vt Pontificatus diuturnitate: ita Lauretanæ Virginis religione, ac magnitudine animi vicit. Nihil enim habuit prius, quàm vt maximè inclyto in terris templo, si quid deesset, munificè adiiceret. Itaque indulgentias superiorum Pontificum non sua tantùm firmavit auctoritate; sed prudētia etiam amplificauit, omnibusq̃ue promiscuè Lauretanam Ædem visitantibus cunctorum indulsit veniam delictorum. Pœnitentiariorum insuper auctoritatem auctiorem fecit, addita cœnobitarum quoque à delictis reseruatis absoluentium facultate. Illud verò insigne Gregorij donum, indicta in annum M.D.LXXV. Iubilæi celebritate, Indulgentiisq̃; toto orbe terrarum, vt fieri solet, in Urbis gratiam suspēsis, vnā excepit Ædem Lauretanam,

quam nihilo secius, quam cæteris annis, illo quoq; Romanæ celebritatis anno, ius suum obtinere voluit: ne Romana frequentia quicquam de Lauretana decerperet. Quin etiam Iubilæi anno circûactò, illam ipsam, quæ Romæ fuerat, Lauretano templo concessit Indulgentiam, quam etiam Romæ adepti denuò Laureti consequerentur, si præscripta fecissent. Inde orsus magnificum opus, & tali Pontifice, ac Lauretana maiestate dignum. Satis gnarus erat, vias quæ Lauretum ferebant, etiam in ipsa Pontificia ditione multis locis esse asperas, angustasq; vix vt equiti, peditiq; expeditus pateret aditus. Pulchrum fore B. Mariæ Lauretanæ ratus est, itinera adeò lata, ac munita esse, vt etiam quadrigis facilè ac tutò adiri posset. Itaque præcipuas vias regio sumptu, propè ad veterem illam Romanorum magnificentiam, etiam per saxa ac rupes aperuit muniuitq;. Nempe, vel in ipsis Apennini iugis via tanta est amplitudine, vt quadrigæ inter se occurrentes sine periculo comineent. Ita Pontifex perfecit (quod nisi factum videremus fieri posse nemo crederet) vt effedis, quadrigisq; expeditus per Apenninos montes, ac iuga transitus pateret ex Vrbe, non solum in Picenum, sed etiam in Æmiliam, in Galliam Cisalpinā, in Poloniam, ipsamq; Germaniam. Ergo ex remotissimis quoque orbis

orbis Christiani partibus plurimi rhædis, effedisq; vehuntur Lauretum, inuitante itineris commoditate, quos difficultas antea deterrebat. Inter hæc Saxatellus viis præcipuis circa Lauretum laterculo, aut glareæ stratis egregiè ornatos addidit fontes, haud parua vel Lauretanæ peregrinationis decora, vel solatia peregrinorum.

Celebritas Lauretana sub annum Iubilæi. C A P. XXIII.

INterim, dum viæ sternuntur, anno M. D. *Ann. Laur. Rier.*
 LXXVI. qui Iubilæi celebritate insignis extra urbem fuit, tanta vis hominum confluit Lauretum, quantam nemo meminerat. Pompa utique adeò insignis, ut etiam posteris memorabilis sit futura. Quotidie septenæ, octonæque, nonnunquam etiam denæ ciuitates, seu pagi, viciq; distincti agminibus Lauretum veniebant, argenteas coronas, ingentes cæreos aureis, argenteisve nummis obritos, sacras vestes, calices, aliaq; dona B. Mariæ ferentes. Et ordo, ornatusque venientium religionem spirabat. Sacræ quippe sodalitates agminibus, insignibusq; discretæ, non solum prælatis crucibus auro, argentoque fulgentibus, sed vexillis etiam conspicuis, & Angelorum, Diuorumque personis suum quæque agmen ornauerant. In singulis porro agminibus, alij nudis in-

cedebant pedibus, alij flagris nuda, & cruenta sibi terga cædebant: alij Deo, ac B. Mariæ non sine symphonia, solemnia canebant carmina. Cæterùm, inter omnes eminebant sodalitates Picentium, quæ sacras quàm priscorum, quàm recentium monumētorum historias interpositis personis referebāt: summaq; actorū venustate in Lauretani templi atrio gratissima, vel cœlestibus vel mortalibus præbebant spectacula. Oppidū est Piceni haud sanè obscurum, cui S. Genesius ex histrione Martyr nomen dedit. Oppidani veterem Patroni sui laudem piè, sancteque æmulantes, inter omnes populos, piorum spectaculorum, sacræque pompæ facilè primas tenent. Horum circiter mille præter mulieres, inconditamq; turbam, Lauretum petentes obuiis miraculo fuerunt. Pompa erat talis. Præibant eorum complures pœnitentium habitu, cruciatuū, ac necis Christi Domini insignia præferentes, qui cilicinis induti faccis: capitibus aspersis cinere, nudis pedibus, tergis assiduo verberare laceratis, longo ordine procedebant. Hos tria deinceps sequebantur ornatissima sodalitia variis distincta vestium, ac notarum insignibus: & quodq; agmen cruces, ac vexilla adornabant argento, auroque fulgentia. Æquè autem omnia agmina accensis sodalium facibus collucebant: & longè, lateque percre-

percrepabant egregiis Symphoniacorum choris. Proximæ ibant tres velut cohortes; prima vetera sacrę historiæ argumenta, ac mysteria referebat. Altera Euangelij, Ecclesiasticorumq; annalium illustria documenta virtutum. Tertia martyrum, ac militantis Ecclesiæ decora, nobilesq; de Tyrannis victorias. Et personarum, rerumq; gestarum simulacra ita ad viuum exprimebantur, vt res non referri, sed fieri, geri que viderentur. Omnino non temporis causa ficta spectacula, sed vera, & suis temporibus præbita crederes. Extremum agmen claudebat currus triumphantis Ecclesiæ, insignibus, cuiusq; generis ornamētis, ac mira rerum, personarumque varietate conspicuus. Christus rediuius triumphali curru sublimis eminebat, qui super orbem terrarum sedens, & vndique splendore collucens, sublata dextera obuiis populis benedicere videbatur. Circa eum Symphoniaci pueri Angelorum faciem gerentes suauissimo concentu cuncta complebant. Currum porro vis ingens Martyrum, Diuorumque cuiusque ordinis, ac generis, virorum, foeminarum, Virginum coronata, cum victoriarum insignibus sequebantur, spectatorum turbam ad paria decora exemplis suis inuitantes. Sanè tota actio nō magis spectaculum fuit, quàm inuitamentum pietatis.

*Ioannis Austriaci eximia pietas in Lauretana Aede visenda. CAP XXIV.**Ann. Laur.
Rser.**Ioan. Aust.
pietas & D.*

NEc illa tempestate Ædes Lauretana populorum spectaculis, quàm Procerum præsentia celebrior exstitit. Ioannes Austriacus vir Carolo Quinto Imperatore patre dignissimus, nec paterna gloria, quàm sua virtute clarius, eodem ipso anno Lauretum voti causa aliquando perrexit: Is quinquennio antè aduersus Turcas nauali prælio dimicaturus Lauretanæ Virgini vouerat, si superstes ipse partæ de Barbaris victoriæ foret, Lauretum vtique ad eam iturum. Cæterùm, voti cōpotem publica negotia alia ex aliis morata erant, quo minus ante id tempus posset fidem exsoluere. Itaq; cū Neapolim paulò solutiore animo tenuisset; non horror sæuientis hyemis, non publicæ, priuatæque negotiorum curæ, non Procerum, populorumque preces flectere eum potuerūt, vt ne summa hyeme, itineribus, glacie, ac niue obstitis, fluminibus passim turgentibus, Lauretum ad Beatam Virginem iter intenderet: Et horrida tempestas insigniorem pietatem optimi Principis fecit, Recineta sem portum equo prætergressus, vt procul Ædem Lauretanam conspexit: venerabundus caput aperuit, ac Deiparâ Vrginem salutauit. Inde, velut alienato à sui cura ad cœ-

lestis

lestis Reginae venerationem animo, nunquam neque imbris, neque cœli inclementia percelli potuit, vt semel apertum operiret caput: adeò, se caputque suum B. Virgini deuouerat, cuius præsidio se incolumem credebat esse. Postquàm ad sacram Ædem peruenit, totius ante actę vitę noxis confessione expiatis, grates B. Marię ingentes agit: protinus vota persoluta satis magnę pecunię cumulat dono. Comites insuper, & voce, & exemplo ad parem pietatis laudem accendit. Voti pietatisq; munere perfunctus Neapolim regreditur, ingens Lauretanę Virginis desiderium secum ferens.

Singularis pietas, ac munificentia Ioanna Austriacæ Magnæ Ducis Hetrurię.

CAP. XXV.

NEC per id tempus Principibus viris fœminę nobilissimę pietate erga B. Virginem cessere. Quadriennio ante (opus enim fuit rerum, personarumq; ordinem sequenti, negligere nō nihil ordinem temporum) inter initia Pontificatus Gregorij XIII. Ioanna Austriaca Ferdinandi Cæsaris filia, eademque Francisci Magni Hetrurię Ducis vxor Lauretum petiit, diuturnam Virginis visendę sitim explere cupiens. Ergo Pontificis iussu, tota Pontificia ditione, regio cultu excepta à Paulo Odescalco Atrienfi, & Pennens

*Ann. Laur
Riera.*

Pennensi Episcopo, qui ad id ipsum ab Urbe destinatus fuerat à Pontif. Max. ad optatissimam Virginis Ædem deducitur. Cæterùm, pia mulier sub Recineti mœnibus, Lauretana Æde procul conspecta, confestim vehiculo defilit, ac submissis genibus Deiparam enixè salutat. Inde reliquum iter conficit pedibus, vniuerso comitatu Domine exemplum sequente. Lauretum intrauit in veste candida, tenuiq; ex qua candor mentis eius eximius pelluceret. Inde etiam modestia eiusdem exstitit singularis. Namque à duobus Episcopis in sacrosanctam Virginis introducta Domum, contemptis pulvinaribus, ac tapetis, super nudo pavimento procumbit in genua: cœli Regem, Reginamq; illius domus olim habitatores, nunc Præsides impense colit: manantibusq; lacrymis veniam sibi, ac viro suo: ad hæc concors coniugium, virilemq; in super stirpem precibus exposcit. Solemnibus exinde expiata mysteriis, insequentem noctem totam supplex ante Beatam Virginem; impensius iteratis absumpsit precibus. Idem duobus consecutis diebus, totidemque noctibus fastitavit: tantum illi virium incensa pietas fuggerebat. Discedens porrò duo corda aurea aureis catellis ante B. Mariæ ora suspendit: siue vt monumēto forent, illam sibi, viroque suo esse cordi, siue vt Virgo author

concor-

concordiæ talem coniugis sui animum præ-
 stare sibi, qualem suum erga illum sciret
 esse. Neque his contenta donis, ita discessit,
 ut fixum haberet, Lauretanam Virginem a-
 liquo dono colere quotannis. Idque quam-
 diu vita suppeditauit, impensius etiam fe-
 cit, quàm statuit. Argentea Christi crucifixi
 effigies præclara, cum ingenti cruce ex ebe-
 no, candelabra quatuor sesquicubitalia ex
 argento perbenè facta, solemnes Episco-
 pi Sacerdotis, ministrorum, aræque ve-
 stes ex auro argentoque bifariam crispan-
 te contextæ, & Phrygio insuper opere insi-
 gnes, amictus quoque aureus Beatæ Vir-
 ginis mirabili arte conspicuus, alia porro
 aræ thoralia, & sacrorum calicum vel ope-
 re Phrygio, gemmis, auro, argentoque
 distincta, Ioannæ Austriacæ sunt munera.
 Nec in irritum piæ mulieris preces, do-
 naque cecidère. A peregrinatione Laure-
 tana, ex coniuge stirpis ei virilis fuit, ma-
 ternæ pietatis effigies in spem paternæ, ac
 penè regiæ ditionis genita, quæ matri ali-
 quâdiu superstes popularium suorum ani-
 mos ad spem haud dubiæ felicitàtis ere-
 xerat. Cæterum, subinde mater exstincta,
 & arcano Dei consilio matrem impubis fi-
 lius secutis Hetruriam impleuit mœrore,
 luctuque. At Ioanna Austriaca non solû facto-
 rem Lauretanâ ornauit, sed etiam exemplo.

Haud

*Codi. Lat. 9.
 Magna Du-
 cis Hetrur.
 D. egregia*

*Margarita
Austriaca
D.*

Haud ita multò post Margarita Austriaca (vt in eadem familia non magis virtutis ex viris, quàm ex mulieribus pietatis exempla peterentur) Caroli V. Imper. filia, eademq; Octauij Farnesij Parmensis Ducis vxor, Lauretanam Virginem adiit cum egregia nobilissimorum Procerum manu. Ibi Confessionis Eucharistiæque mysteriis ritè perceptis, totum triduum diuinis in templo officiis semper interfuit: in augustissimo sacello haud diutiùs, quàm enixiùs Deo ac Dei Matri supplicauit. Ingenti quæ auri vi in arcam coniecta, B. Virginem se dignis muneribus coluit.

Ducis Lotharingi vxor paralytica Lauretum delata sanatur. CAP. XXVI.

*Ann. Laur.
Rier.
Vist. Bri-
gant.*

NEc Austriacarum mulierum, Italiæque ea propria laus fuit. Christerna, seu Christina Daniae rege, & Caroli V. Augusti sorore genita, eademq; Dux Lotharingia, foemina exstitit virili virtute, eximiaq; pietate: hæc magno iam natu, quamuis ætate, ac paralyfi impedita, voti causa Lauretum venire constituit. Nec vnquam passa est, id sibi votum, suorum rogatu à Pontifice cum aliis pietatis officiis cōmutari, adeò ardens erat Lauretanæ Virginis visendæ cupido. Lætica igitur cum regio penè comitatu in Italiam, Picenumque delata pergit ire quo destina-

destinarat, satis fidens ab se valetudinem B. Mariæ ope recuperari posse. Ergo in sanctissimæ Domus aditu, non cœlestem modò lætitiâ hausit animo, sed pristinâ quoque recepit corporis sanitatem. Illa membrorum, quibus capta erat, vsum ac vires extemplò sibi redditas sentiens, primùm præter morem, sine vllò adminiculo institit pedibus, periculum virium factura. Inde cum res satis procederet, egressa, per se nullo adiutore, sacrosanctam Virginis cellam suis pedibus circumiit gratulabunda, eius familiaribus miraculo attonitis, Dei quæ ac Deiparæ donum certatim extollentibus. At Christina, quàm ea res propius attingebat, obortis gaudio lacrymis, in augustissimum sacellum regressa, ante cœli reginam prouolui: nullum diuini beneficij efferendi modum, nullum agendarum gratiarum finem facere: se sua quæ Deo, ac Dei Matri dedere. Exinde, vt tanti beneficij monumentum exstaret, ingens cor ex auro solido coronatum, quod hunc ad vsum domo attulerat, ante B. Virginem catella aurea suspendit. Regia deinceps dona promit, torquem *Ducis Lo-* ex auro egregium, coronam ex vnionibus, *tharingia* baccis quæ; monile ex gemmis clarissimis: aræ *D.* insuper ac sacerdotis ministrorum quæ solemnem cæremonia sacrificantium vestes argenteas opere Damasceno sanè mirabili:

V demùm

demum regalia munera ingēti pecunia cumulat. Nec inde ipsa indonata abiit. Gregorius XIII. Pont. Iubilęum illi amplissimum ab Vrbe miserat, quod ipsa cum vniuerso comitatu (in quo erant homines facile quingenti) ritę percepit. Cęterum, lętum donis cęlestibus pęctus tristis de morte Sebastiani Lusitanię Regis (erat is sororis filius) nuncius non nihil turbauit. Verum in tanto, tamque improuiso vulnere, egregia generosę pięque scęminę enituit virtus. Aluctu propinqui Regis ad opem eius animę ferendam versę, funus illa, quanta maxima potuit pompa celebrauit. Sed ita, vt in Ēde Lauretana quę plurima pro eo sacra facienda curaret. Ad vltimum Christiana pietate ardens, Nosocomium Lauretanum bis inuisit, binos singulis ægris aureos nummos impertiens, haud minore liberalitatis laude, quę humanitatis.

Duo precipiti ex equo periclitantes à morte reuocantur. CAP. XXVII.

MInus illustre si personas conferas, sin re ipsas, magis admirabile exstitit, q̃ pau-
cis ante annis acciderat. D. Susanna Iacob Thainonij Cordauellęsis equitis nobilis cōiux fuit, hęc ab equo cui insidebat exeuissa afflictaq; ad terram, ad vltimum periculum venerat. Namque ossibus, quę fractis, quę luxati

Ann. Laur.

Ricci.

D. Susanna

Thainonia

a morte re-

uocatur.

luxatis, omnes amiserat sensus. Adhæc membra vitalis penè destituerat calor. Itaque desperata à peritissimis Medicis corporis salute, Sacerdos salutem curabat animi moribundam de more Deo Diuisquæ commendans, & lustrali subinde respergens aqua. Interim Iacobus charissimæ vxoris vicem sollicitus, templum proximum intrat. Ibi positis genibus, oculos pariter manusque tollit in cælum, lacrymansque enixè Lauretanam inuocat Virginem: votum precibus miscet, se ad Lauretanam Ædem iturum, si sua ope seruet eam, quam nulla vis humana seruare possit. Nec irritum fuit votum. Vixdum planè id vouerat, cum mulier habere meliùs cœpit; ac breui consanatis diuinitus ossibus membrisque conualuit. Eques igitur voti memor anno M.D.LXXV. (qui anno Iubilæo celebris & insignis fuit) Lauretum cum vxore contendit, laminamq; argenteam cum Lauretanæ Virginis effigie, quam hinc viri, hinc mulieris imago supplex orat, votiuum donum Deiparæ tulit. Additus laminæ titulus, qui totam rē breuiter exponit miraculi ad posteros monumentum. Huic aliud consimile eodem ferè tempore. Nicolaus Pannonius ciuis Catacësis nobilis erat. Is cū eques exerceretur inter æquales corruente ab rapido cursu equo, effusus in terram cōfractō

*Nicolaus
Pannonius
ab interitu
liberatur.*

corpore, brachio etiam comminuto iacuerat exanimis. Exspiranti similem famuli excipiunt, domumque referunt haud satis competentis mentis. Adhibentur confestim Medici, qui mali magnitudine victi, actum de illo esse pronuntiant. Panonius ergo amicorum suafu, B. Mariam Lauretanam imporat, vouens salute recuperata, ad eam salutandam esse venturum. Votum iucundissimus somnus excepit. In somnis Lauretanæ Virginis obuersata species, quæ affectos iacentis artus manu contrectans repente sanaret. Haud vanum fuisse somnium ostendit euentus. Nicolaus è somno euigilans, membra persanata comperit. Extemplò igitur exilit letus è lectulo, Lauretum accurrit, votum exsoluit.

Quidam ex inimicorum manibus ereptus, quamuis duodecim mortiferis plagis acceptis, diuinitus sanatur. C A P.

XXVIII.

*Ann. Laur.
Rer.*

SEquitur aliud in alio genere, admiratione præcipuum. Ioannes Philippus Ambrosius Neopolitanus tenui re, sed magna religione erga B. Virginē fuit. Is anno huius sæculi LXXIX. inermis inciderat in armatos inimicos; à quibus, quàm tumultuosissimè circumuētus cædebatur ad necem. Iam vulneribus cōfossus haud procul exitio ab-

erat:

erat: nec quisquam opem misero ferebat; & illi animis, armisq; infesti non priùs cædendi finem facturi erant, quàm penitus exstinctum cerneret. Ambrosius ergo media iam in morte, Lauretanam Virginem venerabundus inclamat, nec frustra missæ preces. Extemplò è sæuientium manibus diuina vi ereptus præsentem interitum euadit. Ipsemet (quod postea narrauit) sublimen inde se diuinitus auferri sensit ad teli iactum: vbi exceptus à notis, ex sanguis ac semianimis defertur domum. Nectamē vitæ discrimen euasisset, nisi nouam in eodem periculo B. Mariæ sensisset opē. Duodecim numero acceperat plagas, plerasq; mortiferas, quibus inspectis, Medici de eius salute penitus desperarāt. At ille cœlistis opis modò expertæ memor, tātum miraculum haud frustra esse credidit. Itaq; , vnde auxilium aduersus tela inimicorum adfuerat: indidem medicinam vulneribus sperare cœpit. Ecce nouum miraculum: B. Virgo impensius ab illo implorata cœlestem plagis facit repentè medicinam. Ergo ille omnium opinione mortuus, repentè sanus vegetusq; surgit è lecto. Lauretumque profectus, vota persoluit, illustre Lauretani auxiliij documentū: bis quippe vno tempore à media morte reuocatus. Proinde à notis, ignotisq; non iam Io. Philippus appellabatur, sed Lazarus rediuiuus.

*B. Maria in
media morte
se præsidiū.*

*Mater, & filia à morte, alijs ab alijs morbis
liberantur. CAP. XXIX.*

*Ann. Laur.
Rsero.*

HAud maior in vulneribus, quàm in mor-
bis sanandis, per ea tempora Virginis
Lauretanæ vis exstitit. Melido quidam fuit
è Vasto vrbe Samnitium, cuius vxor, & filia
gravi, diuturnaqué febris pariter afflictatæ
iacebant morti proximę. Iamqué sacris can-
delis ad capita earum de more accensis, si-
mul ambæ agebant animam; cum Melido,
qui vtramqué vnicè diligebat, vltima expe-
riri statuit. Igitur dolore ardens procumbit
in genua: & manantibus vbertim lacrymis,
Lauretanæ Virginis opem implorat: sup-
plicationi votum addit, plurimum in Dei-
paræ benignitate spei reponens. Et spes ne-
quaquam eum fefellit: mira res: repente
coniux, & filia periculo exemptæ, paucis-
que diebus persanatę. Inde à Melidone Lau-
retum adductæ, vota pro ipsarum salute su-
scepta Deiparæ Virgini reddiderunt, anno
M. D. LXXIX. Infecuto anno Ioannes Pe-
trus Florentinus ex Anna Bassa Vercellens
coniuge sua filiulam genuerat, vtroque lu-
mine penitus captam. Qua baptismo rite
illustrata, Anna mater Lauretanam Virgi-
nem enixè inuocans vouet, si puellæ vniu-
saltem oculi vsus redderetur, eam ab se Lau-
retum primo quoque tempore delatum iri.

Id votum Beatæ Mariæ cordi fuisse statim apparuit. Extemplò nulla humana ope infans cæca altero videre oculo cœpit. Mater ergo voti haud parum memor, impigrè Lauretum petit, luscā gestans filiam sinu materiem noui miraculi, non solùm veteris testem futuram. Quo propius Lauretanam accedebat Domum, hoc melius puella cernebat. Itaq; postquam gratulabunda sacrosanctam Virginis intrauit cellā (is dies fuit III. Non. Maij anno huius sæculi LXXX.) dextro oculo planè videbat: iamque etiam sinistro videre cœperat: adeò Deus Deique parens vota exsuperant piorum. Sequitur aliud in dispari genere non dispar fortasse miraculū. Angelo Bernardinio ex Æmilia, paruus erat filius, cui inter edendum, os (ex carne opinor, id enim non traditur) transuersum hæsit in gutture, adeò quidem pertinaciter, vt nulla humana ope excuti posset: & tumorem gutturis consecuta febricula puerum acrius vrgebat. Iam puer exigua in spe trahebat animam, cum pater charissimum filium moribundum intuens, obortis lacrymis Lauretanā Virgine suppliciter implorat. Nec mora: puer extussito osse, diuinitus imminenti periculo eripitur. E vestigio à patre Lauretum aduectus B. Mariæ sistitur. Ibi dum votū exsoluit (vt cumulatū foret beneficiū) febricula etiā, quæ ex

Cæca infantis lumen redditur oculorum.

Puero transuersum os excusit ex gutture.

*Podagricus
liberatur.*

morbo erat reliqua, liberatur. Excipit aliud
vſitatus, ſed tamen non omittendum. Pe-
trus Maria Florentinus diutinis podagræ
doloribus confectus, adeò iam captus erat
pedibus, vt ſine adminiculis (cruces appel-
lant) reptare non poſſet. Tandem igitur
damnata medentium ope, Lauretanam
Virginem enixè inuocat. Nec fruſtra preces
fuerunt. Protinus, depulſo diuinitus mor-
bo, vſum recuperat pedum, & Lauretum
profectus gratias agit Virgini. Inde cruces
ipſas, quibus æger ſubniti aſſueuerat, apud
ſacroſanctum ſacellum ſuſpēdit miraculi
argumenta.

Tres Ciuitates peſtilentia liberantur.

C A P. XXX.

*Ann. Laur.
Riera.*

Iſdem temporibus Lauretana Virgo non
magis ciuibus ſingulis, quàm vniuerſis ci-
uitatibus præſens in malis auxilium tulit.
Anno huius ſæculi LXXVII. atrox morbi
vis contagione vulgata, totam penè Sici-
liam peruaſerat. Iamque nobiliſſimæ vrbes
continuatis propè funeribus exhaustæ, hor-
renda ſuperſtitibus præbebant ſpectacula.

*Panorm. pe-
ſtil. liberat.*

Ibi Panormitana ciuitas, ingruente lue, cœ-
leſtem iram placare inſtitit, ita voto, & im-
ploratione Lauretanæ Virginis, periculum
euaſit. Et votum cum fide exſoluit. Exſta
hodie lamina ingens argentea librarum fe-
rè no-

rè nouem, vbi Beatę Marię Lauretanę tecto
insidentis expressa effigies visitur. Cui præ-
clara imago Panormitanę vrbs subiecta *Panormi-*
talem præfert titulum, depulsę luis indi- *tanorũ D.*
cium:

FOELIX CIVITAS PANORMI TRINA-
CRIÆ METR. B. VIRGINI LAV-
RETANÆ DICAT

EIVS PATROCINIIS A PESTE LIBE-
RATA, AN. SAL. M. D. LXXVII.

Biennio fermè interiecto, Anicia Gallię *Anicia Grbs*
vrbs non ignobilis, triduo distans à Lugdu- *pestil. liber.*
no, in grauiore etiam periculo par Laureta-
næ Virginis experta est præsidium. Diutina
vrgente pestilentia, colonis, ac ciuibus pe-
nè exhausta haud procul exitio abesse vide-
batur. Itaque ciues, quibus adhuc lues pe-
percerat, tam atroci, pertinaciq̃ue malo
conterriti, commodissimum rati sunt, per
Dei Matrem placare iratum Deum. Com-
muni ergo consilio, solemne Lauretanę
Virginis votum nuncupant: stratiq̃ue pas-
sim in templo veniam delictorum, finem-
q̃ue morbo precibus exposcunt. Nec fru-
stra. Nuncupationem voti ciuitatis sanitas
est cōsecuta: mali infesta vis profligata: pri-
stina ciuitati facies reddi cœpta. Extemplò *Anicensiũ*
Lauretum votiua dona publicè per certos *Dona.*
homines missa cum publico testimonio,
V 5 - quod

*Lugdun. pe-
stis. liberat.*

quod monumentum foret, & voti ab An-
cientibus facti, & morbi Virginis ope de-
pulsu. Nec Lugdunensis ciuitas Gallia clara
inprimis, ac nobilis, aut cōmunis cladis ex-
pers, aut Lauretani præsidiij exfors fuit. Fæ-
da namque lue claras iuxtà, & obscuras do-
mos populante, inopes humani auxiliij Ma-
gistratus ad Deum, Deiparamque popu-
lum, ac vota verterunt. Publicè voto pro ci-
uitatis salute suscepto, Lauretanæ Virginis
imploratur auxiliū. Extemplò auditæ pre-
ces, egri sanati, pestilentia discussa. Ergo an-
no M.D.LXXXI. ab grata ciuitate votiuū
donū B. Virgini mittitur, nec ciuiū religio-
ne, nec amplitudine vrbis indignū, calix ex
argento cælato inauratus, non minùs ope-
re, quàm magnitudine inter cæteros emi-
nens. Alia prætereà dona haud exgui pretiij,
magna, & Lauretani auxiliij, & Lugdunen-
sis pietatis argumenta. Inter hæc Roberto
Saxatello Pisarenfi Episcopo creato, Iu-
lius Amicus sublectus, qui & si parum lætis
ob Longobardia pestilentiam temporibus
vsus. Tamen Lauretanam Ædem non parū
ornauit. Per id tempus sacra supellex, &
instrumentum Ædis satis auctum. Venusini
Principis coniux oculos aureos, & coronam
argenteam misit. Sfortia Pallauicinus trire-
mem argenteam pondo librarum quinque.
Cardinalis Sitticus Abaltaemps pro recu-
perata

*Lugdunen-
sum Don.*

*Venusia. r.
Princip. D.
Sfort. Pal-
la. D.*

*Car. Abal-
taemps. D.*

perata pueri propinqua cognatione iuncti
 salute, eius imaginem ex argento expressam
 decem pondo. Delia Sanseuerina Comes
 Briatici lychnum argenteum pensilem sanè
 egregium pondo XXII. Cardinalis Esten-
 sis cor aureum, Marchionis Vasti coniux
 argenteam arculam librarum ferè XVI.
 Vxor Principis Sulmonensis pollubrum, &
 vrceum argenteum operis, ac ponderis non
 pœnitendi. Cardinalis Riarius crucem au-
 ream specie, ac precio nobilem. Mitto
 minora omnia, quæ referre ope-
 ræ precium non du-
 cimus.

Comit Bri-
atici D.

Card. Estè.
Don.

March. Va-
sti D.

Princ. Sul-
mon. D.

Card. Ria-
rii D.

FINIS LIBRI QVARTI.



HORA:

HORATII TVR-
SELLINIE SO-
CIETATE IESV

LAURETANÆ

HISTORIAE, LIBER

QVINTVS.

Card. Vrbinaſis, & aliorum Principum

Dona. CAP. I.

*Cod. Laur.
Viſt Brig.*



*Card. Vrbi.
D.*

VBINDE Lauretanæ Domus opu-
lentiam Patroni mors ac pietas
cumulauit. Cardinalis Vrbinaſis, ne
minuſ liberalis moriens in Laure-
tanam Virginem eſſet, quàm viuus fuerat,
teſtamento ſacram ſacelli ſui ſupelleſtilem
luculentam inprimis, & copioſam B. Mariæ
magna legauit ex parte. Miſſa igitur ab hæ-
redibus crux argentea præclara cum binis
candelabris egregio opere factis. Pontifica-
les amiſtus duo ex veſte Attalica: totidem
altarium, ac ſacerdotum ſacris operantium
veſtes ex aureo textili: toralia inſuper, & ſa-
crorum calicum velamina, Phrygio opere,
auro argentoque diſtinſta. Ad hæc ſacra ara
mobilis (petram ſacratam vocant) è gem-
mis compaſta: calices aliquot aurei, bini
vrccoli

vrceoli argentei cum suo polubro pulcher-
rimè cælati, aliaque generis eiusdem, haud
obscura Robureę munificentie argumenta.
Porrò Vrbinati Cardinali in tutela Laure-
tana, successit Cardinalis Moronus; hic Vin-
centium Casalem Lauretanæ rei admini-
strationi præposuit, spectata pietate ac fide
virum. Quo Præsede Lauretanum instru-
mētum, ac supellex haud parua incrementa
cepit. Lichnus egregius cum subiecta pati-
tina ex argento librarum XV. vasculum i-
tem odoramentarium argēteum Marchio-
nissæ S. Crucis munera fuerunt. Caroli Ar-
chiducis Austriæ numisma aureum suo no-
mine inscriptum. Maximilianæ Bauari Du-
cis filiæ coronā deliciis magis, quàm preci-
bus assueta è succino precioso, auro gēmisq;
discreta: crux aurea gemmis cælatisque ope-
ribus insignis, & aliæ prætereā gemmæ. Al-
berti Marchionis Aquauiuæ effigies argen-
tea in supplicantis formata morem, decem
pondo. Alberti Bauariæ Ducis crux ingens
smaragdina, auro Pyropisq; exornata, &
cristallino quasi monti imposita. Duode-
cim aureorum millibus æstimatam ferunt.
Et munus per se insigne mittentis dissimu-
latio insignius fecit. Satis constat, hoc rega-
le donum vulgaribus inuolutum linteis per
obscurum hominem esse latum, suppresso
donantis nomine. Itaque diu author tam
eximij

Car. Moronus Laur. Patron.

March. S. Crucis D.

Archi. Austria D. Baua. Duc. filia D.

March. Aquauia D.

Alberti. Bauar. D. Donum egregium.

eximij mueris homines latuit. Cæterùm, Dei utique nutu, cui non magis eximium donum, quàm donantis egregia moderatio cordi fuerat, tandem doni author proditus, haud minore cum laude regie munificentie, quàm Christiane modestie. Amadei Dynastæ (is Emanuele Philiberto Duce est genitus) imago sua in argentea lamina expressa, & auro ac gemmis inclusa, donum est. Virginie porrò Sabellæ Vitellie effigies votiua ex aurea lamina, ebено inclusa, holoserico villosa substrato. Constantie Carrettæ corona aurea gemmis, vnionibusque conspicua. Cardinalis Madrucij aurea fibula ingens (quali Cardinales, Episcopi vti in Pontificali amiculo solent) tribus margaritarum aceruis, instar nodorum, nobilis. Cardinalis Austriaci crux aurea auro insidens monti, gemmisque distincta clarissimis. Hæc egregia nobilium virorum ac mulierum dona. Alia porrò vulgaria, aut ignotorum, quæ percensere nostri instituti non est. Vnum tamen huius generis non tam precio, quam precatione donantis insigne, non queo reticere. Aureus annulus egregia Smaragdo insignis repertus in calice, donum hominis ignoti mortalibus, notis cœlestibus, cum hisce verbis in scheda inscriptis:

VIRGO

VIRGO SINGVLARIS, MITES FAC
 ET CASTOS,
 O AMOR, QVI SEMPER ARDES, ET
 NVNQVAM EXTINGVERIS,
 ACCENDE ME, SVSCIPE ME SER-
 VVM TVVM B.

Lauretani templi cultus augetur.

CAP. II.

CAsalis interim Præses pro suo munere, *Ann. Lanv.*
 Lauretanæ dignitatis studio flagrans *Riera.*
 Canonicorum, Clerique vniuersi studia ac-
 cendere omni ope institit. Ille alternis hor-
 tando rogandoq; nunc singulos, nunc vni-
 uersos ad sua munia incitauit. Ille non dictis
 magis, quàm (quod efficacissimum suaden-
 di genus est) factis & exemplis perpulit ad
 sedulam Deo, Deiparæq; operam in augu-
 stissima illorum æde nauandam. Nam cum
 omnia Canoniconum officia siue canendis
 diuinis laudibus, siue confessionibus audi-
 endis, Præses ipse obiret primus; Canoni-
 cos cæterosq; pudor haud segniter stimu-
 labat. Ita quâuis multiplicato labore, haud
 inuiti sequebantur Præsidentem præcuntem,
 nemine detrectante munus, quod ille oc-
 cupasset. Et Casalis sedula fideique eorum
 opera vsus, egit transegitque cum Patrono,
 psoque Pontifice, vt auctis Lauretani Cle-
 i laboribus, stipendia pariter augerentur.
 Cum

Cum stipendio cunctorum etiam sedulitas creuit. Canonicis nouo munere ad amplificandum templi cultum incitatis, Pœnitentiariorum linteis vestibus superindutos fœricis infulis (stolas vocamus) ornauit. Ex quo non plus ipsis, quàm templo decoris accessit. Duodecim inde pueris sacrorum ministris ab se institutis rubrę vestis insigne dedit. Et quia vêtus Odeum aucto Sacerdotum, Symphonicorumq; numero, erat angustius; nouum multo amplius, multoque commodius instituit ornauitque, sumptu Bisinianensis Principis. Id nunc Odeum vsurpatur, pulcherrimè laqueatum, præclaris tabulis pictis, exedrisque visendum. Ad solemne insuper arę ornatum, duodecim Apostolorum simulacra ex argento sesquicubitalia egregio opere fecit. Fama est conflata omnia ex votiuis imaginibus argenteis iam vetustate exoletis; singula verò simulacra esse pondo circiter sexaginta. Ex quo coniectari licet, quanta tandem fuerit talium imaginum copia, quę summam efficeret septingentarum, ac viginti librarum: quanta sit etiam hodie illiusmodi donorum vis, ac multitudo. Illud verò præclarum, ac frugiferum Casalis inuentum, vt omnium nationum aduenis Lauretanę historię cognoscendę copia foret, eius capita à Teremano Præsidente olim edita, in octo præcipuas linguas

*Odeum a
Fisn. Prin.
ornatum.*

*XII. Apost.
simula. arg.*

*Vist. Brig.
Hist. Laur.
octo linguis
expressata.*

linguas Græcā, Arabicam, Hispanam, Gallicā, Germanam, Illyricam, Latinam, Italianam vertenda curauit. Eademq; in totidem ingentibus tabulis descripta medio proposuit templo, non minùs decorum ratus B. Mariæ Lauretanæ Domū ab omnibus gentibus, quàm historiam linguis omnibus celebrari.

Collegium Illyricum instituitur. Peregrini præsertim illustres lautè tractantur. CAP. III.

AT Gregorius Pont. memor eius, quod *Viā. Virg.* initio Pontificatus imbiberat, Lauretanæ Domus, rei q; Christianæ amplificandæ, vt Romæ, atq; alibi diuersarum Nationum: ita Laureti Dalmatarum Collegium instituit, ingēs afflictę Nationi vel auxilium, vel solatium. Quippe tricenos ibi adolescentes litteris, bonisq; moribus instrui iussit, haud maiori genti Illyricę adiumento, quàm Ædi Lauretanæ ornamento futuros. His ex arca Lauretana stipendium, certasq; ædes, vbi antè erat Nosocomium assignauit; nouo Nosocomio alibi excitato. Illyrici alumni festis diebus in templo linteati sacris solemnibus adesse, ac ministrare iussi: iidem Patribus Societatis Iesu in disciplinam traditi. Porro in sacri cultus curam intentus Pontifex, Misicum organum alterum condidit,

sanè multiplex, ac varium, & auro picturisque conspicuum. Ex eo tempore binia egregia organa in templo Lauretano esse cœperunt, Iulianum, & Gregorianum, quæ maior concentuum varietas solemnia sacra decoraret. Cæterùm, Cardinali Morono vita functo, Vastauillanus Cardinalis sororis filius à Pontifice subrogatus. Qui Vincentio Cafali Massæ Episcopo designato, Vitalem Leonorium sublegit, Lauret Præsidem non pœnitendum. Is quippe, v erat homo industrius, sedula agrorõ cultura Lauretanæ Domus vectigalia auctior fecit, ac benignitate in pauperes peregrinos nihil remissa, in Procerum hospitium lautum ac liberale curam intendit. Itaque novum, egregiumque conclaue, quod nuper in Pontificiis ædibus extructum erat magnificè ad hoc ipsum ornauit. Ibi Principes viros excipiens, quæcunq; ad hospitalitatis munus pertinebant, summum cura exsequebatur. Ita omnes laudomus redibant liberaliter se Laureti habitos, cultosque memorantes. Et ea res fructuosam etiam Lauretanæ Domui, non solum decora B. Mariæ exstitit,

—o—

Ducis Ioioſæ, & Regis Gallia pietas, ac munificentia in Aedem Lauretanam.

CAP. IV.

NVnquam aliâs ante plures diuerſarum gentium Proceres Lauretanam Ædem præſentia ſua, ac muneribus coluerunt. Au-
 thor eſt Victoriuſ Brigantiuſ (iſ Lauretanuſ ſacerdoſ aſſiduuſ, ac piuſ appendicem ſcripſit Hiſtoriæ Lauretanæ) complures per id tempuſ Dynaſtaſ cum doniſ veniſſe Lauretum. Ioioſæ Dux Deiparæ ſalutandæ ſtudio ex Gallia Lauretum proſectuſ, haud minora liberalitatis, quàm religioniſ ſigna præbuit. Quippe octo dieſ totuſ cultui Beatæ Mariæ, & admirationi Ædiſ Lauretanæ dedit, quo temporis ſpatio ter in au-
 guſtiſſima Virginis cella paſtuſ eſt cœleſti dape. Diſceſſuruſ autem quatuor aureorum millia in arcam coniecit munificentia memorabili. Nec eo contentuſ munere, cum ex vrbe Roma Pontificem de more veneratuſ diuertiffet Florentiam, parem auri ſummam denuò Lauretanæ Virgini donū miſit: doni appendix bini argētei lychni ingentiſ ponderiſ fuēre, qui aſſiduè ante B. Virginem ardenteſ eximiam, ac penè regiam tentantur munificentia Ioioſæ Ducis. Hęc pecunia Lauretanaruſ ædium, quas Principibuſ viriſ excipiendiſ deſtinataſ diximuſ,
 X 2 bonam

*Regis Fran-
cisa D. egre.*

bonam condidit partem, eam scilicet, quæ
 è regione templi Lauretani, perducta qui-
 dem ad culmen, sed rudis adhuc, & impoli-
 ta hodie cernitur. Nec regali Galli Ducis
 munificentia Rex ipse Gallia cedit. Hein-
 ricus III. cum Lauretanam Virginem pu-
 blicis implicatus negotiis visere, ac muneribus
 colere ipse nō posset; Lusitanum vnum
 ex Proceribus Gallia suo loco ad eam de-
 stinauit cum regali munere, anno M. D.
 LXXXIV. Donū votiuum scyphus egre-
 gius erat Virgini, vt virilem Regi regnoque
 stirpem impetraret, munus & materia & o-
 pere maximè insigne. Scyphus ipse è gem-
 ma excavata, lapidem Lazuli hodiè vocant,
 veteres Saphyrum (vt quibusdam placet)
 appellabant. Hæc gemma eximia magnitu-
 dine est, & aureis internitet venis. Opercu-
 lum scyphi crystallinum tornatile, quod
 auro circumclusum clarissimæ gemmæ di-
 stinguunt. Porro in summo operculo An-
 gelus aureus Gallici regni insigne Liliū
 adamantinū sustinet manu. Constat quip-
 pe Liliū ex tribus Adamantibus auro mir-
 arte illigatis, scyphi pes smaragdinus auro
 obducitur, atque subternitur, circà gem-
 mis eximiisq̃ue vnionibus adornatus. In i-
 psa smaragdini pedis solea, quam aureā es-
 se diximus, doni author & causa his litteris
 incisa.

VT QUÆ PROLE TVA MVNDVM RE-
GINA BEASTI; ET REGNVM, ET RE-
GEM PROLE BEARE VELIS.

HENR. III. FRAN. ET POLON. REX

ANNO M. D. LXXXIV.

Ceterum, occulto Dei consilio preces in-
terdum non audiētis ad voluntatem, vt au-
diat ad salutem, donum ratum, votum irri-
tum fuit.

Alia Gallorum Dynastarum munera.

CAP. V

DVx inde Humalæ, vnus è Primoribus *vi& Brig.*
Galliæ Dynastis, Lauretanam Ædem
accessit. Ibi solemnibus mysteriis ritè pro-
curatis totum ferè quadriduum in augu-
stissimo sacello B. Virginis supplex exegit
precibus. Demum, Deipara muneribus cul-
ta, discessit. Egregium Ducis Pernonij mu- *Ducis Per-*
nus subinde Lauretum affertur, memora- *nonij casus.*
bili quidem insigne miraculo. Dux Perno-
nius è Vasconia Lugdunum ad Henricum
Galliæ regem tendens, in via Gioiosæ Du-
cem offendit eòdem petentem. Itaque salu-
te data acceptaque, ambo pariter iter facere
cœperūt. Ventum erat ad angustam in præ-
ruptis rupibus viam, cùm Pernonij equus
factus est insolentior, & equi insolentia in
Domini caput vertit. Pernonius obstinatè
se erigentem iactantemq; equum cohibere

connixus de altissima rupe agitur præcepſ. Pro mortuo ſublatus in proximam Lugduno villam properè defertur. Hic omnium amicorum chariſſimus erat Regi. Rex igitur trepido nuncio excitus accurrit, totamque ibi tranſigit noctem, ſumma ope remedia amiſſimo viro adhibenda curans. Et Gioioſa vicem amici ſolicitus pro eius ſalute Lauretanæ Virgini votum ſuſcipit. Nec fruſtra id fuit: Paucis horis interdictis, Peronius liberiùs iam meante ſpiritu, alleuare oculos cœpit: inde paulatim redeunte animo, circumſtantes amicos cognoscere. Ibi Gioioſa, vt illum mentis compotem, laxataque morbi vi, magnitudinem mali ſentire vidit, acceſſit propiùs, & bono animo eſſe iuſſum monet, magnam vt concipiat ſpem, ſibi Beatæ Mariæ Lauretanæ opem affuturam, cui ipſemet paulò antè pro ipſo vota feciſſet. Rogitat deinde, vtrum id votum ratum habeat. Ille cum voce aſſentiri non poſſet, capite annuit. Incredibile dictu, paucis horis ſenſus omnes cum voce pariter recipit, paucis diebus è lecto ſurgit incolumis. Ergo beneficii ſatis memor, certum hominem ſuo loco ad exſoluendam voti religio-
nem deſtinat exinde Lauretum: per eun-
binos ſolido ex argento angelos cubitale
dicat, qui ad pedes B. Mariæ hinc, & hin
accenſus perpetuò cæreis lucerent, monu-
mento

*Ducis Per-
sony D.*

mentoque essent posteris, Lauretanæ Virginis ope redditam sibi huius lucis vsuram, Hanc Gallorum Principum pietatem emulata Claudia Turnonia, arcis Turnoniæ effigiem argenteam misit, seruatene arcis votiuum donum, ac voluntarium tutelæ Virginis conciliandæ dono inscriptum.

HOC ARCIS TVRNONIÆ

Eximia Dona, ac pietas Guilielmi Bauariæ Ducis & aliorum Principum Germaniæ. CAP. VI.

CONSTANS tam euidentis in nobilissimo Principe miraculi fama Germaniā per-
 uagata, plures Dynastarum ad visendam, ac muneribus colendam Ædem Lauretanam accendit. Horum Guilielmus Bauariæ Dux primas tulit, vir vel opibus, vel pietate Germaniæ nominis longè Princeps. Hic Marchionis Badensis Consobrini sui valitudine mirè lætus, & paternæ in Virginem Lauretanam munificentia satis memor, regalis opulentia dona partim misit Laurerum, partim attulit. Inter dona missa erant equus generosissimus, laminaque argentea ebena inclusa, vbi B. Mariæ Iesum puerum gremio gestantis, Iosepho fugæ comite in Ægyptū, effigies expressa cernitur. Candelabrū item argenteū pensile, nō magis pondore, quā opere egregiū pondus est

Vist. Brig.

Ducis Pen-
nonij casus.

librarum LXXX. opus autem eiusmodi, vt quatuor & viginti veluti rami ex eodem emineant trunco, scitè omnes venusteque dispositi, adeò vt totidem cæreos satis laxè sustineant. Ergo id candelabrum in ipsa Virginis cella perpetuò ante eius effigiem pendet, nobile omninò Bauari Ducis domum; sed hoc nobilius, quod dotatum venit. Dotis nomine perpetuum assignatum à Duce stipendium, vt quotannis per quadragenos dies festos ac solemnes, candelis vicens & quaternis candidis B. Virgini luceat. Inde Dux ipse sua munera secutus, & quatuor dumtaxat comitantibus Lauretū, mutatis subinde equis cucurrit ignotus. Annus agebatur M. D. LXXXV. Eximia tanti Principis modestia pietatem quoque insigniorem fecit. Namq; humanas aspernatus delicias, vt diuinas liquidius hauriret, publicum magnificumque Principibus excipiendis destinatum hospitium posthabuit priuato, tenuique. Quippe ex aulici strepitus, pompæq; fastidio, auidus religionis quietis ad Patres Societatis Iesu, de quo ordine optimè meritis erat, perfamiliari-ter diuertit. Ibiq; apud eos dies aliquot diuersatus est, vulgari quidem victu, cultuque contentus. Cæterum, tanta virtus diu latere non potuit. Præses Bauari Ducis aduentu cognito, properè ad eum venit: perli-
bera

beraliter inuitat hospitio, rogitat, vrget, instat: Demum, vt obfirmato animo recusantem vidit, incepto irrito discedit. Nec minor in templo modestia Ducis fuit, quàm in hospitio fuerat. Scabellũ ad genua submittenda, sella que ad confidendum apparata erant penè regio cultu. At ille non luxum ex Lauretana Æde, sed pietatem petens, adeò aspernatus est ea, vt ne aspexerit quidẽ. In augustissima porrò Virginis cella vsque eò Christiana eius humilitas, pietasque enituerunt, vt cæteris miraculo forèt. Nam tanta animi corporisque submissione supplicabat in turba, vt vnum aliquem de populo crederes. Obseruabatur, credo, eius animo Dei filius, *qui cum in forma Dei esset inibi exinaniuit semetipsum formam serui accipiens*. Ita porrò assiduus erat in supplicando, vt in B. Virginis Domo habitare videretur. Nec obscuriora Laureti reliquit munificentia suæ, quàm religionis vestigia. Præcipuum eius donum fuit libellus ex auro solido, qui trifariam diuisus, quatuor velut paginis gemmata sigilla, egregiasque imagines continet. Integumentum ex auro, vnionibus, gemmisque clarissimis, opere mirabili perfectum, pendet ex tribus catellis aureis, quas ex aureo fluentes annulo ingens Saphirus excepit. Fama est, hoc donum octo aureorum millibus æstimatum. Nec fermè

*Duc. Bavar-
ra D. exi-
mum.*

aliud est in Ædis Lauretanæ thesauris, quod iucundius à peregrinis, avidiusque visatur: adeò non solum ornatus, sed etiam interiorum imaginum, sigillorumque; eximia pulchritudo spectantium oculos capit, arte certante cum copia. Eiusdem donum Christus aureus fuit, ea specie, qua rediuius existit è sepulchro: sed sepulchrum Adamantibus, Pyropisque collucet. Egregia Bauari Ducis pietas multis Germaniæ Proceribus exemplo fuit Lauretanæ Virginis salutandæ, colendæque muneribus, quorum deinde aduentus in Xysti V. Pontificatum incidit. Ducis tamen Bransuichiensis vxor amiculum argenteum B. Virginis, auro distinctum opere Phrygio, egregiam quoque aræ vestem, margaritis, Adamantibus, Pyropisque; distinctam, dona portauit Gregorio Pontifice. Cardinalis porrò Madrutius ex legatione, qua apud Rodulphum Cæsarem functus erat, reuersus, crucem argenteam talium Legatorum insigne, Lauretanæ Virgini donum tulit, legationis fœliciter obitæ illius præsidio atque ope monumentum.

Italia Principum pietas, ac dona.

C A P. VII.

*Viñ. Brig.
hoñ. Piccol-
homines D.*

NEc obscura per id tempus Italiæ Procerum pietas, aut liberalitas fuit. Ioannes Piccolhomineus laminam argenteam, in qua

qua muli duo lecticam ferentes expressi,
 quorum alter hominem humi iacentem
 calcibus petit, haud dubium depulsi Virgi-
 nis ope discriminis argumentum. Ioannes
 Baptista Duara Gonzaga compedes argen-
 teas pro ferreis, quibus vinctus fuerat, do-
 num attulit, indicium partæ per Virginem
 libertatis. Ludouicus Martinengus Brix-
 ensis calices quatuor ex argento inaurato.
 Marchionissa Estensis suam, filiiq; sui ima-
 ginem B. Mariæ supplicantem ex lamina ar-
 gentea pondo XIV. Dux Atriæ bina Ange-
 lorum simulacra sesquicubitalia præclaro
 opere, pondo XXXVI. quæ ante B. Virgi-
 nem, apud aram ipsam locata ardentes cæ-
 reos perpetuò præferunt. Votium id donū
 esse titulus basi incisus ostendit. Dux Terræ
 nouæ lychnum argenteum pensilem libra-
 rum XXII. haud minùs opere, quàm pon-
 dere egregiū. Emmanuel Philibertus Dux
 Sabaudia effigiem suam corona, sceptroq;
 insignem, in supplicantis modum ex auro
 expressam, pondo librarum X. Cardinalis
 Columna Piceni Legatus vas argenteum o-
 pere eximio, pondere non contemnendo.
 Cardinalis Aragonius calicem aureum ope-
 re, gemmis, & margaritis insignem, crucem
 crystallinam cum Christi effigie aurea, &
 quatuor candelabra argentea pulcherrimè
 facta. Cardinalis Riarius aræ, & sacerdotis

*Duara D.
 Vis. Brig.*

*Ludouici
 Martinen-
 gi D.
 March. E-
 sten. D.
 Duc. Atria
 D.*

*Duc. Terræ
 Nouæ D.*

*Duc. Sabau-
 dia D. gre-
 gium.
 Card. Colu-
 mna D.*

*Card. Ara-
 gon. D.*

*Card. Ri-
 ari D.*

orna-

*Card. Cusa-
ni D.*

ornatum ex veste Damascena. Augustinus Cufanus, qui subinde in Cardinalium Collegium est cooptatus, sacerdotis aræque vestem ex auro, argentoque contextam Lau-

*Greg. XIII.
Pontif. D.*

retanæ Virgini donum dedit. Et Gregorius ipse Pōtifex Lauretana Domo cultu, ac muneribus aucta admodum lætus, suum quoque proprium Pōtificis donum exstare voluit. Romani Pontifices Dominica Quadragenarij ieiunij quarta (ea ab Missæ introitu, Dominica Lætare dicitur) veteri solemniq̃ue more Rosam auream consecrant. Ea stirps est, seu planta rosarum vernātium ex auro, quæ aureo inserta vasculo, & ex tripode eminens aureo, sesquicubitalem altitudinem facilè excedit. Aureis nummis æstimari fertur circiter mille. Pontificale hoc donum Reginis plerumque mitti solitum, Gregorius Lauretanæ Virgini vtpote Reginæ mortalium & cœlestium misit. Et exstat in medio vasculo titulus donantis monu-

*Card. Ser-
moneta D.*

mentum. Porrò Nicolaus Gaetanus Cardinalis Sermonetæ nouo doni genere per id tempus Lauretanam Ædem honestauit. Hic siue communi familiæ (erat enim ex gente Bonifacij VIII. cuius Pontificatum sacrosanctæ cellæ in Italiam aduentus insignem fecerat) seu priuato quodam studio, Lauretanæ Virgini vnice deditus erat. Itaque sanus, ac valens in templo Lauretanæ, haud
procul

procul Deiparæ cella, sedem sepulchro suo
delegit, idque magnifico sanè opere exstru-
xit. Præclara utique ac perampla est monu-
menti species, vario distincta marmore; &
æneo Nicolai Cardinalis simulacro pul-
cherrimè factò insignis. Tabula marmorea
sub eo posita his incisa litteris:

NICOLAVS GAETANVS CARDINA-
LIS SERMONETA GENTILIS PAPÆ
BONIF. VIII. CVM SVB ID TEMPVS,
QVO ILLE PONTIFICATVM INIIT,
SANCTAM HANC DOMVM HIC
TANDEM DIVINITVS
CONSEDISSE,

ET MVLTÀ SE À DEO OPT. MAX. B.
VIRG. DEIPARÆ PRECIBVS OBTI-
NVISSE MEMINISSET, SPERANS
EIVSDEM OPEM MORIENTI
NON DEFVTVRAM:

MONVMENTVM HOC MARMOREVM,
VIVENS ET INCOLVMIS SIBI FACI-
ENDVM CVRAVIT, ATQVE IN EO, VBI
MORTALITATEM EXVISSET, CORPVS
SVVM RECONDI VOLVIT AN. AGENS
LIV. OBIIT ANNOS NATVS FERME
LX. AN. SAL. HVM. M. D. LXXXV.

MENSE MAIO

Nicolaus igitur vita functus ab vrbe Ro-
ma Lauretum defertur. Ibi funus maximo
appa-

apparatu factum, & absoluto dudum sepulcro corpus illatum, lapidq; superpositus cum hoc titulo:

HIC HABITABO, QVONIAM
ELEGIEAM.

Exstat hodie in templo Lauretano stragulum ingens ex veste Attalica, quod vndique ambit fascia prægrandis ex holoserico villosa nigro, quâ gentilitiis Gaetanæ familiæ insignibus, quâ crucibus aureis magnificè distincta; haud obscurum magnifici funeris argumentum.

*Lapidum, calcisue particulas ex sacrosanctâ
Domo auferentium temeritas diuinitus
vindicaretur. CAP. VIII:*

hi. Brig.

Eodem ipso anno, qui fuit à Christo nato M. D. LXXXV. nouo miraculo intellectum est, quantæ curæ sit Deo Lauretana Domus. Lapidis fragmentum relatum est ex Sicilia, cuius ablati, & culpa vetustior, & pœna longinquior Panormitanus ciuis viginti antè annis Lauretum profectus lapidem è sacra surripuerat cella. Nec quantacumq; pietatis in temerario facto species, aut interdicti Pontificalis ignoratio diuinam auertit iram. Domum regressus graui ex templò implicatur morbo: ac ne repentini mali causa dubia foret, quotannis circa id tempus, quo culpâ admiserat, pœnam luebat.

bat. Septembri mēse, aut certè Octobri, deficientibus subitò viribus atroci vrgebatur feбри. Nec medentium iudicio naturalis vlla morbo suberat causa, & ipse culpam pietatis nomine inuolutā minimè agnoscebat. Tenuit ea res annos viginti: per quos annos insanabili morbo nec causa, nec finis inueniebatur. Ad extremum, cum alia nulla causa appareret redeuntis in orbem mali; religio subiit ægrum animum, & conscientia stimulatē sacerdoti vulnus aperuit. Ille enim uero temerariam pietatem talis morbi originem esse ait, impense monens, vt sacro lapide restituto, salutem in tuto locaret suam. Haud furdus hæc auribus dicta. Æger veluti cœlesti voce iussus, lapidem eidem tradit remittendum, vnde olim ab se fuerat ablatus. Nec mora: saxo illo reddito, æger valetudinem recepit. Et res satis testata. Io. Baptista Carminata Societati IESV Præpositus in Sicilia Prouineia, sacrum lapidem cum litteris totam rem enarrantibus Romam destinavit ad Cardinalē Vastauillanum Laureti Patronū. Ille eundem lapidē Leonorio Lauretano Præfidi cum Siciliensibus litteris transmissum suo reponi loco iussit. Leonorius ergo simul ac primū ad Lauretum perlatus est lapis; solēni supplicatione indicta, obuiam ei procedit ad portam. Inde saxum miraculo clarum, quanta maxima potest pompa

pompa ad sacram defertur Ædem. Mira res dictu, visuque. Vix sacrosanctæ Domui illatum erat, cum statim (tanquam Deo monstrante) vacuus apparuit locus, unde viginti ab hinc annis fragmentum illud auulsum esse constabat. Reposito in suum locum nota addita index miraculi, comprimendæ peregrinorum audaciæ. Per ea quippe tempora in minoribus lapidum fragmentis noua subinde mortalium temeritas noui prodendi exempli materiam Deo præbuerat. Multa inuenio exempla multorum, qui idem ausi celeriter pœnas dederunt stultitiæ suæ, quoad malis docti ablata reddiderunt. Ea nos, ne similitudo satietatem pariat, omittemus. Nec sacrorum lapidum maior, quàm calcis interlitæ, qua lapides colligantur inter se, per idem fermè tempus Dei cura existit. Alexandria vrbs est Longobardiæ haud ignobilis, in Alexandri III. Pontificis Maximi gratiâ à fœderatis ciuitatibus condita appellataque. Huius ciuis Lauretum profectus paululum calcis furto abstulerat è sacrosancta Virginis cella. Inde domum regressus comminutam calcem simul cum cerea agni cœlestis effigie includit argento. Cæterum stulta pietas Deo Deiparæque grata haudquaquam fuit. Vbi primum ille thecam (incertum quam ob causam) de coniugis suæ collo suspendit, Dæmonum Dux ean

eam inuasit, cum nō exigua satellitum suorum manu. Iamque annum nonum infœlix mulier non sine ingenti sui viri dolore miseris vexabatur modis, cum remedium illi diuina benignitas obtulit. Io. Baptista Vanninus Sacerdos è Societate IESV per id tēpus Alexandria sermones sacros de more habebat ad populum. Is vbi rem cognouit ex ipso viro, tanti mali authore, hortatur eum, vt sacrum illum restituat puluerem, si fecerit, haud dubiè coniugem breui ab exagitatore Diabolo liberam fore. Facilè persuasum. Ergo ille sacram calcem theca exemptam Vannino ipsemet tradit, orans, vt primo quoque tēpore remittat eam Lauretum. Nec alterutrum spes fefellit. Paucis intermissis diebus, non tām exorcismorum vis, quàm B. Mariæ deprecatio ex obsessæ mulieris corpore tres Dæmones exagitatores excussit. Confestim igitur Vanninus creditam sibi calcem theca inclusam Lauretum ad Rectorem Societatis IESV destinat, rogans per litteras, vt simul, quod ablatum erat, Lauretanæ restitueret Domui simul miseræ illi fœminæ pacem, ac veniam à B. Virgine oraret, quo scilicet cæteris vexatoribus Diabolis expulsis, pristinam ei redderet sanitatem. Quod deinde ita, vt orauerat, euenisse compertum est. Relata calx honesto asseruatur loco, documentum mortalibus,

libus, ne tale quid audeant. Exstant quoq;
Vannini litteræ. III. Idus Nouemb. Anno
M.D.LXXIX. datæ, miraculi testes.

Epidauria navis insigni miraculo è manibus piratarum eripitur. CAP. IX.

*Ann. Laur.
Rsera.*

CÆterùm nobilissimū maximeq; illustrē
Gregorij Pontificatū nobili illustriq;
claudam⁹ miraculo. Epidauria navis preci-
osis onusta mercibus p̄ eadē tempora Con-
stantinopoli redibat Epidaurum. Ragusam
vulgus appellat. In medio cursu, tāta subitè
maris malacia, ac trāq̄llitas exstitit, vt defici-
ente v̄eto navis oneraria se loco mouere nō
posset. Extēplō plures adfuerunt myoparo-
nes piratarū, qui circūfusi destitutā nauin
sumā vi oppugnare cœperūt Christiani pri-
mū & sic pauciores numero, Barbarorū im-
petū egregiè sustinebāt. Ad vltimū labore &
vulnerib⁹ defatigati cedebāt, nec virib⁹, ne
animis pares. Iā pp̄ res erat, vt victi caperē-
tur à Barbaris, cū subiit eorū animos me-
moriam Lauretā Virg. Eam igiŕ cūcti inuo-
cātes vouēt, si imminēti eximātur periculo
egregiū calicē Ædi Laur. donū laturos: atq;
inibi labes animorū sacra cōfessione pariter
abstersuros. Nec mistæ voto preces in irritū
cecidēre. Repētē spissā exorta caligo intēdē-
tib⁹ se tenebris cōdidit lucem, & piratis p̄da
inhiātib⁹ cōspectū Epidauriæ navis eripuit
Agnouēre Christiani Deiparæ auxiliū & le-

titi

itia ex metu gestiētes, Deo Deiq; Matri cer-
atim grates agebāt. Cōtra furere, ac freme-
e Barbari dolore ereptę de manibus p̄dæ, &
ñ oīa conari, vt recuperent amissā. Sed fru-
tra. Incubans mari quēdā, quasi nox iā pro-
pectū abstulerat, & Barbari haud secūs, quā
n cæcis tenebris errabāt. Inter hæc: ecce tibi
opportuna inter nebulā afflās aura onera-
iā impellit. Ita nauis B. Maria fauēte, piculo
repta Epidaurū appellitur. Inde nautæ, ve-
toresq; Lauretū petūt, vota persoluūt. Hæ-
c ermē Lauretāæ res Greg. Pōt. M. euenerūt.

*Lauretum à Xysto V. ciuitatis iure donatum Epi-
scopali sede decoratur. CAP. X.*

EX inde Xistus V. Gregorij æmulator, vt
cæteris rebus inferior videri noluit: ita
studio Lauretani cult⁹ augēdi, voluit haberi
prior. Is q̄ppe in Piceno nat⁹, p̄cipuā Picen-
iū Patronā omni ope ab se ornandā existi-
nauit. Itaq; velut Marcelli II. Pōt. cōsilia ex-
equeret, Lauretū ciuitatis iure donatū Epi-
scopali sede decorauit, aliquot circa oppidis
ei cōtributis. Primus Lauretanus Ep̄s Frāci-
cus Cantuci⁹ fuit ciuis Perusin⁹, vir doctri-
na æquē, ac sanctimōia clar⁹, q̄ nouā sedem
gregiis imbuit institutis, exēplisq;. At Xy-
stus ne Lauretanę vrbis nomē vanū, aut te-
nue foret, collē Laureto proximū (Montē
Regalē incolę appellāt) coemptum æquare
institit: ita nouæ vrbi amplificandæ spatium

Vict. Brig.

*Franc. Can-
tucius Ep̄s.
Laur.*

ab ea parte fieri cœptum. Huic spacio coadificando, singulis Piceni ciuitatibus imperatum, vt suas quæque inibi excitarent ædes. Haud grauatè obtemperatum. Interim Pontifex Picenum, cæteramque Pontificiam regionem latrociniis infestam non magis ferro, quàm auro salubri ratione pacauit. Quippe latronibus ipsis, atque exulibus impunitatis, ac præmij spe in socios incitatis, Duces eorum cæsi, cæte partim interfecti à sociis, partim ob interfectos socios restituti. Ergo Picenci ciuitates Picenti Pontifici, & de sua gente, & de Æde Lauretana optimè meritis egregiam ex ære statuam locauere. Non suis per id tempus ornamentis Ædes Lauretana caruit. Pilæ, quæ pro columnis fornicem sustinent & ipsa templi fornix, Catucij Episcopi sumptu marmorato opere adornari cœpta. Sacellum vnum è maioribus à Cardinali Aragonio picturis Domini Thomæ Aquinatis præclarè facta ex primentibus, gypso, auroque adornatum. Sacellum porro omnium maximum à Ducibus Hetruriæ, & Bauariæ expeditum dirimendi certaminis causa à communi Icentium eximiis pictorum plastrarumque operibus excultum, plurimoque exornatum auro. Inter hæc Leonorius Laureti Prætoris ornandæ, augendæque rei Lauretanæ intenti,

Card. Aragon. sacell.

Sacell. rom. Picen.

entus, Lactantij Venturæ nobilis archite-
cti opera, faciem Basilicæ opus à Grego-
rio maxima ex parte perfectum ad culmen
perduxit. Bonam Pontificiarum æ-
dificum partem excitauit è regione templi.
Ferdinandus Archidux Austriæ de Lau-
retana ædificatione admonitus à Duce Ba-
variæ, eiusdem instinctu Lauretanæ Virgi-
ni cæsam è sylua materiam donauit, quæ in
nerariam imposita, & Adriatico commis-
sæ mari Lauretum incolumis, B. Maria fa-
cente, peruenit. In ea magna vis erat ingen-
um trabium assærumque facilè tribus au-
torum millibus æstimabilis.

*Archiducis
Aust. D.*

*cardinalis Gioiosa suum Gallia patrociniū
Virgini Lauretanæ commendat.*

CAP. XI.

Antucius inde primus Laureti Episco-
pus, septimo, quàm Episcopatum inie-
rat, mense excessit è vita Ingens omnibus
huius desiderium reliquit, pauperibus maxi-
mè, quorum parens habebatur. Porro tan-
ta eum sanctitatis fama profecuta est, vt fa-
cilè appareret, verum esse, quod prouerbij
obtinet locum: primum cuiusque ciuita-
tis Episcopum sanctum esse oportere. Can-
ucio subleçtus Rutilius Benzonijs ciuis
Rom. qui eruditione, & Ecclesiasticæ di-
gnitatis studio clarus, qua sacris concioni-

Vict. Brig.

*Rutilius Bē
zonius Epi
scopus Lau.*

bus, quâ præclaris institutis Lauretanam ædem excoluit: vt iam sacro cultu, ac maiestate, nulli propemodùm sacrarum ædium sit secunda. Sub id tempus Cardinalis Ioiosa nouus Galliæ Patronus Romam petens ex Gallia, cum nobilissimorum hominum comitatu Lauretum diuertit. Deductus est in Ædem Lauretanam à Mattheo Archiepiscopo Raguseo, eodemq; Anconæ Prætorè, Octauio Bandino Piceni Præsidente, & Rutilio Benzonio Episcopo Lauretano, qui aduentanti Cardinali obuiam processerant. Ibi Ioiosa in Virginis cella piè admodùm sacris operatus, sibi in animo esse dixit, suum Galliæ patrociniũ certissimæ mortalium Patronæ impensũ commendare: ac proinde solemnem quadraginta horarum supplicationem inibi instituere. Pium Cardinalis consiliũ non modò authoritas probauit Lauretani Episcopi, sed etiam concio decorauit. A concione supplicatio summis hominum studiis celebrata, tum à Clero Lauretano, opidanisq; tum à Capucinatorum manu quam ad id Ioiosa secum adduxerat. Cardinalis autem in eo, cuius ipse author fore nemini cedens, suis cæterisq; omnibus, vel pietatis, vel modestiæ exemplo fuit.

*Cardinalis Galli Patroni Lauretani egregia
studia erga Beatam Virginem.*

CAP. XII.

CÆterū, ille annus haud celebrior Lau- *Viā. Brig.*
retanis rebus fuit, quàm funestior. Bi-
duo post peractas supplicationes, Leono-
rius Laureti Prætor, Patronus inde Cardi-
nalis Vastauillanus, alter super alterum pe-
stifero morbo absumpti. Itaque Lauretana
tutela delata ad Anton. Mariam Cardina- *Card. Gal-*
lem Gallum, tum Perusinum Episcopum, *lus Patron.*
nunc Auximatem. Ab eo Ioan. Franciscus *Lauretan.*
Gallus patruus Lauretanæ administrationi *Frane. Gal.*
Præpositus. Nec ita multò post Card. Gal- *Præses.*
lus nouus Patronus Lauretum Pontificis
iussu contulit se. Ibi summa omnium ordi-
num lætitia & gratulatione exceptus, cre-
andorum Lauretanæ ciuitatis Magistratu-
um leges, ac iura descripsit. Annus tum age-
batur à Virg. part. M. D. LXXXVII. Quo
eodem anno signum æneum Xysti Quinti
Pontificis Mæximi pulcherrimè factū Ber-
nardini manu, sūmis studiis Lauretanorū,
Picentiumq; , maxima accolarum, peregri-
norumq; frequētia in templi gradibus posi-
tum est. Exinde Io. Francisco Gallo Laureti
Præside, templi facies ad fastigium aliquan- *Laure. Tem-*
do perducta, egregium sanæ Ædis Laure- *pli facies.*
tanæ decus. Quippe & magnificè descripta
est,

est, & perfecta solerter. Tota constat ex Istro lapide (is ex Istria aduectus, Tiburtini, quo tantopere vsi sunt olim, & vtuntur hodie Romani, speciem reddit) examussim quadrato: tanto autem artificio structa, vt tantum opus penè ex vna lapidis gleba constare dicas. In media facie tanquam os, ianua patet maxima, striatis columnis marmoreis, & arcuata corona insignis. Huius latera binæ ianuæ minores cingunt stylobatis, parastatisque columnis interpositæ, quibus facies subnixa consurgit. Supra ianuam maximam, Beatæ Mariæ paruum filium complexæ effigies ænea visitur pulcherrimè facta, Lombardi manu. Sub fastigio in ipsa fronte ingens fenestra oculi instar, striatis columnis, cælatisque operibus adornata Basilicæ lumen præbet. Super fenestram titulus Ædis Lauretanæ aureis litteris in Luculleo marmore incisus: DEIPARÆ DOMVS, VBI VERBUM CARO FACTVM EST: Humiliores ianuis minoribus fenestræ datæ: quæ Basilicæ alis impertiant lumen. Et supra hasce fenestras sua cuique inscriptio in pari marmore, aureis pariter incisa litteris: altera est:

SIXTVS V. PONTIF. MAX. PICENVS
 ECCLESIAM HANC EX COLLEGIATA
 CATHEDRALEM CONSTITVIT XVI.
 KAL. APR. AN. M. D. LXXXVI.

PONT. AN. I.

Altera verò;

SIXTVS V. PONTIF. MAX. PICENVS
 LAVRETI OPPIDVM EPISCOPALI
 DIGNITATE ORNATVM CIVITATIS
 IVRE DONAVIT, ANN. M. D.

LXXXVI. P. AN. I.

Absolutum erat opus, nisi quod gradus desiderabantur, quibus ascēderetur in templum. Igitur Ioan. Francisci Galli successor Hieronymus Gabutius novos gradus ab illo inchoatos ex Istro item lapide satis amplè magnificeq; perfecit. Idem laternam egregiam tēpli hemisphærio imposuit. Ea quoque ex eodem structa saxo, cōstat columnis octo nouenorum pedum, opere Ionico. Inter columnia fenestras octo præbent arcuatas, quibus aliæ totidem superadditæ latitudine pares, altitudine longè minores. Super has corona ducta, culmen octo, quasi costis discretum sustinet. Id verò similiter, vt hemisphærium, plumbeis intectum laminis longè lateque conspicitur. Cardinalis porrò Gallus, vt eum sua pietas admonebat, ab Æde ornanda ad pauperes subleuādos versus, congesta ingenti pecuniæ vi, Laureti

Montem Pietatis instituit: vbi pauperibus oppidanis pecunia mutua daretur gratis, ne cogerentur iniquitatem subire fœneratorum. Cæterum, illud maximè memorabile Xysti V. Pontif. munus, (alij ad Gregorium XIII. trahunt) quod Lauretani templi valuas ex ære cælandas locauit aureorum milibus XL. Trium ianuarum fores erunt æneæ, vbi sacrarum historiarum argumenta mirabili opere cælata visantur. Magnū omnino opus, ac multorum annorum. Et quantum ex principiis coniectare licet, longè egregium ac mirabile. Sic prorsus, vt nobilissimis S. Ioannis Baptiste valuis, quæ Florentiæ miraculo sunt, ab iis, qui vtrasque inspexerunt, haud immeritò conferantur: maximum utique Lauretano templo ornamentum, & iucundissimum peregrinis spectaculum præbituræ.

Dona Lauretana Virgini lata missaue.

CAP. XIII.

*Codi. Laur.
Bononiensis
Sodalit. D.*

NEc verò Lauretana Domus pauperum incolarum cōmodis seruiens peregrinorum muneribus caruit. Fabrorum ferrariorum Bononiensis sodalitas ingens candelabrum fusile ex aurichalco donum portauit, nō minùs opere, quàm inusitata magnitudine, ac pondere visendum. Catharina Medicea Franciæ Regina, ac Regum mater lychnum

*Regina
Francia D.*

lychnum argenteum & pondere, & artificio insignem, donum Lauretanæ Virgini misit cum dote, ut perpetuò luceret. Ducis Cluieg vxor amiculum B. Virginis aureum, argento illufum opere Phrygio, effigiemq; suam in lamina argentea Beatæ Mariæ Lauretanæ supplicantem: sed hoc posterius donum commune multorum. Parmensis Ducis filia binas, Federicus Tomacellus, & Antonius Spinellus Neapolitani, Alphonfus Vicecomes Mediolanensis, Marchio Capursius, & Episcopus Eugubinus singulas lamine argenteas cum effigie quisq; sua supplicem, quaternarū ferè librarum: Marchio Vastimantibus, Pyropisq; circumfulgente depictam Lauretanæ Virgini consecrarunt. Horum donorum, pleraq; votiua esse indicat Eugubine lamine titulus: EX AVDITA EST ORATIO TVA. Cæterum, hi sua, alij suorum votiua simulacra miserunt. Princeps Stilianus argenteam filioli sui effigiem Deiparę dicauit supplicem. Liuia Pignatella Neapolitana viri sui paruū filium B. Mariæ offerentis imaginem, ex argento expressam pondo quatuor. Princeps Amalphetana infantem argenteum fasciis obligatum, ponderis dimidio maioris, Philibertus Emmanuel Dux Sabaudia donum in hoc genere egregium, infantis fasciis inuoluti simulacrum

*Duc. Cluieg
Don.*

*Duc. Parm.
filia D.
Fad. Tomac.
Ant Spinell.
Alphon. Vicecom. D.
March. Capursi D.
Epsco. Eugub. D.
March. Vasti D.*

*Princ. Stilianus D.
Livia Pignatella D.*

*Princip. Amalphet. D.
Dux Sabaudia D. egreg.*

*Cornetis si-
mulac. arg.*

*Duc. Mant.
tuans D.*

*Principis
Mant. D.*

Ferd. Card.

*March. Im-
perial. D.*

crum aureum iustæ staturæ, ob filium Beatæ Mariæ precibus ex recenti matrimonio genitum. Quin etiam Cornetana Ciuitas suæ vrbis simulacrum in lamina argentea ebe-
no inclusa, donum portauit, subiecto titulo
insigne: CORNETVM CIVITAS FIDE-
LIS. Ab aliis porrò sacra supellex data. Gu-
lielmus Mantuæ Dux bina candelabra ex
argento sesquicubitalia, Christi quæ cruci-
fixi effigiem præclaram ex auro in cruce au-
rea: omnia mirabili opere, atque arte perfe-
cta B. Virgini dona transmisit. Nec ita mul-
tò post Mantuæ Princeps paternam pieta-
tem æmulatus, aræ, sacerdotis, ministrorum
solemni cæremonia sacrificantium vestes
argenteas opere Phrygio, margaritis, auro-
que distinctas, votiua pro suscepta prole
munera attulit. Ferdinandus Cardona cali-
cem argenteum egregiè factum B. Mariæ
dono misit. Ioannes Spinota: Hippolytus
Bensinotus: Octavius peregrinus Neapo-
litanus; præter singulos ex argento calices,
binos, vrceolos cum suis paruis polubris ex
eadem materia tulerunt. Petrus Demetrius
Princeps Vallachiæ calicem cum patina au-
reum. Marchio Imperialis Auria vir insigni
aduersus Lauretanam Virginem religione,
aureo adiecit calici lychnum triplicem ar-
genteum, pondere iuxtà, & opere eximium,
quem ab se certo stipendio dotatum præci-
puis

puis diebus festis in medio ardere facello
 voluit. Indidem lychnus alius argēteus pen-
 det egregio opere trifariam distinctus, vo-
 tiuū Marchionis Lippai Mediolanensis do-
 num. Comes quoque Oliuarenſis Catholi-
 ci Regis apud Pōtificem Legatus cum con-
 iuge Lauretum profectus, lychnum argen-
 teum B. Mariæ dono dedit. Aræ inſuper, &
 ſacerdotis veſtem auro, argentoq; fulgen-
 tem, opere Luſitanico ſanè egregio, & dona
 ingenti pecunia cumulauit. Proregina Ne-
 apolitana argenteum ciborium auro illu-
 ſum, magnificoq; opere cælatum. Portia
 Vitellia Chriſti crucifixi effigiem auream e-
 beno incluſam. Cardinalis Auſtriacus bina
 candelabra ſolido ex ebeno gemmis, au-
 roq; diſtincta. Hieronymus Grimaldus Ge-
 nuenſis totidem candelabra ex argento cu-
 bitalia pondo XV. Lychni prætereà argen-
 tei non vulgari pondere, atque opere com-
 plures, tacitis donantium nominibus, lati:
 vnus aureus multorū inſtar, Franciſci Ma-
 riæ Vrbinatium Ducis donum, nō materia
 magis, quàm opere inclytū. Lychnus quip-
 petrium Angelorum humeris ſuſtinetur, &
 Angeli ramos quernos (inſigne id eſt Ro-
 bureæ familię) prætendunt manibus: totum
 opus ex auro ſolido mirabili arte perfectum
 pondo librarum decem. Ergo ob eximiam
 dignationem, præcipuus ei locus datus, vt
 ante

*March Lip-
pai D.*

*Comit. Oli-
uarenſis D.*

*Proreg. Ne-
pol. D.*

*Portia Vi-
tellie D.*

*Card. Au-
ſtriaci D.*

*Hiero. Gri-
maldi D.*

*Duc. Vrbi-
natium D.*

ante ipsa ora Beatæ Virginis medius inter
 argenteos lychnos ex catellis aureis pēdens
 perpetuò luceat. Iam altarium vestes aureæ
March. Ro- singulæ dono datæ à Marchione Robureo,
burei D. itemque à Benedicto Cardinali Iustini-
Card. Iusti- à Camilla Peretta Xysti Pontif. sorore ger-
niani D. mana, quæ etiam amiculum Beatæ Mariæ
Camilla tulit, auro, Phrygioque opere visendum.
Peretta D. Aliud amiculum dono misit Dux Bouini
Duc. Boui- scæmina lectissima ex holoserico raso viola-
ni D. ceo, margaritis, gemmisq; consperso ad re-
 giam magnificetiam, nisi breuitas obstaret.
 Attalicam quoq; vestem preciosis subsutam
 pellibus, cursorum præmium Florentiæ lu-
Comit. Iusti dis partū Iustus Iustei- Comes Veronensis
Don. B. Marię velut auctori victorię consecrauit.
 Ab aliis alia Beatę Virgini ornandæ donā ex
Duc. Clinia mundo ferè muliebri deprompta. Dux Cli-
D. uiæ eximia pietate mulier torquem aureum
 pondere iuxtā, & opere eximium: armillas
 aureas Pyropis, Adamantibusq; distinctas:
 aureumque annulum nobili gemma insi-
Equit. Vi- gnem dono dedit. Vidobonus eques Ducis
doboni D. Bauarię œconomus suo, & coniugis suę no-
 mine, binos aureos annulos adamāte, ac py-
 ropo insignes inuicem insertos, quibus in-
 scriptum est: QVOS DEVS CONIUNXIT,
 HOMO NON SEPARET. Ludouicus Ge-
Ludouici orgius Papiensis torquem aureum libralem
Georgij D. eleganti opere perfectum. Marchius Anto-
Marc. Ant. nius

nus Blanchettus Bononiensis coronā gem- *Blanchettus*
 meam auro illigatam. Casteluetrani Prin- *Don.*
 cipis coniux aureū orbē ingentis instar Nu- *Princi. Ca-*
 mismatis, Adamantibus, Smaragdis, Mar- *stelueltr. Di.*
 garitisque fulgentem. Illud verò haud ma-
 gis doni preciò, quàm donandi modo me-
 morabile. Comes Antonius Martinengus
 cùm Caratæ Marchionis filia de gemmata
 parua molis, sed ingentis precij cruce, mul-
 tos iam disceptarat annos. Cum nullus litis
 exitus reperiretur, conuenit inter eos, vt
 controuerfa crux Lauretanæ Virgini ad-
 iudicaretur. Gratum id Deiparæ fuisse do-
 cuit euentus. Eam crucem depositam apud
 se Hieronyma Columna Dux Montis Leo-
 nis habebat. Igitur sorte quadam diuini-
 tus accidit, vt cum Martinengus religio-
 nis ergò ad Ædem Lauretanam venisset,
 ineunte Maio, eodem tempore, iisdemque
 diebus Hieronyma quoque veniret, Mar-
 tinengi aduentus prorsus ignara. Ergo il-
 lum ex improviso Laureti conspicata ob-
 stupuit primò: inde salute data, redditaque
 crucem illam B. Mariæ adiudicatam se mi-
 ra opportunitate secum attulisse, ait. Et ad-
 erat solemnis inuentæ Christi Cruci dies.
 Itaque ambo rei diuinitus attemperatæ mi-
 raculo attoniti, ad sacrosanctam cellam pa-
 riter pergūt: gemmatamq; crucem, ipso die
 Cruci sacro dedicant Virgini: dicas, illam
 suo

suo tempore repetiisse depositum. Ea crux hodie è gemmata B. Virginis Zona pendet eximij ornamenti præcipuum decus, constat quippe Adamantibus satis magnis no- uem, quos tres vniones ingenti magnitudi- ne, instar ceraforum adornant, quatuor cir- citer aurcorum millibus æstimatur.

*Episcopus Hybernus bis Hæreticorum pira-
tarum manus euadit. Adolescēs presen-
ti naufragio eripitur. CAP.*

XV.

NEc muneribus, quàm miraculis clarior per id tempus Lauretana Ædes exstitit. Edmundus Hybernus Ardacacensis Epi- scopus eodem fermè tempore duplicis voti reus Lauretum venit. Veniendi causa hæc fuit. Is ob religionem ab Elisabetha Angliæ Regina pulsus in exilium, cum fidis aliquot famulis profugerat in Scotiã. Sed vnde præ- sidium quærebat, periculum exstitit. Sco- tiæ Proceres Angliæ Reginæ rogatu, Edmũ- dum in vincula coniici iubent. At ille rem odoratus, clàm conscensa naui, Regine insi- dias folerter elusit. Cæterum, manifesto pe- riculo perfunctus, haud multò post occul- tum aliud discrimen occurrit. Nec fortuita res, sed diuina fuit. Id adeò, & discriminis tẽ- pus, & oblatum in tempore cœlestis auxi- lium ostendit. Nam dum Galliam Edmun-
dus

duſ petit, in Dracum Angelum Archipira-
tam nobilem incidit, pridie Natalis diei B.
Mariæ, qui dies ab Epifcopo, eiufque famu-
lis præcipua veneratione agitabatur. Et ob-
lata in ſomnis vni ex comitibus ſpecies o-
mnes ad ſpem ſalutis erexit. Is ea nocte, quæ
occurſum hoſtium antecellit, viſus ſibi erat
in quiete cum hæreticis in magno homi-
num conſeſſu diſceptare nudus. Ibi nudi-
tatem ſuam erubeſcēti virgo excellenti for-
ma, candida in veſte occurrit, quæ illum e-
nixè rogitantem, vt ſuam nuditatem tege-
ret benignè, comiterque ſua operuit palla.
Hoc ille deinde viſum cum enunciaret E-
piſcopo, cōmuni conſenſu ſtatuerunt, ob-
uerſatam in ſomnis Virginem, vti que Dei-
param fuiſſe, cuius præſidio tegerendi forent.
Itaque Edmundus, aduentâte hoſtium claſ-
ſe, cum humanum nullū pateret effugium,
Mariæ Lauretanæ (cuius dies natalis cer-
tam ei ſpem ostendebat ſalutis) cum ſuis
implorat opem, adiectum precibus votum.
Hoſtium manus ſi eualiſſent, ad Laureta-
nam Ædem ituros, ac per triduum inibi ſa-
cris operaturos. Nec irritę preces votumue.
Gubernator nauis, qua vehebantur, ſpecie
hæreticus, Catholicorum fautorem ſe in i-
ſſo temporis articulo præbuit. Namque, vt
Anglicanam claſſem adeſſe vidit; ratus id,
quod erat, Catholicos, quos vehebat ad ne-
cem

cem quæri, Episcopum cum famulis occu-
 luit in sentina, remotissimo ab oculis, tene-
 bricosissimoque loco. Ibi naui iam ab An-
 glis capta & in Angliam abducta, octo ipsos
 latuerunt dies, Nauarcho cibaria semel in
 die clàm subministrâte. Neq; tamē interim
 prædones Angli segniter captam scrutati
 sunt onerariam. Quotidie certatim infen-
 sis animis, omnes rimabantur angulos, Epi-
 scopum de cuius fuga cognorant quæritan-
 tes. Ad vltimum accensis facibus, cuncta in-
 tentius perscrutantes delabuntur in senti-
 nam. Ventum erat ad latebram. Quo præ-
 sentius periculum, hoc euidentius Deipara
 auxilium exstitit. Iam Sacerdotem, cui vi-
 sum in somnis obiectum diximus, depre-
 hensum in proximum attraxerant tabula-
 tum, cæteros vestigaturi, cum diuinum Ca-
 tholicis præsidium senserunt adesse. Mo-
 quippe sacerdotem illum diuinitus ex ipso
 rum elapsum manibus nunquam postea re-
 perire potuerunt. Ergo octauo demum di-
 scrutandi de fatigatione, curâ quærendi E-
 piscopi omiserunt: ita naui demissa à præ-
 donibus iter cœptum repetiit. Ecce autem
 aliud ex alio periculum: in eodem Gallica
 no cursu classis alia piratarum occurrit, quæ
 truculentiores prioribus, Edmundum Epi-
 scopum Elisabethæ Reginae instinctu quæ-
 rebat ad necem. Hi naui capta, in eam tran-
 siliunt

filiunt, euertunt merces, admotisque lumi-
 nibus cuncta loca scrutantur intentiore cu-
 ra. Venitur ad latebram: tandem Episcopus
 ipse comprehenditur. Actum erat, nisi præ-
 sens Dei paræ tutela furorem hostium retu-
 disse. Ecce tibi dum captum extrahere co-
 nâtur, repentè capti ipsi oculis, lymphatisq;
 similes errare cœperunt. Tandem haud du-
 bia Dei vindicis ira conterriti, captam one-
 rariam dimittunt. Illa repetito cursu, opta-
 tum fauente Virgine tenuit portû, bis pau-
 cis diebus vltimo periculo defuncta. Epi-
 scopus eiusq; familiares votorum, haud pa-
 rû memores, protinus ex eo loco, vbi in ter-
 ram descenderant, pedibus Lauretû vsq; ve-
 nerûnt An. post Chri. natû M.D.LXXXVI.
 Et Episcopus votis ritè persolutis totâ rem
 litteris consignatam apud Ædem Laureta-
 nam reliquit, duplicis in duplici periculo
 suo auxilij B. Marię argumentum. Insequenti
 anno alium B. Virgo haud minore miracu-
 lo à maris fluctibus liberauit, quàm illos ab
 infestis prædonibus liberauerat. Ioann. Ba-
 ptista Capra à Monte Albodo (oppidi in
 Piceno nomen est) adolescens probus, ac
 pius, phaselo vectus Calabrię oram legebat.
 Ventum erat in conspectum Insulæ Vulca-
 nię (ea Sicilię Insulæ obiacet) cum repêtè
 cum atrox vis tempestatis adorta in vlti-
 mum discrimen adduxit. Iam fractis remis,

veloque amisso, propè erat, vt vexata nauicula mergeretur vndis, cum ipse ad spem salutis semet erexit. Itaque Mariam Lauretanam inuocans, exclamat. Vt Angeli tuam Domum in Picenum, vbi nunc colitur, detulerunt: sic tu Deipara Virgo nauiculari hanc defer in portum, mira res. His precibus, velut fræno iniecto, procella sedatur secundus repentè ventus existit. Phaselus in tutum appellitur B. Virginem clienti suo obsecundare, & famæ transuectæ ab Angelis Domus suæ fauere sentires.

Duo Sacerdotes Lauretanæ Domus calcem furto sublatam malo docti restituunt.

CAP. XV.

Vitt. Brig.

CONFIRMATA hoc miraculo Lauretanæ Historiæ fides, aliò subinde sacrosanctæ Domus religio sancita. Eodem ipso anno Sacerdotes duo Placentini, ex compoto, calcis aliquid è sacro pariete sustulerant eo consilio, vt id secum circumgestarent Lauretanæ Virginis monumentum, vitæ præsidium. Sed quæsitum inuito Deo præsidium in periculum vertit. In patriam regressos, atrox pariter, minaxque occupat febris, qua pertinaciter tertium iam mensem vrgente, tandem resipiscunt. Subit animus memoria Lusitani Episcopi, qui quâquam permissu Pontificis, lapidem ex Lauretanæ

Ede sumpsisset; tamen in feno Deo, penè
 xitiali oppressus fit morbo, ex quo non an-
 e conualuerit, quàm sacrum Virgini resti-
 uerit lapidem. Ergo ambo communi con-
 lio decernunt B. Mariæ reddere, quod ab-
 tulissent, eamque enixè orant ipsorum in-
 citiæ ignoscat, suaque recepta re, pristinam
 is restituat sanitatem. Nec mora, calcem il-
 um serico sacculo includunt: litteras ad-
 unt miraculi testes. Peregrinis Lauretum
 etentibus tradunt, ipsi valetudinem recu-
 erant. Calx vt erat in sacculo serico à Pla-
 entinis aduenis Lauretum ad Rutilium
 enzonium Episcopum perlata. Recitatis
 lacentinorum sacerdotum litteris, fides
 miraculo facta; vulgata inde res: & duorum
 xemplo repressa audacia multorum.

*Quobus B. Maria eadem specie, qua Laureti
 colitur oblata desperatam à Medicis sa-
 lutem reddit. C A P. X V I.*

NEc natalem magis Domum, quàm effi- *Viñ. Brig.*
 giem suam cum Domo allatâ sibi cordi
 ffe B. Virgo per id tempus ostendit. Tibe-
 ius Delphynus Ducis Mantuani affec-
 harus in paucis fuit. Hic graui, diutinaque
 ebris tabe consumptus, vrgente vi mali,
 aud procul aberat à fine. Iamque sacerdos
 ius animum Christianis mysteriis muni-
 um solemnibus precibus Dei, Diuorumque;

tutelæ impensius commendabat, cum moribundo Lauretana Ædes miraculis incluta occurrit, quam cum valeret, occupationes visere prohibuerant. Subinde per quietem oblata Lauretanæ Domus, ac Virginis species eum, & ad votum Deiparæ concipiendum, & ad bene de se sperandum erexit. Nec spes irrita fuit. Qui modò omnibus destitutus iacebat sensibus, quasi reuiuiscens, apertis oculis, liberiùs meante iam spiritu, loqui cœpit: & conceptum Lauretanæ Virginis adeundæ votum exposuit cunctis, qui aderant, rei admiratione obstupefactis. Paucis inde intermissis diebus planè conualluit. Cæterùm ille, vt primum per valetudinem votiux peregrinationis iter exsequi vtcumque potuit, (adeò incensa erat voti exsoluendi cupido) nondum ex morbo factis validus Lauretum petit. Eò vbi ventum est, gratiis Deo, Deique Matri auidè, impenseque actis, vota alacer gaudio soluit. Exinde religiosissimum Beatæ Mariæ simulacrum cominùs intentiore contemplatus cura; enimuero (inquit) hac ipsa specie mihi moribundo Beata Maria secundum quietem est visa; vt facilè appareat Lauretanam effigiem illi, aut similitam esse, aut certo charissimam. Alio deinde consimili miraculo huius rei adfirmata fides: Ioannes Rastredus adolescens è Lasturo vico Venet

ditic

itionis non procul Bergamo insanabili
 oppressus morbo iacebat. Ad morbi tabem,
 ua miserrimè conficiebatur, accedebant
 dolores acerrimi, ac penè perpetui mem-
 orum omnium. Itaque desperatis me-
 entium auxiliis, Lauretanam Virginem
 nuocat vouens, semet ad eam: si voti com-
 pos fuerit, primo quoque tempore iturum.
 Nec incassum votum cecidit. Iam destitu-
 us à Medicis, non tam cum morbo, quàm
 um morte luctabatur; cum repentè ani-
 nam agenti spes salutis affulsit. Beata Vir-
 go, velut ex insperato se illi ostendit eadem
 specie, qua Laureti colitur (quam tamen
 ipse nunquam, ne pictam quidem antea
 viderat) bonoque animo esse iussum in-
 genti lætitia simul, & religione perfudit.
 Confestim æger utcumque poterat, super
 terato genua moliri venerabundus; ma-
 gnaque fiducia in ultimo illo salutis discri-
 mine, Deiparæ fidem implorare cœpit.
 Et illa blando, maternoque vultu, omitte,
 inquit, timorem fili: haudquaquam ex isto
 morbo morieris. Tu modò gratus esto, ac
 voti memor. Cærerum, illo domesticos
 inclamante, ut illuc properarent, cœle-
 stem Reginam veneraturi, Beata Virgo
 repentè ex oculis abiit. Et exstitit vtrim-
 que promissi fides. Æger paulò post va-
 letudine recuperata, Lauretum protinus

ad reddenda vota perrexit, anno sæculi huius XC. Ibi per otium Deiparæ contemplatus effigiem, affirmavit iis, quibus rem omnem enunciarat, eadem prorsus forma, ornatuq; sibi in quiete B. Virginem obuersatam. Credas illam speciem, habitumque esse cordi B. Mariæ.

Eques Belga insigni miraculo liberatus ab hostibus, ingenti mole careum dicat.

CAP. XVII.

Viã. Brig.

CÆreus votivus vastæ magnitudinis, pondo CCC. per idem tempus à Belga equite nobili B. Virgini dono missus est, penè incredibilis miraculi testis. Voti, doniq; causa fuit, quod ille eques (nomen nō proditur, quia ipse occultatum voluit) in Flandria, B. Mariæ ope manifestū capitis discrimen effugerat. Quippe iussu Parmensis Principis, cum equitibus octo explorandi causa improuidè progressus, in hostium præcipitarat insidias. Erāt hostes circiter octingenti partim equites, partim pedites, qui impigrè circumfusi omnem illi effugij spem ademerant. Non tamen animis cecidit Belga, sed inuocata B. Maria Lauretana, adhortans socios fortiter pugnam capeffit. Tantumque apud eos valuit fiducia Virginis; vt facile tanti periculi cogitationem excuteret. Itaq; repentè parvæ illi manui creuere ani-

ni viresque: nec imploratum cœleste auxilium pugnantis defuit. Cum tot vndique manus eos incesferent telis; Deiparæ præsidio tecti hostilem impetum, telorumque procellam tantisper sustinuere; quoad Hispanienses copiarum venere subsidio. Tum vero periculum in hostes vertit: plerique eorum cæsi, captiue. Ac ne dubia foret vis cœlestis auxilij; neque ipse eques, neque comitum quisquam omnino: nec verò ullus eorum equus in tam atroci pugna, quæ tenuit horas duas, ulla est læsus ex parte. Sentires illos eodem Deo protegente pugnasse, quo propugnante vicissent. Ergo ille tam insignis miraculi æternum Laureti voluit exstare monumentum. Ingenti mole cæreum, quem dixi, ea lege misit, ut ante augustam Virginis Domum certis arderet diebus: stipendiumque certum attribuisse dicitur, ut illo absumpto, alius deinceps pari magnitudinis cæreus substituatur, ad posteritatis memoriam sempiternam.

Surdus aurium usum recuperat.

C A P. XVIII.

Mirandum minus, sed magis etiam testatum est, quod subiiciam. Erasmus Decanus Cathedralis Ecclesiæ Cracouiensis in Polonia, vtraque captus aure nihil admodum audiebat: sic prorsus, ut non tam verbis,

Ann. Laur.

Riera.

Viçt. Brig.

quàm nutibus cum eo agēdum foret. Is ante obstruētas morbo aures, de admirabilibus Lauretanę Virginis rebus, rumore nuncio multa cognorat. Tandem igitur, postquàm in Medicis nihil opis esse apparuit, ægrum morbo animum subiit diuina vis Domus Lauretanę. Ergo haud dubia spe erectus Lauretum venit. In augustissima Virginis cella sacrum facit, Diuę opem implorans. Ibi præsentissimum morbi remedium inuenit. Sacris operatus sinistram sibi apertā sensit aurem: postridie re diuina inibi facta, dexterę quoque auris vsum recuperat. Ita qui surdaster, aut surdus potius sacrosanctam Ædem intrauerat, intra biduum exiit lætus aurium vsum recepto. Totam rem ipsimet Rutilio Benzonio Episcopo, & Andreę Bentiuolo Præsidi Lauretano mistis gaudio lacrymis enarrauit. Non. Apr. Anni M. D. XC. Inter hæc Lauretum noua vrbs, laxato spatio strenuè ædificabatur. Cæterū, immatura Xysti Pontif. mors opus ab aliis quoq; Pontificibus frustra tentatum subito interrupt. Mons Regalis circumcisus, ac semirutus relictus: nouę ædes extra vetus pomœrium sitę nunc pro suburbio sunt, quarum etiam bona pars inchoatę manent: credas B. Marię Lauretanę, quę in solitudine sibi sedem quæsierit, ciuitatis celebritatem cordi non fuisse: ne quem aduenarum magis

*Andreas
Bentiuolus
Pres. Laur.*

gis vrbis fama, quàm loci religio inuitaret.
 Sub id tempus Andreæ Bentiuolo extincto
 n. administratione Lauretana successit Ful-
 ius Paulucius Protonotarius Apostolicus,
 cuius virtutem difficilima tempora exercu-
 erunt pariter, & illustrarunt.

Fulius

Paulucius

Prat. Laur.

*Munera difficilimis Gregorij XIV. tem-
 poribus Virgini missa, lataue.*

C A P. XIX.

ANno deinde M. D. XC. Septembri
 mense, Vrbanus VII. Pontifex crea-
 tur, nō minús breuitate Pontificatus, quàm
 cunctorum desiderio memorandus. Suble-
 ctus Urbano Gregorius XIV. vir bonus ac
 pius, sed fermè valetudinarius, Pōtificatum
 gessit annum. Tempestas fuit omnino mi-
 sera, & infœlix, nec vlla facies mali defuit,
 Latrones, quos extrema Xysti tempora ef-
 fuderant, gregatim impunè volitabāt. Pon-
 tificiæq; regionis vias infestas habebant. Ad
 hæc erat summa cum caritate, inopia. Su-
 per omnia fæda lues, extremæ famis comes,
 tota penè Italia per omnes ordines, atque æ-
 tates vagabatur. Neque is solùm, sed etiam
 insequens annus Italiæ funestus fuit. Ergo
 agri cultoribus, vrbes ciuibus, oppida vi-
 ciq; incolis propemodùm exhausti; nec
 tam morbo, quàm (quod miserius est) fame.
 Hac igitur tempestate Laureti minus vtiq;
 solito

solito aduenarum, ac donorum; Cæterum plus votorum fuit Lauretani templi visendi adornandiq̃ue. Id adeò insecuti anni satis ostenderunt. Nec tñ illa ipsa tempestas, quæ ciuibus vrbes exhaustit, non auxit muneribus Lauretanam Domum. Lelius Pignatellus Neap. lichnum argenteum bilibrẽ Virgini dicauit. Cardinalis Sfondratus Gregorij XIV. fratris filius B. Mariæ Lauretanę effigiem ex argentea lamina expressam librarum fermè trium. Hercules Sfondratus Comes consimilem B. Mariæ effigem argenteã X. pondo, aliã in super laminam argenteam simili opere, sed pondere dispari, & binos vrceq̃los argenteos. Alfonsus Coroneus gemmeam pateram ingentis precij. Ea tornatilis est ex vna gemma excauata, Achatidis genus videtur, vulgò Agatham appellant. Dionysius Delphynus Venetus præclarum sacrificaturi Sacerdotis ornatũ ex textili argẽteo N. Pernelstaina Proreginẽ Boemię Soror auream pallã argenteis flosculis tanquã stellis scitè eleganterq̃ue distinctam (ex ea Episcopale amiculum sanè egregium factum) Lauretanę Virgini dicauit. Cæterum, illud munus maximè memorabile, nec minus fructu, quàm opulentia eximium. Petrus Tyrannus Calliensis, homo prædiues & opulentus in primis, moriens Lauretanã Virginem testamento hæredem fecit ex asse.

Lelij Pignatelli D.

Card. Sfondrati D.

Com. Sfondrati D.

Alfonsi Coronae D.

Dionysii Delphyni D.

Proregina Boemiæ sororis D.

Petri Tyranni hæredis.

se. Hæreditatis caput Falconaria, prædium sanè luculentū. Id haud magis tritici, quàm vini ferax, loco situm est maximè opportuno. Haud procul abest Ancona marique: vt facilè inde fruges fructusq; Lauretum subuehi nauigiis queant. Æstimatur vniuersa hæreditas aureorum millibus circiter sexaginta: opportunum sanè Lauretanæ Domus necessitati, vel iam vrgenti, vel imminenti subsidium. Quippe summa illa rerum caritas atque inopia, quæ per id tempus afflixit Italiam, simul ingentes Ædis Lauretanæ sumptus impense augebat; simul elemosynarum, donorumq; prouentum maximam intercipientebant ex parte. Nam præter D. CCC. nummos aureos, quos arca Lauretana quotannis Episcopo pensitat, circiter sena aureorum millia in Canonicos XII. totidem Sacerdotes Mansionarios, vt vocant, sex Clericos chori adiutores, Symphoniacos plurimos, aliosq; complures templi ministros, cæreos, oleum, cæterumque ædis cultum erogat. Præsidis quoque Lauretani cohortem, ingentem fabrorum, rusticorum, pastorum familiam alit. His accedunt Collegia duo, Societatis IESV vnū, alterum Illyricorum. In quæ cum meliora essent tempora, quinque fermè aureorum millia in annos singulos infumebantur. Ad hæc in Nosocomio & Xenodochio plurimi pere-

peregrini, quâ ægri, quâ pauperes sustēantur. Cœnobitis quoque, & sacerdotibus victus in triduum præberi: cæteris aduenis egentibus publicè panis diuidi solet. Episcopi porrò, Cardinales, aliique Principes viri benignè lauteque tractantur. Et ædificatio sumptuosa iuxtâ & honorifica B. Virgini, nunquâ fermè intermittitur. Igitur hi tanti, tâq; immanes annui sumptus XX. aurcorū millia excedere dicuntur, quos in vilitate rerum, & copia, ægrè Lauretana res sustinebat, illis temporibus crescebant in immensum. Et annonæ inopia fermè quadrienniū tenuit. Quo tempore agrorum, arcæq; proventus duplo, aut etiam triplo minor erat, quàm solebat: & tamen penè duplicabatur impensa. Lauretanis itaque difficultatibus Calliësis hereditas mira opportunitate subuenit, non in præsens tempus magis, quàm in futurum. Subinde parua dictu res Ædis Lauretanæ religionē haud parum illustrauit. Marcus Sara latronū Dux nobilis Pontificiam ditionem infestam habebat armis. Hic cum maxima consccleratorum manu in Picenum venit. Cæterum, vicit eius animum religio Virginis. Lauretū prætergressus, vbi opportunum nactus est locum, festa cuncti agminis displosione Lauretanā Virginem salutauit. Adeoque non violauit res Lauretanas, vt etiam sacrosanctam Ædem

*Marcus Sara
in Ædem
Laur. reue-
ntia.*

lem coluerit donis. Nam cum templi, vrisq; aditū prohiberetur, certum hominem lestinavit Lauretū cum munere. Ita pecunia Deiparæ vltro donata ab iis, qui etiā per vulnera, & cædes quærere pecuniā assueverunt, Deo in Matris suæ grātiā efferata quoq; pectora mitigante. Paulucius interim Præses, & si summa erat annonæ caritas & copia; tamen magnam vim panis egentibus peregrinis diuisit quotidie, eo grātius munus, quo maior illos vrgebat fames.

Præcipua Clementis VIII. Indulgentia.

C A P. XX.

ANnuum Gregorij XIII. Pontificatum Innocentius IX. bimestris fermè Pontifex excepit, quem cœptis ingētib; clarum subita mors præripiens, eximiam bonorum refellit spem. Innocētiō Clemens VIII. subrogatus paterna prouidētia nobilis. Is quippe Pontificatus initio annonæ caritatem improbitate hominum auctam sua sedulitate laxauit: grassatoribus de medio sublati, obsessas aperuit vias magno Lauretanæ peregrinationis bono. Idem ab insita pietate erga Deiparā Virginem, Lauretanam eodem insigni Indulgentiarum beneficio accumulauit; vt nihil iam adiici posse videatur. Haud ignarus erat Lauretanum templum quouis anni tempore ab aduenis celebrari.

brari. Superiorum Pontificum Indulgentias certis definitas temporibus videbat. Indignum rebatur complures peregrinorum per hyemem tot tantisque itinerum laboribus periculisque; perfunctos à Virgine Lauretana discedere indulgentiarum expertes; præsertim ita tradito more, ut nullum Lauretanæ peregrinationis munus tam solemne esset, quàm animos sacra confessione impensius expiandi, nouæque in posterum vitæ instituendæ. Itaque Clem. Pont. optimum ratus, ac B. Mariæ decorum, neminem ab ea tristem discedere, omnibus quocumque anni tempore Lauretanam Virginis cellam ritè adeuntibus delictorum omnium veniã benignissimè concessit. Quinetiam permisit, ut dies translata in Picenum Sacræ Domus quotannis celebraretur Quarto Id. Decembris. Inter hæc confluentibus vndique agminibus aduenarum, vetus Lauretanæ maiestatis nitor, ac species restitui cœpta. Nec modò studia hominum, sed etiam vota, donaque; temporum difficultate creuerunt. Cardinalis Sfondratus ad Bononiensem legationem proficiscens Lauretum diuertit. Ibi Deipara enixè salutata, ingens cum cupido incescit, Lauretanam effigiem propius contemplandi. Igitur scalis admotis, venerabundus ascendit, Beatæ Virginis lineamenta, diu multumque contemplatus, annulum

Card. Sfondrati Dona.

nulum egregium, Cardinalatus insigne, clàm sibimet detrahit, & B. Mariæ dicatum descendens relinquit, siue religionis erga illam suæ pignus, siue illius erga se Patrocini argumentum. Annulus est aureus, egregio Adamante illustris, quingentis aureis æstimatur. Hæc autem præcipua Cardinalis Sfondrati laus. Intra biennium ter Lauretanam Virginem exitinere interuifit, tribusque eam eximiis muneribus coluit, adeò piæ eius animum augustissimæ cellæ dulcedo ceperat. Eodem quippe anno Bononia Romam remigrans Lauretum ad Patronam suam salutandam reuertit, nec apparuit in eius conspectu vacuus. Crucem auream pulcherrimis Smaragdis visendam B. Virgini consecrauit. Ea crux quatuor circiter aureorū millibus esse perhibetur: pendet ex opulentissimo Deiparæ torque gemmato, egregium eius ornatum. Insequenti deinde anno Cardinalis Sfondratus Mediolanum repetens Lauretanam reuifit Virginem, ei que annulum aureum eximio Adamante insignem dono dedit. Adamas humano vngue maior est, qui Christi pueri digito insertus, luminum repercussu, velut sidus emicat, hōc insignius donum, quod ad id ipsum ab illo emptum duobus aureorum millibus constat. Adamantem porrò alium aureo illigatum annulo Antonius Paraui-

Anton Paraui-
nicini D.

cinus Cremonensis donū tulit, pari fortasse animo, sed precio haudquaquā pari: aureis circiter centum æstimatum ferunt. Cardinalis inde Lotharingus multiplex regiæ opulentia munus per certos homines misit,

Card. Lotharingi D.

crucem crySTALLINAM cum aurea Christi effigie, calicem item aureum pede suffultū crySTALLINO, cādelabra duo, binos vrceolos cum pollubro, vasculum aquæ lustralis cum suo aspergillo, pyxidem, paciferamq; imaginē, omnia è nobili crySTALLO, auro, electroque perfecta: binis ternisq; aureorum millibus æstimantur. Cardinalis Cæsij hæredes pieturam textilem eximiam dono dederunt. In ea Lauretanæ Virginis imago visitur tecto insidentis, multis circà Angelis afflictis: opus omnino egregium, totum serico, auroq; cōtextum: ternos ferè cubitus quaquā versus patet. Deiparæ porrò, & Angelorum imagines tanto artificio expressæ, vt spirare videantur. Cardinalis Rusticucius aræ, & sacerdotis vestes argenteas, Lauretanæ Virginis effigie, & gentis suæ insignibus conspicuas, donum attulit. Victorius Labdamarus Laudensis arę ornatum egregium ex veste argentea, crispo opere, floribusq; eminentibus insignem: alterum aræ ornatum Princeps Venusinus ex Attalica veste aurc crispane distincta. Iason Villanus ciuis Bononiensis sacerdotalem ornatum ex veste

Card. Cæsij Donum.

Card. Rusticuci D.

Victo. Labdam. D.

Princi. Venusini D.

Iosan. Villani D.

Atta-

Attalica, crispo auro, & gentilitiis insigni-
 bus nobilem. Bernardus Strozius Florenti- *Bernardus
Stroz. D.*
 nus duas altarium, totidem sacerdotū vestes *March. Rie-
ani D.*
 auro, argentoq; fulgentes. Marchio Riani
 sacerdotis, ministrorūq; solemni ritu ope-
 rantium argenteas vestes sericis flosculis,
 iusta per interualla conspersas. Super hæc
 Episcopale amiculum consimili materia at-
 que opere. Lucas Turregianus Florentinus, *Luc. Turre-
giani D.*
 aræ, ac sacerdotis ornatum ex argenteo tex-
 tili, quod ingentes aurei flores crispāti ope-
 re distinguunt. Ferdinandus Gonzaga aræ *Ferd. Gon-
zag. D.*
 vestē auream opere Phrygio, ac margaritis
 illustrem. Scipio Spinellus Dux Seminariæ *Duc. Semi-
nariæ D.*
 bina vasa argentea cubitalia egregiè facta,
 cælataq; vtrumq; sacris B. Mariæ emblematis,
 & argumētis insigne: ex altero argenteū
 lilium multiplex, ex altero aureus vernan-
 tium rosarū ramus existit: ea vasa ad Virgi-
 nis pedes hinc, & hinc locata visuntur. Mar-
 cus Germanus Valcassani Baro coronam ex *Baronius
Valass. D.*
 margaritis, gemmisque in rosarum modum
 compactis, auroq; illigatis. Io. Baptista Ci-
 gola Brixianus argēteam laminam cum sua
 effigie supplici. Eiusdem modi ac materiæ,
 sed longè insigniore specie imaginem suam
 Maximilianus Archidux Austriæ. Dux Ter- *Duc. Terra
Nona D.*
 ræ Nouæ Antistitem Beatæ Mariæ suppli-
 cantem in aurea lamina cælatum: calicem
 item, patinamque pariter ex auro. Virginij

Virg. Vrsin. Vrsini Nomentani vxor Virgini Lauretanæ
Noment. D. supplicantis effigiem ex argento penè bili-
Luca Tur- brem. Lucas Turregianus Florentinus suā
regiani D. & vxoris imagines argēteas in morem sup-
 plicantium, ponderis nō contemnendi. Alij
 deniq; alias imagines argenteis laminis ex-
 pressas, binarum ternarumq; librarum Dei-
 paræ Lauretanæ dicarunt. Illud huius gene-
Petri Lo- ris eximium: Petrus Lomellinus Genuensis
mellini D. argenteum infantem naturali statura fasciis
 constrictum pondo X. dono misit: votium
 id donū esse facile coniectare licet. Illa haud
 dubiè votiuā. Humanū caput iustæ magni-
Iacobi Gri- tudinis, ponderisq; ex auro ab Io. Iac. Gri-
mani D. mano missum. Maxilla cum dentibus ex ar-
 gento expressa Adamantibus duobus, tri-
Franc. Dei- busq; Pyropis insignis à Franc. Deitristanio
tristan. D. intimo Clementis Pontificis cubiculario: ly-
 chni etiam argentei complures dono missi,
 artificio, ac pondere præclari. Sed vnus emi-
Ioan. Caroli net inter omnes, Io. Caroli Imperialis Ge-
Imper. D. nuensis donum. Is lychnus tribus veluti ra-
 mis sigillatis conspicuus trifariā lucet: pon-
 dus est librarū circiter XXX. Cæterum aliud
 in alio genere donum eximium Ferdinandi
Magni Duc. Medices Magni Hetruriæ Ducis. Triremis
Hetrur. D. argentea bicubitalis, remigio, armamentif-
 que omnibus instructa, ornataq; pōdo cir-
 citer XL. Votium donum esse insculpta in
 vtroque triremis latere verba declarant:

FERDIN. MED. MAG. HETR. D.

OB TRIREMES SVAS A PESTE LIBE-
RATAS DEIPARÆ VIRG. DICA-
VIT, AN. M. D. XCIII.

Egregium quoq; pondere, ac precio Car-
dinalis Montalti donum fuit. Is effigiem su-
am, ac fratris sui argenteam pulcherrimè fa-
ctam pondo CXL. Lauretanæ Virgini con-
secrauit pio cum titulo;

*Card. Mon-
talti D. exi-
mum.*

ALEX. PERETTUS CARD. MONTAL.
S. R. E. VICECANCELLARIUS,
XYSTI V. NEPOS,
D. Mariæ ipsvm, et Michaellem
fr. per petvo svstentanti me-
mor et gratvs sacrvm mo-
numentvm pos. ann.

M. D. XCIV.

Opus pluris duobus aureorum millibus
stetisse dicitur.

Illustrium fœminarum munera.

CAP. XXI.

Nec nobilium fœminarum liberalitas
per idem tempus obscura fuit. Polixe-
na Perneftaina Proregina Boemię S. Gerio-
nis Thebæorum Ducis caput præclara in-
clusum thecâ, Lauretanæ Virgini donum
misit. Theca argētea auro interlita, & egre-
giè facta S. Gerionis loricati speciem reddit
a pectore: & lorica est argento, auroq; con-

*Proregina
Boemsa D.*

caput martyris gemmata redimitum corona. Huic subiecta basis ex ebено, argentoq; sacras Thebæorum martyrum reliquias crystallo inclusas ostentat: votivum donum esse constat: à Polyxena Proregina pro salute viri sui recuperata, Virgini redditum. Princeps Vastallæ binas effigies aureas, alteram suam, alteram viri sui cum duobus cordibus aureis sex pondo B. Virgini dedicavit. Maria Boadilia triremen cum B. Mariæ Laurentiæ effigie sublimi, ex lamina expressam argentea. Principis Casteruetrani vxor crucem auream, mole quidem exiguam, sed materia nobilem, quippe sex Adamantibus auro illigatis nitet. Ducis Niuerniensis vxor bina candelabra argentea benè facta pondolibrarum octo, per coniugem suum Virgini donum misit. Hieronyma Spinula ornatum aræ ex veste Damascena violacea auro conspicuum, binosque vrceolos cum suo pollubro ex argento pulchrè, sciteque factos. Violantæ Farnesiæ bina candelabra argentea egregio opere. Salustia Crescentiæ Romana amiculum B. Virginis argenteum stellis aureis illustre. Principis Bisiniani vxor Draconem aureolum gemmis distinctum clarissimis, precio septingentorum fermè aureorum. Iustina Vicecomes aræ vestem ex auro, argento sericoque futilem pictam opere mirabili, nouoq;.

tinua

Princ. Vastallæ. D.

Maria Boadilia. D.

Princ. Casteruetrani. D.

Ducis Niuerniensis. D.

Hieron. Spinula. D.

Violantæ Farnesiæ. D.

Salustia Crescentiæ. D.

Princ. Bisiniani. D.

nuatis inuicem m̄q; implexis aureis, argenteis, sericisq̄ue versiculis filis totum opus per se, nullo substratu, adminiculoq̄ue fultum acu pertexitur, vacuis in medio spaciis relictis: vulgò punctum in aëre appellant. Opus reconditi artificij ac laboris penè infiniti. Hoc igitur opere tota illa, quam dixi, aræ vestis perfecta est. Quindecim inibi B. Mariæ. Rosarij mysteria scitè expressa videntur, quadratis inclusa spaciis, alternisq̄; ingentibus floribus distincta, velut opere scutulato, ac ne inania sint vacua illa operis spacia, tota vestis argenteo textili subsuta internitet. Id verò (si famæ credimus) Vicecomitis matronæ nobilissimæ non donū modò, sed etiam opus fuit, quamquam cōplura esse nobilium fœminarum munera, quæ earundem etiam opera sint, satis constat: calicum præcipuè sacrorum velamenta & B. Mariæ amicula. Isabella quoque Consobrina Ducis Sabaudia coniux D. Syluestri N. donum misit, sua (vt ferunt) elaboratum manu, sanè egregium, aræ, Sacerdotis ministrorumq̄ue solemni cæremonia operantium vestes ex serico, auroq̄ue contextas opere nouo, ac mirabili. Iacoba Dux Cluiæ Badensis Marchionis Germana soror torquem aureum, globo ex Pyropis, Adamantibusq̄ue pendulo insignem, Lauretanæ Virgini donum misit.

Isabella Sabaudia D.

Duc. Cluiæ Don.

Aduentus, & dona Christianæ uxoris Magni Hetruriae Ducis. CAP. XXII.

CÆterùm, Christianæ uxoris Magni Hetruriae Ducis aduentus vel pietatis, vel munificentiae argumentis maximè insignis fuit. Hæc cum regali penè comitatu Lauretum petens ingentia secum dona attulit. Attamen Christianæ pariter modestiæ, & S. Francisci memor vulgarem, vestitum cinerei coloris adamavit, aurum, gemmasq; deposuit, vt cœlestis Reginae, cui sciebat cordi semper fuisse paupertatem, illa cultus simplicitate caperet oculos, Et Dominæ exemplum apud ancillas, matronas, asseclas, ipsosq; corporis custodes valuit. Omnes Lauretanæ perigrinationis comites, modestiæ quoque, & coloris socij fuêre. Nec Clemens Pontifex insigni clarissimæ fœminæ pietati defuit. Transeunti per Pontificiæ ditionis oppida, vbique lautiae præbitæ regio apparatu, quacunq; incedebat, non magis vestitus tenuitas miraculo erat, quàm eximia pietas exemplo, vtique posteaquàm Laureto appropinquauit. Quippe vbi primum Recineto egressa, procul Lauretanæ Basilicæ tecta conspexit; confestim lætica, qua vhebatur, exilit, procumbit in genua: Beatam Virginē salutat de via, nullo asseclarum detrectante pietatis officium, quod

quod Domina occupasset. Inde pedibus cū
 Episcopis aliquot, ceteroq̃ue comitatu Lau-
 retum ingressa, ad Beatæ Mariæ processit
 Ædem. Ibi contempto puluino, ceteroq̃ue
 apparatu, in sacrosanctæ Domus vestibulo
 genua submittit venerabunda. Hortanti-
 bus certatim Episcopis, ipsoq̃ue Cardinale
 Gallo, vt ipsam Deiparæ cellam intraret,
 nefas esse respondit ante noxas sacra confes-
 sione absterfas, augustissimum illud limen
 intrare, & os suum sanctissimæ Virgini o-
 stēdere. Nec vllę cuiusquam preces de pro-
 posito eam deducere potuerunt, adeò rara
 in eius mente insidebat religio Lauretanæ
 Domus. Tandem igitur animo ritè expiato,
 cœlestique dape resecto, sacrosanctam cel-
 lam ingreditur. Creuerat pietatis ardor, vt
 sit, iniecta mora. Ergo B. Mariæ visendæ,
 salutandæq̃ue studio accensa procidit sup-
 plex: ibique impensis precibus plures ab-
 sumpsit horas. Neque id semel fecit, sed to-
 to triduo, tādīu enim Laureti substitit. Quo
 quidem tempore adeò erat in templo assi-
 dua sacrifq̃; intenta officiis, vt eam in tem-
 plo habitare crederes. His pietatis indiciis
 par munificentia respondit. Sub digressum
 pueros cum donis regalis opulentia misit
 in templum. Altarium, Sacerdotis, mini-
 strorumq̃; solemnī ritu operantium vestes
 inter dona erant, auro argentoq̃; trifariām

crispante, mirabili opere, artificioque perfectę: super hæc arę thoralia, & materia & opere maximè insignia. Quippe totum penè eorum spaciū occupant Prophetarum, Sibyllarum, Apostolorum, Euāgelistarum imaginēs egregiæ, scitè insertæ ramusculis, floribusq̃; : opus autem vniuersum acu mira prorsus arte depictum, affirmare ausim, vix quicquā in eo genere artificiosius, preciosius, admirabilius vspiam factum: satis constat eius manu precium ad octo aureorum millia peruenisse. Eximia sacrorum calicum velamenta, aliaque generis eiusdem in doni cumulum accessere.

Sacerdotis Hispani testimonium, & donum miraculo insigne. CAP. XXIII.

PER eadem tempora Alfonso Sancius Hispanus sacerdos doctus iuxtā, piusq̃; Lauretum venit, recens ab altero Oriente, Insulisq̃; Sinarum, quæ Philippinæ vocantur. Hunc egomet paulò ante Virginis cella egressum offendi loci religione attonitum. Stuporis causam familiariter quærenti mihi respondet admirabundus. Prò Deus immortalis, quid hoc tandem rei est? equidem nihil vnquam tale expertus sum in vita, nusquā reperi præsentiorum Deum, adeò in hac sacrosancta Æde, vis quædam diuina meo se animo superfudit. Adiecit
deinde

deinde se, & ad Vadalupæ, & ad Montis fer-
 rati, aliasque nobiles in Hispania B. Virgi-
 nis Ædes accessisse, cæterum nusquam tam
 præsens sensisse cœleste numen, nimirum
 illic corticem, hic medullam esse. Idem per
 Card. Caetanum, cuius in comitatu venerat
 cū impetrasset à Lauretano Præsidente, vt lice-
 ret ei in sanctiore cellæ parte pernoctare
 totam ibi precibus, ac vigiliis noctem exe-
 git, ac deinde familiaribus suis affirmavit,
 nullam sibi in omni vita iucundiorē, bea-
 tiorēque abiisse noctem. Porro cupido
 eum cepit augustissimam Virginis cellam
 munere aliquo suo ornatam relinquendi.
 Candidam vestem Damascenam inde vsque
 ab Sinis aduexerat, hac loculamentum Dei-
 paræ Virginis, & Christi crucifixi cum sacra
 Æde delatam imaginem decorare consti-
 tuit. Igitur sarcinator accersitur, qui expli-
 cata, dimensaque veste Damascena nega-
 re primò ad vtrumque opus satis ibi ma-
 teriæ esse: Inde Sancio instante, vt inten-
 tiore cura omnia dimetiretur, diu hæsitauit.
 Ad vltimum, Damascena veste sæpius in o-
 mnes partes versata, affirmare cœpit ratio-
 nem ab se tandem repertam efficiēdi, quod
 vellet, sed ita vt illa ornamenta paulò bre-
 uiora existerent, quàm opus foret. Age-
 dū igitur, inquit Sancius, & istam sequere
 rationē, si quid deerit. B. Maria sibi ipsa sup-
 plebit.

plebit. Morem gerit ille, ac ne qua foret erroris suspicio, vetus loculamenti peristroma ad manum habebat, ad quod formam referret noui. Vestem Damascenam, Sancio inspectante, dissectam defert secum in officinam. Postero die prima luce attonito similis Sancium adit exclamans: enimuerò B. Virginem in suo ornamento haud dubium miraculum perpetrasse Nouum loculamēti peristroma, quod hesternā die breuius iuuo fuerit, iam esse longius palmo. Sequitur hominem in officinam Sancius, fidem oculis suis, non illius vocibus habiturus: comperit haud vana illum attulisse. Nec quicquam excogitare ipse potuit, quod rem miraculo eximeret. Videbat quippe Crucifixi velum, quod faciendum curauerat, iustum esse, nihilque inde detractum: & Damascena vestis erat peregrino quodam opere facta, vt fraus addentis ex nostrati, fallere gnarum talium rerum haudquaquam posset: quamquam talibus in rebus non addentis, sed detrahentis fraus timeri solet. Ad hęc ipsemet Sancius, cum aliis multis adfuerat sarcinatori vestem dimetienti, dissectanti-que, vt nihil per imprudentiam erratum esse constaret. Itaque & ab ipso, & ab aliis pro miraculo habitum: nos rem
in medio relinque-
mus.

*Armilla Beatae Virginis oblata sua sponte
Christi pueri manibus inseruntur.*

CAP. XXIV.

CÆterùm, illud non magis doni genere, quàm euentu mirabile. Beatrix Gazæa matrona honestissimo ciui Romano nupta erat Romæ, deliciis æquè, ac diuitiis nobilis. Ea religionis ergò Lauretum venit Maio mense anno huius sæculi XCIII. Confestim itaque interiorem sanctissimæ cellæ partem intrat, vbi religiosissima Lauretanæ Virginis puerum IESVM gremio tenentis effigies propiùs visitur, coliturque ea est preciosissima veste, cultuque ad magnificentiam exornata. Ibi igitur fufis ad Christum, Christi que parentem precibus, Gazæam cupido cepit Virginis ora, ornatumque intentiùs contemplandi. Ergo obtusio rem oculorum aciem causata custodem (is tum erat Papyrius N.) rogat, vt admoto ardenti cæreo, Deiparæ simulacrum sibi accuratiùs ostendat. Morem gerit ille haud grauatè: ardenti face admota simul Virginem ostentat, simul Gazææ rogatu, singulorum donorum laudat authores. Inter cætera donum erat egregium, frontale ex vnionibus eximia magnitudine, ac specie, à matrona Romana Virgini dicatum. Ea mulier deliciis, ac luxui dedita in paucis, et si
atro-

atroci genere mortis, tamē Christianē admodū, pieq; nuper ē vita decesserat. Huius ergo nomine audito Beatrix, vt eā familiariter norat, extēplō admirabunda succlamat. En causā, cur illa B. Virginis munere, delicatæ vitæ tam pium exitū inuenerit. Inde ad custodem versā, & ego, inquit, hæc armillas, quib⁹ nihil charius habeo, Christo, eiusq; parenti libenter dicarē, si crederē fœminæ improbæ donum nō ingratum illis futurum. Tum custos timidæ nimium mulieri animos facere: Christum improborum Saluatorem, Mariam Patronam esse memorans. Itaq; illa properē armillas antiquo opere ex gēmis, auroq; factas sibi detrahit, & custodi tradit offerēdas IESV, Matriq; Protinus custos furcillā arripit tales ad vsus paratā: ambasq; ei armillas inserit: mox sacrosanctæ statūq; admouet ea mente, vt de pueri IESV erectis dexteræ digitis (neq; enim occurrebat in præsentia locus cōmodior) eas suspenderet. Cæterū, hastam reducens animaduertit, armillarum vnā hāsisse furcillā, alteram digitis IESV pueri præteritis, manum occupasse, idq; ita aptē, vt aptius non posset: mira res, vt erat custodi visā, tamen poterat esse fortuita. Subinde igitur hastā nihil prorsus loco motā eodē refert, armillam alteram indidem suspensurus. Ecce aliud haud dubium miraculū. Dum sen-

sim

ſim ſurcillam ad ſe reuocat, ratus in eadem
 Chriſti manu hæſiſſe donum, repente videt
 armillam è dextra lapſam in leuam manum,
 deiectoq; in gremiũ Virginis aureo globo,
 quem puer IESUS villa manu ſuſtinet, ſiniſtræ
 manui inſertã aptẽ, atq; eleganter adeò, vt
 ſcalis admotis, per otiũ, de induſtria aptiũs,
 elegãtiũsq; inferi haudquaquã poſſet. Tum
 verò cuſtos repẽtẽ ex rei admiratione, ſacro
 quodã perſuſus horrore, mulierẽ compel-
 lat. Et Chriſtus donum tuum ſibi corde eſſe
 ſatis oſtendit, qui me alia omnia agente, ſibi
 ipſemet armillas induit duas. At illa extẽplò
 cęleſti tacta numine ingemuit: & ſiue ex ve-
 teri ſuperioris vitæ luxu, ſiue ab recenti di-
 uinæ beneuolentiæ indicio, ingentem inter
 ſingultus, lacrymarũ vim profudit, ſic pròr-
 ſus, vt ab iis, qui in altera ſacri cubiculi parte
 ſupplicabant, lacrymantis gemitus, & ſin-
 gultus exaudirentur. Itaq; nonnulli rei nõ-
 uitate exciti properẽ ad ſanctioris cubiculi
 ianuam accurrunt: mulierẽ cernunt lacry-
 mis, ac religione perſuſam, cuſtodem ipſum
 tantæ rei admiratione defixum. Is deinde
 cum aliis multis, tum mihi ipſi rem, vti erat
 geſta, narrauit. Omnibus facti, euentiq; ſe-
 riem reputãtib; mira res viſa: multorum-
 que ſermonibus, ac litteris celebrata. Hodie
 puer IESUS eas armillas manibus geſtat,
 huiuſcerei monumentum.

Duo ex mortis faucibus erepti.

CAP. XXV.

SEd hoc mirabile magis, quàm miraculum cuiuspiam fortassè videatur. Sequitur aliud manifestum certè miraculum. Eodem anno Bartholomæus Meliorinus Genuensis haud obscuro loco natus, Placentiæ ex iurgio, vt fit, ad manus venit. Erat ipse solus: rixa orta in ædibus Florentini mercatoris cum ipso ædium domino. Accurrentes igitur ad primum tumultum domestici, arreptis armis domino subsidium ferunt. Ibi in pugna Meliorinus graue in humero vulnus accipit: & quo grauius sit, pugio magna vi adactus in medio frāgitur. Rixa aliorum intercussu sedata: Meliorinus grauiter faucius domum relatus. Extemplò Medici adhibentur, abstersum vulnus inspiciunt, reperiunt mucronem ossi altè infixum penitus hære: nec aliter extrahi posse, quàm vt secando vulnus augerent, quo ars ad telum perueniret. Ergo dissecta circa vulnus quadrifariam in crucis modum carne, pugionis fragmentum forcipe conantur euellere. Cum res non procederet, nouum durumque remedium excogitant. Mucronem pertinaciter hærentem, pulsato è regione pectore dimouere nituntur, exacerbantes subinde acerbissimum plagæ dolorem. Posteaquàm

ſteaquàm ſimul pulſatus, ſimul forcipe attractus pugio nulla lababat ex parte; ſeuerè pronunciant, actum eſſe de illius ſalute, niſi eum Deus reſpexerit. Et iam fama de eius morte Genuam perlata fecerat, vt pro mortuo lugeretur à ſuis. At ille humanæ opi diuinam addendam ratus, Lauretanæ Virgini auxilium implorat. Mira res dictu, viſuq; : repente mucro loco motus forcipem facilis ſequitur: non tam humana vi, quàm cœleſti eum exire ſentires. Itaque æger voti compos, vbi primum ex vulnere conualuit, Lauretum contulit ſe hoc ipſo anno M. D. XCIV. cum ibidem hæc maximè ſcriberemus: ingentibuſque Virgini gratiis actis, fragmentum apud eam pugionis reliquit, tam inſignis beneficij argumentum. Per idem tempus ex eadem ciuitate Ioânes Baptiſta Iudex adoleſcens genere, ac diuitiis nobilis, voti reus Lauretum venit. Eum proximo ſuperiore anno Venetiis, grauis, minaxque adorta febris atrociffimè afflixerat. Vētū erat ad extrema. Deſerto à Medicis nulla ſpes ſalutis ſuberat. At ille (vt erat Lauretanæ Virgini addiſtus in paucis) Patronam ſuam moribundus fidenter implorat. Nec ſua illum fruſtrata fides. Medici iam deſperata ægri ſalute, mortem haud dubiam operiebantur; cum à domeſticis ad eum reuocati venarum pulſum explorant. Exem-

plò salubribus indiciis erecti, magnam & ipsi spem valetudinis concipiunt, & ægroto, ac necessariis faciunt. Nec irrita spes. Æger ex eo in horas singulas, ac penè momenta, leuius habere cœpit, quoad excussa febris, paucis diebus conualuit omnino. Igitur anno insequenti perrexit Lauretum ad vota reddenda. Ibi mihi hæc ipsa memoriæ prodenti rem omnem, vti à me commemorata est, ipsemet enarrauit.

Homo facinorosus ante confessionem sacrosanctæ cellæ aditu diuinitus Prohibetur. CAP. XXVI.

HÆc quoque tempestas nouis miraculis ostendit, quantæ Deo sit curæ sanctitas Lauretanæ Domus. Per ea tempora Lauretum venerat peregrinus quidam omnibus sceleribus coopertus, & profligatæ vitæ apprimè tenax. Huic igitur sanctissimæ cellæ limen intrare auso, repente in ipso aditu vmbra quædam horrenda specie se obiecit, quæ proiectæ audaciæ hominem fregit, ac repulit ingenti pauore perculsum. Ergo scelerum conscientia ictus Sacerdotem adit animum expiaturus. Cæterùm, ad recolenda tot annis patrata facinora, multo opus erat tempore, magnoque sensu doloris: ipse autem ad sacram confessionem minimè meditatus,

paratus accesserat. Proinde à Sacerdote dimittitur monitus, vt in sacrum facellum recipiat se, ibi Dei, Deiparæque ope cunctius implorata, in antea actam vitam inquirat sedulò: tum demum paratior redeat ad confitendum. Dimissus ille mandata facessit; sed videlicet mala consuetudinem pœnitentiam morabatur: & probri agis, quàm culpæ dolor anxium animum simulabat. Eum itaque sacrum Virginis tabernaculum repetentem, eadem illa speciosa oblata iterum ingressu prohibuit. Tum ror ingens illi dolor iniustus, se vt conelceratum, contaminatumque, ab augustissima sede, à conspectu Deiparæ bis abatum esse. Extemplò flagitiosæ tabis, vitæ lætæ radio captum, haud vana pœnitentia cepit, & dolor offensi Dei. Ergo conscientia impensius excussa, flens redit ad Sacerdotem: labes non confessione magis, iam lacrymis eluit. Expiato tandem animo, ad augustam Virginis Ædem verecundè, ac dubitanter accedit: mirabile dictu: qui audenti clausus fuerat, verecundanti aditus patuit.

o (do

*Quidam patraturus cædem in Laureta:
Aede diuinitus in diuersum mutatur.*

CAP. XXVII.

Iisdem ferè diebus aliud haud absimile accidit. Ciuis Asculanus honestus, ac diu filiolum ex nouo matrimonio suscepit mense septimo. Hunc nutrici alendum dederat; & quia vnicus, immaturoque par editus erat, sollicito subinde eum reuisebatur animo. Fortè euenit, vt puerum naturâ inbecillum, nulla nutricis culpa, repentinè morbo extingueret. Enimuerò nutrix haec ignara, quantum mali à pueri patre prærocis ingenij homine immineret sibi; pertinus occulta fuga properat Lauretū, mactum in Deipara præsidij ponens. Nec sese fellit. Ille vt vnicum filium exanimem conspexit, dolore simul, iraque amens, furem incusare Deum, Diuosque, nutricem querere ad necem. Cum ea non compareret, iram in nutricium vertit, quem vulneribus confossum pro mortuo reliquit. Neque interstitit cruore imbutus furor. Comperta nutricis fuga, properè succinctus armis Lauretum aduolat. Irrumpit in templum ea mente, vt nutricem, vel in ipsa sacrosancta cella ante ora Virginis trucidaret. Lustratis frustra templi recessibus, ventum erat ad Deiparæ cellam, vbi nutrix expiatis paulò ante

tæ maculis, obnixè B. Mariæ implorabat
 lem. Itaque sub eius tutela, vmbraque la-
 it. Quippe homini furenti, & cædem an-
 lanti hæc diuinitus iniecta est cogitatio;
 sacrosanctum limen intraret, haud dubiè
 turum, vt emollito pectore, vlciscendi o-
 mitteret curam. Proinde alio versus omnes
 mpli angulos perlustrare cœpit. Ecce au-
 dum lymphato similis discurrit, fortè
 am B. Mariæ Annunciatæ titulo inclytam
 æterit. Hæc ara sacrosancto sacello extrin-
 cus adiecta est, sub fenestra, qua Gabriel
 rchangelus intrasse fertur. Igitur ille con-
 ectis per fenestram fortè luminibus, quæ
 urima ante B. Virginem vsque collucet;
 bita loci religione tactus, genua submit-
 t: mira dictu res Homo ferus, ac ferreus re-
 ente mollitur; mutatoque in diuersum a-
 mo, Sacerdotem adit. Ibi abiectis armis,
 us genibus aduoluitur, iter alienæ cædis
 ufa susceptum, vertere se in suam salutem
 elle memorans. Cæterum, in eo quoq; tu-
 la Deiparæ præsens apparuit, quod is ad
 andem Sacerdotem applicuit se, ad quem
 aulò ante nutrix accesserat. Itaq; ille totius
 egotij satis gnarus, Asculani ciuis confessi-
 ne audita, haud egrè lenitum iam animum
 erpulit, vt in fonti fœminæ ignosceret. Et
 sculanus vltrò recepit, certis se indiciis
 stensurū, bona fide redisse cum illa in gra-

tiam. Dictis facta benigniora etiam adiecit. Mulierem domum reductam domesticis virum eius benignè curatum agrestibus præposuit rebus, periculo in emolumentum à Deipara verso. Sub id tempus Collegium Illyricum, ut eius alumni accuratiùs boni artibus excolerentur Romam transferrè placuit. Clementis itaque VIII. Pont. iussu alumni Romam euocati, & Romano Seminario aggregati, ius ac nomen Illyrici Collegij pro sua parte tuentur. Incidit hæc mihi gratio in annum M.D.XCIII. qui est nostræ historiæ postremus, ut CCC. ipsos annos Ædis Lauretanæ, nostra historia cõplectatur. Hæc autem pauca de multis, ac propè innumerabilibus elegim⁹, quæ litteris præderemus, Lectorem monuisse cõtenti, tantam esse Lauretanarum rerum, miraculorumque syluam; ut à nemine tam multum tam magna dici possint, quin multo plura ac maiora dictis supersint.

Celebritas & maiestas Aedis Lauretanæ.
CAP. XXVIII.

CÆterum opere præcium me facturum arbitror, si Lauretanam historiam brevis cõmemoratio de incredibili Ædis Lauretanæ celebritate, maiestateque concludat. Nullum omnino tempus anni, nullus mensis, dies nullus abit, quin sanctissimè

Virginis cella à plurimis aduenis celebretur. Nec Picentium, Italarumque propria hæc laus pietatis, sed communis Transalpinis, Transmarinisque, maximè verò Illyricis, Francis, Belgisque. Nec desiderantur Hispani, Lusitani, Poloni, atque Germani. Duo tamè sunt anni tempora populorum, gentiumque omnium frequentia, ac celebritate præcipua, Ver, & Autumnus, quorum alteri dies concepto inibi Deo sacer, alteri natalis Deip. Virginis initium celebritatis facit. Vtraque autem celebritas trimestris est, quo temporis spacio maximis populorū cōcursib⁹ Ædes Lauretana celebratur penè quotidie; Namq; agri Piceni nulla vrbs, oppidum, pagus, vicus est, quin quotannis cateruatim, populatimque Lauretanam Virginem interuifat. Quorum exemplum finitimos circa populos Samnitium, Vmbriæ, Flaminia, Æmilia, cæteræque Italia ad similem pietatis laudem inuitat. Veniendi fermè ratio talis. Præeunt sodalitates suis quæque insignibus, vexillisque distinctæ. Plerique enim præter Christi Crucifixi effigiem, Deiparæ aliorumque Diuorum imagines pulcherrimè pictas præferūt. Agmina claudunt sodalitatum moderatores, Sacerdotesque cum sua cuiusque agminis symphonia. Sequuntur dona, argenteæ coronæ, calices, cærei nummis obfiti, preciosæ

vestes, vrbium, oppidorumque argentea simulacra, votiuæ tabellæ, diuinorum beneficiorum B. Maria deprecante partorum indices. Interponuntur sæpe Angelorum, sæpe sacrorum Vatum, Sibyllarumque; de B. Virgine vaticinantium, aliarque personarum habitu vestis insignes. Sæpe etiam excipit incondita, & promiscua cuiusque populi turba. In itinere carmina Deo, Dei parenti, Diuisque; per intervalla inuicem canunt. Obuias vrbes cum transeunt, eas ad Lauretanæ Virginis religionem, cultumque exemplis pietatis accendunt. Simul ac verò Ædes Lauretana in conspectum se dedit (ea quia in edito colle sita est procul conspicitur) extemplò vniuersi prosternunt corpora: & obortis præ gaudio lacrymis, Deiparam confalutant. Inde in ordines abeunt, instructisque agminibus procedentes canunt litanias, hymnosque. Nec desunt, qui exuti properè vestibus, paratos ad id saccos induant, comitesque subsequantur nuda sibi terga cedentes. Ad Laureti portam peregrinis sodalitatibus Lauretani Sacerdotes linteati procedunt obuiam: easque in templum deducunt cum egregia symphonia, festoque campanarum, ac tubarum sono. Vbi ad Ædis vestibulum ventum est, aduenæ denuò prostratis corporibus, impense salutant Virginem, tanto utique animi ardore, sensuque

vt ceteri, qui adfunt, illorum vocibus emol-
 liti collacrymare cogantur. Posteaquàm ad
 collucentem facibus, lychnisque Deipara-
 cellam peruentum est, Diuæque effigiem
 intueri, contemplarique cœperunt; incre-
 dibile dictu est, quæ voces, qui gemitus, quæ
 lacrymæ, quæ suspiria passim exaudiantur.
 Deum præsentem adesse facilè sentias. Ple-
 ri-que porrò diuino simul horrore, gaudio-
 que perfusi, adeò sacris illis parietibus ad-
 herescunt, vt inde auelli, abstrahi-que vix
 queant. Dumque aram Apostolorum, sa-
 crum armariolum, obstructam ianuam, ip-
 sumque caminum venerabundi contem-
 plantur: dum meditantium animis B. Virgo
 in iis locis aliquid agens occurrit, nullum
 intuendi finem, nullum osculandi modum
 facerent, nisi plurimorum item petentium,
 ardor obstaret. Finitimorum populorum
 hæc fermè ratio est. At exterarum gentium
 peregrini, alij aut pedibus, equis alij, aut ve-
 hiculis gregatim confluunt, plerique pere-
 grinorum habitu, ac notis insignes. Verùm
 in dispari habitu aduenarum eminet Ædis
 Lauretanæ cultus idem. Omnium ferè hoc
 commune est, vt delictis expiati cœlesti
 mensa reficiantur: plerique autem B. Virgi-
 nis aram iactata pecunia, & preciosis cumu-
 lent donis. Quamquam dona insigniora sa-
 celli custodibus tradi solent, vt in codicem

referantur, quo eorum, & simul donantium extet memoria ad posteros. Aram Apostolorum, & scilicet Deiparæ effigiem, pro varietate temporum, magnifica semper adornat vestis, incredibilisq̃ue cultus gemmarum, aliorumq̃ue donorum. Sacellum ipsum candidis semper cæreis, lychnisq̃ue argenteis plurimis collucet: assiduis propè symphoniacorum, musicorumq̃ue organorum personat cantibus: & quod caput est, præsentis Dei numine semper affluit, quod in intrantes redundat aduenas: sic prorsus, ut pios insolito quodam gaudio, improbos horrore perfundat, ægris remedio, mœstis solatio, torpentibus incitamento, præsidio periclitantibus, perditis sit salutis. Porro præcipua Lauretani sacelli frequentia est circa ferias Paschatis, Pentecostes, & Nativitatem Virginis diem. Nam præter alios innumerabiles, qui pedibus, equis, quadrigis sub Pascha Lauretum petunt, plurimi ex Longobardiæ, Venetiæ, Dalmatiæq̃ue oppidis gregatim nauigiis Anconam delati, ad Lauretanam Ædem fermè pedibus pergunt. Hi ferè posttridie Paschatis, quo die in Sacro Euangelium de peregrinis Emmauntē petentibus recitatur, peregrinorū habitū sumunt: & post faustā Antistitū suorum precationē, cum Sacerdotibus innocētiæ custodibus pariter se dāt in viam. Quorū
qui-

quidem tanta est multitudo, ut duodena millia facilè excedant. Inde excipiunt finitimorum pagorum, oppidorum, vrbiumque concursus incredibiles, ac subinde agmina plurima, ac maxima fœnifecarum, messorumque. Ceterum, natalis dies B. Marię longè maxima aduenarum frequentia est insignis, toto penè Piceno (ut de cæteris regionibus taceam) Lauretum confluente. Satis constat illo biduo suprà CC. hominum millia Lauretanam Ædem nuper accessisse. Itaque necessitas Custodes sacrosancti sacelli cogit, interiori eius parti cancellos per id tempus extrinsecus circumdare; ut in expedito sit, admittere, quos velint, aut excludere, turbasque vitare. Omnibus porrò anni temporibus militum cohortes, ac turmæ equitum proficiscentes ad bellum diuertere solent Lauretum, vbi ritè expiati, ludicris certaminibus militari more celebrant Virginem. Atque hæc incredibilis aduenarum frequentia vias Lauretum ferrentes frequentissimas diuersoriis fecit. Itaque hospitiorum opportunitas, commoditasque viarum pedestrè quoque peregrinationem, quamuis delicatis, ac debilibus, haud sanè difficilè præbent. Ad hæc itinerum celebritas tanta est, ut per ea tēpora passim occurrant varij peregrinorum greges, ingens vel incitamentum pietatis, vel leuamentum

tum laboris. Ergo ipse M. Antonius Columna (vt de aliis taceam) vir & opibus, & bellicis rebus inclytus votiuam peregrinationem Lauretanam exsequi sustinuit pedibus. Omnino vt Lauretum tandem ad conspectum Deiparę ventum est, superfundente se piis mentibus Deo, tantā omnes hauriunt cœlestis lætitiæ voluptatem, vt maximum quamuis laboriosæ peregrinationis fructum se cepisse fateantur. Hic ego quid memorem, quàm multi faciant B. Virgini vota? quàm multi reddant? quot è flagitiorum emergant cœno? quot in explicabilibus incestarum illecebrarum vinculis animum exsoluant? quot veteres inimicitias, & inueterata odia deponant? quot homines desperatæ salutis, *qui fœdus pepigerant cum inferno*, ex inferorum faucibus crepti reuiuifcant? Nam quanto corporibus animi præstant, tanto plura, ac maiora in animis, quàm in corporibus hominum curandis existunt Virginis Lauretanę miracula. Vt hæc & alia, quæ attigimus, explicare velle oratione, hominis sit diuinam potentiam (quæ Laureti, vel maximè se ostendit) humana imbecillitate metientis. Itaque satius duco succumbere oneri, quàm enarranda suscipere ea, quæ vtique pertractando detererem. Hoc vnum liquidò affirmare possum, Lauretanam celebritatem, maiestatemque tantam esse,

esse, quantam qui oculis non subiecerint,
 haudquaquam concipere animis possint; vt
 si deinde cum narratis audita conferas, fa-
 mam re ipsa longè minorem inuenias. Adeò
 vna in terris Lauretana res non fidem so-
 lùm, sed famam quoque ipsam, quæ cun-
 cta in maius celebrare solet, incredi-
 bili maiestate, ac fasti-
 gio vincit.

F I N I S.



INDEX

INDEX

RERVM MEMORABILIVM, QVÆ IN HAC HISTORIA CONTINENTVR.

<p>A NNALES <i>Flumenses.</i> 156 <i>Arbores ad S. Domus ad-</i> <i>uentum inclinantur.</i> 30</p>	<p><i>XIV. instituitur.</i> 321 <i>Romani a Clemente VIII. trans-</i> <i>fertur.</i> 390</p>
<p>B <i>Assa Turcarum insanabili mor-</i> <i>bo liberatur.</i> 204</p>	<p>D <i>Almatarum luctus, amissa</i> <i>natali Virginis Domo.</i> 25 <i>Desiderium eiusdem.</i> 27</p>
<p>C <i>Anonici in Aede Lauretana</i> <i>instituntur.</i> 127</p>	<p><i>Dalmata Sacerdos sua exta ma-</i> <i>nu preferens Lauretum ve-</i> <i>nit.</i> 133</p>
<p><i>Capucini duo e maris fluctibus e-</i> <i>ripiuntur.</i> 200</p>	<p><i>Domus B. Maria magno honore</i> <i>in Galilæa colitur.</i> 6</p>
<p><i>Card. Ceruinus in Aede Laure-</i> <i>tana columba indicio, & Bea-</i> <i>ta Virginis monitu cognoscit se</i> <i>Pontificem Maximum futu-</i> <i>rum.</i> 208</p>	<p><i>In Dalmatiâ asportatur.</i> 12 <i>Diuinitus agnoscitur.</i> 18 <i>Legatis in Galilæam missis</i> <i>exploratur.</i> 21</p>
<p><i>Carmelitani Aedis Lauretana</i> <i>curam suscipiunt. 70 depo-</i> <i>nunt, & abeunt.</i> III</p>	<p><i>In Piceni syluam transfer-</i> <i>tur.</i> 29 <i>Inde in collem duorum fra-</i> <i>trum.</i> 35</p>
<p><i>Clementis VII. Privilegia.</i> 145 <i>Idem translationem S. Domus</i> <i>ex Galilæa explorat.</i> 156</p>	<p><i>Postremo in locum ubi nunc</i> <i>est.</i> 39 <i>Eius Vestigia.</i> <i>ibid.</i></p>
<p><i>Clementis VIII. beneficia.</i> 367 <i>Collegium 12. puerorum Laureti</i> <i>a Paulo III. instituitur.</i> 172</p>	<p><i>Situs admirabilis.</i> 43 <i>Dalmatarum indicio agno-</i> <i>scitur.</i> 46</p>
<p><i>Collegium Societatis IESV Lau-</i> <i>reti a Iulio III. instituitur.</i> 194 <i>A Paulo IV. augetur.</i> 213</p>	<p><i>Deinde Beata Maria admo-</i> <i>nitu.</i> 48 <i>Legatis in Galilæam missis</i> <i>iterum ac tertio exploratur.</i></p>
<p><i>A Pio IV. stabilitur.</i> 247 <i>Collegium Illyricum a Gregorio</i></p>	<p><i>31. & 156.</i></p>

RERV M MEMORABILIV.



<i>Celestibus flammis decoratur. Lugdun.</i>			314
55.61.192.196. & 198.	<i>Macereti.</i>		187
<i>Dubirans de Lauretana domo Mediolani.</i>			184
<i>male multatur. 131. & 236</i>	<i>Montis sancti.</i>		<i>ibid.</i>
<i>Violatores S. Domus diuinitus Panormi.</i>			313
<i>Vindicantur. 233. 235. 252. 334.</i>	<i>Pisauri.</i>		164
335. & 352.	<i>Recineti.</i>	III. &	284
<i>Dona & beneficia Summorum Sarnani.</i>			187
<i>Pontificum.</i>	<i>Spelli.</i>		275
<i>Clementis VII.</i>	145 <i>Vici Farronis.</i>		187
<i>Clementis VIII.</i>	367 <i>Viterbij.</i>		283
<i>Gregorius XIII.</i>	295. & 330 <i>Vtina.</i>		219
<i>Innocentij VIII.</i>	103 <i>Dona Cardinalium & Epi-</i>		
<i>Iulij II.</i>	113. & 121. <i>scoporum.</i>		
<i>Leonis X.</i>	127. & 132 <i>Card. Ab altaemps.</i>	282. &	314
<i>Marcelli II. beneficia destina-</i>	<i>Card. Alexandrini.</i>		281
<i>ta.</i>	210 <i>Card. Aragon.</i>	275. &	331
<i>Martini V.</i>	75 <i>Card. Augustani.</i>	206. &	193
<i>Pauli II.</i>	96 <i>Card Austria.</i>		349
<i>Pauli III.</i>	167. & 191 <i>Card. Casii.</i>	207. &	370
<i>Pij II.</i>	82 <i>Card. Carpensis.</i>	192 207. &	216
<i>Pij IV.</i>	247 <i>Card. Columna.</i>		331
<i>Pij V.</i>	281 <i>Card. Cusani.</i>		<i>ibid.</i>
<i>Xysti IV.</i>	99 <i>Card. Estensis.</i>	315. &	331
<i>Xysti V.</i>	339 & 345 <i>Card. Gaetani.</i>	332. &	333
<i>Dona ciuitatum & oppi-</i>	<i>Card. Lotharingi.</i>		370
<i>dorum.</i>	<i>Card. Madrucij.</i>	318. &	330
<i>Corona argentea.</i>	163 <i>Card. Mantuani.</i>		282
<i>Simulacra argentea.</i>	164 <i>Card. Medices.</i>		207
<i>Anicia Urbis Francia.</i>	313 <i>Card. Montini.</i>	155. &	282
<i>Arretij.</i>	276 <i>Card. Montalti.</i>	282. &	373
<i>Asculi.</i>	283 <i>Card. Pacechi.</i>		282
<i>Bononia.</i>	284. & 346 <i>Card. Palmerij.</i>		155
<i>Camertes.</i>	283 <i>Card. Perusini.</i>		282
<i>Corneti.</i>	348 <i>Card. Riarij.</i>	282. 315. &	331
<i>Fabrianenses.</i>	283 <i>Card. Rusticucij.</i>		370
<i>Firmit.</i>	164. & 276 <i>Card. S. Georgij.</i>		282
		<i>Card.</i>	

INDEX

<i>Card. S. Praxedis.</i>	275	<i>Ducis Sabaudia.</i>	<i>ibid</i>
<i>Card. SS. Quattuor Coronat.</i>	164	<i>Ducis Sermoneta.</i>	210
<i>Card. Sfondrati.</i>	364. & 368	<i>Ducis Seminaria.</i>	37
<i>Card. Tranensis.</i>	115	<i>Ducis Urbini.</i>	193. & 207
<i>Card. Tridentins.</i>	193	<i>Ioannis Austriaci.</i>	300
<i>Card. Vinerij.</i>	282	<i>Laurentij Medices.</i>	10
<i>Card. Vrbinate.</i>	207. & 316	<i>Magni Magistri Melitensis.</i>	16
<i>Archiepiscopi Altonis.</i>	193	<i>Magni Ducis Hetruria.</i>	37
<i>Episcopi Corionensis.</i>	186	<i>Marchionis Aquaviva.</i>	31
<i>Episcopi Eugubini.</i>	347	<i>March. Bitontins.</i>	16
<i>Episcopi Recinetensis.</i>	87	<i>March. Capursi.</i>	34
<i>Dona Principum ac Dynastarum.</i>		<i>March. Estensis.</i>	33
		<i>March. Imperialis.</i>	34
<i>Archiduc. Austria.</i>	317. & 341	<i>March. Mantuani.</i>	<i>ibid</i>
<i>Ascanij Columna.</i>	164	<i>March. Lippai.</i>	<i>ibid</i>
<i>Amadai Dynasta Sabaudi.</i>	318	<i>March. Riani.</i>	37
<i>Baronis Valcassani.</i>	371	<i>March. Roburei.</i>	34
<i>Bassa Turcarum.</i>	166	<i>March. Tripalda.</i>	16
<i>Comit Iusti.</i>	350	<i>March. Vasti.</i>	16
<i>Comit. Martinengi.</i>	351	<i>Nicolai Frangipani.</i>	2
<i>Comit. Olinaris.</i>	349	<i>Principis Bisintiani.</i>	20
<i>Comit. Ragonis.</i>	164	<i>Principis Stilians.</i>	34
<i>Comitis Sfondrati.</i>	364	<i>Principis Mantuani.</i>	34
<i>Ducis Ariani.</i>	217	<i>Principis Transylvani.</i>	10
<i>Ducis Atria.</i>	331	<i>Principis Venusini.</i>	37
<i>Ducis Bavaria.</i>	327. & 329	<i>Proregis Neapol.</i>	20
<i>Ducis Epirotarum.</i>	216	<i>Regis Francia.</i>	32
<i>Ducis Ferrariensis.</i>	207	<i>Dona illustrium ac nobilium</i>	
<i>Ducis Iosofa.</i>	323	<i>foeminarum.</i>	
<i>Ducis Grauna.</i>	207	<i>Camilla Peretta.</i>	35
<i>Ducis Humala.</i>	325	<i>Clasia Farnesia.</i>	27
<i>Ducis Mantuani.</i>	348	<i>Constantia Caretta.</i>	31
<i>Ducis Mediolanensis.</i>	185	<i>Constantia Leiva.</i>	20
<i>Ducis Parmensis.</i>	186	<i>Comitissa Brasiaci.</i>	31
<i>Ducis Pernonij.</i>	325	<i>Comitissa Palana.</i>	20
<i>Ducis Traiectensis.</i>	165	<i>Comitissa Populi.</i>	18
<i>Ducis Terranova.</i>	331	<i>Ducissa Amalphetana.</i>	<i>ibid</i>

Duciss

RERVM MEMORABILIVM.

<i>uciffa Bransfuchien.</i>	330	<i>Antonij Spinelli.</i>	347
<i>uciffa Cluſia.</i>	347	<i>Augustini Anſia.</i>	216
<i>uciffa Lotharingia.</i>	305	<i>Baffani Mantuani.</i>	186
<i>uciffa Mantuana.</i>	216	<i>Bernardi Strozij.</i>	371
<i>uciffa Montalti.</i>	275	<i>Bernardini Sanquinij.</i>	186
<i>uciffa Niuernen.</i>	374	<i>Dionyſi Delphyni.</i>	364
<i>agna Duc. Hetruria.</i>	303	<i>Equitiſ Videboni.</i>	350
<i>uciffa Parmenſis.</i>	347	<i>Equitiſ Belga.</i>	360
<i>ieronyma Spinula.</i>	374	<i>Fæderici Tomacelli.</i>	347
<i>abella Sabaudia.</i>	375	<i>Ferdin. Gonzaga.</i>	159
<i>ſua Pignatella.</i>	347	<i>Franciſci Deſtriſtan.</i>	372
<i>archioniffa Mantuana.</i>	133	<i>Franciſci Gaetani.</i>	273
<i>archioniffa S. Crucis.</i>	317	<i>Georgij Monachi.</i>	115
<i>archioniffa Vaſti.</i>	166	<i>Herculiſ Maria Sforz.</i>	186
<i>argarita Auſtr.</i>	187. 	<i>Hieron. Grimaldi.</i>	349
<i>aria Boadila.</i>	374	<i>Iaſoniſ Villani.</i>	370
<i>principiſ. Biſiſiana.</i>	374	<i>Ioan. Piccolhominei.</i>	330
<i>principiſ. Caſteluetrana.</i>	374	<i>Ioan. Bapt. Carafa.</i>	144
<i>principiſ. Sulmonen.</i>	315	<i>Ioan. Bapt. Duara.</i>	331
<i>principiſ. Vaſtalla.</i>	374	<i>Ioan. Caroli Impertiſali.</i>	373
<i>Portia Vitellia.</i>	349	<i>Io. Franciſci Boſſij.</i>	164
<i>Portia Caſia.</i>	207	<i>Io. Iacobi Grimani.</i>	372
<i>Proregina Boemia.</i>	373	<i>Iulij Monaldi.</i>	186
<i>Proreg. Neapol.</i>	349	<i>Lalij Pignatelli.</i>	364
<i>Proreg. Sæmnſtiam.</i>	187	<i>Leonardi Vinerij.</i>	186
<i>Regina Francia.</i>	347	<i>Luca Turregiani.</i>	372. 
<i>Regina Hungar.</i>	133	<i>Ludouici Georgij.</i>	350
<i>Salluſtia Creſcentia.</i>	374	<i>Ludouici Giſilardi.</i>	165
<i>Violanta Farnefia.</i>	374	<i>Ludouici Martinengi.</i>	331
<i>Dona nobilium & illuſtrium</i>		<i>M. Antonij Blanchetti.</i>	350
<i>virorum.</i>		<i>Oliuerij Fagnani.</i>	165
<i>Alfonſi Coronei.</i>	364	<i>Pardi Pappacoda.</i>	ibid.
<i>Alfonſi Vicecom.</i>	347	<i>Petri Lomellini.</i>	372
<i>Antonij Perotti.</i>	125	<i>Petri Tyranni.</i>	364
<i>Antonij Leina.</i>	132	<i>Pompilij Bononiſſiſ.</i>	186
<i>Antonij Pallanicini.</i>	369	<i>Pyrrhi Gonzaga.</i>	164
<i>Antonij Pignatelli.</i>	186	<i>Sfortia Pallanicini.</i>	314

I N D E X

Victoriꝝ Labdamari. 370
 Vincentij Alfani. 165
 Virginij Vrsin Nomen. 372
 Dona Turcarum. 166. § 204

E

Leemofyna Domus Lauretana. 88. § 174
 Episcopi Conimbricensis malo doctus lapidem S. Aedis ablatus remittit. 250

G

Gregorij XIII. beneficia. 295
 Eiusdem donum. 332

H

Historia Lauretana Prapositionis Teremani. 90
 Baptista Mantuani. 104
 Hieronymi Angelista. 156

I

Indulgentia Benedicti XII. 68
 Urbani VI. 72
 Bonifacij IX. ibid.
 Martini V. 75
 Nicolai V. 79
 Pauli II. 96
 Xysti IV. 99
 Iulij II. 113
 Gregorij XIII. 295
 Clementis VIII. 367
 Iudas carcere liberatur. 272
 Iulius II. à bombarda ictu pro-
 lectus. 119
 Templum Lauretanum mu-
 nit. 117
 Aedes Pontificias condit. 123
 Iulij III. beneficia. 194

L

Lauretana Domus Unde ap-
 pellata. 30. §
 Turcas inuadentes fugat. 10
 § 136
 Christianorum exercitum in-
 uadentem terret ac mutat.
 138
 Inter infestas copias militum
 intacta permanet. 2
 Lauretana templa passim ex-
 tata. 1
 Lauretum conditum.
 Mœnibus cinctum à Leone
 141
 Et à Saxatello Praside Lau-
 ret. 2
 Recinetensi ditione exin-
 tur à Iul. II. § Clemente V
 114
 Recinetensibus redditur
 Paulo III. 1
 Episcopali sede, § ciuita-
 ture donatur à Xysto V.
 Lauretanum templum à Re-
 netensibus conditum.
 Eo disturbato, aliud magni-
 centius à Paulo II. Pontif.
 Max. inchoatum, caelestibus
 flammis decoratur.
 Lauretani templi opulentia E-
 genii IV. Pont.
 Lauretana Aedis hospitalis.
 279 § 332.
 Lauretana Aedis celebritas. 27
 Lauretani Patroni.
 Cardin. Roboreus. 1

RERVM MEMORABILIVM.

<i>Card. Bibiennensis.</i>	142	<i>Sicula puella iugulata.</i>	218
<i>Prior Capuanus.</i>	<i>ibid.</i>	<i>Neapolitanus XII. mortiferis</i>	
<i>Card. Contarenus.</i>	169	<i>plagis confectus.</i>	308
<i>Card. Carpensis.</i>	<i>ibid.</i>	<i>Bassa Turcarum.</i>	204
<i>Card. Urbinas.</i>	247	<i>Multis lingua & suis redditus.</i>	270
<i>Card. Moronus.</i>	317	<i>Naufragio liberati.</i>	223. & 261
<i>Card. Gallus.</i>	343	<i>Paralytici curati.</i>	115. & 304
<i>Leonis X. Privilegia.</i>	127	<i>Pestilentia liberatæ urbes.</i>	
<i>Donaciusdem.</i>	132	<i>& oppida.</i>	

M

Anicia. 313

Lugdunum. 314

Panormum. 312

Recinetum. 111

Vtina. 219

Martini V. Indulgentia, & privilegia. 74

Miracula variorum generum.

Architectus sacros parietes perfodere aggressus exanimatur. 148

Principes viri pestilentia exempti.

Caci illuminati. 220. & 160

Carcere exempti. 225

Card. S. Marci, qui postea Paulus II. Pont. fuit. 94

Casu & ruina liberati. 158. 188. & 259.

Præcipitio liberati, lege casu. Prædonum manibus erepti. 284.

Demoniaci liberati. 107. & 267

338. & 352.

Demonū seruitio exempti. 239. & 243

Podagrici sanati. 266. & 312

Demonum temptationibus liberati. 98

Puella septennis à Beata Maria Lauretum adducitur. 121

Fluminibus exempti. 262

Puteo exempti. 212

B. Maria in somnis apparet eadem forma, qua Laureti colitur. 357

Sacerdos Dalmata sua exta manu præferens Lauretum genuit. 133

Maris fluctibus erepti Capucini duo. 200

Steriles sæcundata. 265

Morbis desperatis erepti. 18. 98. 310. 311. 357. & 358.

Surdus auditus redditur. 361

Seruitio Turcarum liberati. 286

Supplicio exempti.

Mortis è faucibus erepti.

Vainoda Transylu. 159

Alij. 288. & 289

Julianus Cesarinus. 158

Suspendio erepti. 225

Vainoda Transylvanus. 159

Tempestate maris erepti. 223

INDEX RERVM MEMORABILIVM.

P

Parietes S. Domui adiecti recedunt. 58

Paulus a Sylua Heremita. 48 & 61.

Paulus II. Pontif. Max. B. Virginis Lauret. ope pestilentia liberatur. 93

Templum Lauret. condit. 94

Indulgentiis & beneficiis ornatur. 95

Paulus III. beneficiis cumulat

Aedem Lauret. 167

Bis eam inuifit. 190

Picentes Lauretanam Virginē

Patronam adoptant. 53

Egregie eam tuentur. 248

Picentiū Sacellum in aede Lauretana. 340

Pius II. Pont. Max. Goto Lauret.

Virginis facto sanatur. 82

Eiusdem donum. 33

Profectio ad Aedem Lauretanam. 84

Pij IV. beneficia. 247

R

Recinetenses S. Domui templum circumdant. 65

Eorundem præcipua religio

erga Lauretanam Virg. 68

Eorundem Donum. 111

Regina Neapolitana Lauretan.

Aedem aduenit. 125

S

Sol per Strumq; æquinoctium

Lauretanam Virgin. quodammodo salutat. 45

T

Testimonia de Aede Lauret.

Summorum Pontificum.

Pauli II. 96

Xysti IV. 99

Iulij II. 113

Leonis X. 127. 128. & 141

Clementis VII. 145

Pauli III. 167

Pij V. 276

Testimonia Historicorum.

F. Blondi. 77

Baptista Mantuani. 104


F. Leandri. 161


X

Xysti IV. Indulgentia & beneficia. 99. & 106

Xysti V. beneficia. 339. & 341

F I N I S.





ACAH 888612

02-11297-

